



Ex Bibliotheca
majori Coll. Rom.
Societ. Jesu

III. 14. e

~~III~~
~~10~~
~~A~~


14-18-c-30



P. RAMI
SCHOLARVM
PHYSICARUM LIBRI
OCTO, IN TOTIDEM ACRO-
maticos libros Ari-
stotelis.

*Recéns emendati per Joannem Pisca-
torem Argent.*

CUM INDICE ACCURATO.



FRANCOFURTI
Apud hæredes Andreæ Wecheli,
M. D. LXXXIII.

LECTORI S.

PROdierunt antehac Scholę P. Rami Grammaticę, Rhetoricę, Dialecticę, separatim quęq; excusę. Quod consiliũ & factum quia tam præceptoribus quàm discipulis probatum fuisse intelleximus; idem etiam nunc in Scholis ejusdem P. Rami Physicis & Metaphysicis, cura ac diligentia IOAN. PISCATORIS recognitis, cum suo singulis dicato Indice, observandum duximus, quò studiosorum tenuitati simul & commoditati confuleretur. Vale, hisque feliciter utere.

PRÆFATIO IN SCHOLAS PHY- ficas.



ARISTOTELIS auscul-
tatio physica eodem illo in-
strumento disceptāda nobis
est, quo adhuc antecedētes
artes disceptatæ sunt. Logicæ leges illæ
de materia formaq; artis ante oculos ha-
bendæ sunt, ut materia omnis sit καὶ πρῶ-
τος, καὶ αὐτὸ, καὶ ὅλος τοῦ παντός de omni, per
se, universaliter primum. Prima lex est
veritatis, ne ullū sit in arte documentū,
nisi omnino necessarióq; verū. Itaq; non
modó falsa, sed fortuita tollētur. Secun-
da lege cavetur amplius, ut artis decre-
tum sit non tantūm omnino, necessarióq;
verum, sed homogeneous, Et tanquā cor-
poris ejusdem mēbrum: nec in Arithme-
tica sit quicquam geometricum: nec in
geometria arithmeticum, secus geome-
tricum, in arithmetica fuerit ἀνὰ πρῶτον,

arithmeticū in geometria ἀνωτέρω. Sic logicum in physica tam fuerit ἀφώτερον, quā physicum in logica sit ὑπότερον. Hinc falsi erroris refutationes etiā verae, tamen ex arte tollētur, quia in scientiam tantū doceant, scientiam ipsam non doceant. Hac justitia lex est ad regendos artium fines, & suum cuiq; tribuendum, justissima. Tertia demum lege sancitum est, ut artis praecepta non sint duntaxat omnino necessarioq; vera, nec homogenea tantū, sed propria & partibus reciproca: neq; generale speciei, aut speciale generi tribuatur, sed generale generaliter, speciale specialiter exponatur: Si doceas rectas non concurrere: in æquicruro tres angulos duobus rectis æquales esse: analogiam in numero & magnitudine, generalem affectionē speciei tribuis, cū parallelismus etiā obliquis, æqualitas rectorum omnibus triangulis, analogia rebus omnibus conveniat. Si doceas æqualitatem duorum rectorū in

figura, specialem affectionem generi attribues, ideoq; sophisticé docebis. Hac tertia lex est sapientiæ. De forma lex unica est, ut absoluté notius & clarius antecedit: quæ tametsi verbis paucissimis est contenta, usu tamen & fructu est omnium maxima. Hæ sunt Aristotelis de materia formaq; artium logicæ leges, cōmunes omnium tēporum, locorum, hominum, nullis exceptionibus consilii, voluntatis, occasionis cujusquam astrictæ. Peccaveris in Grammaticæ leges minimum, syllabamq; longam breviter enūtiaris, sibi lo audientium peccatum tuum corrigitur. In dialecticas autem leges, id est cujusvis doctrinæ principes ac dominas, vel quidlibet offendere, quantó gravior offensa, quantóque minús ferenda fuerit? Una est erroris infiniti magistra, anticipata multis anté seculis opinio, catholicis instituēdæ doctrinæ legibus adversaria, academiæ & publicarum cathedrarum variis privilegiis, amplis,

etiam præmiis & honoribus armata,
quibus acroasis physica, sicut Aristote-
lis opera reliqua, sancitur. At in logica
civitate logicos judices spero me habi-
turum esse, qui catholicas suæ civitatis
leges quantumlibet inveteratæ captio-
nis exceptione majores, quantumlibet ap-
probatæ privilegij sanctione sanctiores
existiment. Enimvero si quis archite-
ctum regie cuiuspiam considerandæ in con-
siliū advocet, interrogetq; quibus in-
strumentis opus sit illud examinaturus,
proferat (opinor) regulam, perpendicu-
lum, normam; ita si quis interroget qui-
busnam machinis aut ferraementis confi-
sus ad tantam Aristotelei mundi fabri-
cam expendendū accedam, Aristotelea-
rum de materia, formaq; artis legum in-
strumenta videlicet illa proferam: Ari-
stotelis enim philosophia est omnium qui
antefuerunt philosophorum bibliotheca
quedā, permultis locis collectas senten-
tias potius, quā judicatas cōplexa, eas-

que Apelliconis tineis & blattis corruptas & depravatas, ut aliàs proposui. Itaq; cōparandi sunt eadem de re omnes Aristoteleæ philosophiæ loci, tum delectus legibus illis catholicis consentaneus est adhibendus. Nulla enim philosophiæ sententia illustris ferè est, cujus cōtradictionē aliquā in Aristotele non reperiās. Itaq; controversi Aristotelis interpretē ac judicē, Aristotelis legibus, id est Aristotelis gravissimis & accuratissimis judiciis, quem potiorē aut præstantiorē requiramus? Quāobrem philosophi omnes, quicunq; hæc lecturi, audituri, cognituri estis, animos p̄ Deū naturæ (qua de hīc agitur) erigite. Scripsimus antea & pro logica veritate, & cōtra sophisticā falsitatem philosophica libertate beatis quondam & florentibus philosophiæ studiis, non solūm permissa philosophis omnibus, sed ad legitimē philosophandum proposita, ac præscripta: Ergo jam præmium tali virtuti usitatum protinus non

à nostris tantū popularibus, sed toto terrarum orbe sumus adepti: probra & maledicta ab hominibus é sophistica illa, tãquam é solida doctrina laudem sectantibus, qui tamen legibus, qui comparationibus, qui argumētis nostris nihil irascerentur, sed maledicerent legum vindici, comparationum secundū leges & argumentorum auctori: Neq; enim nostri philosophi ad illam æquitatē adhuc adduci potuerunt, ut secundū Aristotelis leges Aristotelea philosophia judicaretur: nec adhuc in tot maledictorū plaustris syllogismum illum deprehēdere potui, vel pro Aristotele hoc modo: Πρᾶξις ἀρτις καὶ παντός, καὶ αὐτὸ, καὶ ὅλου τοῦτον, naturaq; prius antepositum est legitimū: Aristotelea philosophia præceptum quodlibet ejusmodi est: Itaq; legitimum. vel contra nos hoc modo: Πρᾶξις ἀρτις καὶ παντός, καὶ αὐτὸ, καὶ ὅλου τοῦτον, naturaq; prius antepositum: P. Rami præceptum ejusmo-

di non est: Non igitur legitimum, hunc
(inquam) logicum syllogismum, hoc lo-
gicū iudicium adhuc in nullo P. Rami
adversario deprehendere potui: Id nimi-
rum est. O philosophe, si philosophia le-
gibus iudiceris, actum est, ilicet, periisti:
Itaq; effrēnatam maledicentiam, & in-
finitam exceptionum sophisticam tātūm
adhuc audiui: hīc item non tantū sin-
guli professores, sed scholae totae physica
Aristotelis celebres, cū eruditionis suae
fama spoliari sibi videbuntur, non dubi-
to quin protinus tāquam adversus prae-
donem quempiam & latronem quiriten-
tur. tanta est apud plerosque etiam do-
ctos, etiam de religione piē sentientes
(quod persaepe admiratus sum) de philo-
sophi huius scriptis opinio, ut vel de
Mose, deque Christo potiūs, quā de
Aristotele dubitent. Veruntamen cū
pertinacia tantisper posita, iudicioque
sinceriore adhibito perceperint, suis o-
pinionibus longē dissimiles libros acroa-

maticos esse, tum faciliores pauló atq; æ-
quiores erunt. At enim si quis animo in
supremã mundi regionem elatus cælum
& terras, omniaq; iis comprehensa pe-
nitus perspiciat, ad Aristotelis acroasin
conversus perspiciet in octo physicis li-
bris nullam rei cujusquam naturalis no-
tam, sed logica sophismata de causis &
principiis primo secundoq; libro, de effe-
ctu caussarum & motu tertio, & quin-
to, de subiecto loco, adjunctoq; tempore,
quarto: tertii parte, sextoq; toto insini-
tatis: totisq; itē septimo, & octavo ater-
nitatis monstra quaedã & portenta per-
spiciet, non solũ ingenuæ disciplinæ pror-
sus aliena, sed veræ pietati ac religioni
contraria. Ac nescio quo animo Chri-
stiani homines ferent ab Aristoteleis in-
terpretibus Aristotelis impia cõmenta
defendentibus, Mosẽ tanquã fabula-
torẽ Ægyptium irrideri: Christianos-
que modó ignaros idiotas, modó τελαχίνας
tanquam sceleratos, furiososque appellari.

Aristotelem nempe majores illi nostri
tāquam Jovem aliquem insanorum in-
terpretum more non colebant, sed ejus
fraudes manifestis & illustribus argu-
mentis convincebant: his tamen argu-
mentis adversus Aristotele non admo-
dum uti, sed logicis, mathematicis, phy-
sicis, id est philosophicis armis philoso-
phicum certamen certare cōstitui. Itaq;
valde spero cognitores hujus controver-
siae, iudicesq; cōversis animis immortales
gratias nobis habituros esse. Et quidē ut
fructus iste publicē omnib. & mihi pri-
vatim maturiūs cōstet, Platonica pere-
grinationem decurso reliquarū artium
stadio in eas regiones meditor, ubi no-
stratia haec studia exerceri celebrarique
audio. Britanniam ut Parisiensis Aca-
demie parentē exosculor: Germaniam
ut mathematicum altricem animo com-
plector: Italiam veró omnium laudum,
virtutumque velut officinam quandam
admiror & suspicio, in eaque Bono-

niam (quæ tam longinquo locorū intervallo nobis primariæ in doctissima academia professionis honorem, referente Angelo Papio jureconsulto clarissimo honorificè detulit) præcipuè visendam, omniq; studii & officii genere colendam: præcipuèq; Papium mihi complectendū propono: Itaq; cōmiliones mei (ubicunque terrarum nostræ hujus militiæ stipēdia meremini) ne vos imparatos offendam, interea considerate, quid de liberalium artium institutione, quā persequimur, corā respondendū judicetis, quales vestro judicio sint Aristotelis augustæ & sacræ leges illæ, quibus artes & disciplinas regendas esse profiteor.

— hic murus aheneus esto.

Et certè adversus calumnias omnes adhuc aheneus fuit, & erit in æternū: Neque enim sophismate ullo diruetur unquam. Considerate (inquā) qualis sit hic murus, qualis sit Aristotelearum variis é locis sentētiarum ad leges comparatio,

qualis deniq; sit ex iis & legum & comparisonum antecedentibus nostra consecutio & complexio. Atq; hoc loco Italos in primis exhortor & moneo, ut de suis virtutibus pauló magnificētiús sentiant, quám ut placitis philosophi cujuscumque tam humiliter demisséq; serviát. Etenim (Deum immortalem) doctores hi singularibus naturæ dotibus eximié præstant atq; excellunt, diligentiam industriæ constantiamq; tractádís & explicandis artibus ex omnibus omnium linguarum cõparatis interpretibus admirabilem adhibēt. Sum enim cupidior, & fortasse curiosior de cujusq; doctõris pauló clarioris dignitate & existimatione. Nec tantúm editos libros avidé perlego, sed si quis doctrinæ studiis deditus, é discipulis vel amicis vel quomodocunque notis hominibus ex Italia redierit, sciscitari, percontarique subtiliter solitus sum de celebritate Academiæ cujusque, de nobilitate professorum, de

genere docēdi, atq; facultatē: inde cate-
ra quidē omnia in Italis philosophis ab-
unde cōperiebam, sed in plerisque omni-
bus animadvertēbam præposterā cujus-
dam persuasione opinionē valde contra-
riam: doctoris nempe veluti laudatoris
officiū videri, authoris propositi senten-
tiam non solūm perspicuē & intelligen-
ter interpretari, sed qualiscunque ea sit,
arctē tenere, ac mordicus tueri. Enim-
verō (inquam) si de Isocrate aliquo aut
Simonide loqueremur, officii doctoris
illud fortasse probaretur: At longē alius
est Panegyricus, aut Melicus alienæ
laudis mercator ille, alius hic noster do-
ctor, nō solūm virtutū exornator, sed ju-
dex cēsorq; vitiorum. Nā si grāmaticus
vel rhetor grammaticas, vel rhetoricas
laudes in authore quælibet egregio in-
terpretādas sumserit, quid aliud ad hoc
interpretationis iudicium sibi perponet,
quā ut ejus virtutes grāmaticis rheto-
ricisque legibus congruas discipulis suis

commendet, & imitandas esse prædicet?
vitia aut contraria demonstret, fugien-
daq; moneat? Sic in philosopho quantū-
libet excellenti explicādo, quid philoso-
phiæ doctor prius & antiquius philoso-
phicis legibus habere debeat, ad accura-
tē sincerēq; philosophādum? & quid in
quaq; re verum, falsumq; sit existiman-
dum? Id enim est scire, rem per causam
cognoscere. At causa rectē & legitimē
philosophandi est in philosophiæ legi-
bus, & principiis: vagæ autem & so-
phisticæ opinionis umbra tantūm est in
philosophi nomine atq; autoritate. U-
tinam veró philosophicam libertatem
summæ philosophiæ legibus duntaxat o-
bedientem, Italia philosophis prope-
diem gratulari possim. Etenim, sum-
me Deus, ista libertate duce omnes o-
mnium generum artes vel uno seculo á
talibus artificibus & inveniri, & ab-
solvī possint: quæ tamen nescio quot se-
cula posteaquā servilis inertia in scholas

nostras invasit, vix ac ne vix quidē parte millesima intelliguntur. Quapropter ubinam sunt animi illi nobiles & generosi, non solūm ex illa transmarina Platonici & Aristotelei, sed ex ista magna Gracia Pythagorei, qui servitutē hanc non secus ac perniciem artium aliquam averfabantur? Ubinam Cacus ex Itala gente Appius, qui hunc nostrum philosophorum senatum senatoria illa severitate coarguat,

Quo vobis mentes (rectæ quæ stare solebant

Antea) dementi sese flexere ruina?

Quamobrem per Physicas musas (quarum numen in isto iudicio periclitatur) ad antiquam illam gravitatem constantiamque redeatur, malitque quisq; nostrum, philosophus, quam philosophi servus esse. Atque hac ingenuitate ad acroamaticos libros cognoscendum & retexendum accedatur.



P. RAMI SCHOLARUM PHYSICARVM LIBER I.

IN TITULUM
operis.



Κ Ρ Ο Ξ Ι Σ φυσικὴ, auscultation naturalis, titulus ferè est octo librorum : quòd duntaxat auditores selecti, ut est apud Gellium libri 20. cap. 4. ad hanc philosophiam audiendū admitterentur : & libri inde ἀκροαματινοὶ putantur esse dicti, de quibus Alexander ad Aristotelem hoc modo:

Ἄ Δ Ε Ξ Α Ν Δ Ρ Ο Σ Ἀ Ρ Ι Σ Τ Ο -
τέλης εὐχεσάμενος.

Οὐκ ὀρθῶς ἐπίνηξας οὐκ οὖν τὰς ἀκροαματικούς τῶν λόγων. Πάντ' ἔτι δοίσομεν ἡμεῖς τῶν διδόντων, εἰ καὶ ὅς ἐστι παιδείῃ ζημεῖ λόγους, ὅτι πάντων ἔσονται κοινοί; ἐγὼ δ' ὅ βελόμην αὐτῆς περὶ τὰ ἀείρεται ἐμπειρίαις, ἢ τῆς διωάμεσι διδόνεσσι.

ALEXANDER ARISTOTELI
salutem.

Non rectè fecisti, quòd auscultatorios libros edideris. Etenim quare tandem cateris excellemus, si disciplina, quibus eruditi sumus, communes fiant omnium? Ego verò rerum optimarum peritis, quàm potentia nulla præstare maluerim.

ἈΡΙΣΤΟΤΕΛΗΣ ἈΛΕΞΑΝ-

δρῶ εὖ περὶ τῆς.

Ἔγραψας μοι πρὸς τῶν ἀκροαματικῶν λόγων, οἷόμενος δεῖν αὐτὰς φυλάττειν ἐν ἀπορρήτοις. ἴδι ὅτι, αὐτὰς ἐκδεδομένους καὶ μὴ ἐκδεδομένους. ζῶντες ἰδὲ εἰσι μόνοις τοῖς ἡμῶν ἀκούουσιν.

ARISTOTELES ALEXAN-

dro salutem.

Scriptisti ad me de libris auscultatoriis, existimans, in arcano custodiendos fuisse. Scito igitur, ipsos editos & non editos esse. Cognosci enim percipique ab iis tantum poterunt, qui nos audierint.

Hæc discipulus Alexander, & magister Aristoteles de libris acroamaticis; quos plerique Physicæ auscultationis libros existimant. Plutarchus in Alexandro διδασκαλίαις ἀπορρήτους, βαρυτέρας, ἀκροαματικάς, ἱποπλικὰς, disciplinas atcanas, gravioreς, auscultatorias, speculativas appellat: Sed primam philosophiam nomine ἀκροαματικῶν interpretatur. Doctis autem hominibus nonnullis, in earum rerum judicio sagacibus, suspectæ sunt hæc epistolæ: attamen pro veris & legitimis sunt. atque huc afferatur, quod Alexander Aristoteli talenta octoginta, ob Physicam animalium dono dederit, ut Athenæus libro nono auctor est: neque minore liberalitate reliquam doctoris ejusdem philosophiam prosecutus sit. ut inde conjicere liceat, quàm charos Aristoteleæ philosophiæ thesauros habuerit. Indeque sit illa tanquam de profusis gazis querimonia: ad quam consolandum Aristotelis epistolam demulcendo juvenili regis animo Plutarchus scriptam arbitratur. Aliam igitur consolationem Alexandro paulò justiore & pleniorē meditemur; ne posthac libros acroamaticos editos esse conqueratur.

IN CAP. I.



PROOEMIUM acroasicos totum est logicum: caussamq; inde esse suspicor, quod bibliothecam Physicorum innumerabilium ex omnibus nationibus collectorum Aristoteles assecutus, de ordine explicandæ & illustrandæ tantæ varietatis cogitavit. Duo sunt hæc de re syllogismi. prior de logica methodici ordinis lege, Omnis scientia constans principiis, ab eorum explicatione primū deducenda est, quia hinc scientia oritur: Physica, est scientia constans principiis: Ab eorum igitur explicatione primū deducenda est. Assumptio syllogismi hujus, ab Aristotele præterita est: propositio etiam & cōplexio, in unum enuntiatum comprehensa & confusa. Syllogismi tamen hujus, quamvis enthymematici, judicium est constans & firmum, & Aristoteles de methodo artium philosophiæ consentaneum. Secundus syllogismus est ad proleptin quandam, Quid si principia ipsa obscuritatis aliquid habeant? ad eamq; syllogismo altero ita respondetur: Notiora nobis, adhibenda sunt ad principia declarandum, quæ natura sunt notiora: Singularia, sunt notiora nobis: Singularia itaq; sunt adhibenda ad principia declarandum. hic syllogismus in Aristotele plenus est: & si tam clarè & perspicuè propositus esset; philosophia capitis hujus, lumen aliud nullum requireret. At propositio nominatim non exprimit thesin, quod modus in principiis artium declarandis quæretur: deinde partitionē illam à nobis in Logica de methodo disputatā repetit, quod alia sint γνώριμα ἡμῖν, καὶ τῇ φύσει, nota nobis & natura. Enimvero duplex cognitionis humanæ via est, sensus & intellectus: sensu primū singularia judicantur, deinde † universa intellectu concipiuntur. sed illa ἡρόμα καὶ φαύλως, infirmè & imperfectè cognoscuntur: καὶ μικρὸν, ἢ εἶναι ἔχει τὸ ὄντος, ac pusillum aut nihil entis, id est, (ut Alexander interpretatur) veritatis, habent: hæc autem ὅλως ἀπλῶς, omnino absolutè percipiuntur. Denique γνώριμον ἡμῖν καὶ τῇ φύσει dicitur ab Aristotele bis s. capite hujus, itemque alibi sc.

† *universalia*

pius, καὶ τὸ πᾶν αἰσθησιν καὶ κατὰ τὸν λόγον, secundum sensum
& secundum rationem: quod totum amplissimè ex omni-
bus Aristoteleæ philosophiæ partibus disputatum est à
nobis in Dialectica in capite de Methodo. Ergo talis est
prosyllogismus propositionis: quam de principiorum de-
ductione sic intelligendam esse, Græci interpretes etiam
monuerunt: *Nunc vult discere, quis sit modus cognitio-
nis principiorum*, ait hoc loco Philoponus de Aristotele.
Itaque ne quis hîc hallucinetur, & methodicam dispen-
dæ artis viam putet ab Aristotele secundam informari,
propositio syllogismi secundi nobis hæc est: Ad principia,
quæ natura sunt clariora, declarandum, notiora nobis
adhibenda sunt: Assumptio deinde sequitur, Singularia sunt
notiora nobis. Assumptio hæc nominatim non appellat
singularia, sed τὰ συγκεχυμένα μάλλον, confusa magis:
quia, ut Græci interpretes ajunt, ἀορίσως καὶ ἀδιακρίτως,
indefinitè & indistinctè concipiuntur: hæc igitur est ob-
scuritas in secundi syllogismi assumptione. sed major est in
complexione: Nam pro eo, *Quare singularia adhibenda
sunt ad principia declarandum*, totum contrà conclu-
sum est: Διὸ ἐκ τῶν καθ' ὅλε ἐπὶ τὰ καθ' ἕκαστα δεῖ ποιεῖν αὐ-
τα. Itaque ex universalibus ad singularia oportet procedere.
Quo loco velut attonitos interpretes animadverto. At
Philoponus unus hîc repugnantiam Aristotelis persensit,
καθ' ὅλε ἐστὶ ταῦτα λίγη, ἢ τὸ καθ' ὅλε κυρίως, ἀλλὰ μερικὸν καὶ
συγκεχυμένον, διὰ τὸ πλείοσιν ἰφάρμύζειν universale hîc di-
cit non universale propriè, sed particulare, & confusum,
quia multis convenit. Neque tamen Philoponus hîc satis-
facit, quia μερικὸν & particulare non idem facit quod τὸ
καθ' ἕκαστον, singulare: sed μερικὸν, ut, *Quidam homo est a-
nimal*, facit universale quoddam, quod multis possit con-
venire, itaque in nube & umbra quærit manifesti elenchæ
excusationem. Generalia principia sunt notiora τῇ φύσει,
ὅλως, ἀπλῶς. Itaq; si quid obscuritatis habeant, principiis
aliis explicari nō possunt: specialibus igitur uti necesse est.
ea sint ne μερικὰ ἢ καθ' ἕκαστα, ad rem præsentem nihil fa-
cit: & Aristoteles hoc ipso loco non opponit τῶν καθ' ὅλε,
illud Philoponi τὸ μερικὸν, sed τὸ καθ' ἕκαστον: neq; τὸ μερι-
κὸν, ἀλλὰ τὸ καθ' ἕκαστον, κατὰ τὸν αἰσθησιν γνωριμώτερόν ἐστι.

ut hic tamen Aristoteles loquitur. Quamquam Aristoteles τὸ μερικὸν καὶ τὸ καθ' ἑκαστον sæpe pro eodem sumit; ut in fine quinti capitis, cum genera notioris distinguit, & sæpe alias. Quare Philoponus excusando magistro, excusatione ipse potius egeat. Ego verò si philosophum excusare velim, dicam equidem nihil servile aut illiberale, ut ferè vulgaris interpretum perpetuò solet in explicando Aristotele. Sed si quis ita velit, concedā potius, sphaeram æneam dormitanti philosopho in subjectam pelvim nō excidisse: vel certè locum, Apelliconis tinea medosum ac depravatum esse; ubi tanquam pro albo nigrum, sic pro legitimo proprioq; verbo contrarium sit positum, & universale pro singulari, singularēq; pro universali calamo lapsum. Deniq; quidlibet antea experiar ac tentabo; quān philosophiæ honorem dignitatemq; philosophi cujuscquam gratiā violē. Quinetiam complexionem ipsam, nisi exempla repugnarent, facerem libenter primi syllogismi repetitam complexionem. Quāobrem assumptio secundi syllogismi obscura est; sed complexio præposterè perversēq; contrariis nominibus collecta est & conclusa. Deinde verò ad prosyllogismum assumptionis illius, *Quòd singularia sint notiora nobis*, assumitur, totum esse sensui notius, universale esse totum: quæ & altera est cōfusio. quia verè universale, totum quidem est, sed mentis, ut hic de exemplo definitionis & definiti declaratur: quod ideo singulari & sensui convenire non potest. neq; enim circuli generalis notio sub sensum cadit. alterum autem de pueris exemplum, etiam alienum est: & quòd pueri speciali patris & matris nomine viros ac mulieres omnes, id est rem generalem, nominant; abutuntur quidem illi notiore nobis, sed tamen neque patris neque matris notio generalis sub sensum cadit. pueri autem falluntur simili virorum & mulierum specie. Quare totum caput primum, re logicum est, non physicum: & ita tamen logicum, ut eam Logicam logicæ Aristotelis leges ferre nequeant. de methodo enim, deque modo generalia specialibus declarandi præcipere, Logicorum est. ab iis igitur ea doctrina perdiscatur, ait lex κατ' αὐτό: falsa autem repugnantiaque, lex κατὰ πᾶν nunquam tolerabit.

ATque id est Auscultationis physicae proœmium. partes duæ sunt principes; altera de causis, altera de causarum motu & effectu. De causis & principiis duo sunt primi libri. primus, tribus proximis capitibus, cōtra veterum Physicorum decreta disputat: reliquis magis speciem doctrinæ quandam instituit. Dimicationis autem illius arena prima est de principio uno & immobili: altera de principio materiali & mobili. Melissus igitur & Parmenides primo impetu de principio unico & immobili oppugnantur: cuius nomine theologiam quandam celebraverant, statuentes, unū & immobile esse principium rerū omnium: Melissus infinitū, Parmenides terminatum: ut Aristoteles iisdē verbis proponit. Simplicius sententiā utriusq; ex eorū scriptis plenius attulit. Melissus igitur (ait Simplicius) in lib. de Natura ita scriptū reliquerat, ὅτι τοίνυν ἐκ γένετο, ἐστίν, καὶ αὐτὸν καὶ ἔσται, καὶ ἀρχὴ καὶ τέλος, ὅθεν τελευτῶν, ἀλλ' ἀπρόβλεπτον. Quod igitur non est factū, illud & est, & semper erat, & erit; & principium non habet, neque finem, sed infinitum est. Hæc Melissi theologia erat. Parmenidis autem poëtæ theologia consimilis fuit in libro quem de Veritate inscripserat:

Ὅς ἀγήγητον ἐὼν ἐαυτὸν ἀώλεθρον ἔστι,

Οὐλον μνηστῆρες καὶ ἄνθρωποι ἢ δὲ ἀπύλετον.

Ut ingentum ens, & sine interitu est,

Totum unigenitum & quietum, atq; sine fine.

Hæc igitur utriusque philosophi philosophia ab interprete illo hoc modo proponitur: contra quam quæadmodū Aristoteles moveatur, quæso qui hæc legis, diligenter attendite. Sunt enim vix credibilia, & tamen plerisque deinceps omnibus similia. Ac si Aristoteles oratoris personā, non philosophi suscepisset; eloquētia quævis, potius quāam ulla philosophia, laudaretur. Proœmium satis est amplū: contentio deinde sequitur. Etenim proœmio philosophos iustos; veluti suo congressu indignos, duplici argumento ledignatur. Non est, ait, differendum contra tollentem principia: neque Geometres, Antiphontis tetragonismum refutabit, postulantis multangulum in circulo tot angulorum,

lorum, ut latera peripheriæ congruant. Id enim contra-
 rium est principio magnitudinis semper dividuæ (de quo
 postea ampliùs differetur ad 1. cap. 6. Phys. ubi mirandum
 fuerit, quod hic principium appellatur, & sumitur, postea
 ram sollicitè probari.) Respondebit autem Hippocratis
 Chii tetragonismo, lunulam quidem per principia dime-
 ntientis, sed indetamen captiose cōcludentis totam circuli
 dimētionem. Quo loco Simplicius se valde simplicem in
 Geometria atque imperitum ostendit, ut postea ad 9. cap.
 2. lib. Quid tum deinde? Non sit differendum contra tol-
 lentem principia: Nec enim id illi philosophi recusarent.
 At Melissus & Parmenides tollunt principia, cūm ajunt,
 principium unicum esse & immobile: quia principium est
 alicujus aut aliquorum; & quia sit hypothēsis physica, Aut
 omnia aut nonnulla moveri. Hæc assumptio est Aristote-
 lis: qualis omnino est rursus 3. cap. 8. Phys. eaque assumptio-
 nis duplex ratio, ambiguae sanè ancipitisque fidei. Etenim
 Melissus & Parmenides responderent, Aristotelem ipsum
 potiùs παραλογίζεσθαι, neque physica rerum & secunda
 principia tolli, si unum immobile primum statuatur, non
 alicujus tantūm vel aliquorum, sed prorsus omnium; quo,
 licet immobile sit, attamen moveantur reliqua omnia.
 nec inde propterea physicus motus tollitur. Hæc enim
 ipsa prorsus & eadem Aristotelis physica est 5. & 6. cap. 8.
 Physici. Itaque paralogismus Aristotelis hoc modo con-
 vinceretur. At Aristoteles altero argumento excitatur,
 Non esse differendum contra absurdas theses, ut Heracli-
 team, Contraria simul esse vera. Neque contentiosis alter-
 cationibus esse respondendum; qualis sit utraque, & Me-
 lissi & Parmenidis, disputatio: cūm uterque assumat falsa,
 sitque ἀσυνλογιστος, id est, toto enuntiaci syllogismi que ju-
 dicio aberraret ac labatur: magis tamen Aristoteli videtur
 insolens & inepta Melissiratiocinatio, qui & ideo ἀγροικί-
 τρος appellatur, 5. c. 1. Phil. Hæc Aristotelis secunda est ag-
 gressio, ppositione gravis, debilis assumptione, ut superior
 proxima. Neque enim objecta vel falsitas vel ἀσυνλογιστία
 usquam probatur. Atq; hæc proœmii tanquam prolusio
 fuerit. Contentio deinceps erit, tum in utrumq; reum cō-
 munis & promiscua, tum propria singulorum. Agedū (ait

» Philosophus) quoniam quidem de natura, tametsi non na-
 » turales dubitationes afferunt, alienum fortasse non fuerit
 » adversus utrumque paucis agere: habet enim consideratio
 » ista philosophiam quādam. Ergo Aristoteles philosophos
 jam dedignari desuit, & ad eorum falsitatem & inconse-
 quentiam demonstrandum accedit. Intereaq; pro princi-
 pii nomine, abicitur per totam disputationem nomine τῷ
 ὄντι & ἀπαντος, entis & universi. Falsitatem igitur primò
 duobus syllogismis aggreditur, é generibus entis & unius.
 Res obscurissimé & spinosissimé a Philosopho differitur.

Itaq; clara & plana via nobis est contrā progrediendum,

» Si ens (ait Aristoteles) esset unum, esset essentia una, aut
 » q̄t̄as una, aut qualitas una: non autem est essentia una,
 » ut unus homo, aut equus unus, aut animus unus: Nō qua-
 » litas una, ut albor, calor, aut ejusmodi quidpiam: Neq; si-
 » m̄l essentia & quantitas & qualitas, quia multa essent:
 » Neq; quantitas vel qualitas sola, quia accidentia essent se-
 » parata: Denique non substantia sola, quia non esset in fini-
 » tun: Melissi principium, cū infinitas sit quantitatis: Non
 » igitur est unum principium. Hic primus est ab Aristotele

† *es* objectæ falsitatis syllogismus. At primū rogaretur, cur
 disputator á thesi principij ad alienam entis thesin digre-
 diatur. quamvis enim principium † vel ens communione
 quadam finitima sint: aliud tamen est, affirmare, esse prin-
 cipium unum & immobile; aliud, ens unum & immobi-
 le. deinde rogaretur, qualisnam esset divisio entis in tria
 genera: decem enim genera fiunt entis in Categoriis: se-
 ptimo capite hujus libri, fiunt præter essentiam, quinque,
 quantitas, qualitas, ad alterum, quando, ubi: tertii Physici
 capite primo fiunt quatuor: quinti Physici capite primo
 fiunt octo, ut in Philosophia libri septimi capite primo.
 quænam igitur ista est partitio, ab authore suo præsertim,
 tam varié tamq; multipliciter, ne dicam sophisticé & in-
 constanter, mutata atque inversa? Verū partitio licet
 tam debilis, tamen esto firmissima: quid assumptio? Nonne
 philosophi illi ad eam dicerent, principiū de quo loquun-
 tur, essentiam esse unam, non hominem, vel equum, sed
 animum unum: talem nempe, qualem noster poëta versu-
 bus his expressit:

Princi-

*Principio calum, ac terras, camposq, liquentes,
 Lucentemq, globum luna, Titaniasq, astra
 Spiritus intus alit: totamq, infusa per artus
 Mens agitat molem, & pleno se corpore miscet.*

Itaque Aristotelis oppugnatio prima labascet, hoc responso repulsa; singularemque vanitatem demonstrabit. Verum perge: qualis est syllogismus alter? Si principium immobile esset unum, esset unum continuum, aut individuum, aut definitione: Non autem continuum, quia esset partibus multa: non individuum, quia non esset infinitum, ut Melisso: neque terminatum, ut Parmenidi placet; cum infinitio & finitio sint quantitatis: neque definitione, quia sequeretur contradictionis indifferentia, idem esse bonum & malum, hominem & equum, & ejusmodi cætera. Hic alter est falsitatis delator syllogismus. At pro reis illis quaereretur de unius divisione, qualis esset. Etenim si unum dividendum sit, dividendum utique fuerit, ut unum pro eodem (sicut Aristoteles sæpe alias intelligit) intelligatur, quo duo plurave dicuntur unum, id est, idem: neque unitas jam numeri, sed comparisonis nomen erit. Si igitur unum, unitatis, & tanquam diceret idētatē isto sensu dividendum esset, esset utique dividendum ē primis simplicibus consentaneis logicæ inventionis locis, Causis, effectis, subjectis, adjunctis: & sic ab Aristotele ipso in Philosophia primo capite libri decimi, unum dicitur essentia & definitione: & sexto capite quinti, unum effectū, subjecto, affectione. quibus quatuor solis primis & simplicibus modis, res plures dici possunt unum. At unitatis divisio tam est inconstans per totas Aristoteleæ philosophiæ partes, quam fuit entis: tum bifariam, unum subjecto, vel specie: tum trifariam, unum genere, specie, numero: tum continuatione, forma, definitione: tum, ut in 1. cap. 10. Philosophiæ, unum per se, per accidens: per se, continuatione, subjecto, definitione, effectū, affectione, essentia: tum Unum & Ens idem significare, & utriusque differentias esse communes; ut constat in Philosophia ē sexto capite quinti libri, & primo secundoque decimi; quæ capita in hac bella, Unius, philosophia consumuntur. Ergo videmus, qualis sit Aristotelei syllogismi propositio, & quot laqueis irretita.

assumptio jam consideretur. Principium illud immobile, non est (ait Aristoteles) unum: neque continuum, neque individuum, neque ratione. Imò verò (diceret uterq; reus) principium nostrum est unum continuum, quia neque principium neque finem habet, quia nunquam genitum, nunquam interitum: idemque est individuum, & ratione, forma, essentiaque semper idem. neque continuum vel individuum mathematicè à nobis intelligi potius quàm logicè, necesse fuit. Neque quia principium primum, est unum, ut animus, sicut antea dictum est: sequitur quòd entia omnia sint unum. Huc Aristoteles etiam inclusit totius & partium comparationem quandam; sed obscuritate eadem, qua capita Philosophiæ primæ 25. 26. 27. lib. 5. de partibus & toto, consumta sunt. Ideoque ut ad entis & unius, sic ad partis & totius divisiones, prima illa philosophia identidem revocatur.

I N C A P. III.

ATq; ejusmodi Physica est secundi capitis, in duobus syllogismis: quibus rei, Melissus & Parmenides, promiscuè ita tractati sunt ab Aristotele, quòd uterq; falsum sumeret: cùm falsitatis culpa multò insignior penes actorem ipsum resideat. Quid tum postea? De falsitate perspetum est: paralogismus objectus audiatur. *παράλογισται* (inquit Aristoteles) uterque, Melissus præcipuè. Spinæ antea spinosæ admodum fuerunt: sed longè sunt deinde spinosiores. primum in quadruplici paralogismo: quorum primus est, Si quid factum est, habet principium: Ergo si factum non est, non habet principium. Hic verò paralogismus est manifestus, ex opposito antecedentis ad oppositum consequentis, ut patet è primo modo syllogismi conexi. At Philoponum hoc loco puduit Aristoteli patrocinari. *Melissi* (ait) *potius syllogismus nullus est: sed illud quidem supposuit, quòd ens est sine principio.* & Melissi sanè verba à Simplicio proposita, syllogismum hunc nullum habet. Itaq; Aristoteles (ut libuit) problema sibi cōminiscitur, contra quod, pro arbitrato argumentetur. Sed alios Melissi paralogismos attēdamus. hic enim Philosophus adnotavit: sed ita, ut divinandi sint. neque enim Aristotelis oratio exprimit,

mit, neq; interpretum diligentia citare potuit locum Melissi, ubi nominatim ista concluderentur. Itaque interpretes affingunt Aristoteli paralogismos, quos in Melisso reprehendat. Sed tamen tanquā dixerit Melissus, Ens nō habet principiū: Ergo est infinitum. Non sequitur (ait Aristoteles) quia principiū in primo paralogismo erat tēporis & generationis: hīc autē rei & magnitudinis. sequeretur autem, infinitū esse, si non haberet principiū magnitudinis. Verūm, inquam, si ita concludisset Melissus, Nullum principium habet, ergo est infinitum: attamen cū neq; mathematicē, neq; physicē loquatur, sed logicē & theologicē; nulla incōsequentia verē notaretur. Tertius paralogismus est, tanquā concluderet Melissus, Est infinitum, ergo immobile. Est *ἄσυχτον* (ait Aristoteles) quia totū moveri posset, ut loco per partes, ut aliquo alterationis motu. At, inquam, Melissus, cū immobile diceret ipsum ens, ita loqueretur, ut postea Aristoteles ipse loquitur 5. & 6. & 10. c. 8. Physici, & multis præterea locis: nempe quōd ā nullo alio moveatur, sitque prorsus impatibile. Postremus paralogismus sequitur: Est infinitū, ergo unum. Non sequitur, ait Aristoteles: quia etiā si esset unum materia, esset tamen forma multiplex. At, inquam, diceret Melissus, suū principium non materia (quamvis id illi nonnunquam Aristoteles imposuerit, 4. c. 1. Phil.) unum esse, cū omnis materia sit expers (id enim theologo, qualem Melissum hīc Aristoteles esse vult, conveniat) sed forma simplex & unum esse. neq; hīc Melissus (ut etiā ajunt interpretes Græci) loquitur *πρὸς τὴν φυσικῶν, ἀλλὰ πρὸς τὴν νοητῶν*. Quapropter Aristotelea ista paralogismorū reprehensio, cōmentā Aristotelis tanto philosopho indignissima tantū demonstrat. Verumenimvero elenchos Melissi retexuimus, retexamus & in Parmenide cōsimiles elenchos. Falsa sumit (ait Aristoteles) quia sumit simpliciter ens unum: quod tamen multis modis dicitur. Atqui (inquā) respōsio ista non est paralogismi objecti, sed falsitatis. contra quā Parmenides diceret, in isto enuntiati judicio, entis crimine se damnari, cū nomine principii esset accusatus: & tamē ens illud posse intelligi, quod reliquis entibus essentia causa esset, ut Aristoteles ipse loquitur 6. cap. 8. Sed ut Melissus

factus est ἀσυνλόγιστος, ita denique fit Parmenides ἀσυνλόγιστος: vitiosè illeratiocinari, & hic vitiosè concludere dicitur. Quomodo, inquam? Melissi de quatuor accusatis paralogismis unus ab Aristotele confictus est, reliqui ab interpretibus somnati: omnino autem nullus est demonstratus: Hic verò nullus omnino ab Aristotele proponitur. In Philosophia autem s. cap. i. lib. Aristoteles de Parmenide ita loquitur: Nam præter non-ens nihil postulans esse, ex necessitate unum putat esse ens, & aliud nihil. Hæc Aristotelis verba sunt: quæ interpretes ita sunt interpretati, ut hic ex eo loco paralogismum invenirent, tanquam conclusisset Parmenides, Non-ens est nihil. At præter ens est non ens: Præter ens igitur est nihil. unde denique conclusisset Parmenides, Unum igitur ens. At divinatio & somnium potius est illis superioribus simile: & quidem à diversis interpretibus valde dissimiliter somnium. Neque enim præsentia Aristotelis verba huc detorqueri possunt. Quapropter Aristotelem è præsentibus Aristotelis verbis potius expēdamus: promissum paralogismum examine-
mus. Simile Albi exemplum interpretes quidam pro Entis exemplo hic adnotarunt: Si album significaret unum, omniaq; entia essent alba, non sequeretur (ait Aristoteles) albū unum esse. Quid tum? diceret Parmenides: quid ista albi contra me significatio? Nec enim id unquam loquutus esse Parmenides dicitur. Quid tum deinde? Sentēs ac spinæ continuantur. bipertita est divisio Unius, secundū
cōtinuum, & secundū rationem, ridicula & inepta: cūm fuerit anteatripertita, & modis quolibet aliis inconstans & varia. Ergo, ut Melissi commētitius ille syllogismus fuerit insolentior per oppositum antecedentis ad oppositum cōsequentis, sanè simile paralogismi sophisma in Parmenide non reperietur. In reliqua nempe cōtra Parmenidem contentione Aristoteles paralogismos, licet obiectos, obliviscitur: In thesin, non in syllogismi inconsequentiam invehitur Bene igitur res habet: actoris beneficio, reus paralogismi crimine solutus ac liberatus abeat. Sed tamen superior ille falsitatis elenchus revocatur, quod ens non sit unum, quia significaret accidens aut essentiam. ac si primum verū sit, essentia non erit ens, & erit aliquid non ens: quod

quod est absurdum: Ens igitur non erit accidens. Si secundum verum sit, utique ens album: sic ens erit non ens, aut multa, non unum, significabit. Hæc Aristotelis est aculeata, ut ipsi videtur, complexio. At Parmenides primam partem totam concederet, cum de animo loquatur: ad secundam autem liberius etiam responderet, Aristotelem contraria postulare, & essentiam solam esse ens, & tamen esse album. Quare non jam tanta est Aristoteli cum Parmenide, quanta Aristoteli cum Aristotele pugna atque contentio. Esse autem diceret ens substantiam, cum dicat Deum esse; ut qui propriè ens dicitur, unde cæteris entibus esse tribuatur. Verum confusiles spinæ sparguntur: sed inani tautologia repetitæ unitatis secundum continuam magnitudinem, secundum definitionem; quod ens nempe non sit unum continuatione, neque definitione: non continua magnitudine, quia secta in partes faceret entia diversa: non item definitione; quia ens, definitionis partibus multiplex esset: ut unus homo est animal, est bipes. animal enim & bipes duo erunt entia, non autem accidentia. Ad explicandum igitur quod animal & bipes non sint accidentia, heu qui calles, & quibus sentibus obsiti? equidem pudet ista dicere: attamen quia suscepi, dicenda sunt. Duo velut axiomata Philosophus statuit: primum, quod accidens sit separabile, ut sedere homini: aut inseparabile, in cuius definitione sit subiectum, ut simitas naso. Axioma alterum est; definitio totius, non est in definitione partium definientium, neque particularum è quibus partes definiuntur. his positis axiomatis, Philosophus argumetur: Si bipes esset accidens hominis, separaretur ab homine, aut homo esset in eius definitione: utrumque absurdum: unde concluditur, bipes, ideoque animal, non esse accidens. O Philosophi labores philosophiæ inanes! Quis enim id negat? aut quorsum obscuritas tam sophistica? quod consilium, si consilio ullo unquam suscepta est, aliud habere potuit, quam turbandæ & obscurandæ veritatis? Sed tamen perge, reliquum caput attendamus? Tandem Aristoteles tanquam Melisso Parmenideque magnificè victis (ut interpretibus ænigma quoddam hic interpretantibus placet) insultat Platoni magistro & Xenocrati discipulo, quod

- » Plato Parmenidis, quod Xenocrates Zenonis thesin re-
 » texere non potuerit: cum Plato eas distinguere, Xenocra-
 » tes individuas magnitudines (de quibus postea 4. cap. 1.
 » & 4. cap. 3. & 1. cap. 6. Physic.) negare debuerit. Denique
 paralogismus Parmenidis, quo vitiosè concluderet, prin-
 cipium immobile unum esse, licet tam verbosè jactatus, re
 ipsa tamen nullus adhuc apparuit; de falsitate disputatum
 est tantum. Sic Aristoteles rem aliā proponit, aliam agit:
 nec interea paralogismi, quem tam multiplicem facit, no-
 tam veretur. Quamobrem hæc valida est Aristotelis ad-
 versus Melissi Parmenidisq; theologiā dialectica: qua pri-
 mō ut eversores principiorum, ut absurdarum thesiū au-
 thores, falsa calumnia insectatus est: deinde ut argumētis
 falsos & argumentationibus captiosos. attamen in hunc
 utrumq; sophismatis elenchum seipsum interea vehemē-
 ter induit; cum tam falsis propositionum & assumptionum
 enuntiātis abusus sit; cum tot interea paralogismis ἀσυνλό-
 γιστος καὶ ἀσυνμπίραστος deprehensus sit. Verum agite
 consolemur Alexandrum, ne molestius ferat, thesauros a-
 croamaticos in vulgus editos esse. thesauri hic nulli sunt,
 nisi sophismatum inertium. Etenim si sola illa quæ adhuc
 attulimus, pro vetere illa theologia responderentur; præ-
 clarè tamen ab omni falsitatis & paralogismi labe defen-
 deretur. At Aristotelem ex aliis locis comparemus: sophi-
 smatum præfentiū latebras longè secus explicabit. Enim-
 vero de principiis physicis instituta est primū Aristoteli
 quæstio, quomodo tractanda essent & illustranda. huc igitur
 legem καὶ αὐτὸ appellemus: physica in physicis sola te-
 neamus. Quid igitur? an Aristoteles Melissum & Parme-
 nidē judicavit de principiis physicis philosophatos esse, ut
 physicus cū physicis logicè & legitimè, id est physicè, dis-
 fereret? Imò verò sua ipse voce contrariū, & hoc ipso capi-
 te, & deinceps permultis aliis profitetur. Quamobrē hæc
 Aristotelis de Aristotelis judicio, testimonia producantur.
 » Primum est initio secundi capitis, Si principiū sit unum,
 » est immobile, ut inquiūt Melissus & Parmenides: aut mo-
 » bile, ut physici. Hoc primo testimonio Aristoteles Melis-
 » sum & Parmenidem non physicos, sed physicis oppositos
 » efficit. Secundū testimonium simile est primo, ad finem
 capitis

capitis tertii. Quod igitur sic unum esse ens sit impossibi-
 le, manifestum: ut aut Physiici dicunt, modi sunt duo. Hic
 rursus Melissus & Parmenides Physicis opponuntur. Itaq;
 & Græci interpretes admirati, Philosophū physicū adver-
 sus Philosophos non-physicos, tanquā de physicis princi-
 piis, tam impensē cōmoveri, etiam admonent, Melissum
 Parmenidemq; nō de physicis, sed de intelligibilibus age-
 re: quod jam notatum est. & rursus Aristoteles (ait Simplicius)
 Melissum & Parmenidē non de physicis rebus existi-
 mat disserere, sed *θεολογῆν*, tanquam diceretur theologari,
 aut de rebus aliis agere, sententiāq; ideo ipsorum benignē
 interpretandā fuisse: ut pudorē paulō liberaliorē videan-
 tur in hac Aristotelis contentione desiderare. Quare ma-
 nifesta jam & ab Aristotelis interpretib. cōcessa, Aristote-
 lis calumnia tenetur. Verum enim vero (dicit aliquis) iidē
 Græci interpretes Aristoteli excusationē cōparant; Theo-
 logos iccirco cōfutari, ne quis opinaretur, illos de princi-
 piis physicis præcipere, neve autoritate personarū in er-
 rorē induceretur. Sic Aristotelis hoc in loco Logica, a suis
 excusatur. At, inquā, ista speciosa ratione quā artē aut sci-
 entiā, quam sententiā ac veritatē accusare non poteris? ac-
 cusabis eū hac licentia nō modō theologorū, sed geome-
 trarū principia; ne quis putet, homines earū artū de physi-
 cis principiis agere. Sed tamen mitte, non-physicos pro
 physicis exerceri. Quid si Aristoteles ipse, etiā in sua Phy-
 sica, Melissi Parmenidisq; Physicā, licet non Physicā, attamen
 sequatur, & principium physicæ auscultationis pri-
 marium faciat? utrū tandē talis excusatio cuiquam pro-
 babitur? Audiamus igitur 7. c. 2. Phys. quid loquatur: Duo
 autem sunt principia physicē moventia, quorum alterum
 est non-physicum: tale autem est, quod movet, neq; mo-
 vetur, velut omnino immobile, & omnium rerum pri-
 mum. Quid igitur hic Aristoteles ait de Melissi Parme-
 nidisq; principio? Physicē movet, at, quamvis non sit phy-
 sicum; quia ipsum immobile est, omniumque rerū prin-
 cipium primum. Perge & adijunge quæ primo de Cælo, de
 Melisso & Parmenide dicuntur: Tamen si cætera præclarē
 sentiant, attamen nō physicē sentiunt. Esse enim quædam
 entia ingenerita & omnino mobilia, potius est diversæ &

antiquioris considerationis, quàm physicæ. Ergo jam hæc nominatim collaudantur ii, qui antea ut sophistæ & argumento & argumentatione insolentes & putidi rejiciebantur. Sed tamen laus ista ad Philosophiam præstantiorem & nobiliorem refertur: ad theologiam nempe. Huc igitur ab Aristotele provocati, veniamus. Parmenides (ait Aristoteles in Philosophia 5. cap. 1. lib.) in universum cælum intuens, unum esse ait, ipsum Deum. & in fine duodecimi Philosophiæ, unitatem principii Homérico versu illo concludit,

οὐκ ἀγαθὸν πολυκαιρανίη, εἰς κοίρανος ἔσω.

Non bonæ res multorum principatus: rex unicuique esto.

Hoc Aristotelis clarissimum & locupletissimum est testimonium; principium immobile unum, indignis calumniis primo Physico accusatum esse: quod Aristoteles ipse postea sequatur, quod vindicet ac tueatur, quod denique ferat in cælum, omniumq; rerum primum & unicum principium prædicet. Ut Aristotelis confessione, imo professione atq; assertionem, principium Parmenidis immobile & unicum, intelligamus Deum, summum ac primum opificem auctoremq; rerum omnium, singularem atq; unum. Enimvero extorqueatur etiam interpretibus sophistica illa excusatio: principiumq; & immobile & unum, etiam physicum esse principium Aristotelis ipsius testimonio iudicioq; doceamus. Agedum, interrogato Aristotelem, quæ nam physica generandis rebus physicis principia, vel in hac ipsa acroasi, doceat. quid respondebit? Respondebit (opinor) si suam legem à se ipso sæpe propositam sequi velit, non solum materiam & formam principia esse generatæ rei: sed omnium primum principium esse respondere, principium primo-movens, immobile, unum, æternum, ut postea 5. & 6. cap. 8. Physici præcipue respondebit. Quamobrem si hanc arcanam magistri Aristotelis philosophiæ Alexander penitus animadvertisset; ecquid hanc vel sophisticam, vel ambitionem, vel malitiam, quo animo pertulisset? Tu rem eandem alteri vitio dabis, tibi laudi duces? Tu in Melisso & Parmenide Physicam vituperabis, quam tibi postea gloriosam existimes? Philosophiam prorsus eandem de principio uno, immobili, æterno, primus liber acroaseos improbat:

improbat: octavus fert in cælum; mutatum tantum nomen Aristotelis pro Parmenide. Ergo Aristoteles eandem philosophiam, mutato tantum philosophi nomine, modo fatuam & sophisticam, modo sinceram præclaramque; cuiquam probabit? At logica Aristotelis leges Aristoteli, opinor, tam extraordinariam, tamque intolerandam iudicandi licentiam nunquam permittent, nunquam concedent; neque quemquam interpretum quamvis servum, quamvis iudicio occæcatum, ubi tantam repugnantiam perviderit, permissurum vel concessurum confido: & tamen fortasse miraturum quid causæ sit, cur Aristoteles in theologiam veterum tam iniquus fuerit. Nullumne Physicus iste Deum putavit in natura rerum esse? At theologiam eandem postea prædicabit. Quid igitur? Equidem ex Alexandri discipuli animo, non mala (ut opinor) conjectura, doctoris Aristotelis animum metiar. Magna uterque atque elato animo fuit. Alexander principatum inter homines imperiumque, non esse noluit, sed Alexandri esse voluit: sic Aristoteles Deum quidem in natura nullum esse, prorsus minime statuit: sed Deum illum Aristoteleum optavit esse, non Melissæum, non Parmenideum.

IN CAP. IIII.

A Tque hæc Aristotelis prima lucta fuit adversus Physicorum veterum theologiam, aut potius theologiam Physicam: Hoc enim physicae artis principium physicum est; & ab Aristotele ipso, tam vassè tamque astutè in alienas laudum possessiones irruente, octavo Physico physicis rebus præcipuè attributum. Secunda lucta est de principio mobili & materiali: de quo solo sæpe testatur Aristoteles veteres Physicos philosophatos esse, ut 2. cap. 2. Phys. 1. cap. 1. de Partibus, 1. cap. 1. Philos. Etenim (ut 3. cap. 1. Philos.) plurimi è primis philosophis omnium rerum principia in materiæ specie tantum sita esse crediderunt. Ex quo enim universa fiunt entia, & in quod ultimum dissolvuntur, essentia ipsa permanente, tantum affectionibus commutata: id elementum ipsum entium & principium ajuat esse. Ergo hac de causa Physici ad unum prin-

† defectus

cipium adducti sunt; indeque densitate & raritate omnia
conficiunt; tanquā hæc duo contraria, exuperantia & † de-
fectu, omnia moliantur. Sed unum principium confide-
ratur modis duobus. alii enim corpus unum aliquod sub-
jectum faciunt, velut aquam; cuius philosophiæ Thales
Milesius princeps atque author fuit; quia humor esset re-
rum & semen & alunētum: unde theologi quidam & O-
ceanum & Thetin & Styga consecrarunt. hæc igitur fuit
prima Physica, aquam operum physicorū esse principium:
alii autem Physici aërem maximè simplicium corporum
principium fecerunt, ut Anaximenes & Diogenes. Hæc
secunda sententiā fuit. Tertia tribuit igni principatū, caus-
samq; physicarum rerum: Hippasus enim Metapontinus,
& Heraclitus Ephesius ignem, hoc nomine celebrarunt.
Terræ verò vulgus hominum principium tribuit: & Hesi-
odus ait, terram primam corporum factam esse, ut est 7.
cap. 1. Philos. & sic terra parens & mater à poetis etiā no-
stris appellatur. At Philosophorum posteriorū nullus ter-
ram principium esse censuit, quod nempe debeat esse τὸ
μικρομερίστων καὶ λεπτομερίστων, partium minimarum
& subtilissimarum. Itaque terra διὰ τὸ μὴ μεγαμερίαν, pro-
pter magnitudinem partium, elementi solius, principiiq;
laudem in philosophia non habuit: cū tamen quodque
trium reliquorū invenerit assertorem & vindicem quem-
piam, ut est 7. cap. 1. Philos. Attamen Pherecydes apud La-
cærtium ait: Juppiter etiā Saturnus unus erat & Tellus: Tel-
lus autē nomine terra erat, & Sextus Empiricus huius ele-
menti authorem Pherecydem nominavit. Quin Aristo-
teles 1. cap. 2. Physici, cū disputat, materiā dici naturam:
Itaque, ait, alii terram, alii autem ignem, alii verò aërem
ajunt esse, alii aquam. Hic Aristoteles terram nonnullis re-
rum singulare principiū visum esse ait, sed authorem no-
minatum non appellat. Quidam etiam, sine nomine ele-
mentum aliud singulare, corporeum & materiale com-
muni sunt: ut Anaximander, igne densius, aëre rarius. At
alius item quispiam corpus densius aëre, rarius igne prin-
cipiū existimavit. Empedocles tolerabilior Aristoteli quā-
doque visus est, ē quatuor elementis omnia opera naturæ
conficiens. Atque hanc tot capitum, tamq; variam de uni-
co prin-

eo principio Physicam Physicus noster contempsit, neque sermone longiore dignam judicavit. Contra principes unici principii immobilis authores, Melissum & Parmenidem, Aristoteles antea certavit: hic ex omnibus mobilis & materialis principii authoribus, unum Anaxagoram athletā dignum censuit, cum quo de ista palma contenderet. Etenim Anaxagoras Clazomenius, Philosophus magni nominis magnæque authoritatis habitus est: neque tantum opibus, sed animi quoque virtute magnus; ut qui patrimonium suis totum, liberioris philosophiæ desiderio, condonarit. insimulatusque velut inertiae, quod rem & privatam & publicam contemneret: quam obrem natum se putaret, interrogatus: cæli, respondit, cōtemplandi gratia. Ergo nobilis hujus Philosophi Physicam, ex Aristotele audiamus. Materialia igitur elementa rerum physicarum fecisse dicitur, primò ita permista inter se & confusa ut omnia inessent in omnibus: deinde *ὁμοιομερῆ* similiū partium (vulgò similia in scholis appellantur) denique infinita. Hæc capita sunt Anaxagoræ materiæ: *μῆμα, ὁμοιομερῆα, ἀπείρα*, confusio, homœomeria, infinitas: de quibus singulis jam consideretur. *ὡς οὐτὰ ἀπαντα* Erant simul universa, dixit Anaxagoras in primo Physico, ut Aristoteles & Aristotelis interpretes ajunt. Chaos videlicet à poëtis celebratum, *μῆμα* illud fuit:

Ante mare & terras, & quod tegit omnia, calum.

Uum erat tota natura cuncta in orbe,

Quem dixere chaos; rudis indigestaque moles:

Nec quidquam nisi pondus iners, congestaque eodem

Non bene junctarum discordia semina rerum.

Atque in istam confusionis opinionem, Anaxagorā Aristoteles interpretatur, physico illo axiomate adductum, quod ex nihilo nihil fieret: tanquam Anaxagoras ita ratiocinaretur, Omnia fiunt ex ente, aut non ente: Non fiunt ex non ente: igitur ex ente. Ergo res ipsa ibi inerat unde scernitur. Itaq; *πάν ἐν παντί*, quodlibet esse in quolibet: sed propter parvitatem insensibilia hæc esse: differre aut atque appellari à præcipua exuperantia: neque purum aut sincerum quicquam esse. hanc Anaxagoræ *μῆμα* sic Aristoteles interpretatur: deinde contra ita disserit. Etenim (ait)

„ ff omnia essent in omnibus, omnia quoque fierent ex o-
 „ mnibus: at minima res physica dari potest, finitumque o-
 „ mine finiti detractiōe tandem ad minimum redigitur,
 „ unde præterea nihil excerpi vel secerni possit: aut minimo
 „ minus daretur, aut in magnitudine finita, æqualia finita
 „ innumerabili multitudine inessent, denique alia infinita
 „ inessent in aliis infinitis: quæ sunt impossibilia. Quare
 „ non omnia sunt in omnibus. Tum verò quòd Anaxago-
 ras sensisse dicitur, nūquam omnia secretum iri, verè qui-
 dem, sed inscienter factū Aristoteles argumentatur: quia
 accidentia quantitarum & qualitatum nunquam separa-
 buntur à subjecto. Sic Aristoteles τὸ μίγμα Anaxagoræum
 verè quidem logicèque premit: si tamen Anaxagoras (ut
 interpretatur Aristoteles) dixerit, re ipsa & actu formaq;
 omnia in omnia inesse. At Aristotelis interpretatio hic
 non nihil suspecta est ut nihilo religiosior in Anaxagoram
 quàm in Melissum & Parmenidem fuerit. Neque enim
 tam furiosa cogitatio videatur in hominis sobrii, ut Ana-
 xagoras postea videbitur Aristoteli, sensum cadere: ut di-
 cat re ipsa ac specie in nuce esse hominem, arborem, leo-
 nem, cæteraque alia omnia. Secundo loco ὁμοιομέρεα
 differitur, quòd Anaxagoras non rectè res physicas com-
 ponat ἐκ τῶν ὁμοειδῶν, id est, ut Alexander interpretatur, ἐκ
 τῶν ὁμοιομερῶν. Sic enim Aristoteles jam loquitur, ut ὁμοιο-
 μέρεα Anaxagoræ sit idem quod Aristoteli ὁμοειδέα καὶ ὁ-
 μογενέα. Partes aquæ sunt aqua, aëris aër, sanguinis san-
 guis, carnis caro. Talia igitur homœomera dicuntur: equi-
 bus, ut ex ramentis aurū, sic omnia naturæ opera compo-
 nuntur. Hæc Anaxagorea σύγκρισις, id est cōpositio, Ari-
 stoteli nō placet: quia aqua ex aëre, vicissimq; aër ex aqua
 fieri possit, quæ tamen sunt heterogenea, non alterū ὁμοιο-
 μέρεος vel ὁμοειδὸς alteri. Verū Anaxagoras huic Aristoteli
 argumentationi ire potuit obviā, vel Aristotelis autho-
 ritate atque sententia, qui s. cap. 1. de Generat. pro Ana-
 xagora sentiens, ait, unumquodque gigni ὑπὸ τινὸς ἵδιου λε-
 χέως ὅτι οἷος ἢ ὁμογενὲς, ἢ ὁμοειδὲς, ab aliquo quod actū sit si-
 milis aut generis aut speciei, ut ignem ab igne, hominem
 ab homine. Atq; hoc modo, Logica Aristotelis veriore &
 solidiore, præsens objectio refelleretur. Neque vera est A-
 ristotelis

ristotelis philosophia, E contrariis contraria fieri, ut mox
 apparebit: & si vera sit, ab Aristotele tamen ipso in præsen-
 ti capite convincetur: quia Anaxagoras elementa sua licet
 ὁμοιομερῇ, attamen ἐναντία etiam cōstituit: ut cū de Anaxa-
 gora sic loquitur, ἀπὸ τὰ δὲ ὁμοιομερῇ καὶ ταυτῆα. A-
 naxagoras igitur, Aristotelis testimonio, res physicas simi-
 laribus, non solum cōsentaneis toti, sed contrariis inter se
 constituebat. Sed Aristotelis locus est 12. c. 4. Meteor. valde
 insignis ad homœomeriam vindicandū: ubi affirmat, fieri
 ἐκ τῶν ὁμοιομερῶν ὡς ὕλης, τὰ ὅλα ἔργα τῆς φύσεως, ex ho-
 mœomeris tanquam é materia, tota naturæ opera. Ergo
 Anaxagoræ homœomeria, periculo reprehensionis Aristot-
 eleæ salva est & libera. Superest Anaxagoræ materiæ
 caput tertium ἀπείρια, quod Anaxagoras elementa sua fecerit,
 non solum multa & similia, sed etiam infinita. Adversus
 hanc ἀπείριαν Aristoteles duob. syllogismis invehitur. Pri-
 mus est, Infinita multitudine & specie, non possunt animo
 cōprehendi: cū illa quanta, hæc qualia sint: At Anaxago-
 ræ principia sunt infinita multitudine & specie: Quare co-
 gnitione cōprehendi non possunt: neq; propterea physicū
 opus ullum é talibus elementis cōpositum percipitur: si-
 quidem ea cognoscuntur, quorū principia tenentur. Itaq;
 talis Anaxagoræ Physica nihil, nisi meram Physicā igno-
 rantiam videatur inducere. Hoc á Philopono ἐπιχείρημα ἐν-
 τερτικόν dicitur, quod erubescere cogat adversarium. Se-
 cundus syllogismus est, Si pars infinité possit augeri mi-
 nuiriq; & totum perinde poterit: At physica res omnis defi-
 nita est, & magnitudine & parvitate, ut neq; major neque
 minor effici possit: Atque (ut ait) numerosus poeta,

Est modus in rebus, sunt certi deniq; fines,

Quos ultra citraq; nequit consistere rectum.

Maximus homo gigas, minimus pygmæus fuerit. at ne-
 mo tantus erit unquam, ut capite contingat cælum: neq;
 tam parvus, ut pulci fiat æqualis. sic os & caro, & quodli-
 bet naturæ opus, quantitate definitum est: Quare neque
 pars infinité augeri minuiq; potest. hic secundus est Aristot-
 elis syllogismus: cui, ut superiori, quid Anaxagoras respō-
 deat, non video: si tamen ἀπείρια istam actu fecerit, ut A-
 ristoteles fecisse arguit. Nam si infinitatem potentiæ in-

tellexisset, non aliud Anaxagoras sensisset, quàm Aristoteles ipse sentit. Sed tamen axioma physicum notetur: quosicut Aristoteles Anaxagoram oppugnavit, ita de infinitæ impietatis errore ipse meritò moneri poterit. Sed hætenus de materia, quam solam pro omni naturæ principio Aristoteles ait Anaxagoræ propositâ fuisse. Verumenimvero mirabilis est ista Aristotelis adversus Anaxagoram contentio. De materia argumenta illa speciè aliquam habuerint; verùm Anaxagoram insimulare, quòd unicam de causis materiam attigerit, reliquas rerum causas principiaque præterierit, παράδοξον, vel quolibet Stoico paradoxo παράδοξόν τριπλόν videatur. Etenim τὸν νῦν μέτεμ, rerum opificem ab Anaxagora tantopere celebratâ, utrùm Græci homines, utrùm etiam aliis in locis Aristoteles ignoravit? an Græcis hominibus res quæpiam inaudita aut insolita est? Appellato igitur Timonem, & attendito quid respondeat;

καὶ τὸν Ἀναξαγόρου φασὶ ἔμμεναι ἄλκιμον ἥρω
 Νῦν, ὅτι δὴ νόος αὐτῷ ὅς ἐστι πίνης ἐπογέρας
 πέντε σωματικῆ καὶ σσο, ὁ μὲν τεταραγμένα πρέσβου.
At Anaxagoram ajunt esse fortem heron

*Mentem: quoniam mens illi fuit, qua repente excitans
 Univerſa composuit, simul confusa prius,*

Heros appellatur Anaxagoras heroicæ cujusdam virtutis ergo, & mens: quia divinam illam mentem in naturæ operibus tantopere celebravit, mētem, inquam, mundi opificem atque authorem. Appellato Græcos interpretes Aristotelis hoc loco: majora etiam & illustriora ex Anaxagoræ physico opere recitabūt: ὁ νῦν δὲ ἐστὶν ἄπλερον καὶ αὐτόκρατος, καὶ μέμικται ἐδένι χρήματι. ἀλλὰ μόνος αὐτὸς ἐφ' ἑαυτῷ ἐστὶ. Mens infinitum quidam, meri imperii plenum; nulliq; rei commiscetur, sed sola in seipsam tota conversâ est. Item, ἐστὶ γὰρ λεπτότατον τὸ χρυσάειον πάντων καὶ καθαρώτατον, καὶ γνώμων γὰρ περὶ πάντας ἰσχύει, καὶ ἰσχύει μέγιστον. Est enim res rerum omnium subtilissima & purissima, scientiamq; universi mundi obteinet, & potest longè plurimū. Itē, πάντα διεκόσμησε νῦν καὶ τὴν περιχώρησιν, καὶ νῦν περιχωρεῖ τὰ τε ἄσπρα καὶ ὁ ἥλιος καὶ ἡ σελήνη καὶ ὁ αἴθρ καὶ ὁ αἰθήρ οἱ ἄπο κρ. ὁ μὲν οὖν. Mens distinxit & ornavit uni-

versa

versa, atque hunc circuitum, quem nunc citumeunt astra
 & sol & luna & aër & æther separati atque discreti. Hæc
 Simplicius nominatim repetit è primo Anaxagoreorum
 Physicorum: vnde quid aliud quam Parmenidæum illud
 unum rerum principium intelligas, cui præsertim opifi-
 cium mundi, providentia administratioq; rerū omnium,
 summo cum imperio, conjuncta sit? Quid Aristoteli, an
 mens ista tam mirabilis, inaudita vel incognita fuit? mi-
 nime: imò verò in hoc ipso capite appellatur per ludibriū
 ὁ νῦν ἀτοπος τὰ ἰδιώτα ζήτησις mens absurda, quæ con-
 tur ea quæ fieri nequeunt: quòd separare velit omnia, cum
 tamen plæraque separari non possint. eodemque ludibrii
 genere rursus 4. c. 1. Phil. exercetur, cum Physicos ait Ari-
 stoteles Logica principiorum & causarum destitutos fu-
 isse. Imperfectè (ait) ac nihil appetè, sed velut in pugnis ἀ-
 γύμναστοι in exercitati pugiles faciunt. Ut enim hi huc & il-
 luc impulsī, præclaras plagas frequenter imponunt, sed
 non ex arte: sic illi non videntur intelligere quæ loquun-
 tur: ferè enim principiis & causis nil utuntur, nisi perpu-
 sillum. Anaxagoras enim μηχανῇ χρηται τῷ νῷ πρὸς τοὺς
 κοσμοποιεῖν, tanquam machina aliqua, sic mente abutitur
 ad ædificandū mundum. At quando dubitat, propter quid
 ex necessitate res est, huc eam trahit: in cæteris aut quidli-
 bet aliud potiùs quàm mentem causatur. Hic Aristoteles
 rursus mūdo cōponendo, Anaxagoræ mentē, velut in tra-
 gœdiis pegmatis alicujus machinā cavillatur: attamen ca-
 villatio ista tandem aliquando facesset, & Aristotelis phi-
 losophiā graviolem ac splendidiorem nobis aperiet. Accedamus
 igitur ad 4. c. 3. Physici. Atqui primò principiū esse
 oportet generationis: Ipsum autem est unum, quod appel-
 lat mentem. ac ibidem Aristoteles ait, hanc mentem ab
 Anaxagora vocari ἀπείρον, ἀγέννητον, ἀφθαρτον, ἀνόλεθρον,
 θῆον, ἀθάνατον, infiniam, ingenitam, incorruptibilem, in-
 teritus expertem, divinam, imortalem: καὶ ὅτι περιέχει ἀ-
 πάντα, καὶ πάντα κυβερνᾷ, & quòd comprehendat univer-
 sa, omniaque gubernet. Aristoteles igitur non ignoravit,
 mentē in principiis & causis ab Anaxagora cōstitui: Red-
 eamus ad 5. cap. 8. Phys. Aristotelem prorsus Anaxagoræ
 um comperiemus. Itaque (ait) Anaxagoras rectè lenit,

„ dum ait, mentem esse impatibilem, minimèque permittam: quoniamquidem motus principiū ipsam esse constituit: sic enim solum moveat, cū sit immobilis; & vincat, cū pura ac sincera sit. Hæc Aristotelea sunt Anaxagoræ mentis eulogia præconiaq; in primis illustria atq; magnifica; quibus etiam similia sunt in libris de Cælo, & in Philosophia. Quamobrem paradoxa ista tam contrariæ vituperationis, laudationisq; consideranti, quid aliud videatur, quàm Anaxagoram Parmenidem alterum esse factum? vexatū primò modis indignissimis, deinde commendatum & exornatum? deque laude Aristotelis iudices iniquos esse, qui Philosophiam ipsius ex uno loco, non ex omnibus eadem de re collatis & comparatis locis, & ad summas Aristotelis leges examinatis, differendam, segregandam, cōstituendam arbitrantur. Aristoteles philosophiæ Oceanus est quidam, pisces omnium generum, bonos, malos, amplexus: sed palato opus est ad suavitatem atq; gustum. Collecta semel ista sunt de multis & magnis infinitorum authorum & operum vigiliis: recognita nusquam postea sunt. Ex hoc tamen capite maximus postea nobis profususq; singularis fructus erit, adversus omnium, quæ libris octo acroamaticis continentur, foedissimum sophisma teterriumque.

I N C A P. V.

VEruntamen Physicæ alienæ reprehensio adhuc fuit; sequitur confirmatio Aristoteleæ, quinque reliquis primi libri capitibus. Principium physicum Aristoteli non fuit, principium Melissi & Parmenidis unicum & immobile. principium physicum Aristoteli non fuit, neque homœomeria, neque mens Anaxagoræ: inscientia tantum physica fuit, non physica scientia: & Physicam tantum deducit Aristoteles. Physicam deinceps docere instituit, triaq; principia physica demonstrare, materiam, formam, privationem: materiam subjectam, contrarias inter se formam & privationem. Sed de contrariis major est Physica, præcipuèq; de privatione; quam Aristoteles tum cōminiscebatur. Atq; hæc etiā reliqua primi libri Physica, quinto, sexto,

sexto, septimo capitibus, præcipuam de tribus illis principiis confirmationem quandam habet: toto tamen sexto capite refutationibus etiam consumto. Reliqua duo capita, octavum & nonum, multo magis in refutatione consumuntur. Itaque ut priora illa prius expediantur, quinto differitur, principia physica esse contraria; & quidem argumentis duobus. primum est, quod Physicis qui ita sentiant. Agedum Physicos, contrariorum principiorum autores, attendamus. Parmenides (ait Physicus) principia facit ignem & terram: alii densum & rarum: Democritus solidum & vacuum. At, inquam, ignis & terra contraria non sunt, sed alterum est pro materia, alterum pro efficiente: neque Democritus solido vacuoque principia rerum, sed adjuncta secunda tribuit; ut neque Physici reliqui, raro densoque. Quare primum hoc argumentum Aristotelis paralogismus duntaxat ostendit: concessumque thesion tamen nihil offendit. Quid secundum argumentum, quale est? Contraria prima sunt, quæ neque ex aliis, neque ex seipsis, sed ex quibus omnia alia fiant: talia autem sunt principia: Itaque contraria; unde concluditur, omnia esse contrariis fieri. At secundi argumenti syllogismus, vel potius paralogismus in secunda figura, partes habet mirificas. Propositiono enim, Contraria prima sunt, quæ neque ex aliis neque ex seipsis, sed ex quibus sunt alia omnia, prima & tertia parte falsa est. Contraria enim quælibet causam habent & principium ex aliquo genere, cui nempe subjecta sunt. Quod Aristoteles proximo capite testabitur. una (inquit) est contrarietas in quolibet genere. falsum igitur est, contraria prima non oriri ex alio ullo: deinde falsum & illud, ex contrariis fieri omnia; quia (ut jam citavimus ex Aristotele) fiunt ex homogeneis & consentaneis. Quare duplex hic elenchus est in propositione, Assumptio autem *Sed principia neque ex alijs, neque ex seipsis fiunt, sed ex ijs omnia*: partibus omnibus est falsa. Principia enim physica principium aliud habent, illud nempe unicum & immobile, ut Aristoteles tandem confitebitur, cum ab illo cætera omnia moveri disputabit. neque principia ipsa physica una sunt: sed a primis secunda, ab ijs tertia, & sic deinceps moventur, ut a primo mo-

vente cælum, á cælo elementa inferiora, ab iis compo-
 sita afficiuntur. quod etiam apparet in eadem specie: ut
 enim homines vivi á mortuis geniti sunt, sic á vivis po-
 steri gignentur.

Quare quot tandem modis antecedentia syllogismi
 hujus ruinosa erunt? Sed tamen architectatur hinc A-
 ristoteles axioma magis etiam ruinosum, *Quicquid*
gignitur, é contrario gigni; Et quicquid cor-
rumpitur, in contrarium corrumpi, & ad axio-
 matis demonstrationem advocat pictores, musicos, ar-
 chitectos, statuarios. hinc enim *συγγίγναι ἢ ἐκ ἀντίων,*
cognationes contrariorum: λευκὸν, μέλαν· ἐχρημα-
 τισμείον, ἀρχιμωσιών· μουσικόν, ἀμουσικόν· ἡρμωσμέον,
αἰδρήμορον· οἰκία, οὐκ οἰκία· αἰδρεῖαι, ἐκ αἰδρεῖαι. *Al-*
bum, nigrum; formatum, informe; concinnum,
inconcinnum; consonum, dissonum; domus, non
domus; statua, non statua. quæ omnia falsa pla-
 né sunt, vel Aristotelis ipsius judicio; qui paulò antè
 inter conditiones contrariorum posuit, contraria non
 esse ex seipsis, ut alterum ex altero possit effici. Et il-
 la nimirum Aristotelis philosophia verior est ad quin-
 tum caput primi libri de Generatione, unumquodque
 fieri ex eo quod actu sit ejusdem generis, aut speciei.
 illa, inquam, philosophia in Metaphysicis toties itera-
 ta, unumquodque fieri ex homogeneis: vel, quod i-
 dem est, é synonymis: ut in primis libro septimo.
 Hanc verò tantam tamque manifestam in phytico ma-
 gistro repugnantiam Philoponus animadvertit, & in-
 terpretatur ἐξ ἀλλήλων αὐτὶ μετ' ἀλλήλα, *ex se ipsis,*
pro post se ipsa, ὡς ὅτε καὶ ἐκάλειτο Πλάτων κλειώ-
τερον, quomodo appellavit Plato magis propriè.
 Ergo Philoponi judicio Plato dixit meliùs quàm Ari-
 stoteles, unumquodque fieri post suum contrarium. A-
 ristotelis Phyzicam videlicet poëta ille sequutus est, cùm
 dixit;

Si for-

Si fortuna volet, fies de rhetore consul:

Si volet hac eadem, fies de consule rhetor.

Sic igitur excusatur Physicus. at Physica interea periclitatur: Etenim excusationis hujus fucus retexatur, & intelligatur, unumquodque fieri post suum contrarium. quid intelligetur? nonne post principium rem fieri; non autem é principio, tanquam é materia & forma, constitui? Itaque tam ridicula est error hujus excusatio, quam error ipse ridiculus fuit. Et tamen Aristoteles ipse, Zenonem videlicet alium quempiam sequutus, hoc etiam Platonicum nominatim interpretatur vigesimo quarto capite quinti libri Metaphysicorum, *Ex aliquo fieri interdum dici*, μεθ' ὃ τῷ χρόνῳ, οἷον ἐξ ἡμέρας ὡς, καὶ ἐξ ἐνδίκης χειμῶν, ὅτι πῦρ μετὰ τῷ π. *Post quod tempore fit, ut ex die nox, & ex tranquillitate tempestas: quia hoc post illud.* quod iteratur ibidem quinto capite octavi libri. Quare bellum illud axioma, prorsus est absurdum, non solum non physicum. quod si Aristoteles á Physicis, quam á pictoribus, musicis, architectis, statuariis, exempla sumere maluisset; axiomatis fucus apparuisset. neque enim ex bestia hominem, vel ex homine bestiam fieri cuiquam persuasisset.

Ad finem capitis hujus statuitur differentia philosophorum physicorum, de contrariis differentiis principiorum: quod alii sequantur contraria notiora secundum rationem, universalis quippe, ut magnum & parvum: alii notiora secundum sensum, nempe particularia, ut densum & rarum. quo loco recte dicitur, ut antea primo capite, universale notius secundum rationem, & particulare secundum sensum. At ut exemplum magni & parvi est generale, sic densi & rari. quamvis hoc densum & illud rarum, sit sensibile. Verum tamen heus Physice præstantissime, quid agis? Cur Logicam de contra-

riis, in Physicam nobis inducis? Neque enim secundum
tuas leges καθ' αὐτὸ & καθ' ὅλην πᾶν justius fuerit quæ-
rere, utrum principia physica sint contraria, quam utrum
similia an dissimilia, utrum generalia an specialia, utrum
enuntiato, syllogismo judicari possint. Logica ē logicis
præceptis perdiscenda est; usus cæteris in rebus, præceptis
in arte relictis, exercendus est. Quamobrem nihil offen-
datur Alexander, à gaz's regiis thesauros istorum sophi-
smatum abesse.

I N C A P. V I.

Sexto & septimo capite altercatio prolixa est & odio-
sa de numero principiorum; quod non unicum, quod
non infinita, quod non quatuor, sed tria principia sint. Pri-
mò igitur quod non unum: quia cōtraria saltem sunt duo.
At docuimus, principia non esse contraria: & Aristoteles
oçtavo Physico, faciet principium primo-movens unicū.
Secundò, quod non sint infinita; quia essent ignota: quia
in unoquoque genere, ut in essentia, est contrarietas uni-
ca: quia finitum est melius: quia contraria omnia essent
principia. at, inquam, primum illud fuit adversus ἀπείρην
Anaxagoræ materiæ argumentum. Secundum argu-
mentum est verum; quia genus dividitur in species, vel
differentias contrarias, ut sæpe Aristoteles testatur: sed
quanquam verum est, tamen ex axiomatis illius errore
deductum, quod contrarietas ad doctrinam principiorū
necessaria videbatur. finitum autem in natura præstare
infinito, sæpius in Physicis Aristoteles repetit. sic in fine
quarti capitis, Empédocles Anaxagoræ præpositus, quia
finita principia faceret: & sic 6. cap. 7. Phys. differetur, fini-
tum in natura infinito melius esse. Quapropter & unitas
& infinitas principiorum ita disputatur. Binarius deinde
similiter agitur, quia solus contrariorum binarius non
sufficiat ad ortus rerum, cū essentiæ nihil sit cōtrarium:
¶ ex non-ess. ideòque videretur essentia † non ex essentiis fieri. At, in-
quam, cur non dicimus, essentiam contrariam essentiæ?
Hoc enim falsum esse, in Logica docui logico argumen-
to; quia tota Logica sit generalis, & communis entium &
non-entium. Itaque *ἡ ἀρτίωσις*, quæ pars est logicæ inven-
tionis.

tionis, communis erit essentiarum, accidentium, entiumq;
omnino omnium, in ó etiam non entium. Scio, interpre-
tes híc dicere, essentiam essentiae contrariam esse ratione
formae, & nō materiae. at, inquam, ut duabus formis phy-
sicis, sic duobus accidentibus, ac multó magis, subjectum
suum esse necesse est, & tamen accidentia propterea non
definunt esse contraria: at formae κυριώτατα καὶ μέγιστα,
præcipué & maximé, ut Aristoteles ipse testatur 2. cap. 2.
Physici, sunt essentiae: Quare essentia erit essentiae contra-
ria. Sed tamen in capite præsentí Aristotelem potiús au-
diamus, ubi pauló anté dixit, Una est in omni genere con-
trarietas. essentia autem unum est genus. Conclude igitur,
si logicus es: Ergo in essentia contrarietas est. Inter-
pres quidam ait isto capite, excusandi manifesti erroris
gratiá, philosophum disputativé procedere per proposi-
tiones apud antiquitatem famosas. Hæc enim ipsius ver-
ba sunt. Enimvero interpretes iste si tam sanctum Philoso-
phiæ, quám religiosum philosopho, studium præstitisset;
pro Logica, qua diligentius instructus fuit, majorem fru-
ctum publicis commodis attulisset: Sed illi, ut cæteris in-
terpretibus, philosophus plenis, quám philosophia ulla fu-
it. Verúm agite, causa ista disceptetur accuratiús. Contra-
rietas est in essentia, contrarietas non est in essentia, con-
tradictio & repugnantia manifesta est: & utra sententia
verior sit & commodior, æstimetur é physica veritate &
commoditate. Contrarietas duobus hisce capitibus asse-
ritur tanquam ad constituendum rerum physicarum prin-
cipia, ad earumque vires, motus, facultatesque totas insti-
tuendum maximé necessaria. Docebit Aristoteles 4. cap.
de Cælo, contrarietatem conversionum cælestium, con-
trarietatem elementorum, ortus rerum physicarum atq;
interitus causam & principium esse. Libri duo præcipué
de Ortu interituque rerum physicarum conscripti sunt.
At, inquam, res hæ physicae sunt essentiae. Itaque si tantum
potest cōtrarietas in physicis rebus, potest in essentiis. Er-
go hæc physica utilitas Aristoteli tantopere proposita, Ari-
stotelem inducat ad contrarietatem in essentiis retinen-
dum. Neque veró quidquam detrimenti usquam accide-
rit, si essentias contrarias esse dixeris; nisi forté detrimen-
tum

rum putes, verum falso præponi, & scholasticum Zenonis alicujus commentum tolli; quale erit quinto Physico, & 2. de Gener. Contraria definiuntur logicè, ut in Logica definita sunt à nobis ex Aristotelis philosophia: tota res communis erit & essentiarum & nō essentiarum. Quamobrē non solum logica, sed physica veritas utilitasq; convincit, contrarietatem esse in essentia. Sed tamen pergamus, unitas, infinitas, binarius principiorum & caussarum, Aristoteli nondum placuerunt: quis tandem numerus placebit? Ternariū meditatur: quem Plato attigit in magno & parvo, & in idea, sed verbo tantum: re ipsa binariū est sequutus. nam magnum & parvum pro materia sunt: idea pro efficiente. Reliqui philosophi ternarium implevisse videntur Aristoteli, unitate subjectæ materiæ & binario oppositarū differentiarum. Enimvero Physicus noster hoc unū valde inconstanter assumit, cum physicos & de unico, & de infinitis principiis tantopere agitarit: tum etiam falsō, cum materiam & efficientē, ut Parmenides, Anaxagoras, Plato, cogitarint potius, quā formæ & privationis contrarietatem, Aristoteli modō propositam. Major deinde ternario numerus reprehenditur; quia si duæ contrarietates essent, altera vacaret: cum contrarietas prima sit in quoque genere. At, inquam, etiam si contrarietas unica fuerit, non ideo principiorum physicorum numerus major non erit. Etenim quoties Aristoteles ipse non solum in Logica, non in Philosophia prima, sed in Physica ipsa, quatuor genera caussarum, efficientem, materiam, formam, finem constituit? Quid liber secundus totus? nonne in his quatuor principiis & partiendis, & Physico ad res physicas explicandum proponendis consumitur? Tandem verō capitis hujus conclusio, Physici nostri hæsitantiam valde demonstrat, dubitantis, utrum principium unum, an plura duobus. Horum verō utrum (ait Physicus) magnam dubitationem habet. Ecquid magister, nondum tibi persuasisti de numero principiorum, quæ tot argumentis antea persuadere voluisti? aut quamobrem tandem cum ternarius principiorum tibi propositus esset, sophistica ista jactatione opus fuit, ut discipuli tui perdiscerent, non esse unicū principium, non duo, non quatuor, non infinita? an mihi negationes

tionones istas omnes falsas persequutus esses, verum quod arbitrabare, constitui non potuit?

IN CAP. VII.

ADhuc igitur Aristoteles disputasse magis, quàm quidquam demonstrasse videatur. Septimi capitii initio proponitur methodus illa, primi capitii initio proposita. Est enim (ait Physicus) secundum naturam, ut communia primum executi, deinceps singularia consideremus. hoc secundum est in Aristotelis Physica singulare methodicæ legis eulogium. Atque, ut illud commendare meritò & collaudare possis; ita valde protinus mirabere, ad thesìn nihil attinentes quisquiliis partitionū tam verbosè colligi, de genesi simplici, composita, de formulis orationis quibus genesis exprimat, quòd hoc fiat illud, aut ex hoc illud: subiecto modò manente, inodò non manente: Intereaque *μετὰ τὸν καὶ ἀμεσον* vicies minimùm resonare: tãquam in tota rerum natura nulli geminarii, aurifices, libratores, olitores, piscatores, aucupes, opiliones, bubulci, equisones, medici, hominis etiam ipsius & generandi & conformandi curatores, nulli denique Physici essent, à quibus exempla rerū naturalium vera potiùs assumerentur, quàm emendicarentur aliena. Sed tamen tandem quid agitur isto capite? Disquiritur ternarius principiorum: primòq; de materia, tum de contrariis forma & privatione. Disseritur igitur primum duobus argumentis, in omni genesi materiam subiectam esse, primò per genera entium, quæ sex hîc Aristoteles enumerat, essentiam, quantum, quale, ad alterum, & quando, & ubi: cùm decem fecisset in Categoriis: cùm secundo capite adversus Parmenidem tria tantùm divisisset, essentiam, quantitatem, & qualitatem: cùm ceteris deinde locis tam variè genera ista descripsisset. & tamen Ad aliquid, Quando, Ubi, quamnam physicā materiam subiectam habebunt? Categoriæ enim illæ subiectā physici generis materiam habere nullā possunt. Quare argumentū hoc valde fatuum est, disputare, physicā materiam generibus omnibus subiectam esse, per ea quæ materiam illam capere nequeāt. Verùm perge: In essentia Aristoteles uuitur physicis plantarum & animalium

lium & seminis exemplis, quæ perlibenter hîc audio præ
 musicis & pictoribus. Atque hoc primum fuit argumen-
 tum. Secundū est per species motus, *μεταχμᾶτισιν, πέρ-
 θισιν, ἀφαιρέσιν, γένεσιν, ἀλλοιώσιν*, transfigurationem, ad-
 ditionem, subductionem, compositionem, alterationem:
 quæ partitio tam inconstans est in Aristotele, quàm fuit
 entis illa divisio: longé enim alia genera ab Aristotele
 motus efficientur postea. Ex his igitur partitionibus tam
 sophisticis, cōcluditur, in omni genesi, subjectam esse ma-
 teriam; eamque duplicem, subjectum nempe & opposi-
 tum; & oppositi nomine privatio intelligitur, quæ nempe
 opposita est formæ: privatio tamen nondum nominata
 est. Tandem igitur partus ipse tantopere parturientis phi-
 losophi expromitur, & *ἐξήγησις* privatio contrariis variarū
 privationum differentiis exprimitur. Contrarium affir-
 matum est *μορφῇ, σχῆμα, μουσικῇ, ἀρμονία, τάξις*, forma, fi-
 gura, musica, concentus, ordo: contrarium privatum est
ἀμορφία, ἀσχημοσύνη, ἀμυσία, ἀναρμονία, ἀτάξια, privatio
 formæ, figuræ, musicæ, harmoniæ, ordinis. His enim con-
 trariis differentiis contraria hæc duo principia Aristote-
 les exprimit; ternariumque principiorum, materia, for-
 ma, privatione cōcludit. Sed tamen materiam & formam
 longé alia principia efficit, quàm privationem. Illa enim
 per se principia ait esse: privationem autem & oppositio-
 nem per accidens: sed materia re & numero una: specie
 ” autem & ratione duplex efficitur: Materia enim (ait) ex
 ” sese est *ἀριθμητὴ* numerabilis, & tanquam demonstrabi-
 lis digito. Itaque modo quodam principia duo tantū
 statuantur, materia & forma, quæ per sese insint: modo a-
 lio tertium additur, privatio, quæ sit principium per acci-
 dens: modo item quodam principia fiunt cōtraria, ut pri-
 vatio & forma: tum modo quodam non contraria, quia
 contrarium à contrario pati non possit, quæ postrema ra-
 tio plané falsa est: Nihil enim patitur, nisi à contrario; &
 quicquid corrumpitur, à suo contrario propriè corrumpi-
 tur. Ut erit nono capite hujus libri, & octavo capite octavi
 Physici. Hic igitur labor est Physici nostri, per tot labores
 ac difficultates causam privationis & principium partu-
 rientis, & inter causarum genera principiorumque, pri-
 vationem

vationem statuentis. At deus bone ! privatio ista quidnam est omnino? aut unde in Physicam inducta? fabulosum enim somnium est. Itaque physici professores attēdite, quæ contrā dicturus sint. Etenim cū Aristoteles privationem contrariam formæ efficit, si speciem contrarietatis requiras, quid invenies? utrū erunt adversæ an relatæ? nequaquam: affirmata enim, hæc utraque. utrū igitur contrādicentes an privantes? Privantes videntur, at forma esset *ἔμψυχος*; habitus; ejusq; habitus negatio in subjecta materia, esset privatio. Privatio autem hæc physica non est in subjecto totalis succedens oppositio formæ, qualis est cæcitas privatio visus in oculo: sed antecedens negatio potius, advenientis formæ affirmationi contraria; quod Grammaticus hic verē adnotavit, & Aristotelis Physica diligentius animadversa planē demonstrat. Atque huc nempe illa superiora omnia pertinent, Non quodlibet agere in quodlibet, neque quodlibet pati à quolibet: hinc *μυοειδὲς, ἀμυοειδὲς, ἡρμωμένον, ἀνέρμωτον, ἐχρηματισμένον, ἀχρηματισμένον*: quæ huc magis propriè conveniunt, non autem *λευκὸν καὶ μέλαν*, quæ adversa sunt. Enimvero sic postea tertio, quinto, sexto libris, definiuntur generatio & corruptio secundū contradictionem; ut affirmatio & ens, sit terminus generationis; negatio & non ens, sit terminus corruptionis: Ergo privatio Aristotelea, est pars contradictionis: nec aliud est dicere, privationem esse principium physicum, quā negationem esse principium physicum. Genus igitur ipsum dissentaneorum contradicentium, cum genere consentanearum caussarum comparatur: tum rerum & verborum fœda prorsus & absurda repugnantia deprehēdetur. Nant cū dicis, privationem esse principium, esse causam, ut Aristoteles hoc ipso in capite loquitur; quid aliud loqueris; quā mortem esse vitam, frigus calorem? Causa enim status est rei salusq; privatio autem, est perniciēs ac ruina. Illud enim est *κακοποιόν*, maleficium privationis, quod dicitur postea Aristoteli capite nono hujus libri. Quare qui privationem principium facit, & rerum & verborum repugnantia turpissima implicatur. Itaque Aristoteles & in Logica, & secundo Physico, ubi genera caussarum & per se & per accidens partitur, privationem istam oblitus est;

neque inter species caussarum & principiorū per accidens commemoravit. Tum veró si privatio causſa vel principium diceretur, quia cōtrarium quiddam eſſet formæ advenienti: attamen non aliud hic intelligeretur, quàm poſt privationem generari formam, ſic enim ἐξ ἀλλήλων jam declaratum eſt μετ' ἄλληλα. Agé veró uſus commentitii huius principii per totam Ariſtotelis Phyſicam confideretur: ampliffimum ſophiſmatis teſtimonium perhibebitur. E tribus phyſici operis fundamentis unum in privatione conſtituitur. Attamen Ariſtoteles univerſæ naturæ velut architectus, nihil unquam iſto principio ædificavit, nihil conſtruxit. Perluſtra regiones phyſicarum rerum, orasq; omnes meteororum, lapidum, metallorū, fontium, hortorum, paſcuorum: veræ phyſicæq; materiæ & formæ infinitum perpetuumque uſum reperies: privationis principium omni phyſico uſu privatum reperies: Ad cæteras omnes artes, Grammaticam, Rhetoricam, Logicam, Mathematicam, & quamlibet aliam ſeu diſciplinam, ſeu rem omnino ullam, quæſtio transferatur: magnus uſus materiæ & formæ intelligetur, novi huius & inſolentis inter principia principii inaudita confideratio fuerit. Intelligimus, é duobus principiis & duabus cauſſis, materia formaq; res omnes conſtare; privationem ad rem conſtitutā nihil attingere, ut Ariſtoteli etiam placuit: ad cōſtituendum nihil poſſe: imó obſtate potiùs venienti formæ, cū ei cōtraria ſingatur; neque formam materia recipi poſſe, niſi privatio anté expulſa ſit. Quamobrem tam fabuloſum cōmentum é Phyſica tollatur. Quid veró deinde? Sequitur extremo capite ſeptimo, modus intelligendæ materiæ ἐν τ' ἀναλογίαν, ſecundū ſimilitudinē; utque æs ſit ad ſtatuam, lignū ad lecticā, ſic materia ſit ad formam. Platonis veró, aut potiùs Pythagorēi Timæi commētum hoc eſt. Plato quidē iſtam cognoscendæ materiæ difficultatem copioſe in Timæo propoſuit, q̃ materia ſit δύσφραστος καὶ θαυμαστος, difficilis explicatu atq; mirabilis: μετ' ἀναισθησίας ἀπὸς λογισμῶν νόθῳ μύθῳ πεισθῆς, ſine ſenſu perceptibilis; ratiocinatione quadā ſpuria vix credibilis. deniq; tota materiæ cognitio Platoni eſt ὡς περὶ οὐκ ἐν αἴσθησι καὶ φαντασμασί, veluti ſomnium & viſum aliquod. a deoq; duplex cogno-

cognoscendæ materiæ modus instituitur; alter quem Aristoteles hîc proposuit, κατ' ἀναλογίαν, unde à Platone dicitur ἐκ μαγεύειν παντὶ κείμενον, μήτηρ, θηλυή, ὑποδοχή, πάντας, χώρας, ἴδρα τῶν γεννητῶν, Omni fictioni subiecta, mater, nutrix, receptaculum, omnicapax, locus, sedes genitorum. Tuin declaratur ampliùs analogia, ab unguentariis, qui ūnguenta suaviter redolentia confecturi, materiam odoris omnis expertem præparant: item à fictoribus, qui mollibus in rebus figuram aliquam impressuri, nullam in iis speciem residere patiuntur: sic illud quod omnium generum simulacris commodé figurandum sit, formis omnibus sua natura carere debeat; cuiusmodi Aristotelis exempla illa breviter fuerunt de ære ad statuam, ligno ad lecticam. Secundus modus intelligendæ materiæ Platonius, est ἀφαίρεσις, detractio. Itaque materia, ait Plato, non est ignis, non aër, non aqua, non terra, non deniq; de tot rerum generibus species ulla, sed omnibus subiecta materia. Appellatur itaque ἀποιος, ἀμορφος, ἀόρατος, sine qualitate, sine forma, invisibilis. Hæc magister Plato, quæ feré eadē in his capitibus Aristotelis recognosci possunt. Illud etiam à Simplicio huc allatum est, ab Ægyptiis primæ vitæ, quā συμβολικῶς appellabant aquam ὑποστάμιον, tanquam fecem, materiam esse nominatam. Ergo philosophus uterque materiam primam non nisi similitudine aut inficiatione comprehensibilem arbitratur. Verumtamen difficultas cognitionis hujus, rhetoricé nimium videtur ab utroque philosopho exaggerari. Cur enim materia & forma, non poterit definitione sua comprehendere aut quid aliud à philosophis istis nobis est tot verbis & argumentis explicatū? Etenim roga utrumq; quod sit materiæ genus, quæ materiæ differentia. Genus (dicet uterque) est causa vel principium; differentia seu forma, ex quo res est. Itaque materia definitur ab utroque, Causa ex qua res est. Etenim quamvis materiæ physica nulla sit Aristoteli forma physica, est tamen forma aliqua per quam est id quod est, & à cæteris rebus distinguitur. Jam verò in Aristotelis nescio quot paginis, an adjuncta ipsi materiæ atq; associata formæ qualitas, infinitaq; omnium generū capacitas, & tanquam hospitalitas omnium qualibet pere-

grinarum formarum, innata etiam eidem & ingenerata privatio tanquam fastidium vel odium potius advenientis formæ, alienæque speciei semperq; diversæ infatiabile desiderium, entisq; novi facultas æterna, an hæc, inquam, materiam non omnia multo copiosius, quam illa statuarum & lecticarum analogia declaravit? Quare materia perceptibilis est illa quidē per analogiam, sed aliis etiam argumentis copiosius & uberius explicabilis. Neq; verò materię cognitio difficilior est quam formæ, sed faciliior & promptior. Etenim undenam est illa Aristotelis in Physicos veteres, tanquam rudes in Logica causarum principiorumque scientia, planēque agrestes, tot locis iterata reprehensio: quod de quatuor causis unicam materiam præcipuē cognoverint? de forma vix, ac ne vix quidē, sint suspicati? Quid hoc septimo capite, nonne id Aristoteles etiam nominatim proficitur? Materiam enim vocat ἀριθμητὸν, numerabilem, & tanquam digito demonstrabilem: item τὸ δὲ τι μᾶλλον, hoc aliquid magis; quia permaneat perpetuū, quia formam sustineat, ut Græci interpretes hic adnotarunt. Quapropter hoc loco, Platonis & Aristotelis eloquentiam admirari fortasse possim; philosophiam equidem complecti nullo modo possim.

I N C A P. VIII.

Atq; hæc de principiis physicis Aristotelea doctrina est: deinceps refutationis sophistica renovatur. Sequitur enim octavo & nono capite, de Physicis veteribus omnibus, deque magistro Platone, Aristotelēs quidam triumphus: quod illis ista principiorū Physica fuerit ignota. Ideoque cūm veritatem physicarum rerum investigarent, velut in aliam viam abducti, propter imperitiā, deflexerunt & aberrarunt, ait Aristoteles. Ecquænam, inquam, imperitiā ista fuit? Imperitiā hæc Dialecticæ fuit, ait Philoponus; qua destituti, perversē ratiocinabantur. Tollebant enim (ait Aristoteles) ortum interitumq; rerū, syllogismo captioso induciti. Si quidquam fit, id utiq; fit ex ente aut non-ente: ex ente non potest, quia jam esset: ex non-ente item non potest, quia nihil fit ex nihilo: Quare nihil omnino fit. Syllogismus hic veterum (ut Aristoteles

inter-

interpretatur) fuit genere conclusionis rectus, assumptione Aristoteli fallax: quia distinguendum fuit, per se aut per accidens, actu aut potentia: quæ utraque differentia ex efficientis causæ topico logico orta est, ut Aristoteles ipsemet in Philosophia docet: sed in hac thesi ab Aristotele nequaquã legitimè usurpata. Prior igitur Aristotelis distinctio prius animadvertatur. Ex privatione, quæ per se est non-ens, quæque non inest, fit res physica (ait) per accidens. Hic Aristotelis sermo, etiam Aristoteli ipsi durus visus est. Mirabile autem (ait) hoc atque impossibile videatur, sic quicquam ex non-ente fieri. At Platoni mirabile atque omni antiquitati non videatur tantum, sed revera sit impossibile, sic quicquam fieri, è principio quod per se sit non-ens. Hic Aristoteles non est obscurus. privationem ait esse principium generandæ rei, & principium per accidens: quamvis ipsa sit per se se non-ens, quamvis etiam non inest, quamvis (ut mox dicet) nihil omnino sit. At istud revera non-ens, quomodo per accidens efficiet? Nam casus & fortuna, quæ causæ per accidens postea appellantur, sunt in rerum natura aliquid, quamvis improvisum nobis & inopinatum, ut postea dicetur. Salinatori, qui amisso oppido fugerat in arcem, glorianti atque ita dicenti, Mea opera Q. Fabi, Tarentum recepisti: Certè, inquit P. risus ridens. Nam nisi tu amisisses, nunquam recepisse u. Sic Aristoteleæ privationi, naturæ principium causamque vindicanti, merito per consimilem risum dicatur à forma: nisi locum deseruisses, non successissem. Sed perinde ridicula in utroque genere causæ reperietur. Quare quod Aristoteles ait videri mirabile & impossibile, id ipsum necesse sit logico homini & libero non mirabile, sed in somnii simile, neque videri, sed planè judicari. Sed pars assumptionis illius ita solvitur, quod ex per se non ente fiat aliquid per accidens. Pergit igitur Aristoteles, & docet, aliquid ex ente fieri, sed per accidens, non per se. Exemplum Aristotelis hic valde improprium est: ut si fiat (ait) canis ex equo, fiet ex equo per accidens, per se autem ex non cane. Itaque Græci interpretes, ex equo vestras, vel ex lauro apes, pro exemplo commodiore maluissent. Primus igitur solutionis modus è distinctione per se & per accidens est, quod

aliquid per se fiat, ex per accidens non-ente: ut é materia. item quód aliquid per accidens fiat ex per se non-ente: ut é privatione. Attamen modus ille, q̄ canis ex equo fiat per accidens, falsus est. Proprié enim & per se dicitur homo gigni ex homine, & leo é leone: & illud, canē ex non-cane gigni, non aliud est, quám post †canem gigni: sic Castoris occasus gignet Pollucis ortum: vicissimque Pollucis ortus, Castoris occasum. Atque hæc est solutio prima antiqui elenchi, per distinctionem entis per se & per accidens. Secunda est per distinctionem entis actu & potentia: unde

» concludit Aristoteles, ex ente-potentia, qualis est materia,

» aliquid per se fieri: ex actu-ente vel non-ente aliquid per

» accidens fieri, ut ex animali animal, per accidens: item ex

» privatione quæ actu est non-ens, fit aliquid per accidens: cujus distinctionis amplior cognitio ad primam philosophiam remittitur: in qua prolixum caput quinti libri duodecimum, item totus liber nonus de potentia & possibili, nihil aliud docent, quám logicam causæ efficientis qualitatem quandam; sicuti pleniús eā ipsa de re aliás á nobis in ipso opere differetur. Sed tamen quod Aristoteles ait, materiam potentia-ens esse & nō actu, tam falsum est, quám fuit, materiam analogia sola cognosci. At enim, dicit Aristoteles, unumquodq; est id quod est per suam formā, formaq; actus est rei: Concedo, inquam, & confiteor, sed formam istā differēciamq; actum esse dico ejus, cujus est forma, & sic Aristoteles †materiā definit. At veró falsum est, formam leonis, esse formam leoninæ materiæ; aut formam hominis, esse formā humanæ materiæ: sed in utroq; cōposito & materia & forma est leonis, est hominis: materiaq; comparata formæ, est tanquā subjectum; formaq; cōparata materiæ, est quasi adjunctum. materia autē formaque, & genera & vocabula sunt causarum, non subjectorū, non adjunctorum. Quapropter p̄clara ista distinctio, actu & potentia (cujus ignorantia veteribus Aristoteles tantopere hīc objicit) non satis consideratē ad genesin physicarum rerum ab Aristotele applicata est: falsumque omnino est, quicquam fieri, nisi ex eo quod actu †sit: veterumque decretum illud, si tamen veteres hoc modo quicquam decreverint, ex ente nihil fieri, quia jam esset, falsum

† nō-canem

† formam

† non sit

sum est. esset enim aliquid, sed non id, quod inde esset futurum. Gignuntur enim liberi à patre & matre, & ex semine: quæ omnia actu sunt aliquid, non id tamen quod ex his sit futurum. Sed de materia Aristotelea pauló póst accuratíus. Quamobrem duplex ista causæ efficientis differentia, per se, per accidens; actu, potentia; est illa quidem vera & logica: at neque veré neque logicé ad veteres Physicos, atque in primis ad magistrum Platonem, ignorantia; arguendum, ab Aristotele inducta.

I N C A P. I X.

VT veró ignoraverint Physici veteres, materiam esse non-ens actu, ens autem potentia: quid tunc? ignoranda ignoraverint: quæ & Aristoteli præstitisset similiter ignorasse. Quid sequitur? Plato deinde toto capite nono vellicatur; primó, quód ignoraverit privationem, aut certé non satis explicarit. Agedú, Platoni, in justa præsertim & æqua contentione patrocinari, liberale nobis honestumque fuerit. Cur igitur ab Aristotele incessitur? quia fatebatur (ait Aristoteles) secundúm Parmenidis rationationem aliquid ex non-ente fieri, neq; privationē á materia distinguebat. at utrumque, inquam, ô Physice, falsum est: Primum illud é Parmenide, secundum é Timæo percipitur: neq; Græci interpretes id dissimulare potuerunt. Quare facessant incursiones ejusmodi. Sed tamen Aristoteles probat, materiæ & privationis differentiam magnam esse. Materia est (ait) non-ens per accidens, „ privatio est non-ens per se: materia, propemodum est es- „ sentia; privatio, nullo modo est essentia. Plato autem no- „ mine magni & parvi non-ens efficit, privationem omni- „ no præterit. Hæc in Platonem directa est petitio; quam liceat cuivis Platonē tuenti, vel pleni brachio repellere. Etenim mirabile sané videatur, Platonem ab Aristotele reprehendi vel ignorantia; vel negligentia; in eo uno, in quo magister ille & scientia & diligentia longissimé discipulū superarit: materiam enim, materiæq; privationē tam copiose in Timæo, tamque magnificé Plato proposuit, ut in Aristotele nihil hîc splendidum, nisi Platicum appareat. Materia est non-ens (ait Aristoteles) sed per accidens. Cur, „

† inquam, materia sit † ens per accidens potius, quam forma? Materia enim subiectū est formæ permanens, ideoque & tēpore & natura prior; & ut forma ens actu appellatur, quia sit in rerū natura; sic & materia, ens actu dicenda est.

” Materia est propemodū essentia. Cur (inquam) nō omnino, ut forma? materia enim subiectum est, ut dixi. Sed tamen Plato in principiis privationem præterit. scilicet: nec inter genera principiorum causarumque; numeravit, neque de non-ente per se, omninoque, ut Aristoteles loquitur, non-ente, omnium entium generandorū principium numerare debuit: neque aliud est Platonem reprehendi, quod physicā privationem, quā & physicā ignorantia ignorarit. Plato in principiis physicis *δυνάμει* dualitatem magni

” & parvi, pro materia separatim, deinde alterum pro effetrice causa statuit: trinitatem igitur longē diversā ab Aristotelis trinitate efficit, quia privationem præterit. Verum, inquam, præterit: neque principium, uti dixi, naturalium rerum, nihilum efficit. Quapropter quis istas Physici nostri delicias ferat? Continuatur tamen deinde ab Aristotele differētia materiæ & privationis; quia materia permanens *συναιτία τῇ μορφῇ*, tanquā diceret concausā formæ, velut mater: privatio autem, maleficiū ejus diligenter intuēti, *ὃ δὲ ἐν εἶναι τὸ παράπαν*, nihil omnino esse videatur.

” forma est res quædam divina, bona, expetenda, quamque ideo materia suapte natura, tāquam fœmina marem, appetat atque desideret. Itaque si materia & privatio non differrent, privatio appeteret formā, id est, sui perniciem atque interitum. *φθαρτικὰ γὰρ ἀλλήλων τὰ ἐναντία* Corruptiva enim sui sunt inter se, contraria. Hæc in Platonem cōtorta tela sunt: at est pharetra Platonis accepta. Comparationes enim istę insignes, quod materia sit *συναιτία* formæ, quod tanquam mater, quod forma res divina sit, ideoque materia formam tanquam fœmina marem expetat, totæ sunt Platonice: tantum abest, ut Plato privationem ignorarit. At privatio principium physicum à Platone nusquam efficitur: Verum est, Plato tale somnium neque somniavit; neque verō, nisi planē delirare vellet, somniare debuit, ut dixi. Etenim Aristotelis ingeniū prorsus est hoc ipso loco singulare atque mirabile, cum materiæ *ὄρεξις καὶ φρεσις* appetitum

ritum & desiderium formatum tribuit; neque hinc alteram
 ἐναντίωσιν multo veriores (si quid ἐναντίωσις huc affer-
 ret) agnoscit, ex appetitu alienæ formæ, velut odio præsen-
 tis: quam é commentitia privatione advenientis formæ:
 Erat enim multo congruentius & luculentius, principium
 constituere ex re vera atq; affirmata, quæq; in esset, quàm
 ex illa per se omninoque non ente privatione rem incre-
 dibilem fabulari. Sed per Deum immortalem, naturæ u-
 niversæ, qua de agimus, opificem, philosophia Aristotelis
 jam verior & solidior Alexandrum consoletur. Quod enim
 & quàm singulare axioma ad totam illam privationis fa-
 bulam explodendum nobis exhibuit? Antea fundamen-
 tum fuit privationis instituendæ & stabiliendæ, falsum il-
 lud & absurdum axioma, γερητικὰ ἐστὶν ἀλλήλων ἐναντία.
 Effectiva sui inter se sunt, contraria. Etenim totis quinque
 capitibus nihil feré, nisi principatus privationis stabilitur:
 veteres physici denique, & magister Plato ignorantia ar-
 guitur, quod beatam illam privationem aut nescierit, aut
 præterierit, aut non satis splendidè exornarit. Tot millia
 hominū tot seculis in Aristotelis schola consenscentium,
 istud nihili & omnino & per se non entis principium, ma-
 gna meliorum studiorum privatione, attoniti suspiciunt.
 At jam Aristoteli gratia magna debeatur ac persolvatur,
 qui tandem veritatis instituendæ & stabiliendæ præclarum
 & prævalidum axioma præbuerit. φθαρτικὰ ἐστὶν ἀλλήλων
 τὰ ἐναντία. Corruptiva sunt sui inter se, contraria. Quid
 tum? Contraria igitur non é contrariis gignuntur, sed á
 contrariis corrumpuntur. at privatio est contraria formæ,
 assumit Aristoteles. Itaque etiam concludit Aristoteles
 idem, Ergo privatio κακοποιὸς malefica, formæ suapte na-
 tura divinæ, bonæ, expetendæ (sic enim Aristoteles εὖον,
 ἀγαθόν, ἐπερόν hinc appellat) inimica atque contraria, quip-
 pe ex se mala, fugienda est & execranda. Quapropter si
 contrarietas in principiis physicis locum esset habitura,
 haberet potius appetitus novæ formæ, & status ingene-
 ratæ; quam privatio advenientis ejusdem, & informatio.
 At ἐναντίωσις vel appetitus, vel privationis, ad interitum
 tantum, ad ortum nihil attinet: falsumque axioma illud
 est, γερητικὰ ἐστὶν ἀλλήλων τὰ ἐναντία. verum autem est

φθαρτικὰ ἔστιν ἀλλήλων τὰ εἰαντία. Neque huc per se & per
accidens distinctio ulla revocetur: quando loquidem præter
omnia jam disputata, leges Aristotelis illæ nobis juratæ
sancitæque, in præceptis artis non modò nihil per acci-
dens, sed κατὰ παντός quidem, αὐτὸ καὶ αὐτὸ, nisi etiam
καθ' ὅλην πῶτον admissuræ sint. Sed quid hîc tantopere
laboramus? Aristoteles ipse ad finem 1. cap. 2. Phys. totum
hoc privationis insomnium penitus é rebus physicis ex-
terminabit. Verùm à privatione ista secedamus, ne nos
» meliorum rerum fructu privet ampliùs. Quid igitur in
» hoc capite reliquum est? Disseritur à Philosopho materiæ
» æternitas, quòd quatenus subjicitur, secundùm hoc gi-
» gnatur, & corrûpatur (sic enim in Græco κατ' αὐτὸ secun-
» dùm hoc, πὼ καὶ αὐτὸ per se legendû est) Ex se se aut & sua
» vi sit ἀγέννητος, ἀφθάρτος, neq; generabilis, neq; corrupti-
» bilis: quia si gigneretur ex alia materia gigneretur: si cor-
» rûperetur, in aliam materiam corrûperetur. Itaq; genita
» esset antequàm gigneretur: & posteaquàm corrupta esset, ite-
» rum corrumpereetur: quod utrumque absurdum sit. Itaque
» est æterna. Sic Aristoteles de materiæ æternitate cum
Platone argumentatur (Plato enim materiam etiam ἀ-
γέννητον καὶ ἀφθαρτον affirmavit in Timæo) & similibus
postea sophismatis de motus, temporis, mundi que æter-
nitate, toto octavo Physico argumentatur. at tum respon-
debitur illis argumentis: presentibus modò respondeatur.
Materiam igitur Aristoteles gigni per accidens aut cor-
rumpi, dicat si lubet, ratione non solùm privationis, sed
formæ, sed quantitatis, sed qualitatis, cujuslibet denique
» accidentis: per se autem neque gigni, neque corrumpi, e-
quidem valde ac vehementer inficior: neque tamen scho-
lastica distinctione ulla hîc abutor; quòd aliud sit creare,
aliud generate (ut scholastici theologi loquuntur) mun-
dum creatum ex nihilo divinitus, generatum autem ne-
quaquam. Verborum commentum extra scholas inau-
ditum valere sino: Physica Aristotelis adversus Aristote-
lem contentus sum, physicis que argumentis duntaxat uti
instituto. Etenim si materia gigneretur (ait Physicus) ex
alia materia gigneretur, quæ cùm loquitur, physicè de-
buit loqui: & sic intelligere: Si materia physica gigneretur;
gigne-

gigneretur ex alia materia physica. Cur, inquam? Conne-
 xi enim consequentiam probari & demonstrari velim:
 quia (ait Aristoteles) materia est subiectum primum, ex
 quo insito fit aliquid non secundum accidens, & si cor-
 rumpatur aliquid, in hoc abibit ultimum. Erit, inquā, ma-
 teriæ definitio ista vera, si de logica materia intelligatur.
 Per hanc enim intelligimus, quod fit, ex hac primum sub-
 jecta fieri: tum si corrumpatur facti entis forma, ultimam
 denique materiam superesse. Sic é logicis definitionibus
 intelligimus quid forma, quid finis, quid adversum, quid
 relatum, quid genus, & cætera logica. Id, inquam, torum
 logicum est; physici generis nihil est proprium. Sed ta-
 men dicat Aristoteles, si physica materia gignatur, gigne-
 tur ex alia physica materia: item si materia corrumpere-
 tur, in aliam materiam corrumpetur. Id enim petnega-
 bo; neque jam consensum Physicorum & concursum ve-
 rebor, qui dicant, ex nihilo nihil fieri, eoq; Aristoteles cly-
 peo sese tueatur. Id enim axioma falsum est; ejusque falsi-
 tatem maximo é Physica Aristotelis & illustrissimo ex-
 emplo convinco. Respōdeat igitur Aristoteles simili con-
 tra Aristotelem argumento. Si forma physica gigneretur,
 ab alia physica forma gigneretur: de mente hominis nihil
 hîc loquor, quam Aristoteles nominatim profitetur ex-
 trinsecus advenire, neque putat ab humana mente gigni;
 de physicis formis, & entium physicorum loquor: deq; iis
 Aristotelem in libris de Cælo, tanquam cælestem prophe-
 tam aliquem audio. De summo enim Deo ita vaticinatur,
 ἐκ ἑθούσιαις καὶ αὐτὸ ἐὶν αὐτὴ καὶ ζῆν, τοῖς μὲν πρῶτον, “
 τοῖς δὲ ἀμυνδρῶτερον. Universis (ait) rebus & esse & vivere “
 illinc attribuitur: aliis quidem manifestius, aliis aut obscu- “
 rius. eademq; de causa pauló anté forma θεῶν, ἀγαθὴν, ἐφε- “
 ρὸν dicta est, atque hoc idem multó etiam magnificentius
 metaphysicæ Scholæ loquentur, secundum Aristotelem “
 formas ex nihilo divinitus creari instar momentorum. En “
 igitur philosophum splendidum & illustrem, á divino re-
 rum opifice non modó in viventibus vitæ, sed in omnibus
 omnino entibus essentiæ causam principiumque repe-
 rentem: ut omnis omnium entium naturalium forma,
 materiæ præculta ac præparata divinitus inspicitur.

Neque κρᾶς temperamentoque subjectæ materiæ, formarum creatio expressioque tribui potest: Ut nec citharæ quamlibet egregio idoneoque artificio compositæ fabrica structuræque, harmoniam velut animam queat efficere; sed citharædus fidibus canendo eam creet necesse est. Neque justum verumque id sit, quod deterius est, melioris causam statui; formam porro quibusvis formæ instrumentis præstare. Quapropter formæ, sunt ex opificio summi Dei. Hæc Joannes Grāmaticus Philoponus argumenta perspexit, conclusitque, Si formæ é nihilo fiant á Deo, materiam quoque ab eodem opifice ex nihilo creari posse. Verum alio ex ejusdem Aristotelis Physica firmiore argumento thesin eandem premo urgeo. Etenim septimo capite tertii de Cælo, axiomā longé præstantius instituitur: δὲ γὰρ ἴσως τῷ αἰθρὶ τῷ αἰθρὶ τὰς ἀρχὰς, τῷ δὲ αἰθρῶν αἰθρῶν, τῷ δὲ φθαρτῷ φθαρτὰς εἶναι τὰς ἀρχὰς, ὅλως δὲ ὁμογενεῖς τοῖς ὑπεκκένεοις. Necesse enim fortasse fuerit, sensibilem sensibilia principia, æternorum æterna, corruptibilem corruptibilia esse principia, omninoque homogenea subjectis. Hæc veté Aristoteles philosophatur. nam si partes totum constituentes sint æternæ, æterna erunt ipsa tota: si caducæ, caduca. Assumatur igitur vel é præsentis capitis sine, At res physicæ sunt corruptibiles, & Physica tales tantum formas considerat. Concludatur igitur syllogismus totus: Res corruptibiles habent corruptibilia principia: Res physicæ sunt corruptibiles: Habeant igitur corruptibilia principia. De formis non dubitat Aristoteles; quin affirmat, per se omnino & gigni & corrumpi; neque item dubitare quidquam debuit, quin per se omninoque & materia gigneretur corrumpeturque. Enimvero materiæ æternitas é tota Aristotelis in hoc primo libro physica consideretur accuratius: materiam Aristotelis primam, non æternam; sed (quod multó longéque majus est ad totam hanc quæstionem terminandum) nullā prorsus in physicis rebus materiam esse dico. Etenim Physice præstantissime (te enim de materia differentem attenté & accuraté consideravi) quamnam materiam physicam nobis interpretaris? Ais 7. cap. 3. de Cælo, τέλος δὲ τῆς φυσικῆς καὶ τοῦ φυσικοῦ ἀντικυρίως κατὰ τὴν αἰθρῶν. Finis autem est Phy-

est Physicæ quod propriè secundum sensum appareat : ais
 deniq; per totam Physicam, Physico propositum esse σῶ-
 μα ἀπλόν, corpus tangibile tactuque tractabile, manuque
 palpabile. Secundo libro disputas, Physicum à Mathema-
 tico differre : quòd Mathematicus abstrahat quæ mente
 contēpletur, Physicus nihil abstrahat, ne definitione qui-
 dem: postremò, Physicum nullum, nisi oculatum, nisi au-
 ritum, uno tactus organo semper instructum, neque jam
 solùm ratione, sed sensu & sensuū quidem crassissimo sen-
 su res sibi subiectas definientem, partientem, concluden-
 tem. hæc igitur propositio nostri syllogismi, sic Aristote-
 lis authoritate fundata sit. assumamus ab eodem philoso-
 pho & partem alteram. Quid igitur? Qualem materiam
 interpretatur Aristoteles? ἀμορφον, ἀπλόη, ἀπειρον, ἀναίδη-
 τον, sine formâ, sine specie, sine qualitate, insensibile. Imò
 verò νῆξ ἐπιστηλὴ κατ' ἀναλογίαν, proportionē & similitu-
 dinē comprehensibilem. Quamobrem syllogismus totus
 concludatur: Res Physico proposita, est insensibilis: Materia
 prima non est insensibilis: nō igitur Physico proposita. Tum
 verò addatur & illud é 1. cap. 4. Phys. ἐστὶ δὲ τὰ μὲν τῶν αἰ-
 ῶντων σωματίων στοιχεῖα σώματα. Sunt verò sensibiliū cor-
 porum elementa corpora. Res autem physica corpus est:
 elementa igitur ipsius erunt corpora: materiaque ideo e-
 rit corporea & sensibilis. Sed enim fabulas istas peni-
 tus explodamus: Age igitur, corollarium (si placet) adda-
 tur: Omnia rerum physicarum genera subducantur; cæ-
 lum, ignis, aër, aqua terra, sydera, meteora, lapides, metal-
 la, herbar, plantæ, arbores, aves, pisces, pecudes, homines: in
 nulla prorsus mundi parte talem corporis physici mate-
 riam deprehēdemus, crucem igitur physicæ doctrinæ stu-
 diosis erectam, gravissima verissimaque tot rationum ve-
 ritate affligamus, disturbemus, atque in æternum conte-
 ramus: Alexandrumq; verissima consolatione cōsolemur;
 nec interea tamen vereamur, ne octoginta talenta repe-
 tat. conduplicabit enim potius præmium, si doctrinæ fru-
 ctum ampliorem perceperit. At verò nos ipsi Alexandri si-
 mus, nobis ipsi gratulemur; cū nos gravissimis errorib.
 liberatos videamus, nosque sentiamus illusos tota disputa-
 tione de materia; multòque etiam impenitus illusos, cū

materies ista commentitia, quæ nusquam sit, etiam æterna, neque generabilis neque corruptibilis efficitur. Certè neque generabilem, neque corruptibilem esse confiteor; sicuti nihilum neque generabile, neque corruptibile esse concedo, quia nihil est: æternam tamen propterea materiam atque immortalem esse, neque confiteor, neque concedo. Itaque operæpretium sit, Physicum nostrum demirari, qui mordicus tueatur istud, Ex nihilo nihil fieri; & tamen duplici in Physica nihilo, materiæ primæ & privationis, totam universi mundi naturam machinetur & construat. Veruntamen de primo nihilo privationis, deque altero nihilo materiæ, satis superque disputatū esto. Quid est igitur isto capite reliquum? Aristoteles de privatione plurima, de materia prima non tam multa, de forma paucissima disseruit: de efficiente, deque fine nominatim nihil: ternarius Aristoteleorum principiorum nominatim non expressit duo hæc genera. Plato *ἄδης* appellarat, speciem, vel ideam, vel formam illam divinam opificem rerum. *πρὸ τῆς κατὰ τὸ ἄδης ἀρχῆς*, de principio secundum speciem (ait Aristoteles) accuratius definire ad primam philosophiam attinet: de formis corruptibilibus solum in Physica deinceps agemus. Verumenimvero princeps illa & primaria causa, ab Aristotele ipso in Physica libro præcipue octavo, & in libris de Cælo, repetita subinde est, & celebrata copiosius, quam in illa prima Philosophia. Nam de quatuordecim libris Philosophiæ primæ, quinque tantum capita duodecimi libri, & ea quidem non tota, primam istam speciem proponunt, neque ferè quicquam proponunt, nisi de Physicis istis repetitum. Quare quid de Aristotelis ingenio tam ancipiti, tamque versatili judicandum sit, malo equidem in aliorum libertate atque arbitrio relinquere, quam odiosum auribus cujusquam molestumve pronuntiare. Ingenium sanè fecundum, multiplicis variæque sapientiæ plenum Iuspicio: quod velut exercendi sui gratiâ, *ὡς ἐκάρτερον* tam mirificè moveatur: nec ideo sit uno aliquo articulo metiendum, comparandæ ex omnibus locis variæ hominis sententiæ, à Melisso, Parmenide, Pythagora, Empedocle, Anaxagora, Zenone, Democrito, Leucippo magnis

magnis laboribus collectæ, talentaque octoginta merita; sed tamen collectæ magis, quàm judicatæ: ideoque ad Aristotelis leges catholicas referendæ. Philosophum hunc velut equum generosum quidem, sed acrem atque alacrem animadverto: legibus igitur illis tanquam frenis cohibendum. Toto primo libro exagitur unitas Melissi Parmenidisque; mens Anaxagoræ deridetur; species Platonis & idea aliò rejicitur, id est, Deus é mundo tollitur, nec omnino Dei nomen in tota octo librorum acroasi ab Aristotele nominatur. At philosophus idem aliàs nihil magis admiratur ac veneratur, id est, Deum non Parmenidæum, vel Anaxagoræum, vel Platonicum, sed Aristotelæum in Physica esse voluit. Nos igitur physicum istum Deum non solum Parmenidæum, Anaxagoræum, Platonicum, sed etiam Aristotelæum, imò vetut optimum maximumque rerum omnium parentem Physica sinceris animis agnoscemus, & colemus. Aristoteles elementa Parmenidis duo, quatuor Empedoclis: homœomera Anaxagoræ vexavit libro primo: locis aliis collaudat, id est, talem materiàm in Physica non Parmenideam, non Empedocleam, non Anaxagoream, sed Aristoteleam esse voluit: Nos igitur etiam hæc materiàm, & Parmenideam, & Empedocleam, & Anaxagoream, & Aristoteleam complectemur, sed catholicis Aristotelis legibus regemus: hic secundus fructus erit. Aristoteles cum Platone formam rerum physicarum quiddam bonum expetendum, divinum agnovit. Plato etiam Deum ipsum opificem perspicuè & luculenter effecit. Formas igitur physicas à Platone & Aristotele divinitus ingeneratas agnoscemus. Aristoteles duplex nihilum in Physica complexus est, alterum privationis, alterum materiæ primæ; nihilum hoc utrunque nihili faciemus: Aristotelem denique Aristotelis virtutibus & legibus metiemur.

P. RAMI SCHOLARUM PHYSICARUM LIBER II.

IN CAP. I.



PRIMUS liber logicam materiæ & formæ doctrinam disputavit: secundus repetit eādem Logicam, tautologia mirabili. Atq; ad hūc elenchum excusandum, ex interpretibus alii dicūt, actum esse libro superiore de principiis rerum physicarum: secundo agi de principiis scientiæ naturalis. quo nihil potest esse pictius. alii actum priore libro præcipuè de materia, secundo agi de forma, par est elegantia superiori. Revera autem de caussarū generibus & modis toto libro agitur. hæc igitur ad libri confusionem illustrandum, bipertita distributio nobis erit. De generibus caussarum tria ferè capita tota sunt. Primo igitur capite, nomine Naturæ, tria caussarum genera, efficiens, materia, forma proponuntur. Quatuor enim significationes Naturæ declarantur: quarū tres primæ, sunt tria caussarum genera, efficiens, materia, forma: quibus additur generatio. Atq; hæc significationes sunt omnes in Philosophia 4. cap. lib. 5. quibus additur essentia naturæ-entiū, quæ res est physica & cōposita; ut natura significet etiam corpus naturale, materia formaque comprehensum: Sic igitur, per speciem Naturæ & nomen, de caussis Physicus philosophatur. Atque ad occasionem primæ significationis, partitio inducitur, quòd entia alia sint naturā, alia non naturā: naturā dicuntur esse elementa, plantę, animantes, cæteręque physice essentię: non naturā, sunt entia artificialia, ut lectica, vestis. At, inquam, in Physicis lex καὶ αὐτὸ, nihil nisi physicum esse patietur: nec Aristoteles in Physicis hanc alteram divisionis hujus partem persequetur. Hanc tam ineptam divisionem subsequitur prima significatio & de

& definitio Naturæ. Natura, est principium & causa mo-
tus & quietis, in quo inest primûm, per se, & non secun-
dum accidens. hæc prima est apud Aristotelem Naturæ
significatio & definitio, ex effectis instituta. neque omni-
no aliter Natura totis postea Physicis definitur. In hac ta-
men definitione, principium motus ad rem tantum facit:
cætera sunt supervacua. Nam quietis ratio hic nulla est ne-
cessaria. cum facultas eadem sit contrariorum. ut, quæ est
facultas loquendi, & tacendi eadem est. Reliqua ad diffe-
rentiam artificialium temere adhibita sunt. Illud enim (in
quo inest) quid propriè necessitatis habeat: horologia si-
quidem & αὐτόματα habent ex arte principium sui mo-
tus in se ipsis, quatenus artificialia sunt: & cum artificium
desierit, desinet artificiosus motus. Nec, quia naturam ars
imitatur, nullus est artis motus; falsoque definirerentur ar-
tes loquendi, dicendi, differendi, numerandi, metiendi,
canendi, medendi; nisi in se ipsis haberent artifices, artis
beneficio atque auxilio, facultatem talis motus & effe-
ctus. Quin Aristoteles ipse in Philosophia δυνάμιν, po-
tentiam & facultatem, præcipuè artibus attribuit. Sed
Aristotelis hinc natus est error, motum soli physicæ rei
tribuens, cum κίνησις καὶ ποίησις, motus & † effectus,
sit prorsus idem, etiam in his Aristotelis libris, ut tertio li-
bro præcipuè convincetur. Vacat etiam in eadem pri-
ma significatione. *Primûm*, quia lex καθ' ὅλην πρῶτον, nil
in arte recipit, nisi quod inest primûm. *Per se autem, non*
per accidens, in definitione item ridiculum est. Possit
enim in omnibus definitionibus differentia *per se, non*
per accidens, similiter adjungi; cum tamen lex καθ' ὅ-
λῃ, generaliter & semel imperet, ne decretum ullum sit in
arte per accidens, sed per se tantum. Tum verò etiā *primò*
complectebatur reliquam differentiam *per se, & non per*
accidens: ut est 4. c. 1. Post. Quamobrem tota hæc in Na-
turæ vel definitione vel significatione, *Quietis, in quo in-*
est primûm, per se, & non secundum accidens, ridicula
sunt & inepta: & tamen hæc definitio (quæ pro universæ
totiusque Naturæ definitione vulgò sumitur) non omni
naturæ & causæ, sed efficienti tantum moventique con-
venit: materię non convenit: formæ, quatenus forma est,

† effectus

hón convenit: finí non convenit. quæ singula é suis post-
ea significationibus & definitionibus percipientur. Se-
quitur, *habere naturam*: pro eodem quod *esse naturâ*.
Verba hîc tantum sunt, res physica nulla. item *secundum
naturam esse, ut per se accidentia*: ubi etiam verba tan-
tum sunt. Nam quæ secundum naturam fiunt, etiam Ari-
stoteli ipsi dicuntur secundum naturam entia, ut 9. cap. 2.
Physic. Sequitur præcipuè ex toto capite, in ó ex tota a-
croasi physica, animadvertenda digressio in fatuum Phy-
sicum, qui demonstraret, Naturam esse; quia res per se
claras rebus dubiis obscuraret, καὶ ὥσπερ τυφλὸς πρὸς
χρωμάτων συλλογίζοιτο, & tanquam cæcus de coloribus
ratiocinaretur. Etenim in tota acroasi physica, Aristote-
les disputans de logicis rebus, non solum physicorum en-
tium, sed quorumlibet & entium & non entium commu-
nibus, quæ per se claræ manifestæque sunt logico ad
physicas artes venienti: Aristoteles, inquam, disputa-
tus de talibus principis per se claris & manifestis, per argumen-
ta rerum obscurissima, quid aliud quam cæcus de colori-
bus judicat? Quapropter ingentis beneficii gratia Ari-
stoteli debeatur, qui cæcitatem mentis Physico objicit, á
quo res per se clara, rebus minimè perspicuis doceatur.
Verum perge. Sequitur altera naturæ significatio. Pri-
mum insitum unicuique ἀπρὸς ἑαυτὸν, incompositum, per
se ipsum. Quæ definitio etsi rudior est, quia *incomposi-
tum & per se*, nihil sunt necessaria ad istius significatio-
nis essentiam & explicationem: tamen materiam illam
primam planè significant, quæ primo libro declarata est;
& ἀπρὸς ἑαυτὸν jam nunc est illud αἰετον, ἀνάμωστον, ἀσχη-
ματίστον, ἄτακτον, ἀμορφον, ἀίδειον. Tautologia igitur ina-
nis est, & quidem supervacuis rebus cumulata; quia ma-
teria perfectè definitur, Causa ex qua res est: ut persæpe
ab Aristotele definitur. Quare *primum, & incomposi-
tum, & per se*, inania sunt. Atque huic materiæ definitio-
ni, si quis volet illam primam Naturæ definitionem, tan-
quam speciali generalem, accommodare: compareret, se-
motis nominibus, & conjungat definitiones hoc modo:
Materia est principium motus & quietis, in quo inest pri-
mum, per se, & non per accidens, primum insitum unicuique,
incom-

incompositum, per se: sentiet elenchum stupidum. Quid
tum postea? Sequitur tertia significatio Naturæ, forma &
species, quam dicimus definiendo quid est. hæc logicæ for-
ma est proprietas: forma enim, est causa per quam res est
id quod est, unde distinguitur à cæteris rebus. Eadem tau-
tologia est quæ prius: logicā formam etiam priore Libro
propositam, pro physica repetere. Addit Aristoteles spe-
ciem hanc non esse separabilem: ut formas physicas intel-
ligamus, quas in fine libri superioris corruptibiles dixit es-
se. tautologia est altera de hoc genere. Addit & illud, for-
mam magis esse naturam quā materiam; quia forma sit
ἐντελέχεια, actus: materia autem, δυνάμις, potentia. Et illud
nimirū est, quod in Philosophia ait, nomine Naturæ pro-
priè significari formam, cætera μεταφωρικῶς, attamen 7.
c. 1. Phys. Aristoteles ait, materiam esse magis hoc aliquid:
& revera materia est subjectum formæ, & corrupta for-
ma, tanquam accidente aliquo, incorrupta (ut putat Ari-
stoteles) permanet. denique si materia & forma, sunt spe-
cies naturæ & causæ; non magis huic quā illi genus cō-
municatur. Tandem quarta Naturæ significatio adscri-
bitur: Præterea autem Natura, quæ dicitur ut generatio, via
est ad naturam. hæc significatio in Philosophia proponi-
tur: & ἀφύω, id est, genero & produco, jam nihil tam pro-
priè significatur, quā φύσις, tam et si minimè omnium sit
usitata talis significatio. Natura igitur appellata est, cau-
sa, & efficiens, & materialis, & formalis: tandem etiam ap-
pellatur γένεσις, generatio, quæ speciem motus, vel potius,
omnem motum † effectumque hinc significat, ut significat
initio 7. cap. 1. Phys. Atque hæc de naturæ ac φύσεως signi-
ficationibus quatuor: unde tamen nulla significatio com-
munis & generalis accipi potest, qua natura & naturalis
philosophia definiatur. Ad extremū etiam forma duplici-
ter dicitur, quia privatio sit etiā species & forma quædam:
quod ipsa privatione incredibilius etiam commētum est.
Privatio per se nihil est: forma, vel sola vel præcipua natura
est: & tamen privatio quædam forma hinc efficitur. Addu-
bitat deniq; Aristoteles, utrū in simplicibus essentiarum or-
tu sit privatio & contrarium; idq; rejicit in quintum physici-
cum, & in secundum librum de generatione: quib. in locis

† effectio-
nema

» affirmabit, essentiae nihil esse contrarium: nec ideo priva-
 » tionem esse ullam. hæc tamen est contrarietas superiore
 libro tantopere disputata. Et verò hæc dubitatio valde A-
 ristoteleum ingeniū depingit. Aristoteles pœnè primum
 librum consumsit, ut privationem faceret rerum natura-
 lium, id est, essentiarum, principium; in eoque tam magni-
 ficè, de suo isto privationis commento sensit, ut imperi-
 tiam & ignorantiam Physicis omnibus, etiam magistro
 Platoni, propterea objecerit: & tamen hîc addubitat, an
 sit aliqua privatio in generatione essentiarum: imò verò
 postea confirmat, nullam prorsus esse. Quid igitur de A-
 ristotele sentias, qui privationem, tanquam filiulam cha-
 rissimam antea sic amplexatus & osculatus erat, ut è sinu
 deponere non posset, & tamen hîc jam fastidire ac dedi-
 gnari incipit: neque post unquam, ut rei naturalis princi-
 pium, appellabit? Eant igitur jam nunc Alexandri & Sim-
 plicii: privationemque Aristoteleam pertinaciter tuean-
 tur, hanc retineant; cùm Aristoteles ipse sic aspernetur, si
 è physico regno exterminet.

I N C A P. II.

Capitis secundi partes duæ sunt. Prima, disputatur
 differentia Mathematici à Physico: secunda, quòd
 sit Physici, materiam, formam, finemq; considerare. Pro-
 » lepsis igitur initio est gemina. Primùm cùm Mathemati-
 » cus & Physicus considerent puncta, lineas, plana, solidaq;
 quomodo differunt? deinde utrùm Astrologia sit diversa,
 an pars Physicæ: cùm Physicus consideret astrorum &
 mundi naturam figurasque? Hæc prolepsis est utraque:
 » solutio primæ primò sequitur, quòd Mathematicus con-
 » sideret figuras mente abstractas à motu & materia sensi-
 » bili: sed Physicus, res physicas consideret cum materia
 sensibili conjunctas, ut è definitionibus utriusque gene-
 ris apparet. In quo Aristoteles, rem quidem magnam
 videtur dicere; cùm tamen novi nihil dicat. Hæc enim
 differentia Geometrice & Physici tam inepta est, quàm
 esset Logici & Physici de causis & oppositis. Nam si Phy-
 » sicus consideret causarum & oppositorum species in phy-
 » sicis rebus, considerabit ut Logicus: perinde omnino atq;
 si nomi-

si nomina & verba rerum physicarum declinaret, aut
 conjugaret, declinaret utique, & conjugaret non Physi-
 ci, sed Grammatici facultate. Sic omnino Geometria
 docet figurarum species & affectiones, quibus Physicus
 in physicis rebus utitur, non tamen ut Physicus, sed ut
 Geometra: neque tum physica, sed geometrica faculta-
 te utitur. In reliquis, quæ vulgò etiam mathematica di-
 cuntur, Astrologia, Optica, Harmonica, Aristoteles nu-
 tat, dubitat, utrum Astrologia sit pars Physicæ; neque a-
 liter dissolvit, quàm ut Astrologiam, Opticam, Harmo-
 nicam τῶν μαθημάτων, φυσικώτερα, é mathematicis ma-
 gis physica nominet: atque ab iis geometrica quidem,
 sed physicè considerari: ut Geometria considerat magni-
 tudines physicas, sed geometricè. quæstionemque ma-
 gis implicat, quàm dissolvit: at facillima res sit, si mathe-
 matum nomine Arithmetica tantùm, Geometriaq; com-
 prehenderentur, ut revera comprehenduntur. Harmo-
 nica sonos spectat, eorumque genera & differentias: Opti-
 ca lucidum, umbrosum, rarum, densum sibi proponit,
 quæ qualitarum physicarum & sensibilibum principes sunt,
 Astrologia autem, non modò pars est Physicæ, sed pri-
 ma summaque pars: imò reliquarum omnium partium
 longissimè princeps & domina, earumque causas, prin-
 cipia, vicissitudines, ortus, interitus, mutationesque suo
 sinu gremioque complexa, & quidem ut terra, cæli, in-
 stâr punctum est quoddam; sic Physica, quæ dicitur A-
 strologiæ instar, minimum quippiam fuerit. Sic igitur
 ista quæstio dissolvenda est: & distinctio talis, magnam
 artium lucem claramque (si quando revera extiterit) est
 allatura. Ut autem existat aliquando, eruditorum præ-
 claris artibus hominum ingenia (ut spero) contendunt
 atque elaborabunt. Nos quidem disputatis octo physi-
 cæ Auscultationis, & quatuordecim primæ Philosophiæ
 libris, magna animi alacritate, eò cursum dirigemus.
 Ergo Mathesis in numeris & lineamentis latam habet
 differentiam ab Harmonica, Optica, Astrologia, Physi-
 ca: subjectis enim rebus (quæ singulæ interpretantur)
 plurimùm differunt. Sed ista comparatio, licet egre-
 gia de re, nobisque charissima, attamen isto loco valde

est aliena. mathematicum nihil proximé neque antecessit, neque sequitur. Cœptum erat agi de caussis: agitur deinceps de caussis: ut nulla talis comparationis occasio, saltem probabilis, appareat: ad initium physicæ de Cælo, ea thesis aptior occurrisset. postremó differentia hæc, á seipsa refellitur. Nam si Physici tantum sit, considerare res sensiles: cur in Physicam inducitur comparatio insensilium? Enimvero differentia ejusmodi, infinitum in libris Aristotelis sophisma continent. Didiceris Grammaticam & Rhetoricam: scies é rebus definitis, quæ sit earum differentia. definitio enim, non solum rem explicat quid sit, sed etiam definit & distinguit tanquam finibus & terminis, á cæteris rebus. Sed Astrologia tum rudior erat, neque Græcis adhuc valde nota: ut postea patebit in libris de Cælo. & quód Astrologia sit pars Physicæ, dicetur rursus septimo capite hujus libri. Sed in hac eadem comparatione, duo considerata inciderunt. alterum est, nullum esse mendacium mathematicorum, quamvis á subjectis & sensilibus abstrahentium: quod ab Aristotele repetitur 39. cap. 1. Priorum, 8. cap. 1. Posteriorum, & in Philosophia 3. cap. 13. lib. & 2. cap. 14. lib. At huic abstractioni, ut perpetuæ magnitudinis divisioni *διεμάχτο πλάτων, ὥς ὄντι γεωμετρικῷ δόγματι*, adversabatur Plato, ut cuidam geometrarum placito, ut est 7. cap. 1. Phil. Nec sané aliter geometres magnitudinem abstrahit, quàm Apelles colorem, si de colore artem conficiat: imó veró, artium omnino omnium id est commune, ut res generales præceptis comprehendant, quarum tamen sola in rebus singulis exempla sint. ut etiam plenius docetur 3. cap. 13. Metaphysicor. quód si geometres aliam magnitudinem abstrahat, quàm in exemplo vero & sensili repræsentare queat, falsó abstrahit & mentitur; quoniam cogitatio mentis, essentia ac veritati rerum non respondeat. Sed hac de re iterum tertio & sexto Physico dissetetur ampliús. Alterum híc considerandum est de Ideis, quarum nomine Plato & Socrates perstringuntur. de quibus tamen varia variorum locorum calumnia vexatis, idem Aristotelis judicium erit, quod de Melisso & Parmenide, deque Anaxagora fuit. In Philosophia

sophia enim 6. cap. 3. lib. & 3. cap. 13. lib. Plato & Socrates egregie vindicantur. Socrates quidem, ait Aristoteles, universalia separabilia non faciebat. Sed locos omnes illos in dialecticis, amplius a nobis disputatos, in categoria de genere & specie. Quamobrem prima pars capituli hujus ita est: secunda, post hanc comparati mathematici digressionem, revertitur ad genera causarum, quas Physicus considerare debeat: sed eadem illa naturae species praecegitur, tanquam de natura ageretur, non de causa. Primum igitur natura dupliciter dividitur, in materiam & formam: quae tamen primo capite quadrifariam secta erat. Tum verò, quid sequitur? Physici est considerare materiam formamque (ait Physicus) primum, quia veteres Physici considerarunt utramque, quamvis formam parcius: sic 1. Physic. & 1. Phil. veteres ab Aristotele exercentur, tanquam gnari materiae rerum, ignari ceterarum causarum. secundò, quia ars imitatrix naturae, materiam formamque considerat. Esto, quid tum? Considerat etiam Physicus finem & cuius gratiam? quia & ars etiam finem sibi proponit. Fateor, inquam; at ista causa in ternario causarum, primo libro praeterita est: praeterita est primo capite hujus, in quatuor significationibus naturae: praeterita est in hoc capite in duobus generibus naturae. An verò finem considerat Physicus, tanquam formam? Hec verò Aristoteles formam sine, aut finem potius forma comprehendit. quod apertius dicet capite septimo, de trium causarum concursu in unam. At praeter ipsam rei formam, finis etiam appellatur, usus formatae perfectaeque rei. Sic enim Physicus loquitur, Utimur, veluti sint nostri gratiam, omnibus quae sunt. Sumus enim & nos quodammodo finis. Dupliciter enim dicitur id cuius gratiam. Hic Aristoteles finem duplicem facit: primum formam, quam cum res adepta sit, finita perfectaue dicitur: deinde usum rei factae. Remittit autem Aristoteles cognitionem duplicis finis ad Philosophiam, ubi tamen nusquam nominatim *dupliciter* illud exprimitur. quinto libro, finis in principiis & causis consilii & electionis numeratur, & formam item finis comprehenditur. nono etiam libro, finalis usus ille proponitur: qui locus modò

videtur appellari: sed illic obscuré loquitur Aristoteles: ἔσχατον, extremum, modó χρὴ τοιοῦτον, usum, id est, formam & actum (ut Alexāder interpretatur) modó esse ἔργον, opus. consimile quiddam est 7. c. 12. Metaphys. de fine, cui & cujus, sed obscuriús etiam quám antea. Sed hæc partitio manifesté 4. cap. 2. de Anima ita exprimitur. dupliciter cujus
 » gratiā: illud quidem, cujus: at hoc, cui. Hæc Aristoteles. ut
 » forma domus, est finis cujus gratiā architectus ædificat: possessio & usus ædificatæ domus, est domino finis. Simplicius & Philoponus, cūm partitionem istam in Philosophia non invenirent; dixerunt, nōmine Philosophiæ, Ethicam intelligi. Itaque Aristoteles fallit falliturque dum librum alium pro alio sumit. Philoponus tamen illud veré admonet, usum rerum, absolutissimum finem esse. At finis, modó qui forma dicitur, licét finis sit causæ efficienti, materiam dolanti ac præparanti, non est tamen forma eadem finis rei formatæ ac perfectæ, tantúmque est δμωνμία verbis: species finis nulla nova proponitur: unaque definitio finis, gratiā cuius, utriusque fini sic considerato convenit. de fine autem rursus proximis capitibus. Sed tamen disputat Philosophus, materiam, formam, finem, Physico cognoscendas esse: efficientem veró, cur obliviscitur? Fuerat enim prima naturæ significatio primo capite. Verúm esto id μήμνησθαι oblivionis ἀμάρτυμα. quid
 » est deinde? Comparatio est obscurior de arte duplici, quarum altera faciat omnino materiam, poliatve tantúm: altera, formam, speciemque perspiciat: illa ποιητική, hæc ἀρχιτεκτονική dicitur. In physicis autem materies inest, quæ dicitur ad aliquid: formæ nempe variæ varia est: hæc dissimilitudo, blattas Apelliconis redolet, ut comparatio proxima; quód Physicus formam speciemque considerat, quatenus medicus nervum, æs ætarius. Nihil enim admodum hîc explicatur: nisi forté formas inseparabiles & corruptibiles placet intelligi, quod etiam additur ad extremum, eas species Physico proponi, quæ separabiles quidem sunt cogitatione, in materia tamen. Illæ nimirum corruptibiles formæ repetuntur; & tamen separabiles hæ formæ, quæ tantopere iterantur, quomodo æterno Aristotelis celo, æternis Aristotelis elementis convenient? Separabile enim

enim ratione Aristoteli nunc idem, quod corruptibile; caussaq; additur, quod homo & sol, hominem generant: quæ res sunt physicae & sensiles. Separabiles autem formæ, quæ re separantur, ad philosophiam primam rejiciuntur, ut in fine libri primi. Quamobrem pars altera secundi capitis, Logicam materiam, formam, finis, ita necessariam docet esse. elencho infinité per totam Aristotelis philosophiam disseminato. Cognitio trium caussarum & reliquarum Dialecticæ partium necessaria est in reliquis omnibus artibus: non ideo tamen artium reliquarum præceptis logica præcepta protinus includenda sint. Lex illa iustitiæ καὶ αὐτὸ, fines artium longé secus regēdos imperat.

I N C A P. III.

AT jam de caussis non alieno Naturæ nomine agitur: non efficiens, materia, forma solum, ut primo capite: non materia, forma, finis solum, ut secundo, necessariae Physico dicuntur: sed suo & proprio caussarum nomine, tota quatuor genera, efficientis, materiam, formam, finis, Physico considerata sunt (ait Aristoteles) quia hinc cognitio scientiaque rerum est. Concedo, inquam, sic primo capite primi libri, ais á caussis incipiendum, quia hinc est omnis cognitio: sic primo capite secundi, proponuntur efficiens, materia, forma Physico: sic ultima parte secundi capitis proximi, proponitur materia, forma, finis, Physico. Verumtamen quousque nos elenchus iste fatigabit? usus caussarum per totam Physicam, sicuti per aliam quamvis disciplinam, summus est: ut hic coactus repeto. At doctrina caussarum, logicæ artis unius est: neque aliter efficiens, materia, forma, finis, hic definitur, quam definitur in Logicis. quid veró est leges & καὶ αὐτὸ, & καὶ ὅλα καὶ ὅλα violare? quid est logica physicé, generalia in speciali arte confundere, putidaque tautologia iterum iterumque repetere; nisi hoc est? Sed satis de prima secundi libri parte in caussarum generibus: sequitur libri pars altera de modis caussarum: qui ab Aristotele complures descripti sunt, admodum inconstanter & varié. Primó enim, modi decem dividuntur, quod é caussis homogeneis, alia dicitur prior, alia posterior: alia per se, alia per accidens, eaque re-

- „ motior vel propinquior : alia potentia, alia actu : alia sim-
 „ plex, alia composita. Partitiones istæ, leviculæ sunt admo-
 dum, & ab authore etiam hîc improbata. Itaque modi
 decem ad sex etiam nonnihil variatos revocantur; quôd
 „ é causis alia sit specialis, alia generalis; alia accidens, alia
 „ genus accidentis: alia simplex, alia composita: quæ singu-
 læ deinde dividuntur actu & potentia. Itæ pro decem illis
 modis, fiunt duodecim. At λογικώτατε philosophorum o-
 mnium philosophie, quamnam Logicam in Physica nunc
 adhibes? Rem alienam tractas, Logicam in Physica: non
 est satis. repetis differentiam veteribus Physicis superiore
 libro exprobratam: per se, per accidens: actu, potentia.
 Deinde é tribus modis primis decem, cur prior, posterior:
 per se, per accidens: remotior, propinquior indidem tol-
 luntur? utrûm minûs generales sunt, quàm accides & ge-
 nus accidentis? Si sophistici & fallaces, cur abs te proposi-
 ti? an ut te ipsum sophisticum & fallacem probares? Qua-
 re nulla legum Aristotelearum, partitiones tam leves &
 inconstantes tolerare poterit.

I N C A P. I I I I.

- T**Ria proxima capita, speciem item, aut nomen Na-
 turæ nequaquam conimiscuntur: sed apertè lo-
 quuntur circumstantiam causæ efficientis, nec eam
 „ tamen integram. Circumstantiæ est efficientis causæ, ef-
 „ ficere per se vel per accidens: per se, τὸ ὀρισμένον ἑνεκα τῆ ἡ
 „ κατὰ προαίρεσιν, ἢ κατὰ φύσιν definitum gratiâ alicujus aut
 „ consilio, aut natura. In utrisque enim, per se ἢ gratiâ ali-
 cujus, Aristoteles consilium & naturam statuit quinto &
 sexto capitibus, ut aliàs sæpe. Per accidens autem efficiens,
 est casus, in quo est & violenta necessitas. Violenta necessi-
 tas hîc omittitur: proponitur autem undecimo capite pri-
 mi Posteriorum. Casus igitur & fortuna, tribus proximis
 capitibus differuntur. Quarto capite triplex opinio Phy-
 sicorum de fortuna explicatur. Primi tollunt fortunam,
 quia omnium rerum certa causâ sit: quos Aristoteles vi-
 detur improbare ex apparétibus, & ipsorum testimoniis;
 qui fortunam etiam in libris suis & casus temeritatem ap-
 pellant: hos tamen sequetur postea ad finem capitis quin-
 ti, &

ti, & toto octavo: ne totum Aristotelis iudicium unico loco testimoniove comprehensum putes. Secundi fortunam collocat in cælo dominam: quibus Aristoteles acrius resistit, objecta providentia rerum ante oculos positarum: quod non è quolibet semine arbores, bestiae, homines oriuntur: sed è plantis plantæ, è bestiis bestiae, ex hominibus homines: absurdumq; ideo fit, in cælo nullum finem statuere, præsertim cum hic etiam casus aliquis appareat: illic contrâ, sempiternus ordo. quæ refutatio, plenius octavo capite toto differetur: Naturam quippe frustra nil agere. Tertiis Physicis videtur aliqua esse fortuna, ἁδὴλος δ' ἀνδρωπίνη διαοία, ὡς θεῶν τι ἔσται καὶ δαιμονιώτερον, sed incerta humanæ intelligentiæ, tanquam divinum quiddam ac beatum. hæc sententia, Platonem potius quàm Aristotelem redoleat. hanc tamen Aristoteles non refellit, imò laudat & sequitur, ad finem quinti capitis. Sic Aristotelem Platonicum cernimus, tanquam fortuna (quæ dicitur ab hominibus) nihil sit, sed Dei sint opera, quæ fortuita videantur; quem tamen antea velut ἄθεος quidam, Aristoteles visus est despexisse. Sic unitatem Parmenidis, mentem Anaxagoræ, Platonis speciem averfabatur. At nimirum illud est, Deum Aristoteles in Physica aliquem præfectum esse cupit, sed Aristotelis tanquã manu & autoritate præfectum. qualis autem sit ista manus & autoritas, jam capite huius libri octavo apparebit.

I N C A P. V.

Definitur fortuna, caussa per accidens in rebus, quæ neque semper, neque frequenter, sed raro eveniunt, susceptis tamen alicujus gratiâ. Quæ definitio posset etiam violentiæ & necessitati exteriori convenire. Deinde fortuna suis epithetis à Physico, tanquam à poëta aliquo depingitur; appellaturque ἁόριστος, ἁδὴλος, παράλογος, ἀβέβαιος, infinita, incerta, inopinata, inconstans: quæ tertia Physicorum opinio de fortuna fuerat. tum nominis adjuncta quædam declarantur, quid sit τύχη ἀγαθὴ καὶ φαύλη, εὐτυχία, δυστυχία, fortuna bona & mala, prosperitas, adversitas. Hæc doctrina est capitis huius, è Logicæ fortuitarum caussarum loco,

I N C A P. V I.

„ Sexto capite differentia traditur casus & fortunæ: quod
 „ casus sit caussa per accidens in iis quæ raró sunt, sive
 „ consilium intercesserit, sive non: fortuna autem, sit in iis
 „ quæ consilio aguntur. Itaque in rebus inanimis, bestiis,
 „ pueris, esse casum: fortunam in hominibus ætate maturis.
 Atqui, inquam, discriminen hoc totum commentitium est,
 nec ab Aristotele observatum aut iudicatum. sæpe enim
 fortunam & casum pro eodem sumit: quod etiam hîc in-
 „ nuit cûm ait, metaphora & similitudine dici á Protarcho
 „ lapides fortunatos, é quibus aræ fierent, quia colerentur:
 Latinis veró hominibus, fortunæ & casus differentia ejus-
 modi inaudita prorsus & ridicula sit. Zeno aliquis aut Parmenides, physicis commetariis hanc bellam differentiam
 comprehenderat. Aristoteles collegit: ad suas leges non
 „ examinavit. Quare & nos é causarum scientia & doctrina
 commentum scholasticum sustulimus. interea tamen
 „ adnotemus, quod philosophus ait, casum esse in rebus in-
 „ animatis, in bestiis & in pueris. Equus (ait) cûm casu redie-
 „ rit, servatus est: & tripes casu lapsus, apté sedit: quia eo sine
 „ neque equus redierat, neque tripes ceciderat. his exemplis
 docet, casum in physicis rebus esse. Ad finem capituli, redu-
 citur fortuna casusque, ad speciem causæ efficientis: quod
 initio quarti capituli proposui. & probatur quadripartita
 causarum partitio: quia interrogati propter quid, possu-
 mus per singulas causas respôdere, per formam, efficien-
 tem, finem, materiam: quod de posterioribus Analyticis
 II. cap. 2. libri, est inani & sophistica tautologia repetitum:
 ubi similiter docetur, per quodlibet genus causæ posse
 demonstrari. At Lógica ista in Physicis contra leges & κα-
 θ' αὐτὸ & καθ' ὅλα πρῶτον, & primo & secundo & tertio & se-
 xto capite, quoties iteratur?

I N C A P. V I I.

C Aput septimum, tam inepto vinculo proximis an-
 tea & postea propositis rebus cohæret, quàm cohæ-
 rebat capituli secundi pars prima. De causis per ac-
 cidens actum est tribus anté capitibus, & agitur duobus
 extremis reliquis: hoc autem capite, de omnibus causis in-
 uai-

universum, ut actum est tertio capite. Sed tautologia illa triplex hic nova est, quod modò causæ sint cognoscendæ Physico. Revocatur igitur initio, quod propositum est secunda parte secundi capitis, quod iteratum est initio tertii capitis; Physico recognoscendas esse causas, materiam, formam, efficientem, finem. At ego tautologiam tam infinitam in Aristotele perpetuamque toties adnotare, vereor propemodum ne id etiam *ταυτολογειν* esse videatur. Sophisma hoc unum est in totis Aristotelis libris odiosissimum. Pergamus igitur. Quid tum? Tres autem causæ (ait Aristoteles) in unum sæpe conveniunt, forma & finis & efficiens. At, inquam, de forma & fine jam diximus, quomodo verbi elencho falleremur; & quod forma & finis, idem & ejusdem rei non diceretur. Forma, est finis dolanti materiam & præparanti. At eadem non est & forma & finis rei formatæ. Quare vel Aristoteli aliud est forma hominis, aliud finis: neque unquam duæ causæ istæ confundentur: ergo in duabus primis causis, id primò falsum est. Nec minùs etiam falsum, quod efficiens idem sit quod forma finisque. Nec Aristotelis probatio id concludit: sed ait, efficientem specie idem esse cum forma & fine, quod homo generat hominem. At, inquam, homo qui efficiens causa hominis consideratur, non est forma ejusdem hominis: non est finis ejusdem hominis. Nec omnino verum est, ab omni efficiente causa, vel Aristotelis judicio, similem speciem gigni. Sol & homo, dixit antea, generant hominem: non etiam solem. Quare totus hic locus, capiosi sophismatis & insulsi plenus est. Quid tum postea? Sequitur, tria esse moventium genera: quædam immobilia, quædam mobilia; tum incorruptibilia, tum corruptibilia. primù genus, à Physica rejicit, ad theologiam nempe sed elencho singulari, quod in se neque motum, neque motus principium habeat. At, inquam, quomodo moveri, si principium & causam motus non habeat? Equidem in hoc & in similibus sexcentis erroribus tam manifestis, interpretum judicia admiratus sum. Non habet principium motus, ajunt, quia non movetur. At, inquam, utrùm in illa efficientis definitione, *principium motus*, nomen *motus*, passivè tantùm intelligitur? utrùm natura antea tantùm

dicebatur id quod moveri potest, non autem quod aliud inoveret? Verum multo melius & elegantius philosophabitur tertio libro Aristoteles, cum dicet, eundem motum esse *πίνσις*, actionem, in agente; & *πάθσις*, passionem, in patiente: fabulosumque interpretum commentum plane refutabit, demonstrabitque elenchum loci hujus. Sed tamen de tribus propositis generibus unum tantum Physico Aristoteles eripit, immobile. mobile quodlibet, seu incorruptibile, ut cælum, licut ipse arbitratur: seu corruptibile, ut cætera cælo subjecta, Physico concedit. & quod dubius anxiusque secundo capite in differentia Mathematici & Physici suspenderat, utrum Astrologia, pars esset Physicæ, jam apertius confirmat. Verum, quid deinde agitur? Revocatur elenchus toties oblatus, toties refutatus, quod sit Physici, considerare materiam, formam, efficientem, finem. Verum si surdos, si obliviosos, si sensu communi destitutos doceremus, tautologia tamen ista putida fuerit. Equidem de Aristotelis ingenio non satis verecundè eos sentire arbitror, qui hæc ab eo judicata iterum, potius quam semel collecta existimant. Leges illæ a philosopho promulgatæ, longè aliam ipsius philosophi mentem profitentur. Ecquid tamen hoc miramur? ecce idem rursus iteratur, paucis interjectis versiculis, an verbis: quod Physicus consideret materiam & formam & efficientem. Verum id prætereatur: considerentur consequentia. Repetitur illud, paulo ante disputatum, movens immobile non esse physicum. Duplicia sunt principia physicæ moventia, alterum non physicum, velut illud omnino immobile & omnium rerum primum. Ecquid? inquam: cur hoc principium, omnium primum & immobile, omnia physicæ movens, non erit physicum principium? Causa eadem quæ prius redditur, quia non habet in se principium motus. Verumenimvero, quodnam illud est principium physicæ movens, & tamen non physicum? aut cur tandem octavo Physico tantopere postea celebratum? An derisi Parmenidis, Anaxagoræ, Platonis conscientia quædam hîc etiam residet? Movet omnia primum illud principium, & tamen non habet principium motus? movet omnia physicæ, & tamen non est physicum?

eum? Complexio verborum, ita me Deus amet ille, de quo loquimur, anxietatem stomachi laboremque non concoquentis ostendit. Sed ab elencho isto discedamus. Per genera caussarum omnium Physicum demonstrare, tertium philosophus in hoc capite differit. quam tautologiam pudet equidem toties refellere, quoties occurrit. Interea autem Aristoteles comparat materiæ necessitatem, conclusionis ex antecedentibus necessitati: quod nono capite postea repeteretur copiosius.

I N C A P. VIII.

SEptimi capitis digressio ejusmodi fuit: regressio est deinceps ad fortunam: cui disputatio necessitatis, quæ in fine superioris capitis attingitur, deinde est annexa. Ergo hoc utrumque Aristoteles proponit initió, quód natura nihil temere faciat: quód materiæ necessitati, veteres Physici omnia naturæ opera subjecerint. Etenim si aliam præterea causam appellarint, ut hic concordiam & discordiam, ille mentem: attamen ubi leviter attigerint, tum protinus eam valere sinunt. Sic veteres Physici primo libro, sic libri secundi capite secundo, tanquam materiarii Physici efficiuntur; qui unicam de causis materiam norint, cæteras ignorarint: & mens Anaxagoræ jam sapius vellicatur. Sed illa nimirum ambitio Physici principatus, hæc ab Aristotele toties expressit. Veruntamen separatim capitis octavi ἀκρόασις audiamus, quód natura nihil temere faciat. quæ videtur adversus Empedoclem unum dirigi. Enimvero philosophia Aristotelis & eloquentia, in hac declamanda thesi, gravis in speciem & singularis enituit: dum & ipsa thesis confirmatur suis firmanentis, & á contraria oppugnatione defenditur. ad leges tamen illas, omnis doctrinæ principes & judices relata, longé dissimilis apparebit. Etenim prima lex illa κατὰ πάντος, non modó temeritatem nullam Fortunamve, sed ne constantiam quidem, nisi necessariam, ullam in artibus patietur. at Physica est φύσις pictura & ars quædam. Quare non potiús in Physicis, quàm in Grammaticis aut Arithmeticis disserendum sit, Utrúm casui & temeritati locus sit ullus. Sed Aristotelis declamatio

audiatur. dulpex in ea prolepsis explicatur. Etenim (ajebat
 » Empedocles) cū Jupiter pluit, augetur aliās, aliās veró
 » corrumpitur frumentum: quamvis pluviae causā alia fue-
 » rit. ita, nihil prohibet, Naturæ opera casu & fieri & con-
 » servari: ut é dentibus, anteriores acutos, maxillares latos
 » esse: ut monstra illa hominum, quæ Empedocles appellat
 » βορύν κὰὶ ἀνδρόπεπρωα, bovigena & viriprima, centauros
 » videlicet & minotauros. Hæc enim Empedoclea physici
 casus argumentatio est: Similitudo autem illa Jovis à Ci-
 cerone pro Amerino usurpatur, ad excusandum Syllæ do-
 minationem. At contra similitudinem hanc, Aristotelis
 argumenta consideremus. Respondet igitur Physicus no-
 » ster: Casus & fortuna tantum dominatur in iis, quæ raro
 » sunt: res autem omnes naturales eveniunt aut necessarió,
 » aut frequenter. Hoc primum est Aristotelis argumentum,
 sed infirmum: quia quaeritur, utrum natura etiam rara hæc
 monstra faciat: nec Logica probabilis fuerit, αἰτῶν δὲ τὸ
 ἐν ἀρχῇ, petere quod in principio est, & quaestionem pro
 argumento postulare. Agitur igitur, secundum attendatur.
 » Tum veró (ait Physicus) ubi. antecedentia consequentiaq;
 » ad unum referuntur, ibi est alicujus gratiā. Atqui sicut ab
 » arte, sic (si nihil impediatur) à natura res agitur: ut si natura
 » domicilium architectaretur, aut ars arborem vel animan-
 » tem moliretur, eadem prorsus ratio utrinque teneretur.
 » Ars veró aliās perficit, quæ natura nequeat absolvere: aliās
 » autem, in rebus naturam tantum imitatur. Quare si finis
 » arti proponitur, proponitur & naturæ. hoc secundum est
 argumentum: quo tantum concludi potest, Naturæ finem
 frequenter esse propositum, non semper. & similitudo ar-
 tificis hic convenientior fuerit, quam artis. Agedum, com-
 paratio artis omittatur, & in tertio argumento, naturalium
 » rerum genera (ait Aristoteles) potius spectentur: & quidem
 » earum, quæ tametsi neque arte, neque consilio moventur
 » ullo, mente tamen nonnullis præditæ videantur. Etenim
 » aranea telam texit, formica annonam congerit, hirundo
 » nidulum construit: ac si longius progrediare ad plantas,
 » comperies certo fine cuncta constitui & ordinari: radices
 » deorsum, sugendi alimenti: frondes sursum, fructus ope-
 » riendi gratia. Hoc tertium est Aristotelis argumentum:

lingua.

singulare quidem, & philosopho dignum: sed tamen quo non aliud, quàm superiore, concludi possit, Naturam sæpè agere alicujus gratiâ, non semper. Quartum verò argumentum est ineptum: Natura (ait Aristoteles) est tum materia, tum forma: forma autem, finis est, cujus gratiâ. Verùm in isto argumento, forma pro fine incongruè & ineptè ad præsentem quæstionem appellatur: neq; enim radicibus vel foliis forma, suus finis est: multòque verior est finis ille in superiore argumento ab Aristotele descriptus, in alimento excipiendo, in fructu tegendo. Hæc adhuc ad prolepsin primam confirmatio fuit. At βεβαιῆ καὶ ἀνδροπρωρα objiciuntur: neque iis adhuc responsum est. Verùm (ait Aristoteles) peccatum id naturæ fuerit, non finis. Siquidem aliquando etiam ab arte similiter peccatur: quæ tamen omnia certo fine suscipit. Nā Grammaticus barbarissimum facit, & Medicus non aptè potionem præbuit. quid igitur bovigena, centaurorum monstra, corrupto aliquo semine nasci mirum est? At Aristoteles mirifice, quid agis? disseris argumento secundo, artem temere nihil agere: at nunc artificis peccata ista, quænam sunt? utrùm per se Grammaticus solæcismum, vel Dialecticus elenchum faciat? an potiùs per accidens, & aliquem imprudentiæ casum? Erravi (inquit orator ille deprecando culpam) temere feci, veniam peto. ita Grammaticus vel Logicus de peccato suo appellatus, culpam suam excusaret. Quapropter Aristotelis hoc argumentum, Aristotelem ipsum refellit. Monstra fiunt, inquam: Ergo ab aliqua causâ fiunt: nec ea per se & fine certo id agente: quia peccata sunt: ergo per accidens & per casum. & tamen Aristoteles in Physicis postea, etiam physicam aliquā monstrorum causam proferet. tam plumbeis argumentis modò præliatur. Sed tamen pergit oppugnare physicum casum. Tum verò (ait) naturæ progredientis ordo cernitur in generatione rerum, ubi semen est imbecillius primò, deinceps ἁλοφύς, tanquam totigenum, perfectum, absolutumque semen, tandem animal nascitur. Atque in plantis, in quibus vis naturæ minor est, temeritatis consilii occasio, ne ab Empedocle quidē fingeretur: ut quæ admodum essent βεβαιῆ καὶ ἀνδροπρωρα, ὥτως ἀμπελο-

† *alicujus*

„ *ἡ καὶ ἐλαυδῆρα*, sic & vitigena & oleoprime. Denique
 „ utrū eadem possit in seminibus temeritas animadverti?
 Atqui utrumque ridiculum. Hæc Aristotelis argumenta,
 Empedoclis casum refellerent, ut prima illa, quibus con-
 cluditur, Naturam frequenter alicujus gratiā, non semper
 „ agere. Argumentum postremum est, quod natura sit
 „ principium motus, ideo temere nihil faciat. Sed syllo-
 gismus hic etiam valde est *ἀσυνλόγιστος*. Nec enim quic-
 „ quid agit aliquid, † illius agit gratiā. Hæc prolepsis prima
 „ fuit longior: brevior altera est. At non videmus, dicat Em-
 „ pedocles, naturæ deliberationem atque consilium: Ergo
 „ non agit alicujus gratia. Non sequitur, respondet Aristote-
 „ les: Non enim artifex deliberat, attamen agit alicujus gra-
 „ tia. Atqui natura tam similis est arti, ut si in arbore inesset
 „ ars ædificandæ navis, aut in homine natura recuperandæ
 „ valetudinis: utraque similiter & navem faceret, & valetu-
 „ dinem curaret. Hoc Aristotelis simile, revera est dissimi-
 „ le: artifex enim sine consilio iudicioque artis nihil efficit.
 forensi quidem aut civili more non consultat, at & regulis
 artis suæ iudicat quod agit: secus, non artificiosè, sed teme-
 re ageret. Quod autem natura non deliberare à philoso-
 pho dicitur, deliberationem Physici nostri mentemq; ne-
 scio quam ostendit, nullam divinæ providentiæ micam i-
 sto nomine Naturæ intelligentis. Nec enim vel Parmeni-
 dis uuitas, vel mens Anaxagoræ, vel species Platonis, o-
 mnia suo consilio regens & administrans, modò cogita-
 tur: sed natura cujusque vel lapidis vel arboris vel anima-
 lis, nullo consilio utentis attenditur. Quamobrem hic
 manus Aristotelis & autoritas illa, de qua sæpius agi-
 mus, cognoscitur, qua deum physicis rebus ita præficit, ut
 res ipsæ nutu quodam suo, sine consilio, sine deliberatio-
 ne, suos motus suasque actiones exequantur: sed hæc ea-
 dem autoritas postea luculentius apparebit. Nunc Ari-
 stoteleam casus é physicis rebus ejectionem & exclusio-
 nem, ex Aristotele ipso paulò plenius expédamus. Etenim
 cujus argumenti sunt Aristotelis exempla illa capite sexto,
 de equi reditu, & tripodis lapsu? nonne ut jam prænotavi,
 in physicis casum demonstrant? & quid aliud tum Aristot-
 eles egit, quàm ut doceret, casum in physicis rebus, solo
 natu-

naturæ nutu, sine deliberatione ulla impulsis, inventi? Quamobrem tam proluxa disputatio, nullum in physicis casum versari (ut casus definitur) fallax & captiosa est, & refutata infinitis per totam Physicam exemplis: quibus constat, per accidens plurima fieri. Sed tamen infinitæ de reliquis per se causis tautologiæ species illa fortasse fuerit, quod utilitas physicis rebus inde permagna affertur. At per inane vanumque fortunæ casusque numen, quæ species, quis color, quatuor in hoc libro capitum, quarti, quinti, sexti, octavi reperietur? Hinc enim nulla utilitas, nullus usus, nullus fructus physicis entibus accommodatur: & certè non aliud actû est tam proluxa Physica, quàm ut nullam in tali causâ Physicam statueremus. Quare planè quatuor capitum de casu disputatio, in physicis & re & specie est inanissima.

I N C A P. I X.

Refutati sunt assertores temeritatis & fortunæ prolixius: brevius autem refutantur deinceps (quæ altera de duabus propositis quæstio erat) assertores necessitatis, qui necessariò rem quamlibet naturalem gigni arbitrentur. perdidicùle quidem, ait philosophus: perinde ac si dicerent, necessitate domum extrui, quia gravia fundamenta deorsum, materies levior sursum statuatur. Hæc ad rem est Aristotelis responsio. Tum verò pergit, & ait, necessitatem in rebus physicis nullam esse, nisi ex hypothesi materiæ, nempe sine qua, talis forma finisve non esset; qualis necessitas est in mathematicis è principiis conclusionis. Nam si sit rectus angulus, trianguli tres anguli duobus rectis æquantur: & si non hoc, neque illud. In physicis autem ἀνάγκη, contrà, si finis est, materiam esse necesse est: at si materies non sit, neq; finis erit. Finis autem, principium est τῆς πράξεως, ἀλλὰ τῆς λογισμῆς, non actionis, sed ratiocinationis. Hæc cōparatio valde obscura est. Est. n. valde remota illa causâ trium duobus rectis æqualium, è recto angulo: qui tādē adhibetur, cūm quæritur ad 13. p. 1. cur recta in rectam insitēs, faciat æquales rectis. Atq; hæc causâ tam remota syllogisticæ demonstrationis ex causâ propria exemplum Aristoteli afferre nullum

potuit, ut vulgò plerique interpretes arbitrantur. Grammaticus hic est paulò γεωμετρικώτερος: at Simplicius, dum rectilinei octo angulos quatuor rectis æquales facit, planè se ἀγεωμέτερον ostendit: æquantur enim rectis duodecim: & tamen hic geometres tam accuratus, Grammaticum octavo l'hyfico, ut inertem & omnis doctrinæ imperitum insectabitur. Deinde quid ista syllogistica consecutionis necessitas ad generis objectam necessitatem? Respondere autem debuit Aristoteles Democrito vel cuicumq; Physico, necessitatem rebus physicis imponenti: Et si modo dicatur necessarium, quod perpetuum sit & immutabile, ut verum necessarium opponitur vero contingenti: necessitatem absolutam refutaturus, contingentiā demonstrare debuit. At hoc non facit: imò octavi capitis initio disputat, Naturam nihil agere temere: quia entia physica, aut semper sic sunt, aut frequenter: ut noni capituli physica falsa sit, quæ docet, in physicis rebus nullam esse necessitatem, nisi ex hypothesi materiæ. perpetui enim & necessarii sunt, Aristotelis iudicio, globorum cælestium motus: eadem necessitate gravia deorsum, levia sursum moventur. Quamobrem Aristoteles aliam sibi thesin proposuit, aliam disceptavit.

— *Amphora capit*

Insistit, currente rota cur urceus exit?

Quod si disputasset Aristoteles, ut temeritatem, sic necessitatem, id est violentiam, in physicis rebus nullam esse: thesin superiori thesi consentaneam dissetuisset, docuissetque quod aliàs persæpe professus est, Violentum naturæ inimicum & contrarium esse: aut si docuisset, necessitatem, tanquam fatalem aliquam legem, in physicis rebus nullam esse, sed omnia imperantis Dei consilio iudicioque, constanti quidem illo neque vario, non tamen ulla fatali necessitate coacto, regi & administrari, divinam providentiam comprobasset. At necessitatem hanc, seu violentam seu fatalem, nullam hic cogitat: syllogisticam tantum meditatur, quæ sit non ἀπλως, sed ἐξ ὑποθέσεως. neque divinam providentiam hic ullam cogitat. Quare necessitas neq; logicæ, neque accuratè in hoc capite tractata est. Tum verò, quid est illud, finem esse principium

pium λογισμῷ, cū superiore proximo capite, Physicus
 attribuerit omnibus naturæ actionibus finem? βελλῷ, id
 est consiliū, non attribuerit: ubi enim potest esse λογισμὸς,
 si βελλὴ detrahatur? Finem autem appellari principium
 λογισμῷ, est genus pro specie audaciū affirmare. illud e-
 nim cū ius gratiā, capite quinto huius libri à philosopho
 divisum est in consiliū & naturam. Sed Aristoteles, dum
 Parmenidis unitatem, Anaxagoræ mentem, Platonis spe-
 ciem divinam tam mirificis modis transformat, incidit in
 eas difficultates, unde explicari non potest. Naturam e-
 nim nō deliberare, & naturam certo fine, ideoq; λογισμῷ
 agere, repugnantia fuerint. Quare posterior hic locus, si
 superior ille verus est, falsus erit: aut de solo Deo homi-
 neque, non de omnibus Physicis verus erit. Quamobrem
 non omnis finis, est principium λογισμῷ: cū finis phy-
 sicus, neque βελλῷ, neque λογισμῷ habeat. Verū perga-
 mus. Aristoteles materiam Physico propositam esse vult
 & finem, quia utraque in physicæ rei definitione adhibea-
 tur: sed finem multo magis: quia finis sit causā materiæ,
 non contrā. O Physici diligentiam admirabilem! quoties
 enim jam, quoties causarum utilitas in hoc libro iteratur?
 Ergo ejusmodi capitis noni Physica est. Sed tamen de
 causis totus liber secundus adhuc fuit, alienæ in Physica
 doctrinæ: est enim dictum in Organologico propriè de
 causis: Et Aristoteles 3. cap. 4. Phil. Aristotele isto longè
 accuratior est, ubi nominatim Physicos reprehendit, qui
 communia argumentorum axiomata de oppositis, com-
 paratis, toto, parte, in Physicis tractarint: Communia illa
 (inquit) & causæ in primis ad magis universalem scien-
 tiam attinent. Est autem τὸ φυσικὸν τι ἀνωτέρω, aliquid
 Physico sublimius. Ergo Aristoteles ille nominatim Ari-
 stotelis hujus elenchum reprehendit. Sed lex ipsa Ari-
 stotelis κατ' αὐτὸ, & hunc & omnes similes elenchos repre-
 hendit. Imperat Physicus Physicis cognitionem causæ,
 quia sine causā ens physicum nullum futurum sit: at caus-
 arum doctrina, communis est omnium rerum: In arte
 igitur omnium rerum communi, tractanda fuerat, id est
 in Logica: imperaret igitur Logicus suo jure, hoc idem
 communiter omnibus: arithmetici, geometrici, ethici, &

omnium artium hominibus universis, iusto legitimoque imperio imperabit. Imperium enim generale est, & commune: itaque generaliter & communiter omnibus erat una voce legeque imperandum.

sed jam prima mei pars est exacta laboris.

Physicæ siquidem acroaseos partem primam de principiis & causis, duobus primis libris agere, testari initio sumus: principiorum verò ipsorum, causarumque ipsarum adhuc Physicam retexuimus, quam per Deum optimum maximum, ó Physici omnes, jam ad extremum recognoscite, & quod á Physico querendum fuerat, querite. Quid est Physica? quod sunt partes physicæ? id modò non reperietis, quod præcipuum esse debuerat. Quid igitur? nullane cujusquam generis & modi utilitas duobus tantis libris continetur? Physica certè prorsus nulla: nulla Physicæ legibus Aristotelis descriptæ propria: logicæ inventionis decreta sunt de causis, efficiente, materia, forma, in his duobus libris utilia & fructuosa; & tamen contra leges Aristotelis, logica in physicis temere & inconsideratè confusa. Veruntamen ad hæc logica (quæ pauculis verbis contenta erant) in physicis iteranda, dic mihi Aristotelis patrone Themisti, Porphyri, Simplicii, quid sexcentis tautologiis ejusdem rei toties positæ ac repositæ, iteratæ ac reiteratæ opus fuit? an discipulorum patientiam vel tentari, vel exerceri tam importunis elenchis lex Aristotelis ulla præcipit? jam verò, ut auditor intelligeret, Physico Logicam de principiis & causis necessariam esse; quid opus fuit Melissi, Parmenidis, Anaxagoræ, Platonis, veterumque Physicorum reprehensione? Nulla enim lex Aristotelis jubet, artem ullam in falsis, alienis, impropriis refellendis occupari; sed in veris, cognatis, propriis informandis exerceri. Et tamen qualisnam, Deus bone, reprehensio illa fuit? Mitto leviora illa, Platonem, & Physicos veteres reliquos ignaros Physicæ judicari, quòd privationem naturæ principium esse ignoraverint: mitto in physicis rebus nullum esse casum, monstrumve: Illa autem robustioris fraudis capita missa facere non possum, de materia & prima & æterna: Quòd mens illa mundi opifex absurda sit, & ridicula: Quòd naturæ principium

unum

unum & immobile constituere, sophisticæ sit, falsa fallaci-
 que judicio conclusa differentis: Hac enim bella Physica
 quales Physicos factos arbitramur? & hic videlicet physici
 fructus est, propter quem juvenus in scholista tam im-
 pensè tamque exercitè retinetur? Neque verò si logicæ le-
 ges tanti sint in philosophiæ judicio, quāti sunt gramma-
 ticæ leges in sermonis arbitrio, audiendæ jam sint exce-
 ptiones interpretis cujusquam, quod Aristoteles hic vo-
 luerit, illic noluerit; quod alia tempora, res aliæ, aliæ occa-
 siones fuerint: Etenim *Ameo Deo*, pro *amo Deum*, bar-
 barissimus est & solœcismus, nulla prorsus excusatione ex-
 cusabilis, quin in Grammaticam error commissus esse vi-
 deatur. Quid igitur? Sacrosanctæ loquendi leges erunt?
 ridiculæ autem philosophandi, & omnibus exceptionibus
 obnoxie philosophicæ leges philosophis ipsis erunt? At no-
 bilis illa in Analyticis legum istarum ab Aristotele pro-
 mulgatio longè aliam sanctionem sancivit. Quamob-
 rem legibus Aristotelis obtemperemus, iisque Aristote-
 lis logicas laudes à sophisticis elenchis distinguamus. O
 patres de liberis educandis naturali cura solliciti, animad-
 vertite, quæ vestræ juventutis educatio, tali doctrina pro-
 ponatur. O doctores artium liberalium, de vera soli-
 daque disciplina, veræ solidæque laudis fructu excitati,
 considerate quæ moneo: quibus argumentis invetera-
 tas in animis hominum, penitusque insitas opiniones e-
 vellere studeo. Appellavi sæpe antea leges Aristotelis, &
 sæpe deinceps appellabo: sed vereor ne homines plerique,
 qui longis ætatibus in falsa de Aristotelis scriptis opinio-
 ne consenuerint, parùm æquis & attentis animis ista per-
 cipiant. Cùm damnatus Machætes quidam à Philippo
 rege dormitante, appellare se diceret: Ad quem igitur
 (inquit rex) appellas? Ad Philippum (respondit ille) ex-
 pergefatum: judicem quippe non mutabat, sed requi-
 rebat judicis majorem attentionem, atque prudentiam.
 Non absimile admodum nobis est. Infinitis judiciis op-
 primar, si Aristotele dormitante controversia nostra dis-
 ceptetur. Verùm Aristotelem non quemlibet judicem
 postulo, sed Aristotelem æneæ sphaeræ sonitu excitatum,
 & expectatum, planèque attentum, & ad summas Ari-

stotelis & justissimas leges toto animo totaq; mente conversum. Hoc enim iudicio amplissimé vincimus: & quidem iudicio Aristoteli, si jam revivisceret, longé spectatissimo & probatissimo: cum ea philosophica industria & libertate libros suos á nobis observari & considerari perspiceret, qua libros Thaleris, Melissi, Parmenidis, Anaxagoræ, Empedoclis, Heracliti, Democriti, Leucippi, Platonis in primis observavit & consideravit: cum leges suas nobis tam sanctas tamque augustas esse cognosceret: cum nos denique Aristoteles non linguæ vel manus, sed mentis amantissimos & observantissimos esse perspiceret. Et quidem hac consolatione, hac, inquam, consolatione consolandus erat Alexander, ne libros acroamaticos editos quereretur, sed spinas incredibiles é physicis sublatas esse lataretur.

P. RAMUS TEMPORE SÆVISSIMÆ
TEMPESTATIS HÆC MEDITABA-
TUR APUD REGIUM MONTEM, BAR-
NABAE FAJOLLI HOSPITIO LIBE-
RALITER ACCEPTUS. Anno salutis 1562.

P. RAMI

P. RAMI SCHOLARUM PHYSICARVM LIBER IIL

In tertium Physicum.

INCAP. I.



LIBRI duo physicæ Auscultationis primi, primam acroaseos partem in prima logicæ inventionis categoria de causis, valde sophisticè quidem tractarunt: at libri reliqui reliquam & secundam acroaseos partem in inventionis categoria de caussarum effectu, motuque multò *σοφιστικώτερον* tractabunt, primò in omnes motus definitione & partitione: secundò in motus infinitate & æternitate: Hæc enim reliquæ acroaseos capita sunt: in quibus Alexandri cōsolatio longè uberrima ac plenissima capietur. Caussarum doctrina per nomen physicorum principiorum, perq; speciem naturæ, in naturalē philosophiam venit: effectus & motus per idem nomen, perque eandem speciem in Physicam veniet. Interroga Physicum Aristotelem, cujatem putet esse caussarum doctrinam, physici generis esse respondebit: Interroga Physicum eundem, cujatem putet esse doctrinā effectus & motus, physicam item respondeat, quia parentes physicos esse responderit: At si Logicum Aristotelem interroges, cujatem censeat esse caussarum artem, logicam sine dubio confirmabit: Interrogato igitur eundem de genere, & tanquam de natione motus: an parenti aliam patriam, aliam soboli fœtuique assignabit? Sed ista quæstio tertio capite commodius agetur. Color igitur & species naturæ ad motus doctrinam Physicis attribuendum, initiò repetitur ab Aristotele: Motus fuit in definitione naturæ: Ergo in philosophia naturali de motu præcipiendum. Atqui, inquā, Physice nobilissime, si caussa efficiens, caussæ efficientis nomi-

ne exposita esset, motus fuisset in definitione causæ: ergo ubi de causâ præcipitur, fuerat etiam de motu præcipiendum. At si natura physica & sensilis, quæque physicæ propriè subjicitur, bene & ex ordine definita esset, nequaquã principium motus esset appellata: Quapropter color iste de motus doctrina in Physicam inducenda, fallax est, & fallacia tertio capite magisprehendetur. Pari verò sophismatis elencho doctrina infiniti, loci, vacui, temporis

„ in Physicam includitur: quia hæc generalia sunt & rebus
 „ physicis necessaria. A generalibus autem procedere ad
 „ specialia conveniat. Equidem, inquam, necessaria illa esse
 „ confiteor, ut sæpe aliàs confessus sum: sed suis temporibus
 „ ac locis propriè percipi volo: infinitum in Logica vel Ma-
 „ thematica, locum in Logica, cùm de subjecto agitur, tem-
 „ pus in adjunctis logicis: aut si motus cælestis attendatur,
 „ in Astrologia: Id enim leges Aristotelis imperant. Qua-
 „ re avara ista utilitatis cogitatio, Aristotelem & hîc & lex-
 „ cētis aliis in rebus fefellit. Interea verò methodicæ dispo-
 „ sitionis Aristoteleam legem tertio in Physicis loco ab A-
 „ ristotele consignatam recognosco, De generalibus illis
 „ & communibus antè præcipiendum. Cognitio enim pro-
 „ priorum, posterior est cognitione communium. Ter-
 „ tiumque hoc Aristotelis testimonium, a methodis quibus-
 „ dam magistris propositum esse cupio. Verùm hoc totum
 „ capitis hujus proœmium, quod in Physica de motu, infi-
 „ nito, loco, vacuo, tempore præcipiendum sit, prætereatur.
 „ Quid sequitur deinde? divisio, motus, & definitio: at defi-
 „ nitio é methodica lege debuit antecedere, divisio sequi:
 „ sed elenchus iste prætereatur. Dividitur autè motus qua-
 „ drifariam, secundùm genera quatuor entium: Entiũ (ait
 „ Aristoteles) genera sunt quatuor, essentia, quantitas, qua-
 „ litas, locus: At genera motus, sunt æqualia generibus en-
 „ tium: Ergo motus genera sunt quatuor, Aristoteleæ par-
 „ titionis ratiocinatio, ejusmodi est, cujus antecedēs in pro-
 „ positione & assumptione, physici philosophi quæso mecum
 „ diligenter animadvertite. Genera entis sunt quatuor, ait
 „ tertii Physici Physicus. At Physicus primi Physici, capite se-
 „ cundo, tria tantùm fecit, essentiam, quantitatem, qualita-
 „ tem: at Physicus primi Physici capite septimo, sex genera
 „ fecit,

fecit, essentiam, quātitatem, qualitatem, ad aliquid, quando, ubi: At Physicus quinti Physici, capite primo, octo fecit, essentiam, quantitatem, qualitatem, ad aliquid, agere, pati, quando, ubi: At Logicus Aristoteles decem entis genera in logicis categoriis fecit: essentiā, quantitatem, qualitatem, ad aliquid, agere, pati, ubi, quando, situm esse, habere. In Philosophia etiam aliter est partitus. Quemnam igitur de tam multis Aristotelibus potissimum audiam? an potest ejusdem partitionis numerus ternarius, quaternarius, senarius, octonarius, denarius, simul esse verus? Denique ens ipsum multo elegantius in Philosophia 2. c. 4. lib. & 3. c. 11. lib. dividitur secundum genera argumentorum logicorum, in cōsentaneum, dissenteū, æquale, inæquale, simile, dissimile, & cætera: illic enim primas entis species & differentias ea primarum notionum catēgoremata nominat; cūm differit, esse scientiam unam, quæ consideret ens, quatenus ens: considerandi autem entis instrumenta facit causas, opposita, comparata, cæteraque illa organa logica. Quare cūm in ista syllogismi propositione, magister ipse sibi non assentiatur: quis pudor est, postulare, ut discipulus assentiatur? Sed quatuor generum binas differentias operæpretium sit ab Aristotele percipere: essentiæ, formam & privationem: qualitatis, album, nigrum: quantitatis, perfectum, imperfectum: lationis, sursum, deorsum, aut leve & grave. Etenim quando forma & privatio, tales erunt essentiæ vel species vel differentię; quales album & nigrum, sunt qualitatis? Privatio autem, quomodo substantię vel species vel differentia dicetur? Philopono privatio est hīc contrariorum pejus, tanquam ellipsis aliqua; forma autem, exuperantia: at commentum est jocularē. Tum verō perfectum & imperfectum, cur quātitati potius quam essentiæ, quā́m qualitati, quā́m reliquis entibus attribuitur? Denique cur cætera illa genera, qualitas, quantitas nominatur pro genere: latio autem, pro lationis loco nominatur? cur item leve & grave potius differentię loci, quā́m qualitatis efficiuntur? Quapropter propositionis ejusdem etiam ista bella tot sophismatum exornatio est. Agedum, spectetur assumptio. At genera motus sunt æqualia generibus entis:

Si Aristoteles primas illas entis species & logicas differentias antea cogitasset; & jam assumendo, motum logicum, communem entis & non-entis cogitaret, ut cogitat in logicis effectum; & significaret ab omni re aliquid moveri atque effici, vel rem omnem moveri atque effici; audirem hoc æquius & facilius: neq; tamen prorsus acquiescerem, neque genera motus vel effectus tor facerem, quot modi quilibet essent caussarū, unde orirentur: vel subjectorum, in quibus exercerentur. At physicorum & sensilium corporum motum Aristoteles tantum cogitat: effectus Dei mentisque nullos motus esse arbitratur. Itaque entia illa, quæ prima verissimaq; entia sunt, Aristoteleos motus nullos habent, nec genera motus ideo æqualia erunt generibus entium. Inuò verò vera genera motus nulla omnino sunt: sed motus ut effectus, una sola & generali & logica definitione consideratus, satis superq; omni & enti & non enti sufficit: ut materia, forma, finis: ut relatum & aduersum, ut genus & species semel definita sufficiunt: nullæ ipsorum divisiones aliæ discernuntur aut differuntur. Forma, materia, genus, species rerum grāmaticarum, rhetoricarum, arithmeticarum, geometricarum, physicarum in artibus ipsis per generales illas & logicas definitiones, nulla formæ, materiæ, generis, speciei nova institutione considerantur: usus adhibetur tantum. Ita, doctrina motus & effectus, ex illo in universum caussarum foetu partuque intelligendus in omni ente & non-ente, in omni arte & non-arte: exempla ususque latissimè per omnes regiones dispersus & disseminatus apparebit: in Grammatica, declinandi, conjugandi, legendi, scribendi, bene denique loquendi: in Rhetorica, modificandi verbi, figurandæ orationis, agendi, pronuntiandi, id est bene dicendi in Logica, caussandi, efficiendi, subjiciendi, adjungendi, opponendi, comparandi, notandi, partiendi, definiendi, testificandi, enuntiandi, concludendi, ordinandi, id est bene differendi: in Physica, motus cæli & elementorum, conversum, sursum, deorsum: mixtio ipsorum, ortus, interitus, coitio, iuventus, maturitas, senectus, vita, arteriarum pulsus, visus, auditus, odoratus, gustatus, tactus: illi nempe motus omnes phyfici sunt: & similiter in cæteris artibus sui pro-

propriique motus explicantur. Omnis enim ars, est vis aliquid agendi & movendi, nulla est inertis & nihil agentis otii: nec in alio sunt artes occupatae, quàm in actionum motionumque suarum proprietatibus. Genera autem motus (quæ Physiçi, unde Aristoteles collegit, vocabulorum specie & varietate decepti, physica existimarunt) è logicis & primis entis vel potius rationis, argumentique differentiis conficta sunt. Cùm causæ omnes concurrunt ad efficiendum hominem, lineam, colorem, & rem quamlibet aliam, genesis est: sive novam speciem gigni, seu veterem corrumpi consideres. Sic Aristoteles 7. cap. 1. Phys. & 1. c. 2. γένεσις, pro omni motu, ut sæpe aliàs, usurpavit. Sic in Philosophia 7. cap. 7. lib. vocat genesis, omnem motum, facitque γένεσις ἢ ποίησις, intelligentiam vel actionem. Corruptio præcipue est è topico contrariorum, ubi & axioma illud est proprium, Contrarium à contrario corrumpi. & tamen ipsa corruptio, etiam genesis est. & sic Aristoteles 3. cap. 8. Phys. nominatim ait, omnem motum esse generationem aut corruptionem: cùm dicit, Ferè autem etiam moveri, fieri quippiam & corrumpi omnibus videtur. Accretio & diminutio è majorum & minorum topico oriuntur: & ut duæ res quælibet inæquales, logicè dicuntur majores vel minores; sic augeri minuique logicè & communiter dicuntur, non solum linea, superficie, corpore, sed vi qualibet & facultate: & hæc ipsa accretio diminutioque, genesis etiam de quacunque re similiter dicitur: similiter ut alterum, de omni ente & non-ente, sic & alteratio dicitur: & alteratio ipsa genesis erit. Locus, est entis & non-entis: ideoque & loci mutatio. quin localis motus species efficiuntur accretio & diminutio, 4. cap. 4. Phys. Neq; in horum motuum vocabulis quicquam Physicè proprium est: totum est logicum, id est generale communeque entis & non-entis. Quamobrem & propositionis & assumptionis elenchus è dialecticis, neque rectè neque ex ordine perceptis, ortus est. Itaque Theophrastus Aristotelē magistrum nequaquam in illa quadripertita motuum divisione probaverat, sed contrà differuerat, ubicunque potentia & oppositio esset, ibi quoque motum esse, ut Simplicius recitat. atqui tamen in hac salebra Simplicius valde simplici-

ter haret: tamen si enim errorem manifestum videt, attamen ita loquitur: καὶ οἶδα μὲν ὅτι προσιτὲς εἶναι δοκεῖ, τὸ πλεῖον ἔτι ἀφ' ἑνὸς τῶν Ἀριστοτέλει φωνῶν. Atqui potervum esse videatur, Aristoteli contrariam vocem proferre. O simplicissime Simplici, & Aristotelis magistri dissimillime, cujusnam philosophi simplicitas ita est? Amicus enim Plato, amicus Socrates Aristoteli: magis tamen amica veritas. Itaque totis Physicis, quantum certamen est Aristoteli, non dico quàm verum, sed quàm liberum, contra Melissum, Parmenidem, Anaxagoram, Empedoclem, Platonem, omnem denique antiquitatem? Ergo Aristotelis libertatem legibus Aristotelis cōsentientem, Simplicii bonitati & simplicitati nequaquam postponamus; & moneamus Simplicios ignaviæ & imperitiæ suæ, ut in philosophia philosophos omnes pro suo quemque merito laudent & ament: omnibus tamen philosophis veritatem & philosophiam longissimè anteponant. Theophrastus unus Aristoteli successit, qui non timidè à magistro philosophiæ causâ dissentiret: at si Aristoteli alter Aristoteles successisset, nostris jam scholis nihil esset opus, tota res longè aliter esset exposita. Neque verò jam id attendimus, ut motus utilitas minuatur, sed ut augeatur partibus infinitis & amplificetur; & pro modica ista in physicis rebus commoditate, immensa atque infinita per omnes artes utilitas & commoditas percipiatur. Motum putat Aristoteles in physica esse necessarium: assentior & laudo, sed assumo insuper magna cum gratia, quod octavo Physico Physicus postea nobis largitur, in omni quoque arte alia vel scientiæ vel opinionis necessarium esse. Quid multa? pedem unum Aristoteles motui asserit: Ego Aristotele eodem locupletiore authore, corpus univèrsium do, dico, addico. Speciei ùni assignavit; univèrso omnium entium, artium; imò etiam non entium, non-artium, generi condono. Et tamen id ipsum principe, iudice, authore Aristotele ipso facio, qui sua lege καθ' ὅλην πρῶτον, generalia generaliter institui jubet: doctrina autem motus est generalis. generaliter igitur, non specialiter doceatur.

IN CAP. II.

ATque hæc de partitione motus: definitio sequitur
 ὕστερον πρότερον, eaque non minús proluxa atq; am-
 bigua. Nec Aristoteles laborem & anxietatem animi sui
 dissimulavit: tribus enim hoc capite locis, definiendi mo-
 tus difficultatem profitetur: Non facile definire, ait, quid
 sit motus. Itē, Propterea sané difficile ipsum sumere quid
 est. ac pauló póst, cū dixisset, motum esse ἐνέργειαν, addi-
 dit, difficilem quidem cognitu. Itaq; testificatio difficulta-
 tis hujus, triplici testimonio testificata, testificatur in pri-
 mis Philosophi sollicitudinem, nōn assequentis, quod sibi
 proposuerat. Quid igitur est motus? aut quæ tam diffici-
 lis ejus definitio? ea triplex est in hoc capite; verbis diffe-
 rens, re consentiens. Prima, τὸ δυνάμει ὄντος ἐντελέχεια, ἢ
 τοῦτον κίνησις ἐστίν. Potentiā entis actus, quatenus tale, mo-
 tus est. Hic primū de genere requiro, quid ἐντελέχεια sit.
 Grāmaticus, est hīc accuratē grammaticus. τὸ μὲν ἔν (ait)
 τῆς ἐντελεχείας ὄνομα, σημαίνει παρὰ τῷ Ἀριστοτέλει, πλὴν ἐνέρ-
 γειαν, καὶ πλὴν τελείωσιν· σύγκεται γὰρ τὸ ἐν, καὶ τὸ τέλειον, καὶ
 τὸ ἔχει· ὅταν ἔν ἑκαστον ἔχει πλὴν αὐτῷ τελείωσιν, ἐντελέχεια λέ-
 γεται εἶναι. Entelechia nomen significat apud Aristotelem
 actum & perfectionē: cōponitur enim ex ἐν, id est in, & τέ-
 λειον, id est perfectū, & ἔχειν, id est habere: Quādo igitur u-
 numquodque habet suam perfectionem, entelechia dici-
 tur esse. Hæc eruditus interpres ille, Aristotelem imitatus,
 apud quem ἐντελέχεια, τελείωσιν & formam significat: quo
 sensu ἐντελέχεια καὶ δυνάμεις per totam Aristotelis philoso-
 phiam oppōnuntur. Hæc veró Philoponi interpretatio, ri-
 diculam grammaticorum concertationem ostendit, mo-
 dō per τ, ἐντελέχεια· modō per Δ, ἐντελέχεια, scriptionum;
 quanquam & Luciani tempore jam id percrebuerat. attā-
 men ad præsentem Aristotelis sententiam, quā sit apta
 entelechia, cōsideremus. Tota enim definitionis difficul-
 tas est ex hoc uno genere. Nam si ἐντελέχεια, perfectionem
 rei, id est formam significat: non potest morui, quo forma
 ipsa formatur, convenire. Sin veró ἐντελέχεια, formatio-
 nem ipsam, & à privatione progressionem ad ipsam for-
 mam significat: cedó, quænam erit ista motus definitio,

Motus est formatio potentiâ entis, quatenus tale? vel, Motus, est potentiâ-entis, quatenus tale, progressio á privatione ad formam. Formatio enim vel progressio, vel aliud quidlibet simile, species erit motus, aut si omnino entelechia idem sit quod motus, definitio erit ejusdē per idem, Motus, est motus entis in potentia, quatenus tale. At entelechia significat vel formam, vel formæ formationem & impressionem. Uade, inquires, id habes? Equidem ab eodem illo bonorum malorumque ferē omnium his in artibus authore habeo: etenim sic Aristoteles 3. cap. 9. Metaphys. ait, ἐνεργείας nomen ad ἐντελέχειαν, & cætera alia ex motibus pervenisse: videtur enim ἡ ἐνέργεια, μάλιστ' ἡ κίνησις εἶναι, maximé motus esse: & Alexander hoc loco ait, ἐνέργειαν dupliciter dici, modó ipsum motum, ut dealbationem: modó finem motus, ut ipsum albū: quos fines (ait) ἐντελεχείας Aristoteles appellat. O magnificum Philosophum! ô Philosophi interpretem Philosopho ipso hac Philosophia nihilo inferiorem! mañti ambo estote tantę veritatis tamque nobis exoptatę vindices! Vestrę enim vocis beneficio sine controversia jam concludo, Entelechiam genus motus esse non posse, neq; motum speciem esse entelechię: nec omnino motum esse entelechiam. Sed hæc definitio motus prima est, quę ab Aristotele declaratur per speciales motus, quos physicos existimat, ortum, interitū, accretionem, diminutionem, alterationem, lationem: sed declaratur etiam per exempla artificialium motuum, ædificationis, medicationis, volutationis, salutationis: ab architectura, medicina, histrionia, chironomia: ut Aristotelis testimonio videamus artium artificiosos, non solū naturę naturales, esse motus: atq; inde intelligamus, motum non esse proprium rerū physicarum, sed communem omnium. Quid tum deinde? Inseritur axioma, Movens physicé, etiam movetur: Item, Agens physicé, etiam patitur. sed id tertio capite commodiús explicatur. Sequitur altera motus definitio, obscurior & involutior superiore. κίνησις δὲ τῆ δυνάμεως ὅντος ἐντελέχεια, ὅταν ἐντελεχεία ἐνεργεῖ, ἢ αὐτὸ, ἢ ἄλλο, ἢ κινητὸν, κίνησις ἐστίν. Motus, est potentiâ entis actus, quando actu agit aut ipsum, aut aliud, quatenus mobile. Enimvero qualis est ista definitio,

definitio? quidnam illud est? Motus est actus quando actu agit? utrum *ἐντελέχεια*, hinc forma est ipsa perfecta? quomodo enim ageret actu, nisi forma perfecta esset? Sed tamen, quænam ista est oratio? Motus est actus, quando actu agit. Ergo motus movet? ergo filius ipse sibi pater est? nec entelechia modò impressio formæ, vel informatio speciei, sed species, sed forma est? Deinde quid est illud, Ipsum aut aliud? Motus igitur seipsum agit aut aliud? Hic Græcos interpretes valde anxios & sollicitos perspicio, litteram variam é variis exemplaribus appellantes. At mehercule, si blattas Apelliconis & tineas obiecteris omnes, nunquam tamen elenchum tam *ἄλογον* expèdies, ut entelechiam, verum genus physici motus possis efficere. Quare fallitur Empedocles aut Zeno aut Physicus ille, quisquis Aristoteli talem motus definitionem præbuit. Nec entelechia, genus est motus, sive forma, sive formatio dicatur. Forma quæcunque sit, movet: non est tamen motus. Quare definitio hæc altera, motum multò etiam definit ineptius. Perge, quid postea? declaratur ab Aristotele particula definitionis *ἢ*, quatenus: ut motus ad potentiam referatur: aliudque sit subjectum actu, aliud potentia. unde & tertia motus definitio oritur, *τὴ δυνάμει ἢ δυνάτον, ἐντελέχεια κίνησις ἐστὶ*. Motus est actus possibilis, quatenus possibile: quæ declaratur eodem isto ædificationis exemplo, quo prima definitio declarata est: ut intelligamus, etiã artificiosos motus, Aristotelis definitione iterum iterumq; comprehendi: neq; motum, rem esse physicam, potiùs quàm omnium rerum cõmunem. Tum verò genus motus efficitur *ἐνέργεια*, id est actio vel actus: motus nempe, vel ceteræ species motus. Sic Aristoteles inquirendo genus motus, incidit rursus in speciem. Sed tamen definitionem motus ita constitutam, Aristoteles modis omnib. obfirmare nititur. Tota mali labes est in vitioso genere entelechiæ: Id Aristoteles persentit; genera motus lex alia præter entelechiam disputat. Verùm (ait) non melius alià Physiçi, motum definierūt: neq; genus aliud invenire potuerunt. Nam quòd Physiçi quidam, genus motus putant esse *ἐτερότητα καὶ ἀνισότητα, καὶ τὸ μὴ εἶναι* diversitatem & inæqualitatem, & non-ens; errant (ait) nec eorū quicquam

motus est. Errorem tamen hunc Aristoteles ipse excusat,
 quia Physicis illis, motus ita nominatus est, tanquam esset
 quidā *ἀόριστος*, indefinitum, cum motus absolutē neq;
 „ *δυνάμεις*, neq; *ἐνέργεια* sit, sed energia imperfecta. Denique
 „ generis indagatio huc redit, ut de tribus absolutē aliquod
 „ unum motus esse videatur, aut privatio, aut potentia, aut
 „ energia. at horū absolutē nihil esse. Ergo adhuc de septem-
 plici genere motus, entelechia, energia, diversitate, inæ-
 qualitate, non ente, privatione, potentia, nullum absolutē
 Aristoteli probatū est. Quid igitur est motus, si nihil isto-
 rum est? Motus (ait Aristoteles) non est simplex, sed imper-
 fecta energia. Enimvero si energia formam significat, ne-
 que etiā forma quamlibet imperfecta, motus unquam
 fuerit. si formationem significat, formatio, species motus
 erit, non genus, uti jam dictum est. Quare postremū hoc,
 nihil definitionem motus adjuvat: & Aristoteles protinus
 hanc etiā imperfectam energiam obliviscitur. Secunda
 „ definitio motus per mobile repetitur elencho etiā ma-
 „ nifestiore. Motus est entelechia mobilis, quatenus mobi-
 „ le. Eheu, quid agitur? per mobile motus definitur: & tamē
 entelechia nōn imperfecta, sed absoluta & simplex expri-
 mitur, contrā quān nunc nuper negatum est? O præcipi-
 tes solliciti frustra & exerciti animi angustias! Motus est
 entelechia entis potentiā, quatenus tale est: Est entelechia
 mobilis, quatenus mobile: Est entelechia possibilis, quate-
 nus possibile. Quapropter motus per entelechiam tribus
 definitionibus ita definitus est. Ulcus acre suberat de for-
 ma, motus principio & causa. Itaque rexit orationem
 „ philosophus: Motus (ait) non est absolutē entelechia, ne-
 „ que energia, sed imperfecta entelechia, sed imperfecta
 „ energia: at falsum, inquam. Motus enim, forma neque
 perfecta, neque imperfecta est: neque formatio perfe-
 cta vel imperfecta, genus motus esse potest. Quemnam
 igitur modum hīc invenias? Definiendum motum, tan-
 quam physicarum rerum magnum in primis magnopere
 reque proprium adjumentum Philosophus suscepit: susce-
 pti oneris pondere & gravitate pressus, velut exclamat,
 Non est facile, definire motum: difficile est, quid sit motus
 assignare: Genus motus, cognitu obscurum est. Et certō
 defini-

definitionis principium, id est genus motus, toto isto capite inveniri non potuit. Veteres tria pro uno statuerant; *ἐτερότητα, ἀνισότης, μὴ ὄν*. Aristoteles quatuor proposuit, *ἐκείνη, δυνάμει, ἐντελέχειαν, ἐργείαν*: nullum absolute probavit, sed entelechiam & energiam imperfectam videtur approbare: Neque tamen in definitione sequente adhibet imperfectam vel entelechiam vel energiam, sed absolute dicit, motum, esse energiam inobilis, quatenus mobile. Quamobrem in tam alto gravique somno, spectra decadat, pelvis altere resonet, expergefactus Philippus, Machætem amplius audiat. Hic non disputo legem aliquam Aristotelis violari, ceteras servari: sed sani prorsus nihil animadverto: totæ definitiones tres, fallaces & capciosæ, tollantur igitur Physicis:

IN CAP. III.

SEd Aristotelis ingenii fecunditatem & ubertatem antea negavimus uno loco totam contineri: multa multis locis variè ab eo disputari, comparandaque ideo esse rerum momenta: quod potissimum legibus Aristotelis congruet, id ab Aristotele potissimum iudicatum & probatum iudicemus & probemus. Caput igitur tertium cum duobus proximis superioribus conferamus, & ab Aristotele ipso medicinam & allevationem petamus. succurret utique; docebitque, motum esse logicam rem non physicam. Quid igitur hic Aristoteles ait? Motum unum esse & eundem esse ait in movente & mobili, sed ratione differre: ut enim idem est intervallum unius ad duo, & duorum ad unum: idemque locus acclivis & declivis: eademque via Thebis Athenas, quæ Thebas Athenis: sic motus unus & idem est motivi & mobilis, activi nempe & passivi: sed in movente agenteque: actio: in mobili & patiente, passio. ut in docendo, motus est unus: sed in magistro, διδάσκειν, in discipulo, μάθεσθαι. Atque hanc questionem, ἀπορίαν λογικὴν appellat Aristoteles, id est ἐξίαν τινὸς λόγου, dignam consideratione, ut Grammaticus interpretatur. vel potius logicæ artis propriam, ut Argyropylos sentit: quia e decem Topicis categoriis una sit actionis & passionis. Atque etiam in capite hoc totum Aristoteli, ἐν ἐργείᾳ, ἐν ἐργείᾳ, ἐν ἐργητικόν; sunt idem quod

κίνησις, κίνησις, κίνησις. Agedum capitis hujus Physicā consideremus attentius, & jam Aristotelis voce, Aristotelis meliorem de motu philosophiam audiamus. Syllogismus unus, sophismata illa perversē motus & definiti & distributi, ē Physicis ejiciet. Hunc igitur syllogismum expendamus, & attinemus, quanti sit in hac quaestione. Actio & passio ad Logicam attinet, ut Aristoteles in logicis & categoriis & topicis perspicuē testatur: at motus idem, est actio passioque: in movente, actio: in mobili, passio, ut in capitis hujus philosophia Aristoteles idem profitetur: neque aliud est κίνησις, quā ποίσις, ut jam notavimus antea locis aliquot, & infinuis praeerea in Aristotele locis animadverti potest. Motus igitur Aristotele authore & assertore, logica res est: ideoq; a Physicis ad Logicam remittatur. Verum judicium hoc Aristotelis illustre est, non solum ex isto capite, sed ē Logica, sed ē Philosophia prima: Etenim & motus genera in categoriis separatim caput habent, & quot sint, & quid cuiq; sit contrariū: in Topicis verō, locus effectorū nunquam nominatur (nominatur autē saepe) nisi genesis nomine. Quare motus clarissimo isto Aristotelis testimonio, logica res erit, nō physica. Tum verō philosophia prima (quam Aristoteles etiam diversam a Logica facere videatur, attamen Logicae subjecto parem efficit) testimonium hoc multo locupletius habet, ubi nono capite libri undecimi, eadē prorsus non solum sententiis, sed verbis describuntur, quae tribus primis tertii Physici capitibus de motu differuntur. Interrogetur igitur Aristoteles & Logicus & Philosophus, cur istam de motu doctrinam in Logica, cur in Philosophia collocarit: causam respōdebit unā, quia sit generalis, quia sit cōmunis omnium rerum. Et quidem tantae veritatis tamq; adhuc inaudita lucem, laudemq; Aristoteli acceptā, sincerē atq; atque ingenuē referemus: neq; philosophum merita gloria fraudabimus. Ubinam igitur, inquires, ista est Aristotelis philosophia? Attende igitur, inquam, quae 3. cap. 8. Phys. scripta sunt, ad eos refellendum, qui omnia quiescere arbitrarentur. Hoc (inquit Aristoteles) affirmare, impotentia quaedā mentis est, dubitatioq; de toto quodam, nō de parte: neq; solum adversus Physicam, sed etiā adversus omnes artes, ut bre-

ut breviter dicā, & adversus omnes institutiones, quoniam
 omnes utuntur motu. En, inquam, Aristotelis philosophia
 illa in primis suspicienda & admiranda, qua tenebræ & nu-
 gæ de physicis artibus maximæ & importunissimæ tollun-
 tur. Motus (ait) res non est Physicorum propria, sed com-
 munis omnium artium & institutionum. Et quidem Ari-
 stotelis ista Logica de motu omnium entium cōmuni, Lo-
 gica Platonis est; qui in Sophista, in Parmenide, in locis
 præterea compluribus, exquirens genera entis cōmunia,
 numerat motum & statum. Itaque revocatus ad legem
 καθόλου πρώτων, idem etiam quod antea respondebit, quia
 ipsius motus intelligentia & scientia sit generalis & com-
 munis, in generali & communi disciplina instituendæ esse,
 removendamq; ē Physicis. Quamobrem Aristoteli hæc
 etiam gratia debeat, quod ejus & testimoniis & legibus
 tāta obcuritate, physica Auscultatio liberetur. Ad finem
 capitis, videtur Aristoteles, cū motum ita nihil defini-
 do, definierit, velle simili definitione species motus defini-
 re: Alteratio (ait) est entelechia alterabilis, quatenus alte-
 rabile. Hic entelechia rursus non imperfecta, sed absoluta
 exprimitur: & tamen si genus esset motui, non potuit esse
 proximum genus cuilibet motus speciei. Alteratio autem
 melius definiretur motus alterabilis, quatenus alterabile.
 Sed entelechia (ut Cicero indicat) ab Aristotele in philo-
 sophia novatum verbū erat. Itaque ut antea privatio, prin-
 cipatus auctoritate; sic entelechia, sua motione atq; agita-
 tione vehementius authorem parentemque suum movit
 atq; oblectavit: multo etiam vehementius entelechia. Hinc
 forma Aristoteli est entelechia: hinc motus Aristoteli est
 entelechia: hinc anima Aristoteli est entelechia: hinc
 quinta natura Aristoteli est entelechia: hinc Deus Ari-
 stoteli est entelechia: hinc regnum deniq; physicum, en-
 telechiæ veluti dotis loco attributū. At entelechiæ suæ A-
 ristoteles nimium concessit, nimium indulgit. Genera spe-
 ciesq; generalibus specialibusq; differentiis distinguenda
 sunt: motus, anima, Deus, cælum, entelechiam propinqui-
 tate generis ac necessitudine cōringere non possunt. Quā-
 obrem ut privationem ē generibus caussarum atq; prin-
 cipiorum sustulimus, & ad logicum contrariorum topi-

cum remissimus: sic entelechiam aut formam cujusq; simpliciter aut motum simpliciter, generi vel causarum tantum vel effectuum tantum subjiciamus: ambiguitatis fallaciam missam faciamus. tam effrœnatam ambiguitatis licentiam leges Aristotelis nunquam patientur.

I N C A P. I I I I.

Motus igitur adhuc ita definitus & distributus est: qualitates adjunctæ sequuntur, infinitas & æternitas: ea nempe sunt Aristoteleæ subtilitatis inventa duo, fraudis infinitæ atque æternæ, & tanquam arietis cujusdam cornua ad Physicam Platonis de mundi creatione subvertendum. Sed fraudes tam cornutorum sophismatum inexpiabiles latius in animos impiorum pervasere, ut inde quoque & Moses & Christus, Porphyrio, Proclo, Simplicio, Mosisque & Christi sectatores τελχίνας habeantur. Quamobrem Physici, per musas Physicas, imò verò Christianas, de utraque thesis impietate differentem, diligenter auscultate, & considerate, quàm graves & molesti aculei & scrupuli ex animis imperitorum & simplicium hinc evellantur. Aristoteles æternum mundum hac infinitatis machina machinatus est: & nos Christiani theologi sic accepimus, ut Aristotelem Deo penè parem faciamus: tanquam sacræ literæ divinam mundi creationem quandam nobis incōprehensibilem proponant: Aristotelis aut monumenta, necessariis argumentis ipsam æterni mundi veritatē interpretentur. Quapropter tam diris & inexpiabilibus sophismatis constantè acriterq; est obfistendū. Agitedum: Physicum de infinito disserētem attendamus. Thesis una de infinito ab Aristotele variis locis variè declamatur: Sex capita sunt primi Posteriorū de infinitate argumentorū & mediorum 3. 15. 16. 17. 18. 19. postea primo de Cælo, quinq; capita erunt, 5. 6. 7. 8. 9. tandē etiam in Philosophia, 2. & 3. c. 2. lib. Quin caput unum decimum libri undecimi, iisdem non sententiis, sed verbis repetit, præcipua capita præsentis in hoc tertio libro disputationis: quod idem paulo antè factum de motu diximus. Ilias, ita me Deus amet, fuerit, si novemdecim capita de infinito componantur. Sic infinitas infinitum philosophi nostri

caput, octodecim capitibus infinité exercuit. In hâc igitur thesin vnam, Aristotelis ingenium latissimé redundavit, longissiméq; extra terminos omnes sese effudit. Summas tam immensæ profusionis tantum differemus. Agedum, quid philosophus de infinito ait? Rhetorica sané est non vulgaris, proœmium magnificum. Infiniti consideratio-
nem Physicis esse propriam, non solum quia unumquod-
que sit infinitum vel finitum, sed multo magis, quia nobi-
lissimus quisq; Physicus, Pythagoras, Plato, Anaxagoras,
Democritus, Empedocles, Heraclitus, Anaximander, de
infinito disseruit: adeo ut infinitum, sit suis authorib. prin-
cipium ingenitum, incorruptibile, sine interitu, divinum,
atque immortale. Hæc igitur, quem non sua specie excita-
ret oratio? At primò, finitum illud vel infinitum esse, é Lo-
gica comparatorum, vel é Mathematica numerorum &
magnitudinum est: non est é Physica. Itaq; Physicus pom-
pa ista aliena & contra legē κατ' αὐτὸ, tam fucata, nos de-
cipit. Deinde totus iste tamq; gravis philosophorum cho-
rus, quid aliud est per totam Physicam Aristoteli, quam de
errantibus & deceptis hominib. triumphus? Neq; lex Ari-
stotelis κατὰ πάντας, infiniti disciplinâ Physicis hoc argu-
mêto adjudicabit. Postremū illud, infinitum dici á suis au-
thoribus principium æternum, immortale, divinū, Physi-
co nostro valde contrariū est: argumentoq; certo est, De-
um infinitæ potentæ, non corpus sensibile (ut illis impo-
nitur) á Physicis celebrari: & Anaxagoræ mentem in pri-
mis, falsâ calumnia antea vexatam esse: cum hic etiâ mens
ipsa, nominatim fiat illud infinitum divinumq; principiū.
Et hic locus est, tum etiâ á nobis ad Anaxagoræ defensionē
productus. Quamobrem tres proœmii rationes, sunt tres
Aristotelis elenchi, Aristotelem planissimé atq; apertissi-
mé convincētes, infiniti doctrinam non esse Physicorum
propriam. En igitur physicæ declamationis proœmium:
ex quo velut ex ungue leonē, ita reliquam disputationem
jam licebit æstimare. In proœmio autem ipso, mathema-
ticum exemplum includitur, quod circumpositis gnomo-
nibus circa unam & separatam speciem, alias diuersa spe-
cies oriatur, alias eadem. Græci interpretantur quadratum
servari, si impar proximus addatur: mutari autem, si par.

ut 1 & 3 constituunt 4 quadratum : 1 & 2 constituunt 3
 gnomonem. Quod verum quidem est: at ternarius gno-
 mon, additus 4 quadrato, mutat etiā speciem. Quare lo-
 cus ille in categoriis capite de motu, quod gnomon circū-
 positus augeat, neq; mutet speciem, falsus erit, nisi intelli-
 gatur de gnomone proximo majori. Perge, quid deinde?
 Theſis αἰς ἐκότερον declamatur. Attēdamus igitur utramq;
 » declamationis partem. Est infinitum, ait Aristoteles, ut pa-
 » ter argumentis quinque, á tempore, sectione, generatio-
 » ne, termino: quinto, ex intelligentia, numero, magnitudi-
 » ne, vacuo extra calū, & loco. Hæc pro infinito argumenta
 iunt breviter proposita, neq; refutata hoc capite á philoso-
 pho: falsa tamen omnia, & refutata tandem capite octa-
 vo. at logica methodus, postulabat ut protinus iis argu-
 mentis obliſſeretur, neq; solutio tam lōgē differretur. sed
 tamen refutatio plenior & uberior, promiscuē & genera-
 » liter instituitur, ejusq; gratiā, infinitum quinque modis di-
 » viditur: primó, quod impossibile sit pertransire, cum per se
 » non sit tale: quæ negatio est, ut vox dicitur invisibilis. se-
 » cundó, τὸ διεξέδον ἔχον ἀτελεύτητον, quod transitum ha-
 » beat, sed cujus finis inveniri non possit, ἀδιέξοδον, ἀδιεξίτη-
 » τον, ἀπέρων μεγέθος, ἐσχάτους ἐντελεχίας, sine exitu, sine trāsi-
 » tu, infinitum magnitudine, extremis, actu. tertió, quod vix
 » permeari possit, ut labyrinthus. quartó, quod non habet
 » exitum, quamvis habere possit, ut circulus. quintó, quod
 » additione vel divisione, vel utraque sit infinitum. Atqui,
 inquam, partitio hæc valde sōphistica est; de cujus quin-
 que membris, duo tantum ad rem perineant, secundum
 & quintum. Itaque etiam postea rotundior est partitio in-
 finiti actu & potentia: atq; id infinitum duplex, totis post-
 ea quinque capitibus disſeretur, tanquam subjectum mo-
 tus: unde ipse motus infinitus postea concludetur: hoc
 igitur refutationis primum est sophisma. Sed enim Ari-
 stoteles legis καὶ αὐτὸ hic meminit, & logicam refuta-
 tionem solidamque pollicetur: Infinitum actu, aliud geo-
 metricum, aliud physicum fuerit: itaq; Physicus bis in hoc
 capite protestatur, se de physico infinito disputaturum.
 » Maximé est (ait) Physici, considerare si qua magnitu-
 » do sensibilis sit infinita. & pauló póſt, multó etiam clariús,
 & cri-

& evidentiús, idem præfatur: Sed fortasse (ait) ipsa quidem
 magis universalis inquisitio, utrúm accidat infinitum &
 in mathematicis & intelligibilibus & in non-habentibus
 magnitudinem: Nos autem consideramus de sensilibus,
 & de iis disputationem instituimus. Hæc igitur Aristote-
 lis duplex est præfatio atque præcautio: ut videlicet intelli-
 gatur, cùm Physica tota sit sensilium rerum, Physicū mo-
 dó extra terminos suæ professionis non egredi, cùm de
 physico & sensili infinito philosophetur. Quamobrem
 adversus hoc actu infinitum sensile corpus, argumenta
 quidem non obscura Aristotelis diriguntur. Cur igitur in-
 finitum physicum nullum est? Quia (ait physicus) tale cor-
 pus, neque substantia est, neque accidens. idemque conti-
 nuatur λογικῶς, quia neque magnitudo sit, neque nume-
 rus. Equidem Aristotelem jam plané agnosco, & de thesi
 posita accuraté differentem: Nullus numerus physicus est
 actu infinitus, ait: nulla magnitudo physica est actu infini-
 ta. Concedo, inquam, & probó hæc omnia. Tum pergit,
 neque jam λογικῶς argumentis communibus argumen-
 tatur. φυσικῶς (ait) etiam se causam propriis rebus addi-
 cturum: primó, quia de quatuor elementis simplex nullū
 sit infinitum, neque compositum é multis: secundó, quia
 locus physicus, corpus sensile infinitum capere non possit,
 neque homogeneous, neque heterogeneus, neque spe-
 cie infinitum: præsertim cùm loci species & differentia, [†]
 sursum, deorsum, prorsum, trorsum, dextrorsum, sinistror-
 sum, definitæ sint & terminatæ, non solum thesi quo ad
 nos, sed etiam in ipso universo. quod ad futuram de loco
 doctrinam diligentius observandum nobis est. Atq; hæc
 argumenta sunt Aristotelis, tum logica tum physica, ut
 summam subducam, quibus omnino veréq; concludit,
 nullum in natura sensile actu infinitum esse. Sed enim (in-
 quies) adversus quos ista infinitatis refutatio declamatur?
 adversus Pythagoreos putatur ab interpretibus quibusdā
 Aristoteles hic invehi. At in hoc capite, Pythagoreos Ari-
 stoteles distinguit á Physiologis & Physicis: tanquam illi
 Mathematici, aut sublimioris doctrinæ magistri fuerint.
 Ac ne quis nos potius quàm Aristotelem ista dicere existi-
 met, excitetur magister ipse é septimo capite in primó

Philosophiæ libro, dicatque de Pythagoræis apertiùs, quæ
 » modò diximus. Qui igitur Pythagoræi vocantur, ait, prin-
 » cipiis & elementis utuntur indecentiùs, quàm physiologi.
 » Causa verò est, quoniam ipsa non é sensilibus assumunt.
 » Et causam addit ibidem, Quia mathemata (quibus utun-
 » tur) sunt sine materia & motu: & paulò pòst Pythagoræi
 » reprehenduntur, quòd de igne, aère, aqua, terra, omni-
 » noque de sensili corpore nihil dixerint. Quare Aristote-
 » les fictam de industria thesin, exercendi ingenii gratià,
 » prudens & sciens commentatur, tanquam physicis rebus
 » materia desit, quæ seriò doceatur. Fabulosæ inscientiæ lu-
 » dus agitur, & quod á nullo Physico unquam dictum est, id
 » á nostro tam sollicité refellitur. Circa finem capitis, Ana-
 » xagoræ mens yellicatur: quæ sententia Anaxagoræ quie-
 » scit, ideo quia se ipsam sua vi stabiliat, sitq; tota in seipsam
 » conversa, nec ab alio comprehendatur. Quid igitur Ari-
 » stoteles adversus istas Anaxagoræ divinæque mentis (sio
 » enim paulò antè mens, principium infinitum & divinum
 » dicebatur) laudes, & quidè laudes antea á Simplicio pro-
 » positas, argumentatur? Transfert ad *ὁμοιόμεραν*, id est, ad
 » materiam tanquam corpoream, quòd de incorporea mē-
 » te dictum erat. Sic enim interpretes Aristotelis gratià in-
 » terpretantur. Simplicius tamen obstitit, & de intelligibili
 » sententiam Anaxagoræ interpretari maluit: τὰ δὲ ἀμείρη-
 » καὶ ἀδιέσπαστα ἐν αὐτοῖς ἐστὶ, καὶ ἐνρίκειαι ὑφ' αὐτῶν σωτη-
 » ρημένα impartibilia autem & spatio carètia sunt in seipsis,
 » & stabiliuntur á seipsis colligata & connexa. Quapropter
 » in hac disputatione, ut Pythagoras, sic & Anaxagoras, ani-
 » mi causa videlicet, ab alacri & suis argumentis excitato
 » declamatore declamantur.

I N C A P. V.

Refutatum igitur est actu infinitum physicum: quid
 » superest deinde? Conclusam, inquam, rem putabas
 » ac confectam? secus est: iudicium enim suspenditur,
 » & causa velut ampliatur: quia videatur infinitum aliquid
 » esse: secus, principium & finis esset temporis, & magnitu-
 » do non dividua in magnitudines, & numerus non infini-
 » tus; ut modo quodam infinitū & esse & non esse videatur.

Hic

Hic Aristoteles infinitum potentiâ prosequitur, & in eo reliquam disputationem consumit. Quid ergo? Dirimendæ controversiæ causa, infinitum duplex, actu & potentiâ, efficitur. Certè, inquam, dichotomia ista fatuam illam quinque membrorû distinctionem egregiè refellit. Tum verò actu infinitum tollitur, retinetur infinitum potentiâ, additionis nempe & divisionis. Nam lineæ individua, ut 3. cap. 1. Phys. magnitudines individua, ut 4. cap. 1. Physici: *ἡ ἀχίστη μέγεθος* minima magnitudo, ut hic, rejiciuntur; & pro principio postulatur, quod antè postulatum est adversus Antiphontem, magnitudinem infinitè dividuam esse. Sed hujus probationis & demonstrationis librum Philoponus ait ab Aristotele conscriptum fuisse adversus Anaxagoram, & Simplicius citat item Aristotelis librum contra lineas individuales: qui tamen is esse non potest, quem inter Aristotelis opera legimus, ut patet ex ipsius lectione: ubi Aristoteles ipse appellatur. Argumentum autem Philoponi & Simplicii, è 10. p. 1. (Datam rectam bifariam secare) rem quidem adjuvat, sed & pleraque alia collecta à nobis ad 10. p. 1. Et Simplicius tertio loco se rursus valde *ἀγῶμετρον* ostendit, cùm citat è decimo elementorum propositionem Euclidis, quæ est 10. p. 6. Verumtamè, Physice mirifice, quid agimus? Infinitum istud potentiâ, mathematicum est, non physicum: & magnitudo semper dividua, non est physica: mathematica est. Cur igitur propositû nobis definitumq; problema de magnitudine sensili, obliviscimur? cur ad insensilem egredimur? physicum agrum nobis colendum selegimus, duplicique testificationis pignore recepimus, Physico disserendum de infinito sensili: cur ad insensile & geometricum modò digredimur? Interea verò è libris Aristotelis recordemur, Democritum, Anaxagoram, Xenocratem, Platonein, individuarû magnitudinum authores Aristoteli oppositos esse. Sed in 1. cap. 6. Phys. thesis ista differatur, illic enim demonstrationem infinitatis admirabilem Physicus depromet. Perge verò, rem alienam attēdamus, & Physici nostri oblivionem sequamur. Quid igitur? Physicus physicum infinitum oblitus, ab eoque delapsus ad mathematicum, quid ait? Definit mathematicum infinitum potentiâ, quæ

» nunquam actum habitura sit: quod aliud semper atque a-
 » liud assumat: finitum tamen actu atq; terminatum: quo-
 » modo dies & ludi infiniti dicuntur, quibus aliis semper a-
 » lii succedunt: cum tamen interea præsentēs & dies & ludi
 » finiti ac terminati sint. Sic igitur Aristoteli est mathema-
 » ticum infinitum potentiâ, actum infinitatis suæ nūquam
 » habitura: Idque additione in numero, divisione in magni-
 » tudine, cui utrique id commune sit, quod semper aliud fi-
 » nitum ac terminatum assumatur. Nam ut additione, toti
 » numero aliud additur: sic divisione, é tota magnitudine a-
 » liud secernitur. differentiam tamen hîc Aristoteles mira-
 » bilem instituit, magnopereque considerandam. Magni-
 » tudo minima dari non potest (ait) quin divisione facias
 » minorem: at potest dari maxima, qua major esse nulla pos-
 » sit, ut mundi & cæli magnitudo: ideoq; Physici errant, qui
 » extra cælum corpus ullum somniant. Contrâ, numerus
 » semper augeri potest additione, neque maximus erit un-
 » quam: minui verò infinité nō potest: unitas enim erit mi-
 » nimus numerus. Hæc Aristotelis est philosophia de ma-
 » thematico infinito potentiâ, non solum inconstans, sed o-
 » mnino falsa. Eheu logicæ leges, effrenatam infinitatis so-
 » phisticam refræne, atque inconstantiam primū con-
 » stringite. Etenim Physice vigilantissime, receperas te di-
 » cturum de physico infinito: delapsus es ad mathematicū,
 » neque tamen in eo permanes: relaberis ad physicum. nō-
 » dum dormis plané, sed certé dormitas. Infinitum poten-
 » tiâ est in numero secundū additionem, ais: neque maxi-
 » mus numerus dari potest, quo maior cogitari non possit:
 » minimus tamen numerus dari potest, unitas nempe, qua
 » minor numerus nequeat cogitari. Hic tibi constas, & per-
 » manes in numero mathematico: Nam si physicum nu-
 » merum cogitares, ut arborum, pecudum, hominum, ma-
 » ximus etiam dari posset: alioqui innumerabilibus Demo-
 » criti mundis esset opus ad numerum arborum, pecudum,
 » hominum comprehendendum: Ergo hætenus constan-
 » tia physici nostri integra est: In magnitudine autem peri-
 » clitatur. Etenim de mathematico infinito præcipiens Phy-
 » sicus, ait, magnitudinem dari posse maximam, minimam
 » non posse: maximam, ut est magnitudo cæli & mundi: æ-
 » quum

e nim magnitudo cæli & mundi est physica & sensibilis: non est mathematica & insensibilis. Quare Physici nostri inconstantia magna hîc deprehenditur, pro mathematico infinito, physicum proponentis: ideoque Simplicii ænigma indissolubile à magistro hîc positum est: ut magnitudo eadem sensibilis sit & insensibilis, id est physica & mathematica. Sed inconstantiam doctoris missam faciamus: falsitatem doctrinæ potius urgeamus: doceamus, falsum esse, magnitudinem mathematicam dari posse maximam. Agendum, numerus mathematicus infinite potest augeri, physicus non potest: & sic, inquam, magnitudo mathematica, id est sola mente concepta, infinite potest augeri: physica non potest: Etenim magnitudo illa mundi, non est maxima, quam possis animo concipere. Appello huc primum Physicos illos paulo antè ab Aristotele reprehensos, qui corpus infinitum supra cælum statuerent. Statuebant, inquam, corpus infinitum supra cælum, non dico verè, sed tamen statuebant. ergo cogitabant. Appellarem huc Democritum, Leucippum, & Physicos innumerabiles alios: sed artifices ipsos ac magistros geometras præstat appellare, quorum problematis continetur ad sphaeram non tantum inscriptio reliquorum quinque corporum mundanorum, sed etiam circumscriptio. Atque ea ratione cogitare licet mundi sphaeram tetraedro, hexaedro, octaedro, dodecaedro, icosaedro inscriptam. Sed enim cur physicos aut geometras huc appello, cum pictoribus & poetis etiam liceat? qualis enim est Atlas ille, qui

Axem humeris torquet stellis ardentibus aptum?

nonne cælo major? Ergo licet magnitudinem aliquam cogitare maiorem mundi & cæli magnitudine. Quare ut numerus, sic magnitudo maxima cogitari nulla potest, quin ea major etiam cogitetur. Falsum igitur, magnitudinem mathematicam dari posse maximam. Redeamus igitur ad Anaxagoræ infinitatem, quam firmo illo & stabili axiomate subvertebat Aristoteles. Si verò impossibile est (ajebat) animal aut plantam quantamlibet esse secundum magnitudinem aut parvitatem: manifestum, quod neque partium ullam necesse est quantalibet esse. & mox, Manifestum igitur, quod impossibile est, carnem aut os,

» aut aliud quidpiam quantumlibet esse magnitudine, aut
 » in majus, aut in minus. Hæc, ô Aristoteles, tua vox, hæc o-
 ratio tua, hæc philosophia tua adversus Anaxagoræ infi-
 nitum, antea verissima fuit: & jam adversus authorem su-
 um, parem veritatem obtineto. Res sensibilis est finité divi-
 dua, minimumque habet aliquid & individuum: at quæ-
 libet magnitudo physica est res sensibilis, nullaquæ in rerum
 natura tantum intelligibilis est magnitudo, ut ad finem
 libri Aristoteles ipse profitebitur: Magnitudo igitur phy-
 sica, est finité dividua, minimumque habet aliquid & indi-
 viduum. Hunc, inquam, syllogismum meditentur inter-
 pretes Aristotelis, credereque desinant, infinitam poten-
 tiâ in physica magnitudine divisionem ullam esse. Enim-
 vero quanto luculentior est Aristotelis philosophia 3. cap.
 8. Phys. ubi differit, errare graviter eos Physicos, qui omnia
 » vel quiescere, vel moveri ajunt? Sensui (inquit Aristoteles)
 » hi Physici contraria ac repugnantia loquuntur. Uluipe-
 mus igitur axioma idem, dicamusque, Aristotelem de
 magnitudine semper dividua in Physica differentem, ab-
 surdum esse, sensuiquæ contraria ac repugnantia dicere.
 Enimvero quanto etiam constantior est Aristotelis philo-
 sophia 3. cap. 8. Phys. ubi docet, magnitudinis extremum
 aliquid esse, quò longius iri non possit? Philosophum igitur,
 philosophiæ suæ testimoniis illustrioribus & locuple-
 tioribus de tanto errore moneamus, veracemque Aristo-
 telen huic captioso & fallaci Aristoteli præponamus; to-
 tamque physiciæ magnitudinis infinitatem é medio tolla-
 mus: magnitudo autem geometrica geometricè tractetur
 & doceatur, quæ ipsa mente abstrahitur, revera tamen
 » est in ipsa physica magnitudine. Etenim (ait Aristoteles 8.
 » cap. 3. Phys.) ad demonstrandum illo modo nihil intere-
 » rit: essentia autem erit in magnitudinibus quæ sunt. item
 » loco alio: Intelligimus, exuperantiam & defectum quan-
 » tumlibet. non idcirco tamen exuperantia & defectus est
 » in re. Addo etiam illud é 1. cap. 4. Physic. Ex intelligibilibus
 » elementis nulla sit magnitudo. Itaq; Aristotelis tam clavis
 testimoniis constat, ut hominem & leonem, sic magnitu-
 dinem cogitari quidem; sed hominem in Socrate, leonem
 in hoc leone, magnitudinem in hac magnitudine esse: intelligen-

telligentiam universalem, esse mentis: veritatem singularem, esse sensus: neque omnino cogitationem veram esse, cujus exemplum singulare nullum revera possit exhiberi. Neq; tamen Geometria, inanis quædam & phantastica tantum contemplatio est, sed ars artium reliquarum similis est, solida quædam res & expressa: & metiendi deniq; ars, non eas magnitudines, quæ tantum cogitentur, nusquam autem sint, sed eas, quæ sensibus percipiatur, & revera sint. Neq; geometres, est cõtemplator quidam iners, sed actor navus & industrius: neq; tantum concipit animo sectiones, productiones, æquationes magnitudinum, & ex iis, figurarum; dimensiones denique longitudinum, latitudinum, altitudinum quaslibet; sed re ipsa ac veritate metitur: regula denique, perpendiculo, norma utitur: neque omnino potentia magnitudinis, ex potentia animi geometrici, sed ex quantitatis natura, magnitudini insita & ingenetata est. Quapropter valeat à physicis rebus infinita illa perpetuæ divisionis potentia, atq; in meris insomniis habeatur: sed fraudulentis tamen insomniis, & gravium postea ac pestiferorum errorum principiis, ut à geometrica magnitudine thesīs ad physicam transferatur: *Mathematica magnitudo mente sola concepta perpetuò dividua est: Ergo physica magnitudo perpetuò dividua erit*, non magis consequens fuerit Aristoteli logicas Aristotelis leges attendenti, quàm si diceretur, Aristoteles judicavit hominum genus æternum esse: Ergo judicavit Platonem immortalem esse. Atqui hoc acroama plerisque Physicis in acroasi physica novum & insolitum non ignoro futurum; attamen verum, attamen constans, attamen rationibus, quæ refelli nullo modo possint, affirmatum ac judicatum. Quæstio ista in Aristotele confusior & obscurior fuit; ideoq; explicationis illustrioris gratiâ, quædâ à nobis præterita sunt: ut de Platonis parvo magnoque, in quo Aristoteles à suis, ut Platonis calumniator accusatur.

I N C A P. V I.

I Taque totum caput sextum falsum est, quod infinitum sit, extra quod semper aliquid liceat assumere: totaque comparatio infiniti ridicula est, cum toto, cum perfecto,

cúm parte, tum materia: cúm infinita physicae magnitudinis potentia nulla sit. Interea veró eadem æquitate carpitur Plato de magno & parvo, qua priús: tanquam Plato dixerit, magnum & parvum, materiam infinitam, quæ cōprehenderet omnia: cúm tamen comprehendatur potius a forma.

I N C A P. VII.

EAdem ruina septimum caput corruet, quod infinitū potentiā, non sit additione magnitudinis, sed numeri: contrá veró, sit divisione magnitudinis, nō numeri: maximaque magnitudo dari possit, non possit minima: contráque minimus numerus dari possit, maximus nō possit. tota, inquam, infuuitas potentiaë ridicula & commentitia fuerit in physica magnitudine; simileque (quod est ad finem capitis) commentum erit, quód infinitas magnitudinis, motus, temporis, sit secundum prius ac posterius, per se nempe in magnitudine, inde in motu per magnitudinem, tandem per motum in tempore. Nam si nulla sit infinitas sensilis in physica magnitudine, neque actu, neque potentia; in motu & tempore undenam fuerit? Atque hoc portentum est infiniti motus & temporis, quod multis subinde locis iterabitur; sed præcipué toto sexto physico differetur.

I N C A P. VIII.

VErúm perge. Aristoteles altissimum somnum & artissimum edormivit: Receperat se dictum de infinito physico & sensili, nullum id neque actu, neque extremis, neque magnitudine usquam esse, & revera demonstravit: dormire cœpit, & thesin oblivisci, & primó miscere infinitum physicum cum mathematico: denique plané dormiens, affirmavit potentiā divisionis physicam magnitudinem infinitam esse, unde etiam motus & tempus infinita essent. At isto capite, videtur sphaera in pelvim decidisse: aliam enim potentiam geometricam interpretatur. Geometra (ait) infinitam lineam non aliter postulat, quám quanta satis sit. & sic postea 10. cap. 1. de Cælo, diagrammata postulantur διδοσκαλίας χάριν, disciplinae causā.

caussa. Atqui hoc geometricum infinitum, quod modò Aristoteles interpretatur, est verum, verèque ab Aristotele explicatum. Atque hoc modo, infinitum in mathematicis erat explicandum, non comminiscendum physice infinitatis ænigina prodigiosum. Et sanè sic in elementis, postulatur in quibusdam propositionibus Euclidis infinitum, quanto videlicet sit opus. Itaque (ait Aristoteles, quod antea citavimus) ad demonstrandum illo modo nihil intererit: Essentia autem erit in magnitudinibus, quæ sunt: id est, ut Simplicius verè interpretatur, quamvis demonstratio fiat in magnitudinibus intellectis: attamen ὁφεισμένους ἡμέτερας non sunt in magnitudinibus intellectis, sed in iis quæ revera sunt. Hinc igitur meminerimus, infinitum geometricum, non nunc appellari infinitum potentia, sed quantum fuerit necesse. Tandem verò ad finem octavi capitis, solvuntur argumenta quinque, infinitum initio quarti capitis confirmantia, è quibus non sequitur infinitum actu in rerum natura esse. Primò, nò si genesis rerum perpetua sit, ideo infinitum actu necesse sit esse: quia unius ortus, sit interitus alterius. Et tamen perpetuam generationem falso sibi concedit Aristoteles, è falso potentie principio: & huic errori plenius obsistetur octavo Physico. Secundò, non quia unumquodque suo termino terminatur, est infinitum: aliud enim est tangi, aliud terminari: tactus aliud exigit, cui còtiguum sit, terminus est in re terminata. Tertium est argumentum, quod antea citavimus, Nos intelligimus exuperantiam, aut defectum quantumlibet: non idcirco tamen exuperantia & defectus est in re: Nec enim quia egens melancholicus aliquis, cogitat se hominem fortunatissimum esse: idcirco Cræsus aut Crassus erit, sed quia res est, idcirco accidit. Quartò & quintò, tempus nò permanet; & magnitudo, ne intelligibili quidem neque decremento, neque incremento, actu infinita ulla est. Quà obrem còcludere jam Aristoteli liceat, tam prolixa quinque capitum altercatione, infinitum non solùm actu ἀπείρονον καὶ ἀδιεξήγητον, sed etiam potentia, nullum in natura rerum esse; nihil physicum, ac sensibile infinitum esse: sed omne physicum ac sentile, esse finitum, finitèque dividuum; totamque illam geometricam magnitudinis scin-

per dividuæ potentiam, ad physicam magnitudinem, ad physicum motum, ad physicum tempus traduci: & tamen Aristoteli immortalis etiam gratia debeatur, quod non malum duntaxat excogitavit, sed mali quoque remedium, accuratè intuentibus ostenderit. Hac enim una sophismatis peste, nulla unquam religioni Christianæ capitalior, cum libris Aristotelis in scholas nostras irrepfit. Sed tamen ingentem animo lætitiā atque alacritatem inde ad reliquas acroaseos partes animo concipio, quod hoc infinitatis cornu retulū, vel potiùs contulū penitus est: cætera enim ludos & jocos, præ hoc uno impietatis portento, dixeris fuisse.

P. RAMI SCHOLARUM PHYSICARVM LIBER III.

In quartum Physicum.

I N C A P. I.



TERTIUS liber physicæ Auscultationis habuit aliquid logicum in motu, sine tamen doctrina: in infinito, fructū physicæ doctrinæ nullum habuit: habuit tamen fructum illum duplicem: primū, quod infinitum in natura rerum & physicum nihil esse didicimus, neque actu, neque potentia: alterum, quod est talis erroris principio æternitas mundi postea nulla nobis metuenda sit: quartus liber, logicū aliquid habebit de subiecto entibus loco, deque adjuncto tempore: sed per mōtes & valles asperitatū variarum, id ipsum nobis erit quærendū. Rhetoricæ pompæ magnarū in utramque partem declamationū, ac ferè perpetuarum refutationū erunt: quinque prima capita de loco, quatuor proxima de vacuo, reliqua de tempore.

pore. Aristotelem igitur, velut Isocratem aliquem de loco
 perorantem auscultemus. Initio primi capitis, proœmium
 brevius est, quo Aristoteles, legis suæ καὶ αὐτῷ, videlicet
 non immemor, propriam in Physica de loco disputationē
 testatur, ne quis alienæ professionis elenchum objiciat.
 Quamobrem, inquam, propria est Physicæ? Est enim lo-
 cus, logica res, entisque & non-entis communis. Quia, “
 inquit, entia sunt in loco: Quia præcipuus motus est in lo- “
 co: & sic motus localis gratia, dicitur 4. cap. 4. Phys. de loco “
 agi in Physicis. At, inquam, & domus est in loco: attamen “
 non ideo fuerit architecturæ, præcipere de loco. Elenchus “
 iste valde familiaris est Aristoteli: quicquid scitu necessa- “
 rium Physicus noster arbitratur, ejus doctrinam protinus “
 arbitratur Physicorum esse propriam. Sed proprietatis “
 hujus possessio, ad docilitatem quandam sic est; ad majore “
 rem verò attentionem, sequitur, de loco multas ambigui- “
 tates esse: neque tamen de eo quicquam à veteribus Phy- “
 sicis expositum. attentio hæc, mirificè tota quinque capi- “
 tum thesi retinetur, quòd sit loci admirabilis vis quædam, “
 omniumque rerum prima. Ideoque videatur esse difficile “
 statuere, quid sit locus: tum quòd locus arduam contem- “
 plationem habeat, ideoque difficultatis & ambiguitatis “
 causam diligentius exquirendam. deniq; magnum & ar- “
 duum esse, statuere quid sit locus. Toties magnitudo suf- “
 ceptæ quæstionis, & amplitudo, quatuor primis capitibus “
 à Physico nostro repetitur & iteratur. Equidem dolores a- “
 nimi, angoresq; ingenii, graves agnosco, rem non modò “
 difficilem, sed impossibilem aggredientis. Plato, vel potiùs “
 ante Platonem, omnis antiquitas, imò communis homi- “
 num sensus, locum statuit esse spatium locati, & omnibus “
 locati partibus exæquatum: sic corporis locus, est spatium “
 trifariam dimensum: dimensione quippe longitudinis, la- “
 titudinis, altitudinis: & cùm metiri locum volumus, has “
 dimensiones metimur. Locus superficiæ, est spatium du- “
 plicis dimensionis: Locus linear, est spatium unius dimen- “
 sionis: Locus puncti, est spatium dimensionis expers. At a- “
 mē, ut postea ex Aristotele parebit, locus est etiam Dei, ut “
 ex eodem ostendetur. Nec interest, utrū locus sit corpo- “
 reus, an incorporeus: ut lucis locus est ær, aqua, & quodvis

lucidum corpus: corporis contrā, locus est incorporeus, & animo tantū comprehenditur. Hanc loci veritatem oppugnandam Aristoteles suscepit: Itaque velut onus Ætnæ gravius sustentis, vox illa est difficultatis toties iteratæ. In qua tamen, ingenii ambitio par apparet. Democritus, Leucippus, Anaxagoras, Pythagoras, ab Aristotele appellantur in disputatione de loco: Plato & Zeno reprehenduntur: & tamen Aristoteles, amplificandæ laudis suæ causâ, ait, ab aliis nihil de loco neque prius inventum esse, neque suppeditatum. Sed agé, tanti conatus, tantæq; ambitionis declamationem audiamus. De loco sibi declamandum Aristoteles proposuit: Quidnam? utrū sit (ait) & quid sit. Verū, inquam, quærere utrū sit locus, quid ab eo differt, quærere utrū natura sit? Physicus illè ab hoc nostro derisus est, & cæco de coloribus differenti comparatus. Par jam, si lubet, pari referatur: & hic noster, ab illo Physico, comparetur cæco de coloribus differenti. Sed tamen quoniam Aristoteli vitia sua pulchra sunt, quæ deridenda videntur in aliis, auscultemus hanc acroasin, Utrū sit locus. Esse (inquit Aristoteles) locus videatur, argumentis quinque: primum est, ἐκ τῆς ἀντιμετάστασις, é mutua rerum transmutatione: quia ubi aqua nunc est, ibi erit aer. Hæc verò ἀντιμετάστασις, in primis est animadvertendâ: στάσις, status loci: ἀντιμετάστασις locatorum verè ab Aristotele probatur, & probabitur postea: ut si elementa sursum deorsum permutentur omnia, corruptisque locatis, locus tamen idem permaneat, dicetur totis quinque proximis capitibus: ut jam hîc intelligatur, locum, esse rem logicam, solâq; mentis consignatione constantem: licet aliquando † adjuncto sit corporeus. Interea verò adnoto, quod Aristoteli, ὁ τόπος καὶ ἡ χώρα, locus & spatium pro eodem sit; quod postea sibi adversus Platonem tantopere refellendū proposuit. Secundū argumentū, quod sit locus, est latior corporum naturalium sursum deorsumq; in quo Aristoteles repetit dictum ad 4. cap. 3. Physici, de differentiis loci, quas appellat loci partes & species; docetq; non solum situ quo ad nos, sed ut antea in universo, ita nunc ἐν τῇ φύσει in naturâ, unūquodq; horum esse definitum: quod laudo, & ad illam loci στάσιν aggrego: ut locus, sit quiddam per-

† adiunctum
sit corpori

† adjuncto sit corporeus. Interea verò adnoto, quòd Aristoteli, ὁ τόπος καὶ ἡ χώρα, locus & spatium pro eodem sit: quod postea sibi adversus Platonem tantopere refellendum proposuit. Secundū argumentum, quòd sit locus, est latitudo corporum naturalium sursum deorsumq; , in quo Aristoteles repetit dictum ad 4. cap. 3. Physici, de differentiis loci, quas appellat loci partes & species: docetq; non solum situ quo ad nos, sed ut antea in universo, ita nunc ἐν τῇ φύσει in naturā, unūquodq; horum esse definitum: quod laudo, & ad illam loci ἵσασιν aggrego: ut locus, sit quiddam permanens.

manens, lociq; differentia: in natura ipsa fixę ac permanē-
tes. Tertium argumentum est, de mathematicis, quę sicū,
quo ad nos, habeant, ut verticem, basin, dextrum, sinistrū:
quod verum est. At Aristoteles mathematica in loco tamen
esse negat: quod est falsum. Etenim vera est Aristotelis cō-
traria plerisque locis philosophia: primō in Categoriis,
quę docet, magnitudinis proprium esse, partes alicubi si-
tas habere: secundo ad 3. cap. 5. *Physici*, quę docet simul es-
se, quę sunt in uno loco: & tangere, quorum extrema sunt
simul. Itaq; cū peripheria rectam, aut peripheriam tan-
gat, duo puncta Aristoteli erunt in eodem loco: tertiō ad
1. cap. 6. *Phys.* quę docet continui partes loco separatas es-
se. Denique Aristoteles aliquando ad geometras, id est le-
gitimos iudices, quæstionem istam retulit, ut 6. c. 1. de Ge-
nerat. Etenim (ait) secundū mathematicos de tactu & loco
statuendum. At, inquam, mathematici non solū mathe-
matis locum tribuunt, sed solis mathematici occupari &
repleri physicum locum profitentur. Hinc Aristoteli tam
frequens axioma, etiam in hujus libri capitibus 1. 3. 4. 5. sæ-
peque aliās, duo corpora simul non esse: item duas ma-
gnitudines simul non esse, 5. cap. 1. de Gener. Item in cate-
goria quantitatis nominatim de linea, superficie, corpore
præcipitur, partes habere *ἑῶν* situm, ut dici possit, de qua-
libet ubi sit. Hinc figurę similes similiterq; posite tam fre-
quenter appellantur in geometricis rebus. Hinc scripta
geometrarū de figuris complentibus locum, ut in planis,
triangulo, quadrangulo, sexangulo: in solidis, pyramide &
cubo: quod etiam ad 8. cap. 3. de Cælo Aristoteles adversus
Platonem arripuit. Hinc nobilissimū illud infinitę per to-
tam Geometriam potentię axioma, congruentes magni-
tudines æquari. Quare locupletibus Aristotelis testimo-
niis adhuc patuit, locum esse mathematicis rebus & cor-
pori & superficiēi & lineę, imō etiam puncto: Quin deci-
mo capite octavi *Physici* Aristoteles idem primo motori,
quę facit sine parte, sine magnitudine, locum attribuit in
suprema mundi regione: & 3. c. 1. de Cælo repetit, consensu
gentium, supremum mundi locum attributum esse Deo.
Quare falsa est ista Aristotelis *Physica*, quę negat mathe-
matica in loco esse: tanquam locus sit tantū corporum:

neque locus, physica res est, ut dixi, sed logica: ideoque & entis, & non-entis. Verum agé: quænam sunt argumeta, quartum & quintum, quod sit locus? Physici quidam vacuum esse censent, id est locum corpore destitutum. Hesiodus chaos primum facit, deinde terram: tanquam oportuerit subesse χώραν τοῖς ἔσσι, locum entibus. Sed quartum postea differetur. in quinto, χώραν rursus adnotavi, ut antea: quia posthac Aristoteles labefactare conabitur. Verumenimvero declamationis institutæ pars altera adhuc fuit. esse locum, ut ἀντιστάσεις locatorum, latiorum corporum; mathematica, vacuum, Hesiodus indicant: Non esse autem locum, quomodo differitur? infinitum enim sic antea in utramque partem disputatum est. Prætermittitur, inquam, inficiatio: differitur protinus quæstio altera, quid sit locus: vel potius quid non sit: Sic enim inscientiam physicam pro scientia physica à Physico docemur. Quintuplex autem est inficiatio. prima, quod locus non sit corpus, quia corpus esset in corpore: id, quia verum est, Aristoteles obtineto. Secunda, quod non χώρα seu διάστημα: quia esset locus superficiei, & aliorum terminorum. Hic Aristoteles purat absurdum id esse, quod jam antea putavit, Sed Aristotelis veram philosophiam huic falsæ opposuimus; docuimusque, locum esse non solum magnitudinis cuiuslibet, sed etiam puncti, sed etiam Dei: ubi neque magnitudo, neque pars ulla est. Quare secundum hoc loci genus falsò refellitur. quin ab Aristotele, etiam hoc ipso τῆς χώρας nomine comprobatur jam antea duobus locis, & infinitis postea comprobatur: ut ingeni miræ quædam vis in isto philosopho appareat. Sed χώρα multò etiam ampliùs in hac thesi tractabitur. Reliqua igitur persequere. Tertiò igitur, locus non est elementum: quia non est corpus. Hoc tertium Aristoteli concedatur, vel potius ab eo quærat, cum docuerit, locum non esse corpus, quid necesse sit, disputari, non esse elementum: ex illo enim generali, hoc speciale sequebatur. Quartò, locus non est causa: neque enim materia, neque forma, neque movens, neque finis. Quorsum, inquam, iste in logicum agrum incursus? De movente enim & sine suspicio nulla suberat, de materia & forma posthac agetur. Quintò & postremò, locus

non est ens, quia esset in loco: quod Zeno dubitavit: quia
 crescente corpore, cresceret. quod veró locus Aristoteli
 non videtur ens, accipio hactenus, ut corporeum nihil in-
 telligatur: est enim διάστημα αἰσώματον, uti dictum est. De
 Zenone autem respondebitur ad tertium & quintum ca-
 put. Atque hæc argumentatio est, & altercatio capitis pri-
 mi, qua nullam de loco doctrinam adhuc percepimus.
 Rhetorica declamatio fuit, esse locum, & locum de quinq;
 generibus nihil esse.

IN CAP. II.

Perge igitur Rhetor, & propera thesin istam declama-
 re. Locus est communis multorum locatorū, aut pro-
 prius unius: esto. Si locus est primum cōprehendens
 (ais) unumquodque, terminus utiq; fuerit. Aristotelem,
 inquam, hic genus est, quod locus sit terminus: itaque (ait).
 videatur esse forma. At quatenus videtur esse χωρὴ καὶ
 διάστημα, spatium & intervallum, videbitur utiq; materia
 esse: quomodo Plato materiam vocat χωρὰν, quia sit quid-
 dam μεταληπτικὸν καὶ μεθεκτικόν, quod suscipiat & parti-
 cipet. huc igitur causæ, duorum philosophorum opinio-
 nibus æmulæ, recurrunt: forma, terminum Aristotelis:
 materia, διάστημα Platonis imitatur: Itaque locus utraque
 videatur: Attamen ἀντιμνήσεις (ait Aristoteles) tū ma-
 teriam, tum formā refellit, quia locus à locato separatur:
 materia formaque à materiato & formato non separan-
 tur: quia res non transferuntur ad locum, & quia locus esset in
 re, corruptoque locato, corrumpereetur locus. At quorsum
 hæc iterata materiæ formæq; disputatio: cum jam dictum
 sit, locum non esse causam? Insuper etiam brevior refu-
 tatio, quod locus, neque pars sit locati, neq; habitus. Quā-
 obrem? quia locus separabilis sit à locato, tanquam vas a-
 liquod. Vasis similitudo postea repetetur. Hic igitur ἀντι-
 μνήσεις eadem quæ materiam formamque refellit, ea-
 dem partem & habitum refellet. Atque adhuc generaloci
 proposita sunt octo, corpus, spatium, elementum, caussa,
 ens, terminus, pars, habitus: septem rejectis, solus termi-
 nus non est refutatus, neque tamen approbatus. Sed Ari-
 stoteli tamen genus illud erit postea.

I N C A P. III.

Quid igitur tandem erit locus? mirificæ enim rhetorica est ista sustentatio. dicendum est antea (inquit
 » Physicus noster) aliquid in aliquo, novem *διερισμῶν*
 » *διερισμῶν*, modis, esse; ut partes in toto, totum in partibus, specie in genere, genus in specie, formam in materia, in efficiente, in fine, in vase, in loco. Atqui, inquã, in hac tam arithmetica enumeratione, Physicus arguitur a suis interpretibus, quod duos modos sit oblitus, *Esse in subiecto, & in tempore*: tanta subtilitas istorum hominum ingenia exercuit. Enimvero consentanea argumentorum genera duo sunt, causa & effectus, subiectum & adjunctum; de quibus iis sola adjuncta propria sunt in subiecto, reliqua improprie: dissentanea autem, & reliquis simplicibus categoriæ, alterum in altero dici non potest, quia simul esse non possunt: quare vel novem, vel undecim tales modi valde ridiculi sunt, qui nihil aliud tamen sint, quam de quatuor illis unus aliquis. Sed tamen Aristotelei ingenii indefatigatam & inexhaustam in cumulandis Physicorum veterum placitis diligentiam considerate. Queritur reliquo capite quaestio Zenonia prorsus & nugatoriã, sed tamen valde obscura, Utrum sit aliquid in seipso, disseriturque, per aliud esse posse: cum partes totius sint continens & contentum: ut dolium vini est in seipso, quia dolium & vinum duæ sunt partes in dolio vini: alioqui nihil esse in seipso, neque per se, ut patet in significatis enumeratis. Atqui, inquã, falsum etiam illud est, per se nihil esse in seipso. Nam significatum secundum fuit, totum esse in partibus: quo modo doliolum vini est in seipso: ac quoties continens & contentum sunt partes totius, tum totum est in seipso per se: siquidem novem *διερισμῶν* per se sint, ut esse inductione sua Aristoteles declarat. neque per accidens, quia corpora simul essent. At enim qualisnam ista Physica est, aut quid ad propriam loci naturam definiendum attinet? An deliciae ejusmodi, suis authoribus tam charæ fuerunt, ut posteritati cognoscendæ ac perdiscendæ proponerentur? Sed tamen ad finem capitis, quaestio Zenonis est primo capite solvitur, quod locus primus non sit in alio loco, sed in corpore subiecto: & hunc modum oblitus erat Aristoteles in illis novem modis. tandemque concluditur, locum neque materiam, neque formam esse.

IN CAP. III.

Disputatum est adhuc, esse locum: de septemplici ta-
 men genere nullum esse; novem modis aliquid esse
 in aliquo; & quomodo aliquid in seipso esse diceretur.
 Quid tandem igitur locus erit? Euclides vel Archimedes
 aliquis jam factus Aristoteles esse videatur: Postulamus
 (ait) locum esse & terminum, & æqualem locato, & sepa-
 rabilem, & sursum deorsumq; habere. Enimvero (magi-
 ster excellentissime) cur illud primum postulas cōtra ma-
 gistrum Platonem, quod argumento demonstrare verum
 non possis? Platoni atque omni antiquitati verē postulan-
 ti, locum esse spatium locati, non assentiris: Cur igitur sine
 argumento, tibi vis dissensaneum concedi? Equidem cur
 tibi meritō negetur istud à Platone, tertium tuum postu-
 latum efficit, quo repetis antea propositam & in loco & in
 loci differentiis *ἡ δὲ αἰὲρ*, & in locatis *ἀντιμέτρεται*. Nam si
 locus esset terminus corporis continentis, mutato corpo-
 re continente (ut continens aër, in aquam, vel aqua in aë-
 rem commutari possit) mutaretur etiam locus: cum aquæ
 superficies cum aliqua aëris superficie esset locus terræ, &
 terra vicissim cum aliqua aëris superficie locus esset aquæ.
 At terra non fertur suapte natura ad ullum aquæ aërisve
 terminum, sed ad centrum. Denique locum appellare ter-
 minum comprehendentis corporis, perinde fit, ut est apud
 Simplicium, atque pallium, hominis locum dicere: quod
 poetis metaphoris vix permetteretur: res enim locata
 terminat sibi locum, non autem terminatur à loco: locus-
 que est mensura situs eorum quæ locantur, ut tempus, est
 mensura motus eorum quæ moventur: ut Damascenus
 apud Simplicium acutè disserit. Hocce igitur est Eucli-
 dis vel Archimedis more, rem per se claram manifestam-
 que postulare? Postulas locum æqualem locato & sepa-
 rabilem: & quidem Platone assentiente utrumque impetra-
 to: Hæc enim duo vel Euclides, vel Archimedes meritō
 postularet. postulas denique in omni loco sursum deor-
 sum. Equidē animi causa libēter assentiar: attamen tu tibi
 ipsi aliquādo non assentiris, neq; tui tibi interpretes Sim-
 plicius & Grammaticus assentiuntur: tanquam in orbe

nil propriè sursum deorsumve, sed conversio & circumactio, visque illa mirabilis, quam loci differentiis antea videbaris attribuire, ridicula sit: neq; enim loci ulla potentia, levia sursum, graviaque deorsum feruntur, sed naturæ instituto atque lege. Operæ verò pretium sit Philoponi & Simplicii scripta, magnorum instar voluminum, adversus istam Aristotelis doctrinam de loco perlegere, qui alioquin huic magistro sunt addictissimi. Verum ab iis postulatis abeamus; quorum ultimum, sed primum præcipuè negaretur. Aristoteles inde sperat, quicquid de loco dubitari possit, hinc dissolvi posse. Spes vana & inanis est. Tū
 „ verò ait, locum in primis tantopere disputari, propter localem motum: indeq; cælum in loco intelligi. at id perinde est; locus enim propriè est adjunctorum: ferantur autem, aut quiescant, nil ad loci naturam: neque locum cæli metimur ex ipsius motu, sed spatio, in quo est. Hinc differentia illæ, sursum, deorsum. Atq; hic etiam notabile est,
 „ quòd Aristoteles ait, accretionem & diminutionem, species lationis esse: ut appareat, è quatuor illis commentitiis motus generibus, secundum quarti speciem esse: Sed ista non curantia prætereatur, ut nihil ad rem partitio motus per se, per accidens, infinitè totis physicis iterata: itè quòd pars sit in suo continuo, non ut in loco, sed ut in toto: prætereatur & tautologia illa, quòd locus sit æqualis locato. Sed heus Physice loci definitior, quid est locus? quousq; sustentationis hujus rhetorica producet? Quid enim sit locus,
 „ nondum habemus. Locus (ait Aristoteles) est vel materia, vel forma, vel medium inter extrema spatium, vel terminus. Ecquid igitur? Nonne primùm postulatum fuerat, locum esse terminum? quænam ista utrùm oblivio, an diffidentia? Oblivionis verò suspicio derepente nulla probabilis appareat. Diffidentia nimirum est philosophi postulantis ab aliis, quod à seipso postulare vereatur. At (inquit Aristoteles) locus nihil est è tribus primis, neq; materia, neq;
 „ forma, neq; spatiū: non materia quia neque continet, neq; separatur: ἀντιτάσσας: huc etiam recurrit. Non forma, quia forma est terminus comprehensi: locus, est terminus comprehendentis. hic tamen terminus aliter in forma, aliter in loco ab Aristotele usurpatur. illic enim, rei ratio in-
 terior

terior & definitio: hic veró, externa cōprehensio significatur. Veruntamen qualis est ista de materia formaq; tautologia Aristotelis? Primum enim fuit, Locus non est causa, neq; materia, neq; forma, &c. secundum, Locus, neque materia, neque forma, ut locatorū ἀντιμετάστασις indicat. Tertium fuit, Locus nō est neq; materia, neq; forma, propter ἀντιμετάστασιν; quia res non ferretur in suū locum, & locus esset in re, & corrupto locato corrumperetur locus. Quartum deniq;, Non est forma, quia non est terminus comprehensi, sed comprehendenti: non est materia, quia continet & separatur. Quamobrem quis Aristotelis bene studiosus, relectas unquam & recognitas taliū sophismatum tautologias existimabit? Ergo locus, neq; materia est, neq; forma: Sequitur tertium ē tribus, quod neq; item sit spatium. Attamen locus (ait Aristoteles) quia comprehensum & divisum persape mutatur in manente cōprehendente, ut aqua in vase: interdum spatiū, velut quiddam præter translātū corpus esse videatur. Revocatur igitur secundo χῶρος seu διάστημα. Aristotelis argumentum primo capite fuit, locum non esse spatiū, quia locus esset superficiēi, lineæ, puncti, quod esse verum, ex Aristotele ipso amplissimē docuimus: nunc eadē thesis oppugnatur argumentis duobus: Cedó, quibus? Primū est, quod loca essent infinita, ut infinitæ sunt partes corporis cōprehensi. At argumentum hoc primū & captiosum est, & tam Aristotelis termino contrarium, quā Platonis spatio: Nam neq; corporis comprehensi partes cōtinuæ & in toto unæ, locū nisi continuū & unum postulant: & si divisæ vel contiguæ cōsiderentur, tot terminis terminari necesse sit, quot spatiis opus fuerit cōprehendi. Quare hoc argumentū & falsum est, & tamen etiam auctori suo cōtrarium. secundum igitur audiamus. Simul autem & locus mutabitur, & erit loci locus alius, & multi loci simul erunt. hoc Aristotelis argumentū secundum est admirabilius etiam superiore: διάστημα siquidem incorporeū manet mutato locato: At si locus esset terminus cōprehendenti, mutato comprehendente, tum verē mutaretur locus: istaq; loci στάσις & ἀντιμετάστασις locatorū, διάστημα Platonis valde confirmat: Aristotelis autē terminū ἀπερτέ refellit. nec veró potius multa loca simul

erunt, si locus sit spatium, quàm si esset terminus. Ergo sic
 ab Aristotele, Platonis de loco philosophia emendatur,
 syllogismusque Aristotelis concluditur: Locus, est mate-
 ria, vel forma, vel spatium, vel terminus: Atrium primo-
 rum nihil esse, ita constitit: Quare concluditur ab Aristo-
 tele, locum esse terminum comprehendentis corporis. At
 conclusio ista similis est suis axiomatis, antecedente dupli-
 citer falso: & quod negatur spatium, & quod de loco affir-
 matur terminus. nec tamen huic syllogismo nimium A-
 ristoteles confidit. Itaque difficultas definiendi loci sexto
 loco repetitur. Videtur arduum quidpiam atque difficile
 esse, quia (inquit) & materia & forma videatur, & quia in
 quiescente comprehendente transmutatio fiat ejus quod
 fertur. Videtur enim fieri, ut locus sit διάστημα μεταξύ ἄλ-
 λοτε τῶν κινημένων μεγέθων, spatium aliud quoddam in-
 ter motas magnitudines medium. Sic materia formaq;
 quia per totum sunt locatum, Aristotelem exercent: sed
 διάστημα Platonis vehementius angit: quia ἡ ἁπλοῦς & ἀντι-
 μεταστροφίς, materiæ & materiato, formæ & formato non
 cōveniunt, spatio & spatiū occupanti conveniunt. Hoc igitur
 ulcus urit hominem vehementius. Quin hic Aristote-
 les Platonis διάστημα, aliud agendo, planè confirmat. Vi-
 detur (ait) non solum terminus vasis, esse locus, ἀλλὰ καὶ
 τὸ μεταξύ ὃν ὡς κενόν, sed etiam intermediū velut vacuum.
 hic anxietas est incredibilis, nisi accuratè cōsideranti. tam
 proluxa tamque verbosa disputatio instituitur ad refellendū
 Platonem: & tamen non re tantum per impruden-
 tiam disputationis, sed oratione confirmatur. item, ἅς ἰδὲ
 ὥπῃ τὸ ἀγγεῖον, τόπος μεταφύρτος· ὥτως ὁ τόπος, ἀγγεῖον
 ἀμετακίνητον. Est autem ut vas, locus mutabilis; sic locus,
 vas immutabile. Hoc verò totum est à Platone, quia διά-
 στημα Platonis est immutabile: terminus Aristotelis est
 mutabilis. Hinc tamen concludit Aristoteles suam defi-
 nitionem, quod locus, sit primus & immobilis terminus
 comprehendentis. At, inquā, falsa definitio per se est: quia
 terminus ipse, moto terminato etiam movetur. Verum-
 enim vero alio præseuti testimonio Aristotelis, multo etiā
 manifestius refellitur: quod iccirco diligēter animadver-
 tere cupio. Ac iccirco (ait Aristoteles) medium cæli & extrē-
 mum

num circularis lationis, maximé omnibus proprié vide-
 tur esse, quo ad nos, sursum ac deorsum: quód illud quidē
 semper manet, circuli veró extremum, similiter habens
 maneat. Itaque quoniā leve quidem est, quod sursum na-
 turā fertur, grave autem quod deorsum: terminus com-
 prehensens, ad medium, est deorsum, & ipsum medium:
 ille autem ad ex extremum sursum, & ipsum extremum.
 hæc Aristotelis de mundi loco sursum & deorsum Physica
 insignis est, ad Platonis *διαστημα* ab omni calūnia vin-
 dicandum: Etenim tam sæpe repetita *σφαις* localium dif-
 ferentiā, & hic in mundano loco mediū & extremi loci
 differētia appellata, quid aliud, quā *τριχῆ διασάρον δια-*
στημα, trifariam dimensum spatium, totis mundani cor-
 poris dimensionibus usquequaque exæquatum demon-
 strat? Mundi locus (ait Plato) est spatium totius mundi
 sursum, deorsum, dextrorsum, sinistrorsum, anté, poné, dif-
 ferentiis æquatum: Aristoteles contrá verbis multa argu-
 tatur, dum ait, locum esse terminum tanquam pallium,
 quo corpus comprehenditur: at tandem re ipsa, illud ipsum
 Platonis *διαστημα* profiterur, aitque, locum corporis à me-
 dio ipso corpore ad omnes ejus partes pertinere, dū mun-
 di medium locum deorsum, extremum sursum cōstituit.
 Et revera hanc Platonici *διαστήματα*: locique Logicam, A.
 strologia tota dimetiendis cæli spatiis & locis sequuta est,
 sola mentis designatione parellelos, meridianos, horizon-
 tes, coluros, longitudes, latitudes, altitudes dime-
 tiendo: nec unquam pro loco, superficiarium Aristotelis
 terminum, sed incorporeum Platonis spatium semper u-
 surpavit: Neque omnino geometra quisquam dimetien-
 dis corporum locis, terminos exteriores, sed tota intus
 spatia dimetienda sibi proposuit. Quare tandem Aristote-
 les veros definiendi loci magistros geometras imitatus
 est, Platonicusque factus est, ut Parmenidæus & Anaxa-
 goræus antea; quāvis tam multa contra Parmenideim,
 contra Anaxagoram disputasset: seriōq; jam mundanum
 locum metitur, non exteriorē mūdani globi termino, sed
 toto interiore spatio, cujus medium appellat centrum: ex-
 tremum, peripheriā ultimam. Quamobrem philosophia
 legitimé constituendi ac definiendi loci, Aristotelis etiam

philosophia erit: neq; doctore alio feré opus est ad ullam nobilem philosophiæ partem disceptandum; sed é collectis ab eo cumulatisq; non quidlibet protinus arripiendû momenta rerum singularum pôderanda, alia cum aliis comparâda, referenda ad Aristotelis summas leges, æstimanda deniq; , & pro suæ veritatis qualitate judicanda. Philosophiam de loco, hæc tot capita demonstrant, longé pluris Aristoteli fuisse, quàm vulgô reputantes ignari homines arbitrentur. Quare & nos diligentiâ Philosophi tam diligentis imitati, verum hujus philosophiæ solidumq; fructum seligamus.

I N C A P. V.

- ” **C**apitis quinti disputatio expletur falsis rebus: Primô
 ” consecraria sunt quædã é falsa loci definitione: Corpus in loco esse, extra quod sit aliud corpus: in loco esse potentiâ partes continui, actum ipsum continuum: Per se,
 ” ut corpus mobile: per accidens, ratione subjecti: Cæli ultimum terminum esse locum summum omnium corporum. Atque hæc consecraria sunt de loci definitione: unde constat Physico res physicas tam largé laxéque locatas esse, ut mundo nihil loci relinqueretur. Nec enim per Aristotelis definitionem, cælum, aut per se, aut per partes, in loco erit; cum neque totum, neque partes ullam superiorem superficiem habeant, à qua contineantur. En igitur, mundus de suo Physico conqueratur, tanta quinque capitum de loco Physica id actum esse denique, ut mundo, in quo tamen locarentur omnia, nullus locus attribueretur. Secundô sunt solutiones antecedentium quæstionum item
 ” falsæ: quarum prima est, quod crescente corpore, non crescat locus, ut dubitavit Zeno ad primum caput. At si ve spatium Platonis, si ve terminus Aristotelis, locus statuatur; crescente corpore, locum etiam crescere necesse erit: ridiculaque Aristotelis est ista contra spatium Platonis solutio. Secunda est de puncto, quod punctum fuerit in spatium Platonis, non in termino Aristotelis. quod verum quidem, sed in hac thesi frustra ab Aristotele formidatum.
 ” Tertia solutio est, duo corpora simul essent, si locus esset spatium. quod item falsum est: nec enim in corporeû illud spatium, duo corpora capiet, potius quàm Aristotelis terminus.

minus. Quarta, quod locus sit in loco, tanquam terminus in terminato, ut punctum in linea, linea in superficie, superficies in corpore. qui error est definitionis errore nascitur: Nam διάστημα exæquatur locato, ut lumen illuminato, calor calido: sic locus puncti, puncto: lineæ, lineæ: id est uni dimensionis longitudinis: superficiei, id est, duplici, longitudinis & latitudinis: corpori, id est triplici, longitudinis, latitudinis, altitudinis æquatur: proprièq; tum locus est διάστημα πρὶν διάστατον. Quare solutiones istæ nihilo plus solvunt, quam definitio definivit: Additur ad extremum, Quodlibet ferri in suum & proprium locum, & in eo manere. Verum in orbem & ignis & aëris & maris, Aristotelem refutabunt. Quapropter caput hoc totum est fallacibus & consectariis & solutionibus compositum est.

IN CAP. VI.

Sed hætenus de loco quinque capita quarti Physici fuerunt; quatuor proxima sunt de vacuo. Locus autem (uti docuimus) est spatium locatæ rei; per se autem consideratus, plenus est aut vacuus: Itaque si loci differentias legitimas Aristoteles persequi voluisset, de pleno pariter, ut de vacuo, differendum fuisset; & sic Aristoteles mox ait, plenum, vacuum, locum, idem videri. Sed de vacuo Physicis præcipiendum, Aristoteles inde argumentatur, quia de loco præceptum est. Etenim (ait) similem habet dissuasionem & suasionem. Legem καὶ αὐτὸ hinc etiam Aristoteles meditatatur, ne quis ἐπερὶ ἐνδὲν objiciat. at de loco Physicis præcipiendum non fuisse docuimus: quare neque de vacuo: Verum perge. Plenum, dicitur hic Aristoteli locus plenus corpore: vacuum, locus privatus corpore: & tamen de pleno, nulla separatim thesis est: de vacuo tota erit. Quid igitur? quænam est de vacuo thesis? quæ thesicos ipsius declamatio? Trifariam dividitur: Quod non sit vacuum, quod sit vacuum, & quæ de vacuo communis opinio sententiaque sit. Agedum, ἀπεόχευε contra vacuum attendatur. Anaxagoras (ait Physicus non) vacuum refellit exemplo primo utrius antea contractorum, & postea vento inflatorum, ut contrahi interea comprimique nequeant: secundo clepsydram, in

» quas, ore superato obturato, infero aperto, in aquam demis-
 » sas, aqua tamen non ingreditur: at simulatque superum os
 » apertum sit, ingreditur. At (inquit Aristoteles) ista Anaxa-
 » gorea vacui refutatio, errorem vulgi, aërem, corpus nul-
 » lum judicantis refellit: non refellit autem Democritum
 » & Leucippum & plerisque alios physiologos, qui vacuum
 » statuebant esse spatium cōtinuum sine corpore, quod cor-
 » pora invicem separaret, quodque aëri medio esset disper-
 » sum. Non refellit Pythagoreos, qui extra mundum statue-
 » bant, item vacuum quoddam continuum. Quare Anaxa-
 » goras non videtur *κατὰ φύσιν πρὸς τὸ πρὸ βλῆμα*, pro fori-
 » bus adversus problema occurrere. Atque hæc dissuasio fuit
 » vacui: ubi vacui authores, nō solum Democritus & Leu-
 » cippus, sed plerique alii physiologi ab Aristotele propo-
 » nuntur: Sequitur suasio probatior, æquinque argumen-
 » tis: primum, quod sine vacuo, motus localis non esset: se-
 » cundum, quod vinum vasi cum utre tantum infunditur,
 » quantum infunderetur sine utre: quod de temeto tantum
 » Philoponus approbat: tertium, quod accretio nulla esset.
 » ubi accretio rursus efficitur species lationis, ut antea quar-
 » to capite: quartum, quod vas opplerum cinere, tantūdem
 » aquæ capiat, quantum vacuum caperet: quintum, ex au-
 » thoritate Pythagoreorum, quorum sententia, vacuum,
 » ex infinito supra cælum spiritu in mundum & mundi re-
 » spirantis partes ingrediebatur ad corpora separandum.
 » tanquam vacuum, esset *χωρισμός καὶ διάκρισις*, separatio
 » & junctio quædam, quæ primū in numeris appareat.
 » His igitur argumentis quinque, de vacuo fides quæritur.
 » Atque ita disputare, utrū vacuum sit: Physicone illi fue-
 » rit quærere, utrū natura sit? an potior hîc quædam oc-
 » casio fuerit inquirendi? At natura illa est: vacuum hîc Ari-
 » stoteli nil omnino videtur esse. Quare inquisitio illa fue-
 » rit tolerabilior, quàm ista: potiùsque hîc cæcus de coloribus
 » judicare dicatur.

I N C A P. VII.

VErūm cæcos de coloribus sinamus agere: Quid de-
 inde? quomodo vacuum definitur? hæc enim pars
 est altera. docet Aristoteles, vacuum duo significare: eoq;
 modo

modo vacuum definit: primò, in quo nihil est: non tamen rectè (ait) usurpatur hæc significatio, quia sic esset punctū, vacuum: sed vacuum primò dicitur meliùs locus, in quo nullum est corpus tãgibile. Ergo, inquam, Physicus significatum vacui tale comminiscitur: non proponit quale Physicis usurpatum sit, quia ipse pro arbitrio fingit & corrigit. Secundò (ait) vacuum significat id, in quo nihil corporeum sit. quod etiam videretur materia, nisi *argumentis* refelleret: & tale vacuum refellitur iisdem argumentis, quibus spatium, loci definitione refutatum est. Secundo hoc significato primum continetur, & Aristoteles contra vacuum deinde tam multa disputans, neutrum significatum refutabit: sed nominatim disputabit contra vacuum separatum & dispersum: ut istam significationum enumerationem physico iudicio valde vacuum & inanem esse appareat. Atque interea etiam illud animadvertendum est, quòd Aristoteles iisdem affirmat argumentis vacuum improbari, quibus spatiū locale improbatum sit. At improbatū, inquam, non est antea spatium illud argumentis Aristotelis, ergo nec vacuū modò improbari conveniet. Neq; solūm spatium illud dimensionibus locati æqualiter dimensum, sed spatii differentias, plenum & inane, ex Aristotelis philosophia † demonstrari: & si vacuum definitione legitima definiretur, ut in solida doctrina res definiri cōvenit, utque se facturum Physicus secunda parte receperat: enumeratio talium significationum supervatua esset. Quare totum hoc caput planè sophisticum & nugatorium est, neque ad institutam definitionis thesin respondet. Verūm progrediamur: audiamus quæ sit communis opinio de vacuo: hæc enim tertia pars fuit institutionis de vacuo disputationis. Vacuum igitur nullum esse differit Aristoteles, neque separabile, neque inseparabile, neque veras esse rationes, quibus erat confirmatum vacuum. Motus enim (ait) per causam vacui nullus est, neque alteratio, neque conversio. Cætera argumenta obscuriùs differuntur, de accretione, de vino cum utre in dolium infuso, de ciacere.

Sed præcipuū certamen est adversus Physicos, vacuum
statuentes ad corpora distinguendum: duo itaq; pro-
xima capita contra duo illa (quæ dixi) vacui genera,
consumuntur: octavum, contra vacuum separatum, no-
num, contra vacuum dispersum inter corpora & dissemi-
natum. Sed prior ἀκρόασις illa prius audiat: quæ talis
est, qualis antea fuit disputatio contra Pythagoreos de
infinito: Neque enim Pythagorei infinitum illud statue-
bant, quod ab Aristotele oppugnatur: neque modò va-
cuum separatum in mundo statuunt, sed ut Aristoteles
ipse nos docuit capite sexto, extra mundum atque cæ-
lum. Ergo thesis scholasticè conficta & declamatoria est,
» qua declamat Aristoteles, vacuum illud nullam causam
» esse neque motus, neque quietis: quin per vacuum tolli
» motum omnino omnem, non solum naturalem, sed vio-
» lentum, & projectionem, quæ per antiperistasis fieret: ut
» aër primò propellatur à fronte, deinde recurat à lateri-
» bus, denique redditus & restitutus loco, telum reperiatur
» à tergo: ut in præliis subsidiariæ cohortes solent. tanquam
» aër bis terve reciprocante motu moveatur moveatque
» Hunc enim aëris triplicem motum, antiperistasis indi-
» cat: ex qua sanè videretur projectionis motus in perpe-
» tuum continuari. hanc Platonis opinionem quidam in-
» terpretes Aristotelis ajunt esse, ad 10. cap. 8. Physici: sed fal-
» so, ut tum dicitur. Itaque Philoponus vehementer obli-
» vit, acutèque movetur contra tanquam commentitiam
causam motus à projectione ortæ causamque lationis es-
se à vi projiciētis projecto impressa, intermedio etiam va-
» cuo nonnihil adjuvante. Videmus enim (ait) ex coloribus
» ἐν πύκνῳ, actus quosdam incorporeos exire: ut sicu-
» bi per colorata vitrea solaris radius projectus, solido cor-
» poti per vitreum coloratum acciderit, tum colorat obje-
» ctum corpus, perinde ac vitreum ipsum coloratum fue-
rit. Hic igitur Philoponus ait, projecto ἐν πύκνῳ quandam
à projiciente imprimi. quæ facilius in vacuo, quàm in ple-
no permeet: & projectionis argumento, magis vacuum
confirmari, quàm refutari; projectumq; ex analogia me-
di lon-

diu longé facilius per vacuum, quam per plenum fertur:
 enim facilius aqua quam terra, & aer quam aqua penetrat-
 tur; ita si quid omnino dimissionis expers fuerit, facillime
 omnium celerrimeque penetrabitur, ut postea etiam ab
 Aristotele dicetur in hoc capite. Quin isotropicum the-
 rema est, medio inpediri motum, & tanto vehementius,
 quanto fuerit solidius densiusque. Itaque vacuo adjuvaretur
 motus: & tamen analogia in mobilibus constaret e le-
 vitatis & gravitatis momento. Veruntamen antiperistasi-
 fin hanc Aristoteles non sequitur 2. cap. 7. Phys. neque 10.
 cap. 8. Phys. ut appareat, hanc ei sententiam probatam non
 fuisse. Attamen Aristoteles ipse 32. 33. 34. problemate me-
 chanico ἀντιπερίστασις eandem videtur complecti, & cum
 illa impressionis causa conjungere. Atque huic antiperi-
 stasi valde consentanea est Vitruvii philosophia illa de vo-
 ce lib. 5. cap. 3. Vox autem est spiritus fluens, & aeris ictu
 sensibilis auditui. Ea movetur circulatorum redundationi-
 bus infinitis, uti si in stantem aquam lapide immisso nascan-
 tur innumerabiles undarum circuli crescentes a centro, &
 quam latissime possint vagantes, nisi angustia loci inter-
 pellaverit, aut aliqua offensus, quæ non patitur designatio-
 nes earum undarum ad exitus pervenire. Itaque eum in-
 terpellantur offensionibus, primæ redundantes insequen-
 tium disturbant designationes. Eadem ratione vox ita ad
 † circiniam efficit motiones. Sed in aqua circuli æqua pla-
 nitie in latitudinem moventur: vox & in latitudinem pro-
 greditur, & altitudinem gradatim audit. Igitur ut in a-
 qua undarum designationibus: ita in voce cum offen-
 sio nulla primam interpellaverit, non disturbat secun-
 dam, nec insequentes, sed omnes sine resonantia perve-
 niunt ad imorum & summorum aures. Ergo hæc Vitru-
 vium philosophia de voce antiperistasi fin quandam indicat,
 quam eandem de orbibus factis in aqua Seneca lib. 1. cap.
 2. sequitur, & docet multo facilius in aere fieri. Sed in A-
 ristotelea disputatione prolixitatis penè odiosè, jucundum
 tamen fuerit analogiam intelligere de causis tardioris &
 velocioris motus e medio molliore & duriore, e mobilis
 levitate aut gravitate: sed in primis e figura: ut hinc etiam
 intelligamus, physicis rebus adjumenta motus a geo-

metrica figura suppeditari: ut rotunda facilius, plana difficilius perrumpunt; quod secundo libro Scholarum mathematicarum latius exposuimus. In fine autem capitis etiam notabile illud est, quodque Aristoteles hujus Physicæ fructum præcipuum continet, Corpora ferri moverique loco, *ἡ σάσα καὶ μετασάσα*, cessione & permutatione corporum aliorum aliis cedentium. Neque tamen argumentū Aristotelis hic multum valeat, Cubus ligneus (ait) in aqua tantum loci occupat, quantum prius occupabat aqua: in vacuo autem, nihil occuparet. Quid diceret vacui defensor, an in solitudine nullum ideo locū occupes, quia & aliis vacet locus? tum *μετάσασσι* aut *ἡ σάσσι* vacuum videtur approbare. Quomodo enim cedere venienti queās, si nihil vacat, quō liceat secedere? Quamobrem tanti capitis, quantum adhuc nullum fuit, disputatio, quod ad Pythagoreos attinet, inani ipso, de quo agitur, inanior est: Neque enim Pythagorei in illo extra cælum inani immenso, motum illum physicum commentantur, ubi nullum corpus esse concesserint.

I N C A P. I X.

Disputatum est contra vacuum separabile, cujus auctorem Physicum neminem Aristoteles protulit, uti dixi: sed ingenii exercendi causa, Aristoteles declamandum sibi proposuit, ut ludicras à Physicis oblectationes peteremus: Capite nono res agitur adversus Democritum, Leucippum, & alios physiologos, qui vacuum statuebant spatium continuum à corporibus diversum, neque separabile, neque actu ens, quod ipsa corpora separaret. quod vacuum Philoponus appellat dispersum & inter corpora disseminatum: quo fieret nempe, ne continuæ res in mundo omnes essent, sed contiguæ: Quæ sententia, raritatis argumento præcipue (ut Aristoteli placet) innitebatur tãquam vacuum sit, quod multas partes inanes habeat. Verum (inquit Aristoteles) vacuum istud separatum nullū est: nec ideo dispersum hoc erit: & causam motus nullam, nisi sursum, afferet: & tamen sine proportionem: quanto enim rarius mediū, tantō celerius mobile. Itaque rarissimum (ut sit inane) celerissimum faceret. quæ argumenta

menta, nulla sunt contra thesin de vacuo disperso, sed tantum contra vacuum separatum. Sed tamen Aristoteles raritatis argumento respondet, rarum id non esse, quod multas partes vacuas habeat, ut spongia, aut ejusmodi aliquid: sed eandem materiam duorum esse contrariorum, raritatis & densitatis: ut caloris & frigoris, humoris & siccitatis: magni & parvi. Itaque ut eadem cera congelata spissatur & densatur: sic calefacta & emollita, rarescit: non quod partes ullas inanes aut vacuas habeat, sed quod extendatur & dilatetur, quod compressum contractumque fuerat. Sic materia aquea minor est: conversa autem in aerem, major. Sic grave & durum, densa videantur: leve & molle, rara. Quare ratione raritatis, concludit Aristoteles, vacuum nihil esse. Atqui, inquam, Democritus & Leucippus, ac plerique illi Physici de vacuo separandis corporibus disseminato, refelluntur recte & logicè, si veteres illi Physici ita de vacuo senserint. At Aristotelis physici imperii amor, in aliorum sententiis interpretandis mihi legitimis antea de causis suspectus est. Et tamen interea notabis, rarum & densum primas physici corporis differentias fieri, ut ad 4. cap. 1. Physici, ut postea fient 7. cap. 8. Phys. quod disseteretur amplius secundo capite secundi de Generatione. Quamobrem duæ partes quarti Physici adhuc ita fuere, de loco, deque vacuo: logicum de subjecti topico fructum nonnullum complexæ, sed aliena in arte, sed alienissimo docendi modo, & omnibus Aristotelis legibus maxime contrario confusum & obscuratum.

I N C A P. X.

Reliqua Physici quarti capita ad tertiam distributionis partem attinent de tempore, ἀχροάτως: prorsus mirificæ, de infinito, loco, vacuo, etsi disputatio spinosa fuit: spinis tamen, rosas quasdam extulit: at de tempore disputatio tam verbosa, nihil aliud admodum adferre queat, quam sui sophismatis intelligentiam: attamen durante, qui hæc legetis, & reliqua acroaseos mysteria attendite, quibus editis Alexander magistro succensere nihil debuit, tanquam regios thesauros vulgo diripiendos permisisset. Quid igitur? Quanam Physica est de tempore?

quas habet partes? Equidem tres animadverto: primam, utrum sit tempus: secundam, quid sit tempus: tertiam, in circumstantiis temporis quibusdam. Enimvero (ut pars prima, uno loco expediatur) disputatum est ὅτι ἐκάτερον de infinito, de loco & vacuo in unam partem; ut nunc initio

- ” de tempore, quod tempus non sit; quia ejus pars nulla sit,
- ” neque præteritum, neque futurum, sed neque dividuum,
- ” neque permanens: secus simul essent sexcenta annorum millia: Sic declamatur, tempus non esse, διὰ τῶν ἐξωτερικῶν λόγων, ut Aristoteles loquitur, per argumenta probabilia & popularia, ut Cicero quinto de Finibus, & Græci interpretes hoc loco. tanquam ἐξωτερικὸν καὶ ἀκροαματικὸν opponantur. attamen hæc ipsa argumenta de Nunc individuo & fluxo, é media præsentis quæstionis acroasi petuntur. Verum declamatum ita est, non esse tempus: ut πρὸς χρωμάτων τυφλὸς συλλογίζοιτο. Perge, prima illa luctatio sit, tempus non esse: quid sequitur? Quid sit tempus, secunda quæstio est: vel potius quid non sit: hic enim inscientia antè ab Aristotele dedocetur, quàm scientia doceatur.
- ” Tempus videtur nonnullis motus cæli, ait Aristoteles;
- ” sed falsò: quia tam multiplex esset tempus, quàm multi
- ” sunt cælestes globi: Videtur aliis item sphaera cælestis: sed
- ” ineptè. Itaq; εὐθικώτερον stultius Aristoteli videtur, quàm ut refelli debeat. Authorem primæ opinionis nullum Aristoteles appellat, neque secundæ: & confictam esse thesin verisimile sit à rhetore: Tertiò videtur aliis esse motus quidam: sed falsò item, quia tempus est ubique, non motus: &
- ” motus est velox aut tardus, non tempus: Horatius tamen eleganter ait,

Sic mihi tarda fluunt ingrataq; tempora.

& tempus alatum poëtis fingitur.

I N C A P. X L

- ” **H**æc inscientia physica est decimi capitis: sequitur
- ” undecimo, tempus non esse sine motu: quia qui dormierunt diutius, ut Heraclidæ Heroës illi apud Sardiniam, tempus non sentiant. Atqui tamen expectecti gravi somno beneque recreati, temporis fluxum inde metiuntur. at si quis, inquam, ebriosus non persentiat: quid mirum,

mirum, cum mentis stupor id impediatur? Progredere, magnitudo per se continua esse dicitur motus per magnitudinem, tempus per motum: sic 7. cap. 3. Physici, magnitudini tributa est infinitas per se, motui per magnitudinem, tempori per motum. at ut illic Aristoteles deceptus est, ita hic fallitur: neque motui, vel tempori, continuitas illa quantitatis tribuitur potius per magnitudinem, quam calori, quam luci, quam cuilibet qualitatis: quæ perinde est non in magnitudine, ut Aristoteles arbitratur, sed in re sensibili quanta: Elenchus Aristotelis in hac de tempore thesi sæpius iterabitur. Sed tamen hic etiam aliud *ἐξωτερικόν* tempus assumit: Prius esse ac posterius in loco primum, atque in magnitudine, indeque in motu: unde tempus tandem definitur, Numerus motus. secundum prius ac posterius: & numerus quidem numeratus, non numeras. Enimvero Simplicius magnam librum adversus ea comparavit: de quo tamen nihil hic assumo: sed Aristotelem Aristoteli comparo; comparatumque, ad suas leges refero: Nec tempus ab Aristotele, sed temporis mensuram, eamque de plurimis unam definiri confirmo. Etenim tempus, logica res est, entisque ideo & non entis communis: sic Aristoteles 6 categoriis decem, unam tempori & quando attribuit: & durationem nimirum intelligit omnibus rebus convenientem: & sic æternitas, temporis immensitas quædam intelligitur, antequam motus cæli ullus esset, posteaquam etiam motus cæli desierit. At durationis hujus instrumenta & horologia multa sunt, cælestia, aquea, pulverulea, solaria. Cælum, est horologium universi mundi, multis & variis stellis, tanquam horarum notis distinctum: horologium palatii in Parisiensi urbe Regii, est horologium Senatus: parochiarum singularum sua sunt horologia: privatis in ædibus horologia pleraque sunt pulverulea, solaria etiam in parietibus per multa. At numeratus horologiorum istorum sonus, vel lapsus, vel numerata est radiis umbra, non appellatur tempus, sed mensura temporis: Et si mura essent omnia tintinnabula, si motus, si umbræ omnes cessarent: non ideo tempus nullum esset, sed mensura temporis cessaret. Et certè sic geometræ, ut Archimedes, in volutis tempus intelligunt,

aliqua. & Plato multo rectius, dum tempus hoc é munda-
no motu dimensum, imaginem quandam facit illius æ-
terni temporis: rectiusque adversus Proclum Grammaticus in oratione quinta dislexit, τὸν αἰῶνα, æternitatem, ta-
lem æternorum mensuram esse, qualis motus cælestis sit
mensura caducorum: intelligitur enim æternitatis nomi-
ne, παράτασις ὁμοιομερὲς καὶ ὁμοφθής, parte specieq; simi-
lis extensio. At tempore cuncta tabescunt (ait Physicus) se-
nescunt, delentur: nihil discitur, nihil novum pulchrumve
efficitur. Atqui, inquam, tempus tanquam falcarius qui-
dam, sua falce omnia demetens á poetis fingitur. sed me-
taphoris poetiis illud est condonandum: solidæ & seriæ
acroasi non idem permittendum. In tempore, res quidem
corruptibiles corrumpuntur: at tempus, corruptionis prin-
cipium nec antea posuit, nec postea ponit Aristoteles. Se-
nectute deformamur, ais. At, inquam, juventute etiam
decoramur: & tam est juvenus in tempore, quam senec-
tus. Tū verò postea generaliter affirmas, omnem omni-
no motum esse in tempore: Nec enim si Roscius irraucue-
rit in scena, scenæ locus raucedinis causâ fuerit: sed ante-
cedens gravior aliquis motus & labor. In cōtinente, mul-
ta sunt, quorū continens ipsum nulla omnino causâ fue-
rit. Quæ corrumpuntur, in tempore corrumpuntur, ais: &
& ideo tempus, est interitus rerum. At, inquam, quæ gi-
gnuntur, in tempore etiam gignuntur: ergo tempus, est
ortus rerum: Par enim conclusionis judicii que logica ut-
trinque fuerit. Denique capite isto concluditur, tempus
esse mensuram motus per se, quietis per accidens. At tam
per se tempus est durantis quietis, quam durantis motus:
neque tempus hujus potius, quam illius.

IN CAP. XIII.

Quidem hoc capite Aristoteli miratus sum tantum á
physicis rebus otii superesse, etiam ut Grammaticam
de adverbii temporis in ἀκρόασι physica includeret:
quid esset νῦν, ποτὶ, ἤδη, ἄρτι, πάλαι, ὁξαίφνης, nunc, quan-
do, jam, nuper, olim, repenté: In quibus tamen illud ἐν,
semper, præcipuum temporis adverbium oblitus est. At
quid Grammatico citatus sua lege καθ' αὐτὸ Aristoteles

† aliquando

respondeat: Repetitur malefica illa temporis natura *ἡ κα-
ταρτική*, delens destruensque. Itaque cū Simonides in O-
lympiis laudaret tempus ut sapientissimum, cuius benefi-
cio disciplinæ & artes perciperentur: tum præfens Pytha-
goræus quidam, respondit, potius *ἀμαθής* αἰὼν, indoctissi-
mum esse: quia oblivisceremur omnia tempore. Hanc
ἀκρόασις ita Simplicius refert ex Eudemo: nec illi *παρών*
nomen est proprium, sed participium *præfens*. Quapro-
pter Aristoteli Pythagoræus probabilior est Simonide: at-
tamen etiam Simonides, beneficium temporis in gignē-
dis rebus tam extulit, quā Pythagoræus maleficium in
corrumpendis: in eoque par utriusque causa fuit.

I N C A P. XIII.

Agedum, cætera temporis *ἀκρόασις* attendatur. O-
mnis motus sit in tempore, ait Physicus noster. At
verò quoties in hac thesi dixisti, tempus esse mensu-
ram motus? quid igitur tautologia ista nobis opus est? Et
hic locus illam temporis præcipuam corruptelam præci-
puè traducit: Nec enim corruptionem solam in tempore,
sed omnem prorsus motum constituit: & tamen *κίνησις
ἀθρόα γίνεται πολλάκις*, motus sæpe simul efficitur, ut an-
tea fuit, & erit postea 3. cap. 8. Physic. de congelatione. Sed
palmariū temporalis *ἀκρόασις*, problemate cōsequente
continetur. Quærit Aristoteles, quoniam tempus defini-
tum est per numerum, si numerans anima nulla sit, utrū
tempus sit futurum. Saxū Sisyphi, mediusfidius, hīc agno-
sco. Cælum, naturā est quolibet ente alio corruptibili &
caduco prius & antiquius: & si homines nulli essent, cælum
nihilominus conversiones & motus suos constantes &
ratos haberet. Physicum igitur scrupulus hic angit. sola
ψυχή, anima numerat: utrū igitur affectio illa cælestis
ex hac tot gradibus inferiore natura pendeat? Hæret igi-
tur physicus in salebra, neque potest explicari. itaque re-
spondet, non futurum tempus, sed motum tempori sub-
iectum: O philosophè præstantissime, ubi est illud alioqui
summum acumen tuum? Tempus æternum meditaris
animo, & temporis æterni mundum æternum: & tamen
tempus ita definis, ut particulam tantū temporis com-
plecta-

plectare; ut etiam, si arithmetica homini detrahatur, nullum sit omnino futurum. Quæstio altera succedit par penè superiori, Cujus motus numerus tempus sit. omnis motus, respondet: generationis, corruptionis, alterationis, accretionis, diminutionis, lationis: sed præcipuè cælestis motus. Atenim argumentabatur Aristoteles initio decimi capitis, tempus non esse motum cæli: quia quot orbes cælestes essent, tot essent tempora. At, inquam, si tempus sit numerus motus cælestis, tot etiam tempora fuerint, quot globi: & certè alii tempus metiuntur motu Lunæ, alii Solis, alii stellæ cujuslibet motu metiri possunt: Etenim Copernicus astrologus ætatis nostræ summus, cælo detraxit omnem motum; tempusque, solo terræ motu longè exactius metitur, quàm Astrologus adhuc ullus dimensus est. Quamobrem Physicæ Aristoteleæ defensores, patroni, interpretes, Aristoteleorū toto quarto Physico sophismatum elenchos recolligite: de loco, vacuo, tempore, in Physica legibus Aristotelis descripta, locus nullus esse poterat. At quatuordecim capitibus, locus per sophisticam utilitatis speciem inventus est. Locus & tempus, si, quid esset, quæreretur, paucis verbis tota veritas erat contenta: Locus, est spatium locati: Tempus est duratio rei. Heu labores sophisticarum declamationum! heu sudores nugatoriæ commentationum! quem modum philosopho tandem præscribetis? Isocrates, mediusfidius, de Marathonē aut Salamīne panegyricum ista licentia componere nunquam audeat: religiosas & teretes populi Atheniensis aures, deliciarum istarum iudices pertimescat. At nos toleramus, imò verò laudamus & probamus, ac penè veneramur: Hinc enim primordia divinæ pietatis ac religionis theologi plerique ordiuntur.

P. RAMI SCHOLARUM PHYSICARVM LIBER V.

In quintum Physicum.

I N C A P. I.



E R U M ad reliqua pergamus. Motui subicitur magnitudo, tanquam materies mobilis, in qua motus exerceatur: locus, hospes mobilis magnitudinis efficitur: tempus adjungitur, quo motus secundum prius & posterius numeretur. Quid tum postea? quemnam tandem sophismatis suis modum motus inveniet? Motus est definitus definitione nihil definiente: distributus est in species quatuor, quæ species omnino non essent: subjecta magnitudinis locique, adjuncta etiam temporis disputata: quid jam restat denique? reperitur quinto & sexto physicis Physica tertii libri: quinto, de motu: sexto, de infinito. Sed duosacroasis libros præcipue admiratus sum, quintum & septimum: quintum, qui tertii: septimum, qui octaviacroasis tantum ferè inani tautologia contineret: de septimo, Græci interpretes satis liberi fuerunt: de quinto, prorsus muti. Sed tamen quoniam Aristotelis patientiam juravi, jurisjurandi fides exolvenda est. Aristoteles, Zenonis, Empedoclis & cæterorum Physicorum nugæ atque ineptias omnes devoravit, ut inde ista breviora, credo, & contractiora colligeret: & nos igitur animo pari, reliquias istas devoremus. Agedum, quid interpretatur quintus hic liber? Corrigit Physicam tertii physici de motus generibus: Physicam nescio quam de continuis, contiguis, & similibus exponit: Logicam denique colligit de unitate & oppositione motuum. Hæc tria sunt quinto in libro præcipua: de quibus brevius & succinctius agendum. De motu

tus generibus capita duo prima sunt: Primo capite duæ
 sunt partitiones singulares maximè, maximèque mirabi-
 les, ab Aristotele confictæ primò, deinde ab Aristotele im-
 probatæ: & ambæ ad obscurandam motus doctrinā, quæ
 tertio physico continetur: & quidem elenchis aliis super
 alios incredibilem in modum cumulatis: Nihil enim ad-
 huc in acroasi physica minús ab Aristotele consideratum
 & judicatum animadverti. Ergo partitiones duas conside-
 remus. Prima, dividitur mobile trifariam, per accidēs, per
 partem, per se primúm: Item movens similiter, per acci-
 dens, per partem, per se primúm. Partitio autem hæc est é
 duabus temere confarcinata, *per se, per accidens*: partitio
 primo secundoq; physico proposita, & iterata nunc quinto
 in libro valde nugatoria iteratione. *Per partem* autem,
 neutri generi opponitur, sed *per totum*: quæ tamen par-
 tis ac totius differentia in tam multis motus differentiis
 antea propositis adhuc nulla fuit. Hic primus est elenchus
 primæ partitionis. Quid deinde? Ad motum, quinque re-
 quiruntur á Physico nostro, Movens, mobile, tempus, ter-
 minus á quo, terminus ad quem. Atqui in physica motus
 doctrina, tertius liber, movens & mobile adhibuerat in
 motu, tria reliqua præterierat. At (inquit philosophus)
 hic quintus liber emendator erit & corrector tertii. Ve-
 rúm, inquam, doctor eximie, nō tibi satis est errores alio-
 rum tam longa via persequi, nisi & tu novos ex te commi-
 niscare, quibus refellendis, discipulos tuos frustra fatiges
 & exerceas? quem enim sophistam, quem ἀσολόγητον, ni-
 si te ipsum convincis? An ista tibi κοσμοποιία placet ea de-
 mum, cujus consequentibus ædificiis antecedentia fun-
 damenta revellantur? Nonne melius & summo philoso-
 pho dignius fuerat, legibus tuis obsequi, omniaque physica
 acroaseos dogmata καθ' αὐτὸ, καθόλου πρῶτον, sic inter-
 pretari, ut scientiam inde physicam juvētus edisceret, non
 autem & aliorum, & tuos etiam elenchos, abs te ipso præ-
 fertim inventos primúm, deinde reprehensos & impro-
 batos attenderet? Agedum, dic in quibus antea errasti: dis-
 servisti 3. cap. 3. Phycici, motum esse in mobili: id modó re-
 petis, & ais, motum non esse in termino ad quem: quem
 nominas εἶδος καὶ πάθος, speciem & passionem. Esto: ad-

dis, á termino ad quem, magis motum nominari: quod est tamen ad tuam doctrinam falsum. Nam corruptio & diminutio nominatur á termino á quo, & in reliquis non commune nomen est utriq; termino: attamen quod affirmas τὰ πάλιν ἀκίνητα, affectiones immobiles esse, instantia magna est, cum in his solis esse motum postea disputaturus sis. & certé si neque qualitas, neque quantitas mutaretur, neque locus relinqueretur, alteratio, accretio, diminutio, latio nulla esset. Tum veró quid est illud, quod dicitur, album mutari in colorem? & colorem in album? quinam sunt istorum motuum, quæso, termini? quoque modo inter se contrarii? an species generi, genusq; speciei adversum est? aut quomodo mutatur in colorem, quod jam anté coloratum sit? aut quomodo color in alborem, cum color in albore sit? Hocine est superiora corrigere & emendare? Perge, quæ physica deinde sequuntur? Rejicitur é motibus physicis motus per accidens: sed argumento singulari, quia sit in omnibus: motus autem non per accidens, non item: sed in contrariis, & eorum mediis, & contradictione. At, inquam, Logica ista causæ tam per se, quam per accidens, antea communis omnium rerú fuit, & revera est: unde igitur ista restrictio? aut cur rejicitur motus, quia sit communis? Heus Physice Physici superioris emendator, quid argumentaris? Et tamen hoc etiam utrumq; falsum est. Nam per accidens motus in physicis rarior est, quam per se: deniq; si motus per accidens é doctrina motus rejiciendus sit, cur huc attulisti? cur speciem motus instituiisti? an ut errorem tuum postea corrigeres? Si Pythagorá vel Empedoclem vitiosæ partitionis authorem isto modo reprehenderes, tamen ad leges tuas ferendus non esses. quid igitur de te futurum censeas, qui sophismata talia cõminiscare, quæ postea ipse rejicias? Quis hic accusatur? Aristoteles: á quo accusatur? ab Aristotele: Physice mirifice, quamobrem tibi bellum hoc tam infestú indixisti? Sequitur deinde Physica par & eadem de contrariis, deque contrariorum mediis. Cur enim Logica ista in acroasin physicam includitur? Quomodo ad legem καὶ ἀπὸ defendetur? Sed adhuc prima partitio motus fuit, *per accidens, per partem, per se*, tot clenchis & sophisma-

phismatis ornata, & notis Aristotelēi nominis inusta: altera sequitur quadripartita, secundum oppositionis differentiam: ubi Aristoteles novo nomine (quod non negatē, sed affirmatē significabit) appellat subiectum. Mutabile (ait) mutatur modis quatuor, á subiecto in subiectum, á non subiecto in non subiectum, á non subiecto in subiectum, á subiecto in non subiectum. At sancte Deus, quænam ista quatuor membra sunt? Ex non subiecto (ait Aristoteles) in non subiectum, nulla mutatio est, quia non est contrariorum, neq; contradicentium. Sed reliqua audiantur. Mutatio á non subiecto ad subiectum, est generatio: á subiecto ad non subiectum, est corruptio, ait. sed utramq; Aristoteles é motus generibus eximit. Quid ita? Duo hic Aristotelis adversus generationem argumenta sunt: primum est valde Zenonium & spinosum. Possibile oppositū enti-actui non movetur: Quod generatur, est possibile oppositum enti-actui: Non igitur movetur. Atqui, inquam, Aristotelēi syllogismi, ut propositio taceatur, assumptio falsa est. Nam quod generatur, non est prorsus non-ens actui: neq; quicquam simul corrumpitur, & generatur, sed sensim & in tempore, ut patuit in Physica tēporis: paulatimq; ut forma vetus expellitur, nova subinde succedit: neq; inter privationem formæ, & formam, vacuum tempus intercedit: sed ut in locali, sic in isto motu, ἐκαστι καὶ μετασαστι deinceps efficitur. hoc igitur argumentum primum falsum est: alterum Aristotelis argumentum ex elenchō priore est ortum, Non-ens, non esse in loco; ideoque non moveri. At non-ens illud, actu omnino nullum est, ut jam patuit. Quamobrem falsis argumentis generatio é Physica motuum ab Aristotele rejicitur: atque eodem hoc sophismate, corruptio ex eadem motuum Physica ab Aristotele tollitur: quia motus sit contrarius motui aut quieti. Corruptio autem, neq; motui, neq; quieti contraria sit; cum generatio, cui sit cōtraria, nihil ejusmodi sit. Verum, inquam, falsum illud est, generationem, motum non esse: & hic posterior elenchus ex illo priore nascitur. Sed tamen disputatio nostri Physici contra generationē & corruptionē mirifica est. Generatio & corruptio, nō sunt motus, ait: quia non sunt á subiecto ad subiectum. At disputa-

tor acutissime, tuo præfenti testimonio, utraque mutatio,
 motus est á subjecto ad subjectum: est enim á privatione
 ad formam, vel á forma ad privationem, ut primo libro
 tam copiose disseruisti. Privatio autem, híc tibi subjectum
 est & contrarium. Etenim, ais, privatio esto contrarium, &
 affirmatione declaretur. Hæc Aristotelis adversus Aristo-
 telem vox & oratio tam clara est, ut ii magnam summo
 philosopho notam negligentiae inurere videantur, qui vel
 Apelliconis tineas, vel æneæ sphaeræ silentium, vel quidli-
 bet aliud non antè fateantur, quàm hæc æstimata & á tan-
 to Logico judicata prædicent. Quamobrem cùm antea
 libro tertio generatio & corruptio motus verè ab Aristo-
 tele factus sit, Aristoteles quinti Physici falsis argumentis
 remere inductus est, ad tertii Physici Aristotelem repre-
 hendendum: neque jam quintus liber, est verus iudex ter-
 tii, sed falsus accusator. Atqui tamen in hac bella emen-
 datione concludit Physicus noster quadripartitæ distribu-
 tionis laudem. Quatuor sunt species mutationis, ait, qua-
 rum una á non subjecto ad non subjectum, mutatio nulla
 est: altera á non subjecto ad subjectum, id est generatio,
 motus non est: tertia á subjecto ad non subjectum, id est
 corruptio, motus non est: Itaque de quatuor generibus
 mutationis, unicum genus Aristoteli est verum. Verùm,
 inquam, doctor eruditissime, tu partièdo, quatuor esse di-
 xisti: an igitur tibi catholicum aut legitimum docèdi ge-
 nus esse videatur, vitiosas & mendaces partitiones finge-
 re, ut sophismatis tuis refutandis, ingenium tuum osten-
 tes? Quænam obsecro, pugna ista est, cujus victoria victo-
 ri ipsi cladem afferat? Prima tripartita divisio vitiosè con-
 fecta est, ut pars prima rejiceretur: & sic modò quadripar-
 tita fingitur, ut de quatuor membris tria rejiciantur. O
 Logicam Logicæ liberalis & ingenuæ vel dissimilem vel
 expertem! Sed tamen μεταβολή καὶ κίνησις, mutatio & mo-
 tus, vocabula tibi modò diversa sunt, quæ antea semper
 eadem fuerant, & erunt per sæpe postea: motum tamen
 antea & mutationem pro eodem definieras, neque modò
 aliter definis: ut novus novæ doctrinæ sensus intelligatur.
 Quid igitur? his ænigmatis qualem tandem acroasin fu-
 turam sperasti? Motus sunt quatuor genera, dixisti libro
 tertio;

tertio: in substantia, generatio & corruptio: in quantitate, accretio & diminutio: in qualitate, alteratio: in loco, latio: " Nunc genera mutationis quatuor sunt, quorum unum á " non subiecto ad non subiectum, mutatio nulla tibi est: " alterum & tertium, generatio á non subiecto ad subie- " ctum, & corruptio á subiecto ad non subiectum, non " sunt motus. Quare de quatuor propositis generibus mu- " tationis, unicum tibi motus est. At, inquam, ad motus definitionem tertio libro triplicem, generatio & corruptio motus sunt: nulla lex novæ definitionis nova prohibet, quin adhuc motus habeantur. Quid igitur? utrúm Physicus noster aliam quandam motus definitionem ineditatur, quam exprimere dicendo nequeat? Difficultatem prioris illius definitionis amplo testimonio testatus est. O physicam auditionem mirabilem, in qua pro solida rerum naturalium historia, nugæ tales audiantur! Equidem vellem mihi per interpretes hic liceret hunc librum é physica acroasi tollere: displicet enim vehementer, & pudet, ab Aristotele Aristotelem tot sophismatis, tam stupidis infamari. Itaque Aristotelis nomen in reliquis libri sordibus ejusmodi posthac non audietur. Pergat igitur quisquis hic est Physicus, novam physici motus historiam contexere, aut superiorem potiús tertio Physico contextam retexere. Illic é generibus categoriarum Aristoteles genera motuum metiebat: Hic physicus ex iisdem categoriis longé secus metitur. Illic genera motus quatuor, categoriarum generibus quatuor æqualia fiebant: Hic categoriæ sunt octo, essentia, qualitas, ubi, quando, ad aliquid, quantitas, agere, pati: inconstantia categoriarum illa est, de qua tertio Physico disserui: quód in Logica categoriæ fierent decem, in Physicis modó tres, modó quatuor, modó sex, modó octo fierent. ut soranii simile videatur, tam levi atque inconstanti fundamento velle ullam disciplinæ gravitatem constantiamque confirmare.

I N C A P. I I.

Sed Physicus hic aliter ratiocinatur: Categorix sunt " octo: At in essentia, relatione, actione, passione, non " est motus: Ergo motus est tantúm in quantitate, qua-

litate, loco. Utrúm veró syllogismum, an paralogismum
 hic esse dicam? Prima pars est falsa: secunda pars est fal-
 sa: & tamen utraque posita & concessa, quæstio non con-
 cluderetur. de falsitate primæ partis, actum est antea
 » satis: secundæ falsitatem doceamus. Motus non est in
 » essentia (ait Aristoteles) quia substantiæ nihil est con-
 » trarium. Enimvero, qualis est ista quæstio? substan-
 tiæ physicum motum nullum esse? Imò, inquam, pené
 solius essentiae physicus motus: eadem siquidem ori-
 tur, interit, crescit, decrescit, alteratur, fertur, ut antea di-
 ctum est §. cap. 1. Physic. Qualis veró quæstionis est ra-
 tio, motum non esse in essentia, quia essentiae nihil sit
 contrarium: Etenim cur substantiæ nihil est contrari-
 um? Id veró jam primo libro refutatum est. nonne ge-
 neris in species & differentias divisio, est in partes contra-
 rias? & sic contraria ab Aristotele ipso definiuntur, quæ
 sub eodem genere plurimùm differunt. utróm nullæ sunt
 in essentiis species? nullæ differentiæ? Nonne Aristoteles
 ipse postea ignem aquæ contrarium efficit? Utrúm inter-
 pretes Physicum excusandi gratiâ, substantias dicent es-
 se contrarias formis tantùm, non subjectis, ut Simpli-
 cius ait? Dicunto, inquam: at album nigrumque for-
 mis suis tantùm contraria sic erunt, non subjectis. Itaque
 si tali argumento essentiae non sint contrariæ, neque ac-
 cidentia contraria erunt. Utrúm autem non formis, sed
 qualitatibus contraria dicent esse ignem & aquam? At
 contrariarum etiam qualitatum causas esse contrarias, ne-
 cesse est: causæ porró qualitatum, erunt ipsæ formæ.
 Quid igitur? Interpretibus difficultas hic ingens est pro-
 posita, reputantibus, omnia Physici hujus dicta, quovis
 Apollinis oraculo certiora; & tamen manifestam falsi-
 tatem ante oculos habent. Physica est præcipuè de essen-
 tiis & generandis & corrumpeendis: & libri hoc nomine
 duo præcipuè ab Aristotele conscripti; ut antea jam di-
 ctum est. generatio & corruptio, principes motus antea
 facti sunt: nec tolluntur prorsus hi motus, argumento
 falso. quid ergo? deferendus author tantus, & inertiae
 atque ignorantiae condemnandus? minimè gentium:
 minime interpretibus tantum facinus suscipiendum vi-
 deatur:

deatur: sed tentanda prius atque experienda omnia. Et
veró quidam interpretes impensè isto loco defudarunt.
Exuperantia & defectus (ut 4. cap. 1. Physic. apparuit) sunt
termini oppositionis, à quorum altero ordinatè proce-
ditur ad alterum: ut contraria sint maximè distantia qui-
dem, sed ordinatis mediis distantia: Inter formas autem
substantiales, non esse maximam distantiam, neque me-
diis distinctis ordinatam esse ajunt: ut materia, dum exiit
una forma, possit indifferenter aliam absque ordine
capere: atque ipsum *esse* in substantiis, momento indivi-
sibili effici. unde concludunt, in essentiis oppositionem
nullam esse. At, inquam, magno & manifesto sophisma-
te interpretes hi falluntur & fallunt: maximam in con-
trariis differentiam, distantiamque esse verum est: fal-
sum est autem, in essentiis non esse: sed multò est absur-
dius illud, quòd in ortu essentialium, materia quamlibet
formam promiscuè & sine ordine possit accipere: certis
enim organis instructa prius ac præculta sit, necesse est,
ad hanc formam, non aliam suscipiendum. Neque enim
(ut antea docuit Aristoteles) é semine bovis, leo, arbor,
homo, promiscuè gignetur. Studium philosophi defen-
dendi intemperatum & immoderatum in interpretibus
fuit: veritatis amor, & studium Aristotelearum legum,
Aristotelex libertatis atque industriæ mallet fuisse:
philosophiam enim jam multò lautiorẽ & illustrio-
rem teneremus. Quamobrem præstantissimas Aristoteli-
s laudes illas, potiùs quàm serviles istas interpretum
sordes imitemur: politicis legibus illis politicam physi-
cam administremus. Sed pro generationis & corrup-
tionis genere satis dimicatum, quòd oppositum sit ali-
quid essentiæ; nec ideo oppositionis argumento, é mo-
tum Physicæ tollendæ. Quid relatio peccavit, ut mo-
tus in ea nullus sit? Accidit altero mutato alterum esse,
verum nihil mutatum, ait Physicus. Falsum, inquam:
relata siquidẽ simul naturæ sunt, nec potest qualitas
patris gigni vel aboleri, quin reciproca filii qualitas si-
mul gignatur aut corrumpatur. Ecquid? actio & pas-
sio, cur motus non erunt? Nonne tercio capite tertii li-
bri Physicorum Aristoteles verè docuit, motum re unum

& eundem, ratione duplicem esse, in agente, actionem, in
 " patiente, passionem? At actio, non est actionis, ais: neque
 " passio, passionis. Falsum, inquam, est: potest enim mo-
 tus primus, esse causa secundi, & secundus, tertii: ac tum
 primus, causa movens secundi, & secundus, tertii consi-
 deratur: Neque verum, actionem & passionem sensilia
 motus subjecta non esse. Quid enim tam sensile, quam
 motus vulnerum plagarumque, frigoris, alboris, & reli-
 quarum actionum passionumque, quibus sensus ani-
 mantium in primis excitantur? Est verò sex argumeto-
 rum magna in hanc thesin l'hyfici disputatio. Sed totum
 id insulsius est, quam ut refutationem mereatur. Tan-
 " dem concludit Physicus, cum motus neque in essentia, ne-
 " que in relatione, neque in actione & passione sit; in tribus
 " tantum generibus relinqui, in quantitate, qualitate, loco:
 " repetitque dicta illa prius: in qualitate, nomen alteratio-
 " nis utrique contrario commune esse: in quantitate, com-
 " mune nomen nullum esse, sed specialia accretionis & di-
 " minutionis nomina. In loco autem, nomen neque pro-
 " prium, neque commune esse: Nam $\phi\phi\phi$, latio, in iis est quæ
 " non suo, sed alieno motu feruntur secundum locum. Ad-
 " duntur duo ad extremum: primum, quod motus secundum
 " majus & minus, alteratio sit: secundum, quod immobile
 " dicatur duobus modis, quod omnino sit impossibile mo-
 " veri, & quod vix & ægré moveatur. Atque ita secundum ca-
 put in partiendis motuum generibus concluditur. Verum
 ut conclusio hæc ad extremum tota percipiatur, qualis est
 Physici nostri syllogismus? Genera motus é categoriis
 metienda sunt: in substantia autem, relatione, actione,
 passione, motus nullus est: Ergo motus est tantum in quã-
 titate, qualitate, loco. Verum ad corrigendum tertii l'hy-
 fici Physicam, qualis ista logica est? Propositio falsa est,
 ut antea differui: neque genera motus, é subjectis rebus
 sunt metienda: deinde assumptio falsa item, quod in essen-
 tia, relatione, actione, passione, nullus sit motus: ac si
 quam maximè vera esset propositio & assumptio, attamen
 consequens esset $\alpha\sigma\upsilon\lambda\lambda\acute{o}\gamma\iota\sigma\tau\omicron\iota\varsigma$ καὶ $\alpha\sigma\upsilon\mu\pi\acute{\epsilon}\rho\alpha\varsigma\omicron\iota\varsigma$: Tres e-
 nim categoriæ ab hoc doctore in categoriis enumeran-
 dis hic præteritæ sunt, Quando, Situm esse, Habere. Quã-
 obrem

obrem physici philosophi, quicumque ista lecturi vel audienturi estis, aliquando per sanctum philosophiæ numen, expergiscimini; & in Aristotele explicando, Aristotelem ipsum sui interpretem, judicemque facite. Physica tertii Physici de motus definitione & partitione, nullam Physicam habuit; sed Logicam contra leges Aristotelis temere & inconsideratè in physica acroasi permistam: Motus intelligentia magna prorsus & in omnibus artibus, atque adeo non-artibus necessaria; sed è Physica vel tertii vel quinti Physici, nullam doctrinam præcipuam requirit. Omnes artes, vel scientia, vel opinione tantum comprehensæ, motus suos habent, ut nos Aristoteles 3. cap. 8. Phys. admonet: Hæc Aristotelis gloria est, ut antea monui: ne nobis alienas laudes arrogemus. Logica semel admonuit, ut de movente causa, sic de motu: Singulares deinde artes admonent de singulis suæ professionis & moventibus, & motibus. At tota motus genera exquirere, nullius singularis est disciplinæ: & si cujus esset, quò quæque esset magis communis & generalis, eò sibi munus hoc potius assumeret, ut Grammatica, quàm Rhetorica: ut utraque, quàm Arithmetica vel Geometria; & omnes illæ omnino, potius quàm Physica. At, dicet fortasse aliquis, quamobrem in quinto Physico, tertii Physici doctrinam reprehensam, tantopere commoveris? Nonne philosopho pulchrum est, non aliena tantum, sed etiam sua reprehendere? O me censorem nimis severum, ac nimis acerbum! qui in philosopho philosophi gloriam tam iniquè condemno. Verum quisquis hoc nobis objicies, audi, quidnam tibi respondeam. Equidem vocem istam philosophi de alienis ac suis præcipuis erroribus emendandis in primis admiror, & in cælum fero. At errorem pro doctrina: at erroris emendationem, pro doctrina, in eadem simul arte proponi, equidem ferre nullo modo possum. Magnis viris id sæpe accidit, non modò nobis minimorum minimis, ut priores cogitationes posterioribus emendarent. At si Aristoteles unus & idem scripsit tertium & quintum Physicum, cum ad quarti finem pervenisset, sensissetque tertii doctrinam sophisticam & perversam esse; nonne rectius & brevius fuit,

aliter & alium tertium librum rescribere?

Membris intus positis, delere licebit

Quod non edideris, nescit Vex missa reverti.

An oblitus erat quinto in libro, quæ tertio commentatus erat? Et tamen gravius multo est, quod in hac emendatione deprehendo: Physica tertii libri, quamvis definiendo motu nihil legitime definiat; quamvis partiendo, partes legitimas nihil integrè partiatur: attamen ad istam Sophisticam comparata, legitima Physica videatur. definire aliquid voluit: hinc nulla definitio tentata est. illic principes physici motus præcipuo loco numerantur: hinc tolluntur è toto numero. Quare si patronus ad Aristotelis causam advocatus essem: librum hunc nothum & spurium esse, libentissimè confirmarem: Aristotelis legitimum partum esse pernegarem. Itaque Aristotelis interpretes, spinas tam ineptas tamque nomine tanti philosophi indignas, imò legibus Aristotelis tam contrarias atque adversas, ex agro physico procul amandate: tribulis istis & carduis, ingenuam juventutem falsa ingenue artis specie, ne diutius pascite. Nec Alexandri stomachum pertimescite. ipse enim querimoniam illam suam, si hæc audierit, procius abjurabit.

IN CAP. III.

ATque hæc prima pars fuit è tribus quinti libri partibus: quid habet altera? Definit septem vocabula tertio capite, ἀμὲν, χωρὶς, ἀπὸ τοῦ, τὸ μετὰ, τὸ ἐπὶ, τὸ ἐν, τὸ συνεχές. Simul, Scorsum, Tangere, Inter, Deinceps, Contiguum, Continuum: quæ tota doctrina, commodius (si tamen commodi quicquam habeat) explicata esset in physica loci, libro quarto: quia differentias locales ferè complectitur: neque toto isto libro definitionibus istis est opus: appellabuntur autem initio sexti libri. Simul esse dicuntur, quæ sunt in eodem loco primo: Scorsum autem, quæcunque sunt in diverso. Atqui prima illa definitio, ad Physicam Aristotelis libro quarto, falsa est: ubi proprius locus & primus est idem: & duo corpora, quæ sola dicuntur esse in loco, simul esse non possunt. Perge: Tangere dicuntur, quorum extrema sunt simul. Atqui, inquam,

tertia

tertia hæc definitio, Geometriæ non semper congruit: Geometris enim interdū non tangit recta rectam, quamvis cohzreat; sed tangit, cū producta non secatur: quod tantū potest accidere peripheriæ ad rectam & ad peripheriam. Ergo hæc definitio tertia item vacillabit. Inter, " id est, ad quod, quod mutatur, antea perveniat, quā ad " extremum, quo mutatur, secundū naturam continuē " motum. In tribus autem est minimum: extremum nem- " pe mutationis & contrarium. Continuē verō movetur, " quod minimum quidem rei, temporis autem nihil inter- " mittit: Contrarium autem secundū locum, est quod se- " cundū rectam plurimū distat. Hæc definitio quarta " *prolixa* est, & continui motus, contrariiue localis, defini- " tionem sine ulla necessitate complexa. Potest enim vel in quiescentibus, esse τὸ μεταξὺ. Nec ad contrarii definitio- nem, distantia loci major minorve quicquam facit: nec minū contrarii motus sunt in exiguo circulo diametri, quā in maximo. Nam si duo motus, contraria sint affirmata, quæ ē regione perpetuō adversentur: adversi erunt: quā longinquis terminis distent, nil ad rem. una contrariorum logica definitio sufficit intelligēdis & judicandis omnibus contrariis, & causis, & motibus, & locis, & omnibus denique entibus, & non entibus. Agedum, definitio quinta succedat. Deinceps autem id sequitur, quod " † sit post principium duntaxat aut situ, aut natura, aut alio † *cūm sō* quodam modo definitū, nihil medium interest in eodem " genere inter ipsum, & id quod sequitur. Sic linea post lineam, unitas post unitatem, est deinceps, inter quas nulla " linea, nulla est unitas. Hæc definitio, licet obscurior, præ cæteris tamen tolerari possit. Sexta definitio, Contiguū " est, quod cū fuerit deinceps, tangit. Atqui definitio ista " non recte connectit deinceps & tangens, ut definitiones utriusque declarant: nisi deinceps dicantur etiam partes & tangentium & continuorum. Inseritur huc vitiosa par- " titio oppositorum, in adversa & contradicentia. Nam re- " lata & privantia, perinde sunt opposita. Perge: ista sunt huic Physico levissima. Postrema igitur definitio est, Continuum, est quiddam contiguū. Hæc definitio est " *falsa*: Nam contiguū ipsum per deinceps & tactum defi-

nitur : quæ continuitati convenire non possunt, Eadem definitio clariùs exponitur in categoria quantitatis: quòd
 „ continuum sit, cujus partes uno communi termino con-
 „ tineatur: Sic linea, continuum quiddam est: Sumi nanque
 „ communis terminus, quo partes lineæ copulentur, pun-
 „ ctum potest. Tolerabilior autem in Phisicis pars illa est,
 quæ continua ait esse, ex quibus unum fit secundùm con-
 tactum: & sic 13. cap. 4. Phisici, *συνίχεται* dicitur *ἑνωσις*, tan-
 quam diceret, unitio, quod repetetur 1. cap. 6. Phis. Quia
 propter ejusmodi Logica est in definitionib. septem: qua-
 rum quinta sola tolerari possit: cæteræ, lege *κατὰ παντός*
 excusari nullo modo possunt. Atque hæc etiam secundæ
 partis sophismata, spurium notumque librum & auri-
 bus phisicis indignum, magis ac magis arguunt. Et ta-
 men sophismata hæc, *φιλοσοφήματα* tanti ponderis Pro-
 clo fuere, ut duos libros de phisico ex tota acroasi colle-
 cto motu, definitionibus continuorum & contiguorum
 deinceps positorum, præcipuè deduxerit. Tam insana A-
 ristoteleorum interpretum de suo doctore credulitas fuit:
 falsæ & captiosæ definitiones Aristotelis, sunt illis axioma-
 ta, quibulvis geometricis axiomatis certiora,

I N C A P. I I I I.

TRibus proximis capitibus, quarto, quinto, sexto, Lo-
 gica est de unitate & oppositione motuum; levissi-
 ma prorsus, indignissimaq; Phisicæ nomine. Quar-
 „ to capite, primùm docetur, *idem* tripliciter dici, genere,
 „ specie, numero. Verùm quicquid enuntiatur, generale
 est aut speciale. tertia ista numeri differentia, nulla est: ut
 in Logicis copiosius est à nobis demonstratum: & legibus
 Aristotelis contrarium est, generalia Logicæ decreta, de
 differentiis *eiusdem*, in speciali disciplina repetere. Uni-
 „ tas autem numeri, absolutè unitas à philosopho dicitur: in
 „ eaque tria requiruntur, ut sit *idem* & mobile, & locus, &
 „ tempus: deinde requiruntur & tria altera, continuïtas,
 „ perfectio, æqualitas. At, inquam, imperfectum & inæqua-
 le, cur unum dici non poterunt? Imperfecta pictura fuit
 Apellis in Venere, attamen numero una. Inæqualitatem
 montium, vallium, fluminum, terra est inæqualis, &
 tamen

men una est. Verumenimvero, quid istas infinitis locis quisquillas tam curiosè persequor? unum & ens, de omni dicuntur, ut patet in Philosophia; ubi de uno, sextum caput 5. libri, docet, unum esse secundum accidens, aut per se: per se, specie, genere, definitione, continuitate, numero. item primum & secundum caput decimi libri, docent nominatim *κατηγορηματα τὰ καθόλου μάλιστα πάντων*, categorēmata maximè omnium generalia & universalia. Sed suo tum loco differetur de capitibus illis, & in Logicis ista nobis jam disputata sunt: Unum, quatuor simplicibus modis dici posse, causis, effectis, subjectis, adjunctis: ut vanitas ista per Logicam, Physicam, & Metaphysicam tam immensè repetita, deridenda planè sit, & indigna sanè, quæ refellatur.

I N C A P. V.

Est verò Logica quinti capitis admiranda, planèque par Logicæ primi capitis: illic, partitiones membrorum nescio quot factæ, unde quotlibet abjicerentur: huc eadem sapientia revocatur, ad motuum oppositionem. Motus contrarii (ait Philosophus) sunt vel ex eodem in idem, vel ex contrariis, vel in contraria, vel ex contrario ei qui est in contrarium, vel ex contrario in contrarium ei qui est ex contrario in contrarium. Atque ut intelligeremus, quàm subtiliter eleganterque Physicus divisisset, ait: *ὅ γὰρ ἐστὶν ἄλλως ἀντιτείναν* non enim licet aliter opponere. At, quæ est ista partitionis subtilitas, aut quæ tanta partiendi elegancia? Dichotomia enim sola, partitionis absolutam laudem sibi vendicat; à qua tribus gradibus abest ista quinque partium partitio. Tum verò, quomodo à Physico nostro opponuntur, quæ nullam oppositionem faciunt? Etenim, quod prorsus in hac Sophistica mirabile est, duos oppositionum istarum modos, nullam oppositionem ipsemet partitor esse docet; quantum, ex contrario in contrarium; ut ex sanitate motus, ei qui est in morbum, contrarius non est, ait, & verè quidem ait: cùm motus sit unus & idem, deinde secundum, ex contrariis; quia desinere possunt in medium; & contraria potiùs sint metienda à terminis ad quos, & magis ex illa parte motus nominatur. Hæc physici triplex est ratio, ut excluda-

tur secundus modus, sed falsa: neq; motus uterq; unquam
 „ poterit simul in idem subjectum cadere. Duos tandē mo-
 „ dos approbat, duobus illis improbat; Tertium, in con-
 „ traria; quintum, ex contrario in contrarium ei qui est ex
 „ contrario in contrarium: reque ait eosdem esse, sed nomi-
 „ ne differre. Quænam igitur, ô partitor eximie, ista est ἀ-
 „ τήσις, propter quam partitio tam gloriosa tibi videba-
 „ tur? Tuin verò modus primus qualis tibi est? neque enim
 „ est improbatus cum duobus quarto & secundo: neq; pro-
 „ batus: in multitudine & confusione bellæ partitionis de-
 „ lituit: & tamen re ipsa est idem cum tertio & quinto. An
 „ reservatus est hic modus mutationibus? Cur igitur in con-
 „ trariorum motuum divisione abs te est adhibitus? Equi-
 „ dem partitiones varias & vario genere emendabiles, fre-
 „ quenter animadverti: nullam tamen sophismatis tanti
 „ adhuc animadvertere potui. Quinque modos, ô Physice,
 „ quisquis es, λογικῶτατε, una divisione complecteris, tan-
 „ quam bene oppositos. At duos nil oppositionis habere di-
 „ cis, duos consentire: quintus effluxit interea. En igitur,
 „ gloriare aliter oppositiones contrariorum motuum con-
 „ stitui non posse: obtineasque partiendi laudem, quam-
 „ cunque ista Logica merueris. Equidem verba jam me de-
 „ ficiunt, ut interpretes de tam putido fatuoque sophisma-
 „ te admoneam: Et tamen capitis reliqui Sophistica, de
 „ contrariis mutationibus, non minús est admiranda. Ge-
 „ nerationem & corruptionem initio capitis dixerat Physi-
 „ cus esse contrarios motus, ut qui esset ex eodem in idem:
 „ tandem contrariam quidem generationem corruptioni
 „ facit, sed motus negat esse; eodem illo videlicet negatio-
 „ nis jure atque argumento, quo primo secundoque capite
 „ negaverat. Verum quænam ista hominis hujus religio
 „ est, in substantia motus non ponere, quia substantiæ nihil
 „ sit contrarium: & tamen substantiæ mutationes contra-
 „ rias facere? Denique etiam oppositi motus á mediis ad ex-
 „ trema per eandem Logicam definiuntur,

IN CAP. VI.

„ SEd Sophistica in reliquum caput continuatur. Motus
 „ (ait Physicus) non motui solum, sed etiam quieti con-
 „ trarius

trarius est. quies enim, est privatio motus. Est aut, ut etiam „
 privatio contraria dicatur. sic primo capite huius fuit, Pri- „
 vatio, esto cōtrarium. unde & Physico idem repono, quod „
 antea; cū in substantia sit privatio & habitus: erunt igitur „
 contraria; & termini contrarii, motus in substantia „
 facient, ut in quantitate, qualitate, loco: totaque de diffe- „
 rentia mutationis & motus Sophistica, perridicula appa- „
 rebit. Colligit etiā Physicus (credo, ne ullas Zenonis quif- „
 quillas oblitus esse videatur) motum, esse contrarium qui- „
 eti, quæ ex eodem termino in eundem: deinde quietes ef- „
 se contrarias, quæ sunt in contrariis terminis. Eiusdem Lo- „
 gicæ est, quod Physicus ait, generationis & corruptionis „
 mutationi nō quietem, sed ἀμεταβλησίαν, mutationis va- „
 cuitatem oppositam esse. Verebatur videlicet Physicus, ne „
 mutationes, motus esse confiteretur, si contrarium in his „
 esse diceret: & mox tamen ἀμεταβλησία ista dicitur ἐναν- „
 τία, contraria mutationi: imō verō corruptio corruptioni, „
 non solum generationi contraria efficitur. Tanta est huic „
 homini non cum rebus ipsis solum, sed secum pugna atq; „
 cōgentio. Sequitur ad amplificandum sophisma de con- „
 trariis motibus & quietibus, quæstio triplex: prima, quod „
 in omni genere motus quietisque sit secundum & contra „
 naturam: unde & quælibet generatio generationi, & cor- „
 ruptio corruptioni, & quælibet omnino mutatio quies- „
 que violenta sit opposita naturali. Hæc quæstio, longa in- „
 ductione totam paginam explevit. Secunda, quod non „
 sit generatio quietis; quia violenta quies generaretur: „
 quia stare & ferri in naturalem locum esset idem. Atqui, „
 inquam, quid alienum fuerit, & secundum naturam, & „
 præter naturam, quietem gigni? Prima enim quæstio id „
 habuit: & ferri in locum naturalem, non idem est, quod in „
 eo quiescere. Itaque utraq; hæc ratio falsa est. Tertia quæ- „
 stio est, quod quies in loco, contraria est motui ab eodem „
 loco: quæ qualis sit, per me quidem talis habeatur. Atque „
 caput sextum in oppositione motus & quietis ita cōsumi- „
 tur, ut quintum cōsumtum erat in oppositione motuum. „
 Verumenimvero incredibilem Aristotelis (si quis tamen „
 hunc librū Aristotelis esse velit) patientiam, quinto præfer- „
 tim in libro subiit admirari. Credibile est, innumerabilea

veterum Physicorum commentarios his spinis tricisque refertos fuisse, unde etiam præcipua tantum collecta sint. Sed per Deum immortalem, Aristotelis mens huc adhibeatur; considereturque, quam necessaria fuerit Aristotelis industria ad reliqua perpurandum. Etenim quis tandem erit modus legis καθόλου πᾶσι violandæ ac perfringendæ? Primus secundusque liber, generalem & logicam causarum principiorumque doctrinam, specialiter contra legem illam catholicam in Physica tam verbosè dispersit. Tercius & quintus liber, generalem & logicam motus doctrinam in Physica tam obscurè tamque nugatoriè repetivit: Liber primus, duobus capitibus, quinto & nono, & nunc quintus, tribus ultimis, generalem & logicam contrariorum doctrinam, ineptissimis sophismatis permiscuit: & si venisset sapientibus illis Physicis in mentem, parem Physicam de genere physico, de specie physica, de syllogismo physico, deque cæteris logicæ decem etis cōscribere, Physico huic videlicet somnia quoque & deliramenta illa formianda fuissent & deliranda: liberque Physicus aliquis de tam nobili physica cōscribendus fuisset. Etenim Aristotelem de scriptis Physici huius iudicem appellemus, legem καθόλου πᾶσι audiamus: Generalia, ait, generaliter & semel explicanda sunt: Atqui, inquam, doctrina contrariorum, est generalis; rerum omnium, imò etiam non rerum cōmunis: & tam multis ab Aristotele in Organo logicæ præceptis instituta: Quare generaliter & semel explicanda fuit. Et verò generalis & una contrariorum definitio sufficit omnibus omnium rerum generibus explicandis. Utrumque meteora, lapides, metalla, plantæ, animalia cōtraria sint, definitio illa ostendet. Quamobrem nobiles istæ ingenuorum animorum cruces affligantur, evertantur, tollantur. Cruciarunt veteres Physicos horum dogmatum doctores. At si Aristoteles ista omnia per ætatē recognoscere, & legibus logicis expendere potuisset, neminem in posterum cruciassent: ipse sine dubio afflixisset, evertisset, sustulisset. Et tamen affligendi, evertendi, tollendi argumentum & beneficium Aristotelicum est: legibus enim & argumentis Aristotelis, philosophia tam importunis impedimentis per nos liberatur.

P. RAMI SCHOLARUM PHYSICARVM LIBER VI

In sextum Physicum.

IN CAP. I.



T QUÆ hæc quinti libri ē tertio libro Physica, admodum agrestis fuit: sexti libri Physica ex eodē tertio, tertia ferē parte est prolixior, de infinitate magnitudinis: unde deducitur infinitas motus, mobilis, tēporis, status, quietis: ut meritō liber hic, infinitatum possit inscribi: & tamen Physica hæc multō est agrestior superiore: imō verō tetrior atque infestior. Infinitatem magnitudinis primō subtiliūs pleniūsq; differemus; ut inde insania reliquarum infinitatum faciliū intelligatur. Primo igitur capite revocatur tanquam dubia thesis de magnitudine infinitē-dividua, quæ tanquam indubitatum principium cōtra Antiphontem 2. cap. 1. Phys. sumitur: revocatur (inquam) huc tanquam dubia thesis, majoreque apparatu conatuq; demonstratio tantæ quæstionis exornatur. Adeste igitur animis, physicę auditionis auditores, & rem mentibus ponitis accipite. Hanc infinitatis thesin receperat Aristoteles 3. & 4. cap. 1. Physici, & rursus 4. cap. 3. Physici. Illic enim διχοτομίας άτομα, & ἐλάχισον μέγεθος: hic ἀτόμους ἡραμμάς labefactare cœperat. Magnis verō & gravibus adversariis in hac causâ Physicus noster opponitur. Adversus Anaxagoram (ut antea jam ē Philopono patuit) Aristoteles librum de lineis individuis conscripserat. Democritus & Leucippus, atomorum authores, 4. cap. 3. de Cælo appellantur: Pythagoras & Plato 8. c. 3. de Cælo. in hoc idem iudicium citantur: & Plato separatim appellatur 7. cap. 1. Phil. de linea individua. Xenocrates etiam primo libro

huc aggregatus est. Quare contra mathematicæ philosophiæ proceres, Anaxagoram, Democritum, Leucippum, Pythagoram, Platonem, thesis ab Aristotele de perpetua magnitudinis divisione informatur. Illi omnes uno consensu, magnitudinem minimam dari posse profitebantur: Ut Aristoteles nobis author est, sed tamen eo ipso valde suspectus, quod antea principium in schola geometrica adversus Antiphontem fecerit: Nunc veró tanquam á mathematicis improbatum probare contendit. sed tamen illi magnitudinem minimam profitentur: Aristoteles inficiatur; & pollicetur, sese demonstraturum, divisionem magnitudinis ultimam nunquam fore. Agitedum, tanta de re tantam contentionem diligenter attendamus. Nihil enim eorum præstabit Aristoteles, quæ pollicetur: & si præstaret maximé, nihil tamen physicum, & de physica magnitudine, & physicæ acroasi cōsentaneum præstaret. Magnitudinem geometricam infinité dividuam esse, geometris principium esto, ideoque indemonstrabile: consideretur igitur quomodo ab Aristotele demonstretur, & quomodo veterū error refellatur. Quid igitur? unde primum orditur Aristoteles? Mathematicum morem retinet, principia præponit, é tribus definitionibus anté tertio

„ capite libri quinti præpositis, Continua esse, quorum extrema sunt unum: Tangentia seu contigua, quorum extrema sunt simul: Deinceps posita, inter quæ generis ejusdem nihil est interjectum. Prima definitio, clarior est in Categoriis: secunda, geometris fallax esset: tertia præcipué probabilis esse videatur. ad quæstionem tamen magnitudinis semper dividuæ, nihil neque secunda, neque tertia definitio: nihil contigua, nihil deinceps posita, facient, de continuis quæritur, non de contiguis, non de positis deinceps. Sed tamen ἀκρόασις tota audiat. Thesin statuit Aristoteles, quam demonstrare vult: Ἀδιώκτον ἐστὶ τὸ ἀδιαίρετον ἂν αὐτὸ συνεχές. Impossibile est, ex individuis esse quicquam continuum: quod, ut dixi, principium est geometris, Aristoteli jam demonstrabile. Hoc igitur attendatur. Primó thesis ipsa non generaliter demonstratur, sed traducitur ad speciem unicam, id est, lineam. Atqui, inquā, quod in specie concluderis, nō fuerit legitimum de genere concludi.

concludere. Nec Archimedi vel Euclidi iusta demonstra-
 tio hæc videretur: imò verò in primis Aristoteli legē suam
καθόλου περὶ τὸν cogitanti. Attamen esto: Si demonstretur,
 impossibile esse, ex indivisibilibus constare lineā: demon-
 stratum sanē esto, nullum ex individuis continuū constare:
 analogiam speciei pro genere liberaliter accipiam. Ar-
 gumentum igitur Aristotelis attendatur. Punctum est in-
 dividuum, inquit: neq; unum sunt extrema punctōrū: quia
 non est hæc quidem alia pars, illa verò alia individui. Con-
 cedo, inquam, id totum: jam, si lubet, cōclude syllogismū,
 quem potes inde concludere, & experire, utrū hinc efficias,
 nullam lineam ex individuis constare. Continua sunt
 (inquies) quorum extrema sunt unum: Punctōrum extre-
 ma non sunt unum: Ergo puncta non sunt continua. Hæc
 summa est Aristotelex demonstrationis: tanquam autho-
 res atomorum affirmant, puncta ad illam definitionē esse
 continua in unam lineā. At, inquam, id neq; Anaxagoras,
 neq; Pythagoras, neq; Plato, neq; Democritus, neq; Leu-
 cippus patrono suo sensisse unquam viderentur. Plato e-
 nim (ut ex Aristotele jam citavimus) punctum in natura
 rerum nihil esse statuebat, sed dogma geometricū. Qua-
 re si adversus Platonem rectē Aristoteles argumētari vel-
 let, debuit demonstrare, dividuum ex individuis componi
 non posse: non autem ad illam cōmunis puncti continui-
 tatem continuari. Verūm á thesi generali ad specialem li-
 neæ hypothesein descendit, neque tamen concludit: sed om-
 missa lineæ quæstione, cōcludit, puncta non esse continua.
 ita á continuo ad lineam, á linea ad punctum demonstra-
 tio delabitur: aliudque promittitur, præstatur aliud. Itaque
 si Platoni vivo hæc ab Aristotele objecta essent, quid Pla-
 tonem responsurum arbitramur? nonne discipulo dictu-
 rum, quum syllogismi superioris elenchum retexuisset; a-
 liam in omni rerum genere naturam esse compositi, a-
 liam partium? Compositum, semper esse dividuum in par-
 tes, é quibus componitur: partes, non necessarió dividas
 semper esse? Oratio dividitur in dictiones: dictio in syl-
 labas: syllaba, in literas: litera individua est. Argumētatio di-
 viditur in enuntiata: enuntiātū, in argumenta: argumentū
 est individuū. Octonarius dividitur in quaternarios: qua-

ternarius, in binarios: binarius tandem in unitates: unitas individua est. sic decempeda dividitur in pedes: pes in digitos; tandemq; ad mensuram minimam pervenitur, quam Aristoteles etiam minimam appellat 4. cap. 2. de Cælo. Et sic Aristoteles in fine primi Topici, multo verius & elegantius philosophatur, cum ait, Quod punctum est in linea, id unitas est in numero: *ἐκάτερον γὰρ ἀρχὴ*: utrumque enim, principium. Atque illud etiam Aristotelis nimirum est 5. cap. 7. Phys. adversus Zenonem, qui singulis milii granis sonitum tribuebat, quia milii modius deorsum cadens sonitum ederet. Errat Zeno (ait Aristoteles) neq; pars in toto est quicquam nisi potentia. Tale est nobilissimum illud ab Aristotele 3. 4. cap. 3. Meteor. exemplum de iridis nube; quæ quamvis constet ipsa ex guttulis specularibus individuis & invisibilibus, est tamen dividua & visibilis: & sic Euclides 3. th. 1. Opticæ, postulat angulum minimum: & sic Vitellio 5. d. 2. lib. minimam lucem accipit; quæ si divisa intelligatur, non habeat actum lucis. Quamobrem promissa Aristotelis illa magnifica ubi sunt? En marmorea, vel etiam stultorum & fatuorum hominum iudicio, plusquam adamantina fundamenta quibus temporis mundique æternitas a Philosopho construitur! Equidem cum reputo, quantum huic Philosopho non tantum a suis, id est paganis & impiis, sed a theologis Christianis, propter istas nugæ attributum sit, exhorresco, totaq; mente commoveor, eo simplicitatis & credulitatis doctos & eruditos homines prolapsos esse: valdeque spero, perfectis & perspectis, quæ contra modum differuntur, talem *ἀπερίεστη* longè alio iudicio audituros, & discipulis exposituros esse, vel potius nunquam exposituros esse. Quapropter ad reliqua pergamus. Disseruit Aristoteles, puncta non esse continua, differit deinde, non esse contigua, non esse deinceps posita. Hæc siquidem de tribus definitiones duæ supersunt.

„ Puncta (ait) non sunt contigua, quia eorum extrema, quæ
 „ simul esse possint, nulla sunt. Quod cum Plato concesserit, irridebit merito discipulum, in re quæ minimè controversa sit, demonstranda sic occupatum: Neque enim quisquam somniavit unquam, punctis contiguam lineam continuari. Ergo pars illa supervacua, heterogeniam suam
 „ prodit.

prodit. Quid tum deinde? Eandem demonstrationem de continuis contiguisq; Physicus repetit: tanquam tautologiam laudabilem existimet. Necesse est (ait Aristotelēs) puncta, ex quibus continuum sit, esse continua aut contigua: continua non esse, patet ē dicta ratione: contigua verō si essent, esset utriq; contiguum totum toti, aut pars parti, aut pars toti. At punctum est impartibile. Itaque totum toti contiguum esset: totum autem punctum toti puncto contiguum non erit: neque continuum, quia continuum habet partes alias atque alias, in quas dividitur, diversas & loco separatas. Hāc Aristotelis tam ignavam tautologiam Plato miseraretur: punctaq; punctis neque continua, neq; contigua esse, discipulo concederet: nec ideo tamen sequi diceret, ut nulla linea ex individuis lineis constaret: conatum Aristotelēi ingenii magnum quidem agnosceret: at in eo iudicium valde desideraret. Atq; hęc ē secunda definitionē, demonstratio est: Cōsimilis est tertia Aristotelis demonstratiō, ē tertia definitione. Puncta non sunt (ait) deinceps posita, ut ex iis linea sit; tāquam ex multis Nunc, tempus, quia inter duo puncta quęlibet, est aliquā linea: ut inter duo quęlibet Nunc, est aliquod tempus. Hęc Aristotelis aggressiō tertia est, quę simili commiseratione exciperetur ā Platone: qui nunquam cogitasset, lineam ē punctis deinceps-positis continuari: cū punctū in linea media nullum actu statuisset unquam: imō qui punctum, placitum illud geometricū dixisset, pro linea minimā & individua: & Aristotelem diceret valde audacter postulare; quod in quęstione est, pro quęstionis argumēto: quęstio enim ipsi est, Utrūm linea continuetur punctis: & tamen postulat, inter duo puncta quęlibet lineam intercēdere. Hoccine verō est promissam fidē liberare? hoccine est satisfacere? Omnes sanē obarati, decoctores; grē alieno obruti, Aristotelica istā fide, creditoribus omnibus, nullo negotio satisfacerent: si postularent condonari sibi, quod ab eis peteretur. Tale est argumētum proximum, quod sequeretur, continuum dividi in individua. At, inquam, māgister, problemā id est tibi propositum, quod pro problematis argumento velut absurdo, reponis. Definitio erat continui, quam si sumisses tum geometris, & postulasses,

simplicius egisses: at cum demonstrare vis, neq; tamen asse-
 ras præterea quicquã, ineptus es. Quid deinde? Triplica-
 tur rursus elenchus idem, poniturq; pro absurdo, quod cõ-
 „ tinuũ sit in impartibilia dividuũ. At (diceret magister Pla-
 „ to) id tibi tam cupidẽ disputanti esto absurdũ & falsum: A-
 naxagoræ, Pythagoræ, Democrito, cæterisq; mathemati-
 cis est (ut tute ipse de illis ais) perspicuũ & verum: & a ma-
 gistro nõ satis æqua videris postulare: postulas enim tertio
 loco thesin propositam pro thesios ipsius argumento. At-
 qui meminisse debuisses, quã sophisticum, quãq; pu-
 dendum sit, petere, quod in principio sit. Hæc igitur Plato
 reponeret Aristoteli. Verũ, demonstrationis Aristotele-
 leæ exitum audiamus: Etenim ex iis tam multis semperq;
 „ novis sophismatis, quæstio tandem summa illa & genera-
 „ lis concluditur, Quare omne continuum, est dividuum in
 „ semper dividua. Nova etiam demonstratio ẽ tertia defi-
 „ nitione colligitur: Nam (ait Aristoteles) si divideretur in
 „ individua, esset individuum individuo contiguum: unum
 „ enim extremum & contiguũ continuis. Hoc postremum
 est Aristotelis absurdum: Si continuum dividatur in indi-
 vidua, fore ut individuũ sit dividuo contiguum. Atqui, di-
 ceret hic Plato, totum contrã est: Nam si partes sint indi-
 viduæ, individuum individuo tantũ contiguum erit. Eni-
 „ igitur λογικώτατον Aristotelem interdũ omni Logica de-
 stitutum: En dialecticam, ad fundamentum æterni motus,
 æterni temporis, æterni mundi stabiliendum: dialecticam
 veró tot elenchis & sophismatis confectã: ut jam non de-
 fendendus Plato adversus Aristotelẽ, sed Aristotelis nescio
 quæ miserabilis ambitio deploranda sit: quæ ingenium a-
 lioqui excellens & maximis dotibus ornatũ, in eas angus-
 tias præceps egerit. Dum enim divinam Platonici mundi
 fabricam demoliendã sibi proposuit, videmus quales ine-
 ptias nugæq; moliatur. Magnitudo geometrica est geo-
 metris infinitẽ dividua. Id principium esto: Aristoteles de-
 monstrare vult, neq; tamen demonstrat quicquã. Et si ma-
 ximẽ demonstraret, a magnitudine tamen geometrica ad
 physicã, sophistica esset infinitatis ista deductio. Agitedũ,
 ab isto erroris infinito principio discedamus. Quid dein-
 de sequitur? ἵδὼς ἀτέλῃς δεόντος τὰ μαθηματικά, dixit ad-
 versus

versus Melissum & Parmenidem Aristoteles: quod justissimé modó possit adversus Aristotelem usurpari. Perpetua magnitudinis divisio, fons insani furiosiq; sophismatis Aristoteli fuit ad novam novi mundi speciem somniádum: totus liber sextus reliquus, ut postea totus octavus, ex isto infinito infinitatis sophismate deducitur: reliquo igitur capite primo statuitur infinitum alterum in motu, tertium in tempore, ejusdē esse rationis; magnitudinem, motum, tempus, ex individuis constare, dividiq; in individua; aut contrá constare é dividiuis, dividiq; in dividua: Itaque cū demonstratum sit, magnitudinem ex dividiuis cōstare, dividiq; in semper-dividua: motum quoque & tempus é dividiuis constare, dividiq; in semper-dividua, demonstratum esse. Hæc consecutaria duo fallacia sunt, neq; enim infinitas magnitudinis geometricæ ad magnitudinem physicam pervenit. Ista nimirū cognatio fuit ad 7.c.3. Physici: Infinitum dicebatur in magnitudine, motu, tempore, secundū prius ac posterius: quia magnitúdo per se infinita diceretur: motus per magnitudinem, in qua fieret: tempus autem per motum, cujus numerus esset. Eadem cognatio fuit ad 11.c.4. Physici, quód magnitudo esset continua, & motus continuus, propter magnitudinem continuā: tempus deniq; continuum, quia continuus motus esset. & iterum eodem capite, Magnitudinē sequitur motus, motum tempus. Ista cognatio eadem fuit ad 12.cap.4. Physici iterata, quód magnitudinem motus, motum tempus sequeretur; ut sunt & quanta, & continua, & dividua. Nam quia magnitudo est talis, eadem accidūt motui, & per motum tēpori. Hæc Aristotelis est philosophia toties iterata & repetita: tanquam tautologia, magna aliqua in docēdo virtus esset. Sed urgendus Plato videlicet, omni sophismatum genere, preinendusq; fuit: nec potuit logica veritas, nisi sophistica falsitate oppugnari. Sed tamē, quantó propius accedimus ad illud horrendæ impietatis sophisma, de æternitate mundi, motus, temporis, ex ista magnitudinis, motus, temporis cōmentitia affinitate: tantó diligentius obsistendū est fraudi, fallaciaq; accuratiús deregenda. Quid igitur Aristoteles? Demonstrandū sumit, primū magnitudinis & motus in infinitate affinitatem: ut si magnitudo

- „ sit infinité dividua, motus etiam sit infinité dividuus. Hoc alterum est infinitum in motu, ex illo summo magnitudinis infinito. Et demonstratio videlicet per analogiam velocitatis & tarditatis plusquam Euclidea vel Archimedeae, nihil intelligentibus esse videatur. Verum enim vero telis aranearū tam simpliciter illaqueari muscæ desinant. Etenim quo nomine commodius appellem Alexandros, Porphyrios, Ammonios, Proclos, & cæteros Aristotelis interpretes, alioqui magnos prorsus & excellētes homines, tamen in philosophia ista fatuē stupidēq; credulos? Analogia enim illa nihil omnino demonstrat, sed obscurat potius, ne tempus in refutando consumamus. Sed cōstantiore argumento resistamus: Magnitudo est infinité dividua
- „ (ait Aristoteles) neq; minima magnitudo dari potest. Negant (ut ipse ais) Anaxagoras, Democritus, Leucippus, Pythagoras, Plato, & de physica magnitudine verissimē negant: causam negationis ex Aristotelis etiam philosophia necessariam, syllogismo illo invictissimo confirmavi: Res sensilis, est finité-dividua: Magnitudo physica, est sensilis: Magnitudo physica igitur est finité-dividua. Hoc antea libro tertio docui: & nunc tandem sexto Physico doceo, ab Aristotele pro fundamento maximæ & gravissimæ questionis, nihil nisi sophismata fatua inertiaq; fatuis & inertibus sophismatis aggregari. quid tum? utrū deinde etiā Platoni persuadebit, motū infinité esse dividuum? Enimvero cōhiberi animo in tanta indignitate vix possum. At tamen res quietē moderatēq; agenda est. Magnitudo, quæ infinité dividua ab Aristotele dicitur, estne intelligibilis tantūm, an sensilis? Intelligibilis tantūm, respōdet Aristoteles ipse tertio Physico: quia sensile nihil, est potentiā infinitū. Bene res habet, inquam: & incipio respirare. Sed iterum rogo de motu eādem rogationem. Motus (de quo modō loquitur Aristoteles, & loquutus est antea) estne intelligibilis tantūm, an sensilis? Sensilis planē, respōdeat Aristoteles: & hoc uno discrimine differt Mathematicus à Physico: quod Mathematicus mēte magnitudines abstrahat à motu: Physicus, rerum sensiliū, planēq; tangibilem motus tractet. Ecquid igitur, inquā, quomodo sensilē motum, ē magnitudine duntaxat-intelligibili infinité dividuum.

duum efficies? Quomodo tantus alioqui tamq; mirabilis artifex, spectatoribus tuis in hac physica & sensibili scena, *ταυρόμαχία* illa, quæ omnē sensus acie effugiant, repræsentabis? quomodo motū sensilem in magnitudine intelligibili demonstrabis? quomodo deniq; infinitatē sensili motui ex intelligibili magnitudine vindicabis? Physicus, nihil nisi sensile, imō nisi tangibile considerat: quomodo igitur illa duntaxat intelligibilia considerabit? ubi lex est *καὶ αὐτὸ*? Cur non geometrica geometricē, physica physicē doceantur? Aristoteles verō tertio Physico longe accuratior, longēq; magis legis suæ memor fuit, cū duobus in locis testatū illud professionis suæ testimonium relinqueret, de infinito physico duntaxat in physica esse differendū: geometræ suum sibi infinitum interpretarētur. Deniq; (quod caput rei est) an res sensilis in subjecto dūtaxat intelligibili versari exerceriq; poterit? Hæc igitur, physici professores, quicunq; & ubicunq; estis, per Deū naturæ omnis authorē moderatoremq; attentē cōsiderate. Motus physica res est Aristoteli: imō naturæ merus part' fortusq;: physica aut res nulla, nisi physicē, nisi sensiliter, imō tangibiliter considerari potest. Quare differentiam illam Mathematici & Physici subducite: habeat Mathematicus magnitudines infinitē dividuās: Physicus, nihil habeat, nisi finitū, nisi finitē-dividuum, nisi in physico corpore & sensili & tangibili & finito & finitē-dividuo: proptereaq; mot' physicus à magnitudine intelligibili & geometrica infinitam continuitatem ducere nullo modo potest. Desinite igitur tantis imposturis in posterum fidem adhibere. Magnitudo siqua est infinitē dividua, est utiq; geometrica, inente dūtaxat intelligibilis: neq; motus physicus & sensilis in tali magnitudine fieret. Sed tamen hic aliud etiam argumentum meditor & animadverto. Aristoteles jam toties motum magnitudini analogum efficit: quid igitur istud, aut quale est, motum in magnitudine fieri? utrū magnitudines, tanquam funēs erunt: motus ipsi, veluti funambuli? At, inquam, ridiculū istud est & deridendum: neque enim motus in magnitudine, sed in re physica magna efficitur neq; magnitudo sola, sed res physica magna, subjectū est physici motus, atqui infinitē antea jam paruit, magnitudi-

nem physicam finitè esse dividuam, minimamq; dari posse. Quare undenā motus infinitas somniari poterit? Tum verò funes illi, cuiā motui suberunt? Etenim in generatione, corruptione, accretione, diminutione, alteratione, funes ipsi nulli antè saltaturis motibus prætenduntur: sed unā cum motu, magnitudo (ut cætera essentia accidentia, unā cum essentia subjecta) crescit & minuitur. & sic Aristoteles 1. cap. 8. *Metaphys.* docet, unam omnibus motibus essentiam subijci. Quid igitur? quis motus in magnitudine, non jam dico geometrica & intelligibili, sed physica & sensili, exercetur? Utrū latio sola erit? Huic enim locus antè paratus, & substrata via est, per quam feratur: & Aristotelis exempla huc omnia redeunt. Quare nugæ a tertio usque Physico in totam ἀκρίβειαν reliquam productas intolerabiles agnoscimus, de infinita magnitudine motuque propter infinitam magnitudinem infinito: cū de motu quolibet id intelligi non possit, sed de motu locali tantū. Veruntamen si locus etiam continuus non esset, an localis motus propterea continuus esse desineret? Hic enim actus ultimus superest, ut fabula peragatur, & Plaudite, dicatur. Utrū, inquam, loci continuitas ad localem motum continuum necessariò atinet? Aristoteles hac de re 3. cap. 5. *Physici* audiatur, & Aristoteleæ philosophiæ corrigendæ beneficium, Aristotelis proprium esto.

Illic igitur continuè moveri docet Aristoteles, quādo temporis omnino nihil, rei aut (in qua fit motus) aut nihil, aut minimū intermittatur: quia rei, in qua fit motus, nihil prohibeat aliquid interrumpi: sicut in fidibus fieri potest, ut post primam, repentè sonet ultima. Hæc Aristotelis definitio docet, localem motum, quamvis locus ipse disjunctus sit, tamen continuari posse. Quamobrem concludatur: Neque physicam magnitudinem infinitè dividuam esse, neque motum propterea infinitè esse dividuum: neque omnino motum in magnitudine cōtinua continuari: totumq; Aristotelis tot librorum sophisma, ad divinam Platonis cosmopœiam subvertendum, perversum prorsus ac præposterum esse: quotq; Aristotelis argumenta huc diriguntur, tot inanes & vanos elenchos deprehendi.

AT latius erupit infinitas sophisticæ divisionis: Hinc enim deducitur infinitas motus, mobilis, temporis, stationis, quietis: de quibus sigillatim iccirco nobis erit differendum: temporis autem infinitas confusius secundo capite anticipatur. Hic igitur magnitudinis & temporis divisiones æquales & reciprocae efficiuntur: ut si magnitudo sit dividua, sit & tempus dividuum: & si tempus dividuum, magnitudo sit etiam dividua: ad eamque rem, velocitatis & tarditatis eadem analogia, demonstrationes imperitis admirabiles habet; At, inquam, si magnitudo dividua sit, nō propterea magis erit dividuus numeratus motus, quā numeratus color vel calor. Causa quidē sectionis continuæ, est à magnitudine in physicis rebus, ut Aristoteles ipse sæpe aliās, † sed quarto & quinto capite hujus † et profitetur: neque tamen reciprocatur de tempore, nō quidem potius quā de colore. Nugæ sunt molestæ bene intelligentibus, & odiosæ: præsertim cū tempus ab Aristotele tam sophisticè sit antea definitum: mensuraque temporis pro tempore sit accepta: tempusque, res logica, tam ineptè cum magnitudine geometrica comparètur. Dimidia pars capitis hæc est, de divisione magnitudinis & temporis: Altera est, quod infinitas æqualis, item & reciproca in magnitudine & tempore: ut si magnitudo sit infinita, vel extremis vel divisione, tempus infinitum sit extremis vel divisione: contrāque, si tempus sit infinitum extremis vel divisione, magnitudo pariter sit infinita: ita germanissimæ res simillimæque efficiuntur magnitudo & tempus. Verū cū Aristoteles tot antea locis professus sit, magnitudinem, per se esse dividuam & infinitā: per magnitudinem, motum: tempus per motum: absurde admodum & stupida: sunt hæ reciprocationes, toties præsertim in hoc libro iteratæ & inculcatæ. Et tamen quodnam est hoc confectarium? Magnitudo est infinita: Ergo tempus est infinitum. Etenim cuiusnam sensus sophisma hoc est? Magnitudo est infinita: quomodo? Divisione, respondeat Aristoteles: Tempus autem, quomodo infinitum? an divisione, sicuti magnitudo sic? enim conveniebat à parente similem prolem procreari. & verò primo capite ita

respondit Aristoteles, an igitur ut magnitudo maxima, sic
 tempus longissimum dari poterit? At Aristoteles id nequa-
 quam videatur esse responsurus: quia æternum facit. Quo-
 modo igitur tempus erit infinitum? Additione opinor, &
 successione. Quid igitur ambiguitate hac illudimur? Tē-
 pus accipit à magnitudine infinitatem additionis, cum ta-
 men magnitudo, additione finita maximaque dari possit?
 Ex hac porro infinitate ultimorum & divisionis, solvitur
 „ Zenonis ratio: Quòd finito tempore, liceat spatium divi-
 „ sionis-potentiâ infinitum pertransire. Hic infinitum bifa-
 riam distribuitur, ut aliud sit infinitum extremis, aliud di-
 visione: tanquam idem non esset anrea distributum libro
 tertio. Sophistica pompa consimilis est, quòd actu infini-
 tum, finito tempore transiri nequeat: neque finitum actu
 spatium, in tempore infinito: ad eamque ostentationem,
 analogia velocitatis & tarditatis revocatur.

I N C A P. III.

„ **P**hyfica hujus capitis levicula est, ex occasione infiniti
 „ temporis arrepta: Nunc, esse individuum, & in eo nihil
 „ neque moveri, neque quiescere. Probet, inquam, Geome-
 tra, punctum esse individuum: eandem & parem Logicam
 ostenderit. & tamen hæc tam bella Physica, de Nunc, in-
 dividuo, quòdque cuncta fiant in tempore, nihil in Nunc
 fiat, jam undecimo capite quarti Physici dicta primùm,
 deinde repetita est 13. & 14. capitibus ejusdē libri. tam cha-
 ra sunt Aristoteli sophismata. Et tamen si de tali tempore,
 id est motus celestis numero, dicendum fuit, in celesti do-
 ctrina dicendum fuerat. Quinetiam quædam momen-
 to fieri videntur, ut lux solis supra horizontem, non parte
 prius alia, alia posteriùs, sed simul omnibus illucescit, ut est
 in Opticis.

I N C A P. IIII.

„ **P**erge verò: dixisti de infinitate motus, de infinitate tē-
 „ poris: quæ sequitur nova & tertia infinitas? Nulla ad-
 „ huc nova informatur, superior illa motus infinitas revo-
 „ catur, quòd motus est dupliciter dividiuus: primò secun-
 „ dùm partes rei mobilis: secundò, per partes temporis.
 „ In pri-

In primo modo, Aristoteles miseré prodit sophisina de motus infinitate: Nam si motus est dividuus secundum partes rei mobilis; res autem mobilis, sit dividua finité (ut res omnis physica finité dividua est) motus quoque finité erit dividuus: tandemq; ut res mobilis in rem minimam & individuum solvetur, sic & motus. Notetur igitur in medio capitis Aristotelea cōclusio, Necesse est omnis rei partibilis hanc esse divisionem. Quapropter Aristotelis etiam vera Logica, putidam hanc Sophisticam refellet; beneficioque Aristotelis & argumento, intelligemus, motum non esse infinité-dividuum. Secūdo modo divisionis (quo motus per partes temporis dividitur) Aristotelis Physica singularis est, & singulariter animadvertenda: Quantum (inquit Aristoteles) est dividuum per se: quale autem, per accidens. quod verum quidem est, sed addit Aristoteles ad finem, omnia pariter & dividua & infinita esse: Consequitur maximé (ait) omnia dividi & infinita esse á mutabili: protinus enim inest mutabili & dividuum & infinitum: Hic veró syllogismus Physici nostri valde est admirabilis: Mutabile est dividuum & infinitum: At, inquam, omnis quantitas, qualitas, omnisque omnino physica res, mutabilis est: Igitur dividua & infinita. Atqui, inquam, Physice divinē, quid agis? Quia motus sit dividuus & infinitus, quia tempus sit dividuum & infinitum: concludis postea motum esse æternum, tempus esse æternum. Ecquid igitur? tuis istis vestigiis, utrū veré concludere licebit, Omnis res physica, est dividua & infinita: Ergo æterna. Nihil igitur in natura rerum erit caducum, nihil corruptibile: nulla generatio, nulla corruptio, nulla accretio, nulla diminutio, nulla alteratio? At id minimé gentium unquam cogitasti. Videant igitur Aristotelis sectatores & æmuli, quæ commentorum monstra peperit commentitia Aristotelex infinitatis Physica.

I N C A P. V.

Agedum, quid post istas motus infinitates atq; æternitates sequitur? Physicus in motu commoratur, & motus infinitatem exornat tribus corollariis: primum est, Omne mutatum, est in termino ad quem: ut patet in

„ motu locali, & in omni omnino motu. At hoc primū vul-
 „ gare: quod autem sequitur, singularis est sapientiae: Muta-
 „ tum primō & per se, est mutatum in individuo, id est ter-
 „ minum motus non esse in tempore. Sed tertium planē
 „ *παράδοξον* est: Id in quo primō mutatum est, dupliciter di-
 „ citur, in quo vel desit, vel cœpit: mutationisq; est revera fi-
 „ nis, principium nullum est omnino: *ἀπὸ τοῦ γὰρ αἰδιουμένου*
 „ *σφί*, divisiones enim infinitæ. En igitur somnia ex illo infi-
 „ nito sophismate perpetuō. dividuæ magnitudinis physicae
 „ somniata. Primum principium motus nullum est, ait Phy-
 „ sicus noster: neque motus cœpit unquam. Verum est, sci-
 „ licet: nec primum Aristoteles de physica acroasi differere
 „ cœpit unquam: acroasis fuit ab æterno. Itaque nugas so-
 „ phismatum omnium & ineptias sic facies æternas. O lepi-
 „ dam & jocularē Physicam! Quid enim vis aliud de tam
 „ fatua insulsiatate dicam? Sed tamen ne paradoxum id so-
 „ lum putes, additur ex eadem sapientia: Neque mobilis,
 „ neq; temporis esse quidquam primum. At monstra inso-
 „ mniarum procul abigantur: & quidem vel præsentī Ari-
 „ stotelis doctrina abigantur. Etenim hoc ipso in capite ad
 „ finem Aristoteles docet: quanta, per se dividua esse: & in his
 „ nihil esse primum: Reliqua per accidens esse dividua, & in
 „ iis esse individuum & primum. Ex hoc igitur solidiore ve-
 „ rioreque theoremate, concludito: Per accidens, dividua
 „ habent primum & individuum: At motus & tempus, per
 „ accidens (per magnitudinem nempe, ut jam toties patuit)
 „ quanta sunt. imō verō quid tota illa tertii Physici disputa-
 „ tio, (quod nullū extremis esset infinitum) aliud fuit, quā
 „ sophismatis hujus, quod in magnitudine, quod in motu,
 „ quod in tempore nihil primum sit, refutatio & improba-
 „ tio: Motus igitur & tempus habent aliquid primum & in-
 „ dividuum: somniaq; ista (nihil esse primum in magnitudi-
 „ ne physica, nihil in motu: nihil esse primū in mobili, nihil
 „ esse primum in tempore) non dico jam dira & execranda,
 „ sed miseranda, & planē fabulosa deprehenduntur. Equidem
 „ ista ab Aristotele, & in Aristotelem differens, mirabiliter
 „ obstupesco: tantam rerum non jam dico fraudem, sed re-
 „ pugnantiam & stultitatem, tamdiu tolerari potuisse. Et
 „ tamen novi generis sophisma semper aliquod affertur. Et

enim quodnam hoc deliramētum est? In omni motu(dixit Aristoteles 1. cap. 5. Phy.) quinque sunt, mobile, locus, tempus, terminus á quo, terminus ad quem. Ergo, inquā, in omni motu, est aliquid primum, quia primus est terminus. At in hoc capite, de duobus illis terminis, Aristoteles primum tollit, inquires. Ecquid igitur, inquam, utrū si efficiatam cujuscunque levitatis inconstantiam tibi permiseris, iccirco in natura rerum minorem constantiam fore sperasti? Posuisti antea, tollis postea: affirmasti antea, negas postea. utrū propterea naturæ veritas inmutatur, non proditur inconstantia tua?

I N C A P. V I.

NOva sophismatum paradoxa continuantur. Ecquid (inquires) potest absurdius tot sophismatis cogitari? Equidem ipse vix mihi meis oculis ista credere audeo: sed tamen ita sunt in libro. Nihil est in tempore primum, dixit Aristoteles capite quinto: nihil mutatur in tempore primum, ait 6. cap. Aristoteles idem: unde concludit, Quicquid mutatur, prius jam mutatum esse. Quamobrē, inquam? Quia (respondebit Physicus) infiniti, quale tempus est, nullum est principium. Enimvero quousque infans physicae infinitatis elenchus iste Physicum nostrum exercebit? Sed tamen exercet etiam vehementiū & stolidiū, quā antea. Nec enim infinitas tātū á magnitudine ad motum, mobile, tempus, sed etiam ad quælibet non continua traducitur. Eadem enim (ait) demonstratio in non-continuis. Ergo jam Aristotelis somnia illa superiora redeunt, Qualitatem & accidentia quælibet esse dividua & infinita. propterea, inquam, omnia, cujuscunque modientia, erunt æterna. O magnitudines, ô motus, ô tempora, ô non-continua etiam quælibet, infinita atq: æterna! quæ nam vel pelves, vel sphæræ, vel Apelliconis tinea, istam Physicam excusabunt? Sæpe jam professus sum, collectas esse ab Aristotele varias de veterum cōmentariis cōmēntationes: non æstimatas, non judicatas. At unum in locum tam multas, imó tam fatuas, tamque deliras nugas, quomodo jam excusare valeam? & cæteros errores quosvis facilius ferre possum: impietatem veró æterni motus, æterni

temporis, æterni mundi, per ejusmodi deliramenta affectari, equidem ferre nullo modo possum: neque viri boni esse duco, tanta tantæ fraudis indignitate non commoveri: nebulonemq; improbum statuo, qui prudens & sciens nebulas tam impias tueatur.

I N C A P. VII.

SEd tamen morbum non jam æternitatis solûm in Aristotele suspicor: symptoma aliud etiam subest. Morbus in Græcia popularis fuit, & plerisque philosophis etiam pené é contagione & natura cæli ingeneratus, ut sibi satis eruditi non viderentur, nisi libros quamplurimos edidissent. Libros igitur, libros, inquam, Aristoteles parturit. Ergo infinitatis sophisma in librum integrum continuatur: Repetitur (quamlibet odiosè & putidè, jam ab Aristotele, Logicam omnem prorsus oblito, nihil interest) repetitur (inquam) cognatio magnitudinis & temporis é secundo capite. Si magnitudo finita, & tempus finitum: & contrâ, si tempus finitum, magnitudo quoq; finita. Tum eadem finiti infinitique ratio repetitur in mobili & tempore: denique etiam in motu. Equidem infinitis istis sophismatis refellendis defessus sum: & nisi nugæ tam putidas nugari Physicus noster desierit, refutare equidem definiam.

I N C A P. VIII.

ET quidè patientia jam omnis me planè destituit. Infinitas magnitudinis, infinitas motus, infinitas mobilis, infinitas temporis exposita est: duplex infinitas adhuc superest exponenda, infinitas status, infinitas quietis. Quod sistitur, quando sistitur (ait hic infinitatis architectus) necesse est moveri. Esto: Primum nihil fuit in motu: primum nihil in mobili: primum nihil fuit in tempore: primum nihil fuit etiam in non-continuis: primum denique jam nihil est in statione. Quinetiam ad quietem sophisma pervenit: ut in quiete, ne primum quidem reperiatur: denique ista incredibili Aristotelis sapientia, quod semel quievit, in sempiternum quievit: neque quietis habuit unquam principium. O miseros Aristoteles Physicæ
Physicæ

Physicos, quibus ista anilia deliramenta tanti sunt, ut cum semel dormire cœperint, æternum sibi somnum credant antecessisse! Ecquid mirum est, tam graves lethargos stertentibus, sensus sopitos esse? neque quicquam de tot tantisque Sophismatis adhuc deprehendere potuisse? Equidem arbitror, omnia omnium, qui usquam fuerunt, delirorum Physicorum deliramenta, in hanc infinitatis thesin congregata esse. Infinitas tertio in Physico, magnitudini geometricæ & intelligibili duntaxat attribuebatur. At isto in libro, attribuitur primò magnitudini, deinde per magnitudinem motui, mobili, temporis, non-continuò cuilibet, item stationi, quieti. ecquid in mentem deniq; venire potuit, cui non ista infinitas ab Aristotele communicata sit? Credo, tum formicas, & papiliones, & muscas infinitas fuisse futuras, si ad istum infinitatis largitorem in tempore accessissent. Ecquid formicas aut muscas loquor? cum philosophus ipse, uno continuorum & non-continuorum nomine omnia sine exceptione, complexus sit? O prodigum infinitatis philosophum! ô philosophum sui prorsus immemorem, dissimillimumque: Etenim quid tota contra infinitum extremis, tertio Physico disputatio disputavit, quàm hoc, sine principio infinitum nihil esse? Et quidem ex omnibus absurdis (quibus Aristoteles uti solet) hoc ordinarium perpetuumque ferè est, Res abiret in immensum, Res progrediretur in infinitum: istumque infinitatis scopulum maximè omnium reformidavit: ut ne Deo quidem infinitam potentiam concederet, diceretq;, omnino in natura finitum infinito melius esse, ut octavo Physico differetur.

IN CAP. IX.

VErùm quid huic Physico facias? ab infinitate discere non potest: reliquias etiam à Zenone persequitur, undè videtur & nugas superiores transtulisse: Zeno igitur, infinitatis argumento arguabatur, nullum esse motum: primò non localem, quia heret in Nunc: unde quippe tempus constaret, & fieret per infinitum. at Aristoteles negat, tempus ex Nunc constare: & ait, infinitam potentiam pertransiri posse. Secundò, non secundum essentiam.

» tiam, quia in neutro esset termino. At (respondet Aristoteles) imperfecté & modo quodam est in altero, cum aut
 » ens esse desinit, aut incipit ens esse. Tertió, non in orbem,
 » quia esset in eodem loco: at per partes est in diverso loco. Sic Aristoteles, Zenonis argutiis respódet: non tamen definitioni suæ congruenter respondet, orbem per partes in diverso loco esse: quia cæli partes, in nullo omnino Aristotelis loco sunt, cum superior superficies nulla sit. Partitur tamen Aristoteles Zenonis rationes de locali motu inepté quadrifariam, cum de infinito una sit: quamvis Zenoni altera, Achillea appelletur, tanquam omnium fortissima; & apparet Zenonem in hisce nugis, jactationem aliquã habuisse, quam Aristoteles adamarit. *διχολομίζ*, quæ fuit ad 3. cap. 1. Phys. huc etiam repetita est: & *τετραγώνημιον*, quod appellat Aristoteles, magnum aliquid ipsius judicio fuit, quod Aristoteles videlicet imitaretur.

I N C A P. X.

DEcimo capite, infinitatis reliquæ quædam sunt adversus Democritum & Heraclitum, ut interpretibus quibusdam videtur. Prima itaq; pars capitis est,
 » quód impartibile non movetur per se: cum tamen Democritus faciat atomos mobiles per sese. At, inquam, mens suos etiam motus habet, cogitare, judicare, meminisse: neque causa movens, motumq; cæteris tribuens, ipsa in sese
 » est otiosa, & nihil agens movensque. Secunda pars capitis
 » est, quód nulla mutatio infinita sit: quia est inter duos terminos. quamvis Heraclitus censuerit, omnia infinité moveri. Hic Aristoteles excipit localem motum, tanquam terminis non semper utrinque terminatum. O physicæ infinitates, Physicum istum defugite. perniciem jam vobis atq; exitium afferet. Imó veró physicæ studiosi omnes, ingentes Aristoteli gratias agite, ut qui jam infinitatem illam mutationis & motus, tam insulse insanæque tot antea capitibus jactatam, refellat. Et quidem hæc ad extremum librum clausula, bene reputanti, aptissimé collocata videatur: ut sit antecedentis tam insanæ tamque dementis disputationis emendatio atque correctio. Quamobrem si quis jam dubitet, utrúm motus sit infinitus, mobile

bile infinitum, tempus infinitum, status infinitus, quies infinita: Aristoteles hic extremum respondebit, nullam motus infinitatem esse: neque ideo mobilis, neque temporis, neque status, neque quietis esse infinitatem: summamque libri sexti vanitatem atque inanitatem iccirco deridendam esse. Longéque alia discipulum Alexandrum consolatione consolabitur, libros non editos nihil caussabitur: ne putet Alexander, regios thesauros esse dilapidatos: sed infinitarum nugarum ac vanitatum fumos demonstrabit ventis condonatos esse.

P. RAMI SCHOLARUM PHYSICARVM LIBER VII.

In septimum Aristotelis
Physicum.

IN CAP. I.



ACTENUS liber infinitatum finitus est; quem sané, si veræ tot infinitates fuissent, infinitum quoque esse conveniebat. Sed superis atque Aristoteli gratia; infinitates illæ, commentitiæ & fabulosæ deprehensæ sunt: ariesque cornu illo truncatus & mutilatus est:

alterumque æternitatis cornu reliquis duobus physicis erigitur: cui jam nobis est obstitendum, ne quicquam feriat. Atque uti cœpimus, sigillatim agatur. Septimus igitur sequitur, par & Physica & Physicæ elegantia quinto Physico. Sed de quinto ne levissima quidem suspicio interpretum fuit: de septimo fuit maxima. Duo ejus exemplaria Græcis interpretibus fuerunt, nonnihil diversa;

adeó ut spurius liber nothusq; nonnullis videatur. & certe magna ex parte amputatus est á Themistio, & ab Eudemo omnino præteritus; ut é Simplicio licet cognoscere. Verumtamen cùm tot antea quilquilias, omnis generis nugarum atque ineptiarum, collegerit Aristoteles; non intelligo, si priores libri omnes Aristoteli tribuantur: quãobrem & septimus tribui nō possit. Attamen Themistium hīc potiús imitabor, quàm Eudemum: & dicam potiús quãdam, quàm omittam prorsus omnia. Thesis autem

” septimo libro triplex explicatur: prima, de primo moven-

” te: secunda, de sensilium qualitatū alteratione: tertia, de

” comparatione motuum. Prima pars igitur primo capite

” differit, quicquid movetur, ab alio moveri: ut indē primū

” movens aliquod esse appareat. At quod movetur, move-

” tur etiam externo motu: item quod interiore, licet nō ap-

” pareat, ut cūm forma corpus movet. Hæc Aristotelis ra-

” tio, formis motum absurdē eripit: Nec enim forma tantū

” movet materiam compositi, sed compositum totum,

” sed separatim etiam seipsam: ut anima cogitando, judi-

” cando, reminiscendo. & sic 3. cap. 8. Phys. elegantius Ari-

” stoteles philosophatur, disputans, non omnia quiescere;

” licet motum sensus non deprehendat: quia anima suos

” interiores motus habeat: *ἡ γὰρ φαντασία καὶ ἡ διέξα, καὶ ἡ οὐ*

” *τις δὲ οὐκ ἐστὶν εἶναι*. Visio enim & opinio, motus quidam

” videntur esse. Sed alia Physici ratio nihilo probabilior se-

” quitur: Si aliquid quiescat, mobili alio quiescente, id ab

” alio movetur. Id enim Alexandro suspectum est: mihi

” etiam planē alienum. Sed hæc Physica erit rursus uberior

” quarto capite octavi. Sequitur eodem capite é motis ab

” alio, primum movens esse aliquid ab alio immobile: de

” quo erunt dūo capita octavi, quintum & sextum. Sed in

” hac thesi demonstranda, Aristoteles valde lubricē progred-

” itur: itaque etiam sophismatis sui lapsū indicat & cor-

” rigit: neque tamen multū efficit, ut doceat, ex illis omni-

” bus motis & moventibus unum motum fieri.

I N C A P I T U L U M

” I Taque ad demonstrationis continuationem assumi-

” tur, inter movens & motum nihil esse medium: id quē

” longis-

longissima omnium motuū inductione declaratur. Primū tribus motuum generibus factis quintolibro, in quantitate, qualitate, loco: tanquā generatio & corruptio, motus non sint. Sed in locali motu sumit Physicus, quædā “
 á seipsis moveri: & imprudens refellit primam thesin, dum “
 hanc secundam meditatur: quum motus ab alio orti genera quatuor efficiens, ἔλξιν, ὥσιν, ὄχνησιν, δίνησιν, tractionē, pulsionem, vectionem, volutionem, planē demonstrat, animalium progressus, motus esse per se, non ab alio. Atq; interea inter hos motus externos, projectio annumeratur á philosopho: nec antiperistasis tamen illa adhibetur, de qua fuit ad 8. cap. 4. Physici; & sic sine antiperistasi explicabitur motus projectionis 10. cap. 8. Physici; & tamen ut ad 8. cap. 4. Phys. dictum est, ἀντιπρίσσις etiam Aristotelea est 32. 33. 34. problemate mechanico. Atque interea etiam “
 quatuor generum divisio improbat, & duo postrema “
 genera duobus primis subjiciuntur: ut elegantia partitionum 1. & 5. cap. 5. Phys. referretur: tanta lophismatum & elenchorum generis omnis licentia, huic philosopho ferē perpetua est.

IN CAP. III.

ATque hæc prima pars est Physicæ septimo Physico comprehensæ: qualis est deinde Physica partis secundæ? Categoria qualitatis in hoc caput penē tota includitur, quod alteratio fit qualitatibus sensilibus & patibilibus, non formis & figuris, non habitu & dispositione. “
 quod otiosi & inertis somnii placitum est. nec enim minús alteratur, qui ex indocto eruditus, ex improbo probus, & contrā efficitur; quā qui ē sano ægrotus, ē debili validus, & ē calido frigidus: totum enim illic ē forma iustius, quā hic ē materia nominabitur. Verūtamen Physica hæc de alteratione, quorsum huc irrepsit? quid cum antecedente Physica, quid cum sequente conjunctum aut commune obtinet? Et tamen, heus Physice, quisquis es (quoniam Eudemus Aristotelem, quem magistrum tamen multos annos audierat, hic authorem noluit agnoscere) qualenam hoc tuum recens placitum est? aut tuæ Physicæ quomodo consensaneum? statuisti in quantitate,

quzitate, loco, motum: quantitatem nullam exceperisti, locum nullum exceperisti: quænam iudicii levitas ista est, de quatuor qualitatis generibus unum tantum alterationi relinquere, neque id quidem totum? Quatuor entis generibus, quatuor motuum genera, primò æquaveras: detraxisti primum in essentia: nunc tandem etiam qualitatis portiunculam tantum relinquis alterationi: utrum id est philosophari, an ludificari?

I N C A P. II I I.

” **S**ed tertiam septimi Physici Physicam audiamus: Logica est deinceps reliquis duobus capitibus talis de comparatis, qualis fuit quinto de contrariis. Didiceris in Logica doctrinam comparationis in quantitate, æquali, inæquali: in qualitate, simili, dissimili: scies, quæ res nota physice sint comparabiles: istam de comparatione Logicam minimè desiderabis. Elenchus in Aristotele gravissimus est, doctrinam generalem in speciali repetere. Lex καθόλου πρώτων minimè sophisma tantum tolerabit. Sed tamen quid Aristoteles hic philosophatur? quamnam comparationis doctrinam repetit? argutatur ἐκ ἐκάρτερον, Utrum omnia omnibus sint comparabilia: & decernit, ὅσα μὴ ὁμώνυμα, quæcunque non sunt homonyma & ambigua. ista verò Aristotelis ὁμώνυμία, est Euclidis ὁμογενεία: in Logicis Aristotelis συγγένεια, ad legem καθόλου πρώτων amplissimè celebrata: ut constet, omnia comparabilia esse, quæ generis ejusdem fuerint.

I N C A P. V.

” **S**pecialia comparationum & proportionum exempla Physicus adhibet: unde putant interpretes quidam, generales analogias deduci posse: at falluntur. analogiæ, regulas non habent alias, quam quæ in logicis & mathematicis comparationum axiomatis doceantur: in quas etiam Aristoteles incidit, de divisis & compositis potentiis. In iis autem analogiis, est ista Zenonis analogia, quæ de toto partibusque adversus Aristotelem initio sexti adhibuimus. Totus modus mihi cadens, sonitum efficit: Ergo (ait Zeno) granum quodlibet efficit. Non sequitur, ait Aristoteles.

Aristoteles. Hæc igitur logica est motuum analogia, nullis solidis & catholicis theorematis ornata, sed Zenonis tantum elenchis instructa: & quidem elenchis jejunis & aridis, qui vix ac ne vix quidem lectionem, nedum refutationem mereantur.

P. RAMI SCHOLARUM PHYSICARVM LIBER VIII.

In octavum Aristotelis
Physicum.

I N C A P. I.



ACTIVUS de duobus Aristoteleæ Physicæ prodigiis, alterum (ut spero) expiatum est, de motus infinitate: alterum sequitur, specie ipsa multo horribilius, de motus æternitate. Hoc enim fuit Aristoteleæ machinæ cornu alterum: Itaque libet octavus,

erit liber æternitatum, ut sextus liber, fuit liber infinitatū. Octavo igitur libro disceptatur æternitas præcipue motus, deinde moventis, atque est decem capitibus, quinque spectant ad æternitatem motus, quinque ad æternitatem moventis. Sed inter omnes Christianos, quorū quidem scripta extant, Græmaticus fortis bellator & egregius hic fuit. Libros separatim quinque adversus Aristoteleam cæli æternitatem conscripserat: sextum etiam contra præsentem Aristotelici motus æternitatem: cujus quædam est Simplicio cōsiderabimus. scripsit etiam libros decem & octo adversus Proclum in eodem argumento: ideoque hic velut fanaticus & sceleratus à Simplicio exagitatur: imò verò ut

indoctus, καὶ παρακυσμάτων τιῶν, ἐκ βίτυχως ἔδιδε ἄγνω-
μόνως ἀπὸ φιλοσοφίας μετέχων· ex quadam perversa do-
ctrina, neque feliciter, neque legitimé philosophia imbu-
tus. Sic á Simplicio Grammaticus omni doctrina spolia-
tur: Homerus videlicet á Zoilo. Etenim jam antea locis
aliquot Simplicium plané ἀγνομήτηλον deprehendimus :
cúm tamen Grammaticus mathematica disciplina cæter-
is interpretibus præstiterit : & causâ præsens diligenter
animadversa demonstrabit, tantum hic inter Grammati-
cum Simpliciumq; interesse, quátum inter servum sophi-
stam, & ingenuum philosophũ interesse possit. Agitedum,
æterni motus philosophũ auscultate. De motus æternita-
te, capita duo prima: tria postea rursus erunt, septimum, o-
ctavum, nonum. sed ordinem Aristotelis sequemur. Quæ-
rit igitur Aristoteles primo capite, Utrũ motus aliquan-
do cœperit, & aliquãdo desinet: an semper fuerit, semperq;
sit futurus. Respondet, á Physicis motũ dissimiliter accipi:
ab aliis æternũ, quos non nominat: Democritum autẽ &
Leucippum videtur indicare: ab aliis non æternũ. Idq; du-
pliciter: primó, semel omnino cœpisse, cúm antea quiesce-
rent omnia. quomodo Anaxagoras ait, divina mente or-
dinata & composita esse omnia, cúm antea infinito tem-
pore quievisset: Secundó ex parte, q̃ res aliãs moveãtur,
aliãs quiescant: quomodo Empedocles ait, concordia rem
modo unam ex multis: modó discordia, ex una multas ef-
fici: interjectisq; temporum periodis, quietem intercede-
re. Verumtamen procœmium hoc rhetoricum esto, com-
mune præsertim partis utriũsque, nihil præcipuẽ thesin æ-
terni motus adjuvans. Quid deinde? procœmii excitatio
continuatur. Operæ pretiũ sit (ait Physicus) veritatem quæ-
stionis hujus accuratiũs animadvertere, non solũ Phyti-
cæ, sed philosophiæ primæ gratiã. Hic locus, theologiã in-
dicat Aristotelis in hac thesi futuram: quæ prorsus eadem
iteratur, duodecimo libro primæ Philosophiæ: & ex acroasi
totã, id solũ videtur esse, quod in veram Physicã transferri
possit: si tamen legitimé possit. Aristoteles Deum aliquem
hic videtur agnoscere: quẽ in Parmenidis unitate, & Ana-
xagoræ mente deriserat: quem á physicis formis in Philo-
sophiam rejecerat ultimo capite primi, & secundo capite
secun-

Secundi: quem septimo capite secundi, principium physicé-movens omnino immobile, & oranium primū dixerat: principium tamen physicum esse negaverat, quia principium motus in se se non haberet. Verū perge: excitatus jam plané est auditor, atque erectus ad hanc acroasin seu Physicæ seu philosophiæ primæ audiendum. Dicat igitur philosophus acroasin, quam meditatur: quibusnam argumentis æternum motum concludit? quomodo contrariis argumentis resistit? Duo equidem confirmationis argumenta ad motus æternitatem summa deprehendo, á definitione motus, á definitione temporis. O Physice, æterni motus architecte! quid vis tibi? definitio hæc utraq; sophistica, planéq; nugatoria & ridicula jam tibi demonstrata est: & tamen nugarum manifestarum sophismatis tæcum problema conficies? Verumtamen robusta hæc & valida motus & temporis argumenta, ad motus atque temporis æternitatem audiamus: ac motus primū. Plato igitur dicat, priū aliquando motum exitisse in physicis & sensibilibus rebus, cū antea nullus omnino fuisset. Quid tu contra? Motus (ais) est entelechia mobilis quatenus mobile: ergo antequā fuerit motus, fuit mobile. Atqui, discipule argutissime, (dicat Plato) quid ististuis vestigiis conclusio syllogismo respōdebis? Motus est entelechia mobilis quatenus mobile: ergo cælum mobile anté fuit, quā cælestis motus esset. Jamne sentis, tuo te gladio jugulari? Hac Platonis exceptione, Aristotelea petitio non retunditur iterū refelliturq; sed retorquetur in petitorē, plagā longé fœdiore. ut si verū sit Aristotelis argumentum, cōvicta sit Aristotelis intentio: motus, est entelechia mobilis quatenus mobile, ait Aristoteles: ergo antequam motus sit, erit mobile. At, inquam, definitio ista inepta & ridicula est: & si legitima sit, id tamen quod vis, non concludet: quia materia mobilis unā cum motu primo gigni potuit: & si concluderet, attamen motum nativum, non perpetuum concluderet: tot in primo Aristoteleæ demonstrationis congressu sophismata reperiuntur. Atque hoc de Grammatici contra Aristotelem argumentis unum est: unde judicari jam atque æstimari potest, qualis & quantus philosophus simplicius fuerit; qui Grammaticū appellat indoctum &

furiosum, alibi etiam impium. Sic enim σκοπὸν ἀσέβη Grāmatico objicit. Attamen huic indocto & furioso doctus iste vir & sapiens respondere non potest: appellat Hebræos & Christianos, idiotas & stupidos, sine sensu, quibus Grammaticus probabilis appareat: Attamen idiotæ isti & stupidi, sensum pauló διαλεκτικώτερον, bene judicantibus facile probabunt. Sed quid Simplicius ad istam Grāmaticam instantiam respondet? Air, mobile æterno motu etiam prius esse, sed per partes: ut Sol, dum est in Ariete, est mobilis ad Taurum: & sic mobile est ante motum. quem locū sumit ex 8.c.9. Metaphys. ubi Aristoteles illud ait: & Alexander nominatim hoc exemplū protulit. Verūm, ô beate Simplicii, thesis est, Utrūm motus, nō per partem, sed motus omnino cōperit: & Aristoteles adversus Platōnem sumit, si motus aliquādo nullus omnino fuerit, fuisse tamen mobile & motivum sine ullo omnino motu. Itaq; de universo universi celi motu interrogat Grammaticus, Utrūm universum cælum fuerit, antequā ullo prorsus motu moveretur universum: de particula cæli, & stella non interrogat. Interrogat, utrū corpus universum antequā fuerit, quāvis motus esset universi corporis. Tu de pollice respondes: & tamen falsum exemplum cōminisceris; quia mobile non affert sine motu, neque Sol tuo iudicio quievit unquam: nec ideo in Ariete est mobile ante motum. Quare Simplicii, vel Alexandri, vel etiam Aristotelis ista responsio, simplicitatem iudicii & ignaviam, non tantū malitiam & fraudem prodit. Attamen acroasin æterni motus reliquam audiamus. Disseruimus jam primo libro, Ex nihilo, ut formam rerū, sic materiam à Deo gigni potuisse: argumentisq; Aristotelis, æternitatem materiæ nullam cōclusam esse docuimus. Sed paralogismus iste prætereatur, & ab Anaxagora atq; à Platōne Aristoteli condonetur. Mobile siquidem uterque infinito antequā tempore materiam confusam atque inordinatam fuisse censuit. Fuerit igitur mobile, quod moveri posset: fuerit etiam motivum, quod movere posset. Idq; Anaxagora & Platōne cōsentientibus, Aristoteles obrineat. Quid deinde? Admirabilem syllogismū Physici cōsiderate! Hic enim Aristoteli, demonstrandæ æternitatis Achilles fuit. Si ante primum motum (ait)

mobile

mobile & motivum fuerint; aut facta sunt aliquādo, cū prius non fuissent, aut sunt æterna. Equidem, ut pro Platone spoideam, dilemmatis connexum, & syllogismi propositionem concedo. Perge ad assumptionem, & utrumque (si potes) remove. Atque huc etiam mihi videris accedere, quod neque facta, neque æterna sint. Non facta primum disputas, quia necesse esset primo motu priorem motum existere. Obtrincto id, inquam, summa vel Anaxagoræ, vel Platonis videntur: uterque enim æternam materiam, æternum Deum confitetur ac prædicat. Quid ad scholam alteram afferes? Cur neque mobile, neque motivum, æterna sunt? Id enimerat caput rei: quomodo demonstras? *ἄλοον μὲν φαίνεται, ἀλλ' αὐτὸ ἐν ἡμῖν ἡσασθαι*, absurdum (ais) iis qui rem per se considerabunt, id esse videatur. O singularem æternitatis assertorem & demonstratorem! Siccine pro omni quæstioni: argumēto, quæstionem ipsam affers? & ais, rem per se consideratam, absurdam esse? Pergamus: de tribus syllogismis ad æternitatem motus affirmandum, primus ejusmodi fuit. Secundus sequitur, pari Logica conclusus, quo Aristoteles etiam absurdiora minuitur. & quænam absurdiora ista sunt? Si mobile (ait) & motivum aliquando quieverint, necessario antecesserit & motus, cujus privatio quies illa fuerit: quia quietis aliqua fuit causa: ita motu primo prior motus erit. Consequens absurdum: antecedens igitur. At, Aristoteli respondeat Plato, absurdius nihil objicis: sed eandem cramben reponis. Etenim qualem hoc primum est argumentum, quod motus antecesserit quietem; quia quietis aliqua causa fuit, quiesque sit privatio motus? Utrum igitur visus cæcitatibus: auditus surditatibus: aut habitus denique privationis causa fuerit? atqui naturam antea formamque docuisti esse principium, & causam non solum motus, sed etiam quietis. Itaque quid mireris, Deum, quem motus authorem primum facis, causam primæ quietis esse? utrum habitum privationi isti (quam appellas) necessario putas antecedere? Atqui pueri utero matris inclusi non vident, & tuo judicio quiescunt à visu: in cunis vagientes non ambulant, sed tuo judicio quiescunt ab ambulatione. Itaque tuo isto syllogismo concludes & vidisse & ambulasse, antequam viderint

aut ambularint unquam. Quid igitur hanc Platonis re-
 sponſionem? quid, inquam, niſi Ariſtoteliſ pudor conſe-
 quatur? Me quidem, tametſi adverſus tam capitatis hu-
 manogeneri fraudes juſtiſſima de cauſa ſeveriorum eſſe
 deceat, attamen tantæ ignaviæ pudet tædetque: & niſi á
 paganis Simpliciiſ per hæc impia ſophiſmata, vera religio,
 tanquam fabuloſa derideretur, vix ulla reſponſione digna
 exiſtimarem. Verúm perge: tertium eiſdem complexio-
 niſ ſyllogiſmum attendamus: Hic veró ſyllogiſmus proli-
 xus & confuſus magis eſt, quám periculoſus aut formi-
 dandus. Summa veró eſt: Poſſibilia, potentiam propin-
 quam inter ſe & finitimam habent, ut alterum moveat,
 alterum moveatur: ut in relatiſ, neceſſe eſt, ut relationiſ
 potētia ſit, aut utrumq; aut alterum, propinqua relationiſ
 potentia affici: quod 7. c. 9. Metaphyſ. etian plenius repo-
 nitur: At illa ſeculiſ ante conditum munđum innumera-
 bilibuſ quieſcentia, talem potentiaſ propinquitatem non
 habebant: Itaq; non erant poſſibilia, ſed prior aliquiſ mo-
 tus neceſſarió anteceſſit primum motum. Enimvero (di-
 xerit magiſter Plato) diſcipule, quid aiſ? aut cur te uſ argu-
 mentiſ iſ perditum? an minúſ pater eſſe poteraiſ adole-
 ſceniſ, ſi ſenex uxorem poſtea duxerit: quám ſi tum quoq;
 duxiſſeſ? An ſi mille annoiſ, imó ſexieſ milleniſ, occulti la-
 pidiſ in terræ viſceribuſ delituerint, unde hodie regium
 palatium ædificatur, tum ad annoiſ illoſ, tam multiſ anté
 temporibuſ præteritoſ, minúſ apti ad ædificandum erant,
 quám ſunt hodie? an deniq; primuſ ille motor, & prima il-
 la tibi ingeniſta materia, ab æterno potentiam eandem nō
 habuerunt, ut ille moveret, ut hæc moveretur, quam ha-
 beant hodie? utrúm tibi Deuſ aliuſ eſt hodie, aut materia
 prima hodie alia eſt, quám infinitiſ antea ſeculiſ fuerat? u-
 utrúm denique æternorum non eſt æterna quoq; potentiaſ
 utrúm veró æternorum nulla eſt potentiaſ? Id enim Ari-
 ſtoteleſ 6. cap. 12. Metaphyſ. affirmabit: At id falſum eſt, ut
 tum ſuo loco plenius & commodiúſ agetur. Quamob-
 rem concluderet Plato, triplicem Ariſtoteliſ complexio-
 nem (quód primo motu prior aliquiſ eſſet) malitiouſam &
 fraudulentam eſſe: ſed malitia tamen & fraude, ſoliſ Sim-
 pliciiſ & ſerviliter impiaſ Sophiſticaſ addictiſ pernicioſa.

Atta-

Attamen Aristotelem de primo motore philosophantem, Aristoteli nullum primum motum somnianti comparemus: Quid igitur? quo modo philosophatur, motorem aliquem primum esse? Impossibile est enim (ait) in infinitum ire movens, & ipsum ab alio motu. Disputas isto loco philosopho, aliquem esse motorem primum, quia ab initio esset in infinitum? Valeat igitur in primo motu causa eadem: & jam simili iudicio utere: Primus est aliquis motus, secus ab initio esset in infinitum: Prima est aliqua magnitudo, secus ab initio esset in infinitum. Hoc mehercule argumento, omnes quarti libri infinitates evertentur: Est aliquod primum mobile, secus ab initio esset in infinitum: est aliquod primum tempus, secus ab initio esset in infinitum: est aliquis primus status, secus ab initio esset in infinitum: est aliqua prima quies, secus ab initio esset in infinitum. Videmus igitur ut posterioribus Aristotelis sophismatis priora refellantur? O singularem Aristotelis & prædicabilem philosophiam, quæ tantum bonorum malorumque delectum suppeditet. Agitandum, motus Aristotelis per motus argumentum, æternus esse non potest: videamus quomodo per argumentum temporis, æternus esse possit. Attendite igitur, quicumque hæc legeris vel audieris, alterum æterni motus argumentum. Si tempus sit æternum (ait Aristoteles) motus est æternus: cum tempus, sit numerus motus secundum prius ac posterius. Tempus autem est æternum, ut omnes Philosophi, præter unum Platonem consentiant: & Nunc, præteriti futuri que temporis medium, idem etiam probat: Quare motus est æternus. Hic syllogismus in Aristotele totidem partibus instituitur. Citetur igitur reus Plato, causamque adversus ista dicere compellatur. Quid ad propositionis rationem dicturus est? Equidem dicturum arbitror, quod in Timæo scriptum reliquit: Tempus hoc, quod appellatur, imaginem tantum æternitatis esse: vel potius non tempus, sed mensuram temporis. Itaque tempus, motu quolibet longè esse prius atque antiquius: neque tempus cum motu recipiari: sed si motus nullus esset, mens tamen divina extensionem durationis secundum prius & posterius numeraret. Sed tamen Aristoteli ex sua definitione respondeatur: condonetur ei propositionis conexum: Si tempus

fit æternū, motus est æternus. Assumptio retexatur: At tempus est æternum. Quid ita? requirer Plato. Hic Aristotelis ad istam assumptionem elenchus duplex egregius est: Primus, Semper fuit prius & posterius: ergo tempus æternum. At huic captioni jam itum est obviam, cū extensionem durationis, tempus esse diximus. Hinc Democritus non omnia genita esse demonstrat, quia tempus sit ingenitum: attamen Democritus, æternum tempus cogitans, Platonicum illud temporis exemplar æternum cogitare potuit, & nihil Aristotelis causā dicere. Sed tamen Physicos omnes Aristoteles opponit uni Platoni. Tempus est æternum, quia omnes Physici, excepto Platone, ita sentiunt. Enimvero, inquam, Platonem ab Aristotele tanti sophismatis impudentia opprimi non feram, non patiar, non sinam. Plato solus (ait Aristoteles) tempus generat. Ecquid, inquam, Physice? nonne dixisti paulo antē hoc ipso in capite (ne oblivionis elenchum longius repetamus) ab Anaxagora, ab Empedocle, motum primum instituit nonne 10. cap. 1. de Cælo, & 1. cap. 3. de Cælo, postea docuisti, à primis physiologis omnia generari? Nonne postea tertio Metaphysico docuisti, ab Hesiodo theologisque omnibus deos rerum principia constitui, & à diis generari reliqua omnia tum immortalia, quæ nectar & ambrosiam gustassent, tum mortalia, quæ non gustassent? ab iis, inquam, omnibus docuisti generatum esse mundum, generatum esse motum, generatum esse tempus. Nonne 8. cap. 9. Metaphys. eosdem Physicos rursus appellasti, de motu temporisque sine? Et tamen nunc affirmare audes, à solo Platone tempus generari? Heu pietas! heu prisca fides! quamobrem tandem Physicum nostrum tam miserè deseruisti? Ecquid? si Demosthenes pro Harpalo, aut Tullius pro Numatio, illam mentiendi licentiam sibi sumerent? quis Arcopagus, quis Romani fori confessus, mores istos ferret? atamen aliud etiam in isto sophismate sophisma est. Solus Plato censuerit, tempus esse genitum: an ut in foro, sic in philosophiæ ludo, causas multitudine testium dijudicabis? At Aristoteles alibi multo sapientior est, cū authoritatis argumētum ἀρχον & sine arte iudicat: cū propter nostrū affirmare ac negare, iudicat in re ipsa nihil immuta-

immutari. Quare præter inverecondū antecedentis mendacium, etiam complexionis ἀνλογισία, paralogismus refellit. Etenim syllogismus Aristotelis in Aristotelem retorqueatur, quid respondebit? solus Aristoteles in omni philosophiæ parte contra philosophos omnes innumera-
 bilia decreta innovavit: ergo lapsus est, erravit, temere fecit. Hunc opinor syllogismum Aristoteles contra se nequaquam ἀποδιδίκεδν judicaret. Nequaquam igitur ego contra Platonem iudicabo. Et tamen si authoritatis potius, quàm rationis moimenta, in tanta quæstione querenda sint, magister Plato unus (ut de ipso Antigenidas poëta quondam dixit) multorū millium instar esse debuit. Hic enim Homerus philosophorum, & tanquam Deus habitus est. Quare altera est æterni temporis Aristotelea demonstratio, bona cum gratia dimittatur, valereque jubeatur. Sed Simplicius (ut Porphyrius, Jamblicus, & plerique semiplatonici semique Aristotelei) isto loco pacificator prorsus est humanus: dissensionem Aristotelis à Platone æquo animo ferre non potuit: reconciliare itaq; conatus est, unius verbi distinctione, totam hanc discordiam. Genitum (ait) aliàs opponitur æterno, aliàs per sese & sua vi consistenti: Aristoteles primo modo, Plato secundo negat esse genitum: Itaq; re cōveniunt, verbis tantū discrepant. O nugatorem, non jam dico simplicem & fatuum, sed petulantem & protervum! Etenim Platonis Timæus legatur, in manibus est hominum: utrū Plato mūdum, ideoq; & motum & tempus gignat, cū prius non fuissent; an sola tantū causā, ut Aristoteles, genitum confiteretur, velut à causā superiore dependens. Quæstio enim Platonis illic manifesta est, Utrū mūdus ab aliquo temporis principatu ortus sit: tum syllogismo isto rem cōficiat: Omnia corporata sensumq; moventia, oriūtur certo tempore & intereunt: At mundus corporatus est sensumque movet, cerniturque & tangitur: Quare mundus tempore oritur atque interit. Hic Platonis syllogismus est evidentissimus & clarissimus, si quis verum confiteri velit. Itaq; etiā Plato, post mundani corporis, mundanæq; animæ machinationem & molitionem, Mundus (ait) ea constructus proportionem, ita coheret, ut dissolvi nullo modo possit,

- nisi ab eo, á quo est colligatus. Itaque Platonis sententia, mundus á Deo fabricatus est, & á Deo eodem dissolvi corrumpique potest. Et tamen Simplicius, ut Aristotelis elenchos & sophismata mordicus tueatur, nebulas ridiculæ distinctionis de genito duplici, sui similib. Simplicius offundit, ne verum cernatur. At nebulo in luce collocatus, á nebulis suis destituetur aliquando, fallereque desinet. Quare Plato nõ docuit, tempus æternum esse, ut interpret iste fabulatur; idq; invito Aristoteli ad Aristotelis errorem excusandum imponit. Quamobrẽ primus Aristotelis elenchus de temporis eternitate, deprehensus & convictus est:
- ” secundum audiamus. Si impossibile est vel esse, vel intel-
 - ” ligi tempus absque Nunc; necesse est, semper esse tempus;
 - ” Atqui impossibile est, tempus intelligi sine Nunc: quoniam
 - ” Nunc, est medium temporis, initium futuri, finis præteriti;
 - ” & ideo necesse est ipsius in utramque partem semper esse tempus: Quare tempus est æternum. Hoc secundum Aristotelis iudicium ita conclusum est. Verum retexatur in partes, & subtilius consideretur. Quid? propositio illa, qualis est? Si impossibile est, vel esse, vel intelligi tempus absque Nunc, tempus est æternũ. Quamobrem inquam? id enim falsum est Platoni: cui cùm mundus creatus est, Nunc, fuit initium futuri; finis præteriti (quod antea nullum fuerat) esse non potuit: nec ideo medium. Item cùm mundus desinet, Nunc illud, erit finis temporis præteriti, futuri autem initium non erit: quia postea nullum futurum est. Quamobrem Aristotelis altera demonstratio (quod motus sit æternus, quia tempus sit æternum) non demonstravit problema propositum, sed Aristotelis elenchos in Platonem, ac sophismata exposuit, ac propalam collocavit. Veruntamen alacritas Aristotelis in hoc contra Platonem certamine permagna est: videtur sibi conclusisse, motum esse æternum: neque dum tamen sibi satisfacit: contrarium etiam disputat eodẽ argumento, Motum corruptibilem non esse: quia mobile & motivum iterum moveretur & moveret, aut æterna sic permanerent: primum falsum, quia ut illic, motu primo prior, ita hinc postremo posterior accideret, si postea quàm corruptio facta fuerit, supererit & corruptibile, quod denuo corrum-

pi, & corruptivum, quod corrumpere possit: Secundum item falsum, quod æterna permaneant. Hoc Aristotelis somnium fuit 9. cap. 1. Physici, de materia æterna: hoc idem fuit initio capitis hujus, de motu ingenito, sed ut inquit poeta ille,

Somnia fallaci ludunt temeraria nocte.

& fallacis somnii causas abunde jam refutavimus: morbus idem eodem remedio curetur. Verum enim vero adversus omnes conatus nostros, una est Simplicii admirabilis defensio: cum enim multitudine sophismatum Aristoteleorum à Grammatico detectorum obrueretur, ad hoc asylum refugit: Hæc ab Aristotele *τοῖς πῶτε καὶ θεῶς εἰρημύνα*, intelligenter & divinè esse dicta: Aristotelemq; dialecticæ artis & inventorem & perfectorem esse: neq; ideo esse verisimile, tantum artificem contra suam artē toties, tam scdè, tamq; turpiter commissurum fuisse. Talis antea religio Simplicii fuit, pro omni Logica; adversus Aristotelem hiscere, nefariū scelus esse: At mancipio isti quid facias, veram religionem Ægyptiorum fabulis cōparanti, & nunc Aristotelem primum Logicæ inventorem & perfectorem prædicanti? Nam ante Aristotelem natum, Logicorum tot libri fuerunt, quot primo Scholarum logicarum libro recensuimus: & tot sophismatis obruta est Aristotelis Logica, quot in ejus Organo demonstravimus. Et quidem in istius impietatis fraude, Simplicius præ theologis quibusdā Christianis ferendus fuit: homo quippe ethnicus & paganus: & Philosopho huic, tāquam Philosophiæ Deo, à magistris, Ammonio, Porphyrio, & ejusmodi profanis doctoribus initiatus. At nostri homines, cur tantum à majoribus suis degenerarunt? Illi sophismata Aristotelis valde ac vehementer oppugnabant: hi mordicus tuentur, obstinatèq; defendunt, & nugatoriis solutionibus res inenodabiles & indissolubiles, tamen dissolvere sibi videntur: alii Aristotelem censent velut ingenii exercendi gratiā, chesin hanc *οὐκ ἔκαστον* differere: nihil affirmare: alii de motu, tanquam de Deo agere: ideoque motum æternum institui: alii quod ea parte nihil repugnet fidei, qua dicit, motum sempiternum fore: quia secundum fidem mundus nunquam desinet: alia autem parte (quod motus nun-

quam cœperit) ajunt progredi secundum viam naturæ, non autem á rebus de novo productis, quomodo nempe Moses philosophatus sit: tanquam Mosis ea creatio, cum Aristotelis æternitate convenire possit: alia alii quælibet comminiscuntur, ut é pagano Aristotele, personatū Christianum efficiant. Quamobrem per verum æternumque Deum, cōmentitia ista motus & temporis æternitas, tandē aliquando diligentius á philosophis attendatur, á theologis veré Christianis animadvertatur, & consideretur, quam tandem mentis imbecillitate, quam judicii infirmitate atque impotentia, nugæ tam insulsæ atq; ineptæ, imó tam execrabiles atque impiæ, in publicas Christianorum scholas inductæ sint. Atheos ætas nostra multos extulit: sed his sophismatis Aristotelis, tanquam demonstrationibus plusquam geometricis seductos. Equidem meminisse pudet, horretque, cū annos abhinc quinq; & viginti adversus Aristotelis alia quædam sophismata disseruisse, præcipuum criminis erga nos excitati argumentum fuisse: quod Aristotelis enervata auctoritate, theologiæ quoque auctoritas enervaretur. O tempora! ô mores! Primi Christiani Aristotelearum fraudum oppugnatores, á paganis Aristotelis, ut fanatici, ut furiosi, ut impij vexabantur: En sursum, deorsumque corruptis depravatisque hominum Christianorum judiciis, contumeliæ rursus eadem redeunt, primique Christiani á Christianis postremis, Aristotelico paganismo afflatis, ut fanatici, ut furiosi, ut impii vexantur. Sed modus aliquando finisque sit sophisticis insaniendi, aliudque sit, rem veram libero veritatis pondere perpendere; aliud, errores magnorum authorum, sophistico servilis opinionis examine probare & laudare.

IN CAP. II.

Sed æternitas motus quænam admodum adhuc cōfirmata sit, animadvertimus: jam consideremus, quomodo defendatur á contrariis argumentis: Hoc enim capite refutatio tractatur. Ecquid igitur? quomodo Anaxagoræ, Empedoclis, Platonis sententia refutatur? *πλάσματος*, commento & figmento, ab Aristotele comparatur: quia nulla
 » ipsius causa, neque per inductionem, neque per demon-
 » strationem

rationem reddatur, sed postuletur ἀξίωμα ἄλογον, postu-
 latum absurdum: præcipue verò deridetur Anaxagoræ in-
 ordinatum illud μῆμα, quod infinito tempore quieverit,
 quia nihil naturæ tam proprium sit, quàm series & ordo
 rerum: Empedoclis autem Physica tolerabilior Aristoteli
 videtur, concordia res physicas efficientis, corrumpentis
 opposita discordia. Atque hîc regnum Simplicii ab Ari-
 stotele fuit, instare & urgere, quainobrem mens Anaxa-
 goræ infinito tempore quievisset, tandemque veluti so-
 mno experfecta esset: aut quæ tandem nova ædificandi
 mundi consilia cepisset: quæ causâ denique tam diutur-
 nę confusionis antea fuisset: & nunc tandem repentini hu-
 jus ornatus cultusque extitisset. Atque iisdem interroga-
 tionibus etiam Plato & Moses, ut πλασματώδης, fabulosi,
 urgentur. Veruntamen summi illi heroës, pro suo jure re-
 sponderent, divina consilia Deo præclare notâ esse, nec, si
 homunculis sint ignota, protinus ea nulla esse. Aristoteles
 & Aristoteleï, tam multa ignorantiæ suæ sophismata, quàm
 multa adhuc ostendimus, deprehendere non potuerunt.
 Aristoteles 1. cap. 2. Metaphys. docet, sapientiæ tantam dif-
 ficultatem esse, ut ejus particulam nemo pro dignitate sit
 adhuc assecutus. Ecquid igitur Aristoteli & Aristoteleïs mi-
 rum fuit, si æternam infinitamque Dei sapientiam com-
 prehendere nequeant? Et tamen Aristoteles durius & vio-
 lentiùs hæc Anaxagoram interrogare videatur. Etenim
 interrogetur Aristoteles ipse: Cur Deus levia sursum ferri,
 gravia deorsum labi voluerit: quam vel inductionis, vel de-
 monstrationis causam huc afferet? aut nihil afferet, ut con-
 stabit proximo capite: aut principia dicet esse, quorû caus-
 sa nulla requirenda sit. Ecquid igitur principii omniû prin-
 cipiorum primi causam consiliumque ab Anaxagora re-
 quisit? Verumenimvero lubet Aristotelem Aristoteli, re-
 spondentem interroganti, subjicere. Deus (inquit Aristote-
 les 7. & 9. cap. 12. Metaphys.) sui ipsius intelligentia & cõ-
 templatione perpetuò fruatur, in eoq; actu, optimam ac
 beatissimam vitam ævo sempiterno degit. Quapropter e-
 tiam ante creatum conditumq; mundu otiolus & nihil a-
 gens Deus ab Aristotele argui non potest. Quid tum ve-
 rô? Democritus hîc etiâ ab Aristotele, velut æterno motui

- » adversarius vellicatur, quód principium faciat quicquid
 » sit æternum, cùm multorum æternorum certæ sint causæ
 » sc. Attamē Democritus primo capite, æterni temporis au-
 » thor productus est. Quamobrem viderint Aristotelis in-
 » terpretes, cur inter hos reos modó referatur. Sed redea-
 » mus ad Anaxagoræ & Platonis *πλάσματα καὶ ἄλογα ἀ-
 » ξιώματα*, sine inductione, sine demōstratione. Etenim cu-
 » iusnam Physici sunt rationes, nativum motum cōcluden-
 » tes, quas sibi refellendas deinde Aristoteles proponit? vel
 » potius quas refellere non potest? Anaxagoræ scripta, an
 » Platonis *ἀγραφι* dixeris? Certé valde *πλάσματα* illa & *ἄ-
 » λογα ἀξιώματα*, rationibus istis approbantur. Audiamus
 » igitur acroasin istam, Aristoteleæ æternitati inimicam at-
 » que cōtrariam, & Aristoteleam solutionem attendamus.
 » Contraria his solvere, non est difficile, ait Aristoteles. Bene
 » igitur res habet: neque nobis difficile erit intelligere. Pri-
 » ma autem ratio sic est: Omnis mutatio (dixerat aut Ana-
 » xagoras, aut Plato, aut istorum consors aliquis) est ab ali-
 » quo termino ad aliquem terminum. Verum, inquam, axi-
 » omatis illius in mentem venit: cōfirmatum enim est 1. c. 5.
 » Phys. & confirmatum rursus ad 10. cap. 6. Phys. quód nulla
 » mutatio esset infinita, quia esset á termino ad terminum.
 » Hic jam meritó Aristoteli sua doctrina reponitur: O-
 » mnis motus est finitus, á termino nempe ad terminū: nul-
 » lus igitur infinitus, nullus æternus. Quomodo, inquam,
 » huic suæ Physicæ Aristoteles respondet? nihil respondet,
 » sed pollicetur, postea planum se facturum, quomodo mo-
 » tus aliquis, nullis terminis cohibitus, possit æternus esse. At
 » dicat Plato, discipule mi, quid híc tui multuaris? disputasti
 » tertio libro, infinitum-extremis in rerum natura nihil ef-
 » se: omnia actu esse terminata: Docuisti antea, omnē mo-
 » tum terminis duobus concludi: quomodo igitur si vera sit
 » prior illa Physica, posterior ista falsa non erit? & quod præ-
 » stare per naturam rerum non potes, id tamen facile tibi
 » esse gloriaris? Hæc igitur, ô Physice doctissime, meritó tibi
 » magister ille reponeret. jam veró, quemnam postea mo-
 » tum sine terminis efficies? circularemne? At proxima tua
 » tam gravis argumentatio, de motus æternitate, nō ad cir-
 » cularem motum tantum, sed ad omnem motum genera-

liter attinebat:& definitio motus, communis omniū motuum, adhibita ideo est. Neque credis, solum cæli motum, æternum esse; sed generationem hominum, pecudum, arborum, aliārumq; rerum naturalium omnium: item corruptionem, alterationem, accretionem, diminutionem, lationem æternam esse: Quare etiam si motum cæli æternum postea probares (quod tamen probatū tibi sit impossibile) attamen non efficeres, in physicis rebus æternum motum; neque homines, pecudes, arbores, cæteraque omnia semper fuisse, semperque fore. En igitur Aristoteles apud Alexandros & Simplicios suos, Platonis physica derideat, ut *πλάσματα καὶ ἄλογα ἀξιώματα*. jaçtet etiam, contrariorum solutionem difficilem non esse. Et verò, justa illa fuit affirmatio Aristotelea, rationis hujus non esse difficilem solutionem: Est enim facilis, quamvis ea facilitas Aristotelem latuerit: nec enim si sigillatim finitus motus esset, ideo tamen motus in universum æternus non esset: sic enim genus hominum facis æternum, & rerū species æternas, quamvis singula, caduca & mortalia consistere. Sed tamen alteram motus incipientis & desinentis rationem multo etiam constantiore audiamus. Si partes mundi (dixerat Anaxagoras, vel Plato, velejusdem sententiæ adstipulator aliquis) alias moveantur, alias quiescant; etiam mundus totus alias movebitur, alias quiescet: *εἰ γὰρ ἐν μικρῷ κόσμῳ γίγνεται, καὶ ἐν μεγάλῳ* si enim sit in parvo mundo, sit etiam in magno. Hic Aristotelæus connexionæ propositionis est prosyllogismus. Tum sequitur assumptio, At partes mundi alias moventur, alias quiescunt; ut in naturis tum inanimatis, tum animatis apparet. Hæc assumptio est in Aristotele, & assumptionis per inductionem prosyllogismus. Conclude igitur, Quare mundus totus alias movebitur, alias quiescet. Hæc igitur secunda vel Anaxagoræ, vel Platonis ἀπόδειξις, ab Aristotele nobis suppeditatur: ne Aristoteles prior ille temere calumniatur, ab istis philosophis τὰ πλάσματα tantum καὶ ἄλογα ἀξιώματα proponi. Agité verò, Alexander, Porphyri, Simplicii, Aristoteleam syllogismi hujus analysin mecum attendite; & considerate, quomodo magister vester magistro suo satisfaciat. Quid igitur ad illam proposi-

tionem respondet? *Si partes mundi oriantur & intereant, totus etiam mundus oritur & interit.* Nihil respondet, & tacito silentio videtur illam parvi magnique mundianalogiam confiteri. Tota autem cura est Aristotelis adversus assumptionem. Quod partes mundi non aliás oriantur, aliás intereant. Ad primam inductionis partem, de naturis inanimatis, Aristoteles acquiescit, quod aliquando quiescant, aliquando moveantur: quia movens externum modo absit, modo adsit. Ubi Aristoteles profiteri videtur, inanimata moveri tantum ab externo motore: quod jam primo capite septimi visus est dicere, quodque repetet quarto hujus libri capite: & nos tum commodius eam thesin differemus. Sed tamen docet Aristoteles causam, quamobrem inanimata aliquando moveantur, aliquando quiescant: propositæ autem inductionis partem primam non dissolvit, sed plané confirmat, planéque *πλάσμα καὶ ἄλογον ἀείωμα* in suis, non in Platonis physicis ostendit. Perge, quid ad secundam inductionis partem de naturis animatis Aristoteles responderet? Physicus hic magis est anceps dubiusque, quam antea fuerat. falsum ait esse, quod motus in animali incipiat novus sine alio antecedente motu: & cum post quietem animal progreditur, negat animal progressionis huius causam esse, sed τὸ περιέχον comprehendens aërem (puto) hic significat. & sic sexto capite hujus, τὸ περιέχον, efficitur causa physicorum motuum, accretionis, somni, & similia: & paulo post, Animal (ait) seipsum movere non tamen omni motu, sed secundum locum. multi præterea motus sunt animalis ὑπὸ τῷ περιέχοντος, á comprehendente: quorum alii moveant τὴν διάνοιαν, ἢ τὴν ὄρεξιν, cogitationem vel appetitum: alii totum animal: ut quo dormit, aut excitatur é somno. Hæc est solutio nostri Physici ad secundam assumptionis partem, valde lubrica, & auctori suo periculosa: Etenim quomodo defendetur hæc ἀντίφασις; Animal, non est sibi causa motus localis: Animal est sibi causa motus localis? Deinde, quænam ista Physica est? Animalis motus ἀπὸ τῷ περιέχοντος fieri? aliisque διάνοιαν ἢ ὄρεξιν moveri, aliis totum animal? Animal tribuit Physicus τὴν διάνοιαν, quæ tamen propria sic hominis.

hominis. & ista bella motuum distributio, nullum animalium motum ab interiore animalis proprioque principio videtur relinquere: denique Physicus noster, Platonis illa *πλάσματα* ridicula, & sine inductione, sine demonstratione *ἀλογα ἀξιώματα*, quæque facillima solutione prædicabat, dissolvere non potest. O Physicum in oppugnanda Platonis Physica, physicis armis inermem atque nudum! Ergo nullus est jam, Aristotelis præsentijudicio, motus ab interiore forma, sed omnis motus omnino est ab externa causa, in naturis non solum inanimatis, sed etiam animatis. O Aristotelem factum prorsus Zenonem! Argutabatur Physicus ille, nullum in natura motum: sophisticis quidem argumentis, sed tamen argutis, Aristotelisque Logica refellendis. At præsentia Aristotelis sophismata qualia sunt? Inanimata (ait) moventur externo tantum motu: animalia etiam moventur non suo, sed externo tantum motu. Ergo, inquam, Physice, Physicam tuam vehementer oblite, natura rebus inanimatis frustra inerit: natura rebus animatis frustra inerit: quia non erit principium motus: denique fatali necessitate omnia constricta devinctaque tenebuntur. At minimè omnium Aristoteles id voluit: sed dum Platonis Physicam cupidius insectatur, in eos laqueos incidit, unde explicari nullo modo potest. *τὰναντία ἢ χαλεπὸν λύειν*, prædicabat Aristoteles: At res ipsa, *παγχάλεπον*, imò verò prorsus *ἀδύατον* demonstrat, rationibus illis è Platonica Physica deductis respondere. Quamobrem ut primo capite confirmatio æterni motus nulla prorsus fuit, sic secundo capite refutatio nativi motus nulla prorsus est: imò ex utraque tam sollicita tamque exercita contentione, Anaxagoræ & Platonis Physicam illustriorem factam & ornatiorem, intelligimus: cum tot machinis non modo nihil labefactata sit, sed corroborata magis, magisque stabilita. Et tamen beneficium Aristotelis hic etiam amplissimum fateamur, ac profiteamur, quod per ejus facultates & copias, tam formidolosi impetus repellantur, quodque Physica sophismatis tam perniciosi liberetur.

I N C A P. I I I.

HActenus motus æternitas prodigiosis sophismatis
 acta est: moventis æternitas paribus sophismatum
 prodigiis deinceps agitur: quinque proxima capita ad hanc
 thesin, sed invitis Musis, videantur esse descripta. Sed ta-
 men acroasis, quæcunq; sit, audiat. Frustra fortasse de
 solutionibus Aristotelis conquerimur: neq; etiam ipse si-
 bi satisfacit. Ad pleniorē igitur & perfectiorē solutio-
 nem, distributio sit omnium, quæ adhuc fuerunt, ele-
 gantissima partium duodecim: Pythagoræ dodecaedrum
 diceret: quarum tamen nulla prorsus ad propositam mo-
 ventis æternitatem, neque cominus, neque eminus atti-
 net: partitio tamen dodecaedra attendatur. Necesse est
 » (ait Physicus) semper omnia quiescere, aut semper move-
 » ri, aut alia quidem moveri, alia verò quiescere: ac rursus
 » ex iis alia quidem mota semper moveri, alia verò quie-
 » scētia quiescere: aut omnia nata esse similiter move-
 » ri, aut quiescere, aut reliquum præterea ac tertium: acci-
 » dit enim alia semper immobilia esse, alia semper mota, à-
 » lia utrumque. Hæc partitio est duodecim partium, unde
 Physicus nobis pollicetur λύσιν πάντων τῶν ἀπορρομένων,
 καὶ τέλος ταύτης τῆς πραγματείας: solutionem omnium
 dubitatorum, & finem hujus tractationis. Bono igitur a-
 nimo estote auscultatores: auscultatio enim distributio-
 nis hujus, magnam rem nobis pollicetur. Non dissolvit
 antea Physicus rationes illas Anaxagoreas aut Platonicas:
 jamjam dissolvit: æternum motum, æternum motorem,
 argumento partitionis hujus demonstrabit: & summum
 physice acroaseos finem afferet. Quid igitur partitor par-
 titionis tam multarum partium nobis partietur? Rejicit
 primò de tot partibus tres partes primas. Ecquid igitur, in-
 quam, elegantes illæ é primo & quinto capitibus Physici
 quinti partitiones, Logicam suam nobis huc referunt? at-
 tamen illæ trium, quatuor, quinque partium, ad istam
 multitudinem partium minimè pervenerunt. Partes fal-
 sæ veris aggregantur: ut copia sit argumentandi, & refel-
 lendis elenchis paginas explendi. An verò lex ulla de ca-
 tholicis Aristotelis legibus, falsas partes veris admisceri
 jubet

jubet, quæ deinde improbentur ac tollantur? Dichotomia partium verarum sola est *κατὰ παντός, καθ' αὐτό, καθόλε πρῶτον* & tamen, quænam partium multitudo, vel confusio potius est in hac partitione? Verum perge: quamobrem prima pars (quod omnia quiescant) rejicitur? Ac illud quidem (ait Physicus) omnia quiescere, & hujus causam requirere, prætermissio sensu, impotentia mentis quædam est: & de toto quodam, non de parte dubitatio: neque solum adversus † Physicum, sed adversus omnes scientias & opiniones omnino: quia omnes motu utantur. O me felicem! ô me fortunatum! ô me Aristoteli, sempiterno beneficio obligatum! Hæc enim Aristotelis autoritas illa singularis & eximia est, quam tertio quinq̃toque Physico, ad tollendam *ε̃* physica arte motus doctrinam proposui; quia omnes omnino artes, non solum scientificæ, sed opinabiles, motus quosdam suos haberent: motus physicos solos non esse, sed ad omnes & scientiæ & opinionis artes pertinere. Sed hanc ipsam motus notitiam, communem & generalem esse: ideoque in generali & communi doctrina semel instituendam esse & docendam. Sed institutas partes exequamur. Non omnia quiescunt, quia id affirmare, communis sensus & mentis inopia sit: idemque, quod omnes artes labefactare. Sed altera est etiam refutationis ejusdem ratio: Non est Mathematici dissolvere instantias & objectiones mathematicis principiis oppositas: neq; sanè Physici est, physicorum principiorum obrectatores refellere. Physica autem est hypothesis, Quod natura sit principium motus. Primo physico Parmenides ita spretus & contemptus est, velut inficiator hypotheseos ejusdem. Sicigitur ab Aristotele partitionis pars una refellitur: secundæ & tertiæ & quartæ partis falsitas (quod omnia moveantur, quod alia semper quiescant, alia moveantur) uno sensus argumento refellitur: quia motus omnium generum sensiles sunt. Hoc autem sensus argumentum, in hac superiore parte refellenda, verè phylicum est. Atque utinam Aristoteles in sensili materia, magistros sensus & judices semper adhibuisset: nunquam exstisset infinitas, neque magnitudinis, neque motus, neque mobilis, neque tempo-

ris, neque stationis, neque quietis: Nullus enim sensus, infinitatem illam in rebus physicis & sensilibus ostenderit. Atque interea in secunda ratione locus est ille citatus á nobis ad l. cap. 3. Physf. Feré autem moveri, generari
 „ aliquid & corrumpi omnibus videtur. Sed tamen partitionis adhuc partes quatuor improbatæ sunt: Non omnia moventur, non omnia quiescunt, non alia semper quiescunt, non alia semper moventur. unde cõcluditur, Quód alia quidem moveantur, alia quiescant aliquando. quæ pars é partitis illis partibus, nulla tamen fuerat: octo enim supererant, Alia mota semper moveri, Alia quiescentia quiescere, Omnia mota similiter moveri aut quiescere, aut reliquum & tertiũ, Alia semper immobilia, Alia semper mota, Alia utrumque. Itaque partes falsæ distribuuntur, non distributæ etiam concluduntur. Quid multa? Certatum de industria videtur, ut contra omnes Logicæ leges, distributio ista hoc modo misceretur. Sed tamen istam tot capitum hydram Aristoteles repetit: partes ipsas non nihil immutat: alias retinet, alias novas instituit, alias eodem sensus argumento repudiat: quia repugnent sensui, repugnent etiam motui. ubi *πᾶσι τὰ κατὰ φύσιν ὁρᾶται*, visio
 „ & opinio, motus quidam omnibus videntur. qui locus est citatus á nobis ad l. cap. 7. Physic. quód anima suos etiam motus haberet. Atqui hoc sensus argumentum Aristoteles ita concludit, ut iudicet, ista non discernere, hominis esse iudicio carentis, neque potentis discernere bonum á malo, probabile ab improbabili, principium á non principio. Equidem nullum in tota acroasi elenchum adhuc invenire potui, cujus non parata ab Aristotele feré medicina esset. Dicere, omnia moveri, aut omnia quiescere, aut omnia aliás moveri, aliás quiescere, dementis est, ait Aristoteles. Verúm, inquam, tu ipse es, qui dicis: tu ipse es, qui te refellis: tu vulneris & author & curator es, & illud est, quod antea tibi in similibus partitionibus opposui; abs te mendacia cõfingi, quibus irridendis, te ipsum oblectes; & libros egregiis hisce figmentis refertos, Physicá appelles.

. I N C A P . I I I I .

A Gé veró, pollicebatur Physicus, egregia illa tot sophismatum divisione, solutionem omnium dubitationum,

tionum, finem etiam Physicæ extremum: nulla solutio fuit: imò novi nodi, & suo artifici indissolubiles innexi & implicati: finis Physicæ nullus, sed Sophisticæ cumulus? Quid deinde? partes reliquæ, quomodo differuntur? Evanuerunt, à tinea Apelliconis (opinor) absumtæ: aut quia Sphæra nondum exciderat, per oblivionem præteritæ. O Physicam erraticam & volaticam. Tantamne in hominibus literatis & liberali disciplina eruditis iudicii servitutem esse, ut pro physicis decretis, sophisinata hæc habeant? imò sacra quædam & arcana mysteria, & religionis initia faciant? Verùm agite, & reliquum caput attendite. Thesis é primo capite septimi huc repetitur. Quicquid movetur, ab alio movetur. Bella hæc physica, cum sequentibus aliis, Themistium & Eudemum impulit ad iudicandum de septimo Physico, quod antea recensuimus. Sed tamen audiamus Aristotelem, primum septimi Physici caput, quarto capite repetentem. Quid igitur ait? Motus, est per accidens, aut per se: per accidens, cum movetur aliquid in movente, vel in moto, vel secundum partem: per se, contrá. Eheu, quoties ista partitio jam posita est, & reposita? Deinde cur 1. cap. 5. Physicæ idem distributum, per se, per accidens, per partem? Perge, quid sequitur? Motus per se, est á seipso, vel ab alio: A seipso movetur animal, quia principium motus habet in seipso. Motus ab alio, est secundum naturam: ut levibus sursum, gravibus deorsum: contra naturam, ut in levibus deorsum, gravibus sursum. Atqui, inquam, in his partitionibus, qualia nam illa sunt? animal movetur á seipso. Nam 1. cap. 7. Physici, id Aristoteles inficiatus est. Deinde quomodo dicuntur elementa moveri ab alio? an non levia sursum, gravia deorsum, naturæ suæ lege atque nutu cientur & moventur? Questio verò de primis elementorum motibus, Physicum nostrum mirabiliter exercuit: ut nusquam magis vacillantem nutantemque animadverterim. Sed thesin persequamur: vacillatio ista nutatioque deprehenditur in cursu. Differit igitur Aristoteles, Quicquid movetur, ab alio moveri: ad eamque rem, inducit primo contra naturam mota, quæ sine dubio moventur ab alio: deinde mota á seipsis, ut animal, quod movetur ab anima: ut

navis á nauta. At anima non est in animali, quod nauta
 est in navi: cum anima sit forma: nauta nihil essentialie sit
 navi. jam veró quomodo loci præsentis antiphrasis refel-
 letur? Animal movetur á seipso: animal movetur ab alio,
 id est, non á seipso. tottamque frequentes contradic-
 tiones, negligentiam Aristotelis non arguunt in colligendo
 nullam fuisse, sed convincunt in recognoscendo, & ad Lo-
 gicas leges æstimando nullam Aristotelis curam acce-
 sisse. Tandem elementa, secundum naturam quidem mo-
 veri dicuntur, & tamen ab alio. Hic Aristotelis præcipua
 vacillatio est: neque ipse dissimulavit: *μάλιστά δ' ἀπερεχται*
τὸ λῶπρόν maximé veró reliquum addubitur. *ταῦτα δ' ἴ-*
σιν, ὅτι τὸ ἀπορίαν περᾶσχοι ἄν, ὑπὸ τίνος κινῆται. Hæc au-
 tem sunt, quæ dubitationem præbeant, á quonam move-
 antur. Disputat igitur Physicus, elementa non agendi, sed
 patiendi tantum vim habere, neque moveri á seipsis: pri-
 mó, quia id sit animalis proprium: & tamen etiam animal
 ait ab alio moveri: secundó, quia sisterentur á seipsis, & ef-
 sent sibi principium quietis: quia contrariis motibus mo-
 verentur: quia continua non essent. Hæc Aristotelis argu-
 menta, heu physici professores, quomodo physica dicen-
 tur? Elementa naturæ sunt, & quidem naturæ primæ, un-
 de cæteræ sunt naturæ: quomodo igitur naturam, id est
 principium motus & quietis, elementis eripies? quomo-
 do ignis non ascendet? non uret? aqua non descendet? non
 extinguet? aut animalibus solis id tribuetur? cur contra-
 rios motus necesse est iis inesse, quæ á seipsis moventur?
 an globi cælestes illi (quos alicubi deos Aristoteles efficit)
 contrariis etiam motibus singuli moventur? aut quomo-
 do Aristoteles formam elementorum elementis conti-
 nuam facit? Nec enim forma continuatur materiæ, ut li-
 nea lineæ continuatur. Hos elenchos excusare nituntur
 quidam interpretes, sed ita, ut vehementius accusent: qui-
 bus enim tectoriis tam fœdas ruinas tegent aut occulta-
 bunt? Equidem pudet, tantum Physicum in Physicæ ele-
 mentis tam inconstanter hesitantem deprehédi: Si Gram-
 maticæ elementa Aristarchus aut Varro tam rudia tamq;
 imbecilla tenuisset, nūquam (opinor) ausus esset de Gram-
 maticis præcepta scribere. Physicum igitur in Physicæ ele-
 mentis

mentis tam dubium, tamque incertum deprehendi, quid vis existimem? Sed tamen quoniam elementa per se moventur, neque tamen á seipsis, sed ab alio, á quonam tandem movebuntur? Moven- tur (ait Aristoteles) ab aliquo, “ quod sit actu id, quod sunt potentia. Sed tamen, inquam, “ in quonam est actus ille, cujus potentia tantum sit in elementis? Hic Physicus hæret, & distinguit potentiam, in re- “ motam & propinquam: qualis scientiæ potentia est in discipulo & doctore non-contemplante. Audio, inquam: “ sed actu leve & grave, quidnam tandem est? Actus levis “ (respondet) est esse sursum: gravis, deorsum. Causa itaque “ talis motus levibus & gravibus est, quod nata sint illa esse sursum, hæc deorsum. Itaque principium motus modo attribuitur τῇ δυνάμει, potentia: quod tamen τῇ ἐντελεχείᾳ attributum est tota superiore Physica. Sic aqua potentia aër, aërque vicissim potentia aqua, levis gravisque á Physico efficitur: tanquam aër aquam levem: aqua aërem gravem efficiat: leviaque & gravia potentia, moveantur ab iis quæ ipsa actu talia sunt: denique inanima, κινήσεως ἀρχὴν ἔχουσα, ὅθεν τὴν πρῶτην, ἀλλὰ τὴν πάσχα· habent principium motus, non quo moveant, vel faciant, sed quo patiantur. Quod secundo capite 2. de Cælo iteratur: τὴν γὰρ ἀψύχων, ἐν ὅθεν οὐρανῶμεν, ὅθεν ἡ ἀρχὴ τῆς κινήσεως. In nullo enim inanimatorum videmus, principium motus. Atque illud idem iteratur 2. cap. 3. de Cælo, quod motus naturalis levium sursum, gravium deorsum fiat κατὰ δυνάμιν, ut hic docetur. Verum enim vero, per deum Physicæ, quæ nā ista Physica est? Lapis sublimé retentus in Capitolii summo vertice, si substrata columna tollatur, quare labetur deorsum? aut si lapis in fundo Sequanæ, utribus vento inflatis superpositus, avertatur, quare utres sursum exilient? neque enim lapidis vel utriusque natura mutatur. Deinde quomodo aër aquam, aut aërem aqua movebit? utrumque enim est corpus inanimatum: ideoque secundum hanc Physicam, moveri tantum & pati possunt, movere & agere nihil possunt: & forma est istis principium motus passivum tantum, non activum. Tum veró si aër, levitatis suæ actu, movere aquam sursum, & aquæ suæ gravitatis actu, movere aërem deorsum possit, cur aqua seipsam sua gravitate deorsum, & aër

seipsum sua levitate sursum non movebit? Quid igitur hic dicendum sentias? Equidem de elementorum vel natura vel numero locum hic non satis idoneum video: de motu in universum nunc tantum quaero. In igne causam calefaciendi statuo: quamvis illud corpus inanimum sit: neque; τὸ δυνάμιν Aristotelis hic audio: satis est potentiam ad patiendum facilem esse: ἐντελέχεια aget sola movebitque. Perpendite ista, Physici, æquis & attentis animis: & jam si quis usquam reliquus est pudor, pudeat à sophismatis istis non tantum Physicæ veritatem, sed religionis etiam pietatem repetere. In illo autem motu sursum deorsumve (quod Aristotelem tantopere cōtorfit) eandem Physicam adhibeo: omnisque physici motus causam, physicam formam & ἐντελέχειαν facio. Definitiones igitur Aristotelis » illæ valeant, ἐνέργεια & actus levis, est esse sursum: gravis, » deorsum. Leve actu est, quod sursum est: grave actu, quod » deorsum est: potentiā verò leve, aut grave, quod potest sur- » sum, aut deorsum per se moveri. Itaque in postremo est a- » ctus levitatis, in medio est actus gravitatis. Definitiones, inquam, illæ valeant, & Physicam turbare desinant: Nec grave leveque, ex suo loco potius, quàm ex sua natura definienda sunt: ut neque calidum, frigidum, humidum, siccum, quamvis elementis perinde adjuncta sint: & loci propriam quoque differentiam habeant. Quid ergo est (inquies) levitas & gravitas? Imò verò, inquam, dicito quid est calor, frigus, humor, siccitas? Vitiosas equidem definitiones illas esse video: accuratas autem si quis afferret, facilius cognoscerem: Aristotelemque difficultatis Aristoteleæ é nono Metaphysico ad stipulatorem profero: qui περὶ τῆς ἐνέργειας: differens, nec ejus accuratam definitionem inveniens, non erubuit affirmare, Definitiones omnium » querendas non esse, sed plerunque satis esse describere inductione & exemplis quod sentias. Itaque exemplis potius veris quàm falsis definitionibus Aristoteles uti debuerat. Levem esse aërem, levio rem ignem: gravem esse aquā, gravio rem terram: & secundum hanc analogiam, ut quidque magis minusve levium & gravium elementorum compositam naturam habuerit, tantò esse levius aut gravius. Euclidī attribuitur opusculum de gravi & levi: ubi poten-
tia

tia videtur appellari pondus, nil præterea definitur. Euto-
cius in primum Archimedis isorhopicum, citat Ptole-
mæi librum de momentis, ubi momentum faciebat ge-
nus gravitatis & levitatis: quanquam levitas privatio gra-
vitatis esse videretur. Archimedes etiam de momentis æ-
qualibus librum conscripsit, ut appareat à magnis inge-
niis quæstionem hanc jactatam esse: sed tamen à nemine,
quod sciam, quid esset græve, accuratè definitū est: descri-
ptio tantū quædam est per exempla & comparata. Itaq;
gravis terra in centro, sua gravitate retinetur: & ignis, si
quis tamen est illic elementaris ut fingitur ignis, in mun-
di summo, sua levitate. at si utrumq; suis locis depulsum sit,
istuc etiam per sese redierit: ac si tota terra in locum ignis,
aut totus ignis in locum terræ vi raptus esset, vi tamē iu-
blata, protinus terra deorsum, ignis sursum moveretur.
Quamobrem persistamus in prima illius Aristotelis Phy-
sica, Natura, est principium motus: & unumquodque cor-
pus physicum, naturali motu à sua forma moveri judice-
mus: præsentemque errorem, constantiore illa veritate
corrigamus: neque tam fœdum absurdūque sophisma
comprobemus, Quicquid movetur, ab alio moveri: cū
non solum animata (ut Aristoteles Aristoteli sæpius re-
pugnando confitetur) sed elementa à seipsis etiam natu-
rali motu moveantur.

I N C A P. V.

Sed tamen, quamobrem tantum sophisma, tamque
physicis elementis contrarium, à Physico in Physicam
inductum est? Causa certe nulla adhuc apparuit, ne-
que apparebit postea: & tam videtur hoc decretum alie-
num esse, quàm bella illa tot partium partitio antea fue-
rat. Duo sequentia capita, quintum & sextum, ad moven-
tis æternitatem propius attinent: sed triplex qualitas vici-
na, conjunctè disseritur, quod primum, quod immobile, "
quod unum. Quinto igitur capite disputatur, esse † ali-
quid movens primum, & immobile: sed disputatione ver-
bosa valde, valdeque sophistica. Repetitur infinitè jam
proposita partitio motus non per se: tum subducitur
per se proximè, vel pluribus mediis: ut si in movendo

† aliquod

lapide, vectis adhibeatur, instrumenta erunt, manus & vectis: & primum movens, erit homo: ultimum, vectis. Atque ita nudo & simplici exemplo ostenditur, in natura aliquid esse movens primum. Perge, est aliquid movens primum, cur etiam immobile? Si immobile diceret Aristoteles æternum, constans, neque ortui, neque interitui, neque accretioni, neque diminutioni, neque alterationi, neque secundum physicum locum motui, neque omnino physicis motibus ullis obnoxium, laudarem sententiam Physici, tamen si Logicam in demonstrando minimè probarem. Quid enim probatione opus erat, istorum nihil Deo convenire, cum omnia corporis sint, Deus sit animus?

» Sed Aristoteles generaliter, omninoque disputat, movens
 » primum esse immobile: quia neque ab alio, neque à seipso
 » mobile est. Non ab alio: quod quidem per se clarum erat,
 d neque magis demonstrabile, quàm † aliquid esse primum
 movens: quod tamen Aristoteles simplici expositione assum-
 sit. Verum tamen perge, quid habes dicere, quam obrem
 primum movens non moveatur ab alio? utrum hinc Aristoteles à proximo superiore capite præsidium demonstrationis expetit? Id enim confectum jam erat, si sophismatis suis consideret: id enim 1. c. 7. Phys. & 4. cap. 8. Phys. actum & transactum erat. At superiora illa, tanquam nunquam dicta, prorsus obliviscitur: Itaque præterea demonstratione illa, primò agit generaliter, quia si quodlibet ab alio
 » moveretur, progressus esset in infinitum, quod est impos-
 » sibile. Hic verò philosophum in Physica physicè idem philosophantem, rursus etiam libenter audio: Itaque oppugnata Anaxagoræ infinitatis argumenta ex animo complector: in natura rerum nihil infinitum esse: Ab infinito naturam abhorrere. & quidem hoc argumentum (ut lætitiæ fructus nobis uberior esset) quinque in hoc capite tractatum: Impossibile est progredi in infinitum: secundò,
 » Impossibile est progredi in infinitum: tertio, Nullus pro-
 » gressus est in infinitum: quartò, Necesse est stare, & non ire
 » in infinitum: quintò, Necesse est stare, quia motus sunt finiti: toties enim hoc uno in capite infinitas, ut absurda res naturæque inimica atq; contraria, improbat. Ergo tantum tamque Physicæ proprium fructum complectamur:

pro-

proptereaque Aristoteli gratias infinitas agamus:& monstrum illud infinitatis, antea jam plané confectum, tamen & præsentibus telis obruamus: Infinitum in natura nihil est: Ergo divisio physicæ magnitudinis non est infinita: Ergo motus non est infinitus: Ergo mobile non est infinitum: Ergo tempus non est infinitum: Ergo status non est infinitus: Ergo quies non est infinita. Atque hæc generalis est argumentatio, quód primum movens non sit ab alio mobile: deinde specialiter agitur, quia neque per accidens, neque per se moveri possit: non per accidens, quia motus cessaret, cum per accidens nihil sit perpetuum. Hæc autem ratio falsa deprehendetur 6. cap. 8. Phys. ubi Aristoteles docebit, motum per accidens quendam æternum esse. Additur autem partitio interea insignis, quód in motu tria sint, mobile, movens, instrumentum. At 1. cap. 5. Phys. quinque requirebântur, movens, mobile, tempus, terminus à quo, terminus ad quem. & tripartita hæc partitio aliter 8. & 10. cap. 8. Phys. repetitur. Sequitur autem altera ratio pauló verisimilior superiore, Ut per accidens movetur aliquid, nihil movens: sic movetur aliquid prorsus immotum. Itaque etiam Anaxagoras (ait Physicus) recté sentit, Mentem inquit impatibilem esse & impermixtam: quoniam ipsam, principium motus efficit: Sic enim solùm moveat, cum sit immobilis: & vincat, cum sit impermixta. Hæc Aristoteles de Anaxagoræ laudibus, longé dissimilis illius Aristotelis, à quo primo physico mens Anaxagoræ ut absurda reprehendebatur. Atque hic tum locus Aristotelis à nobis productus est, ad Anaxagoram defendendum: & verisimile est, Aristotelem, dum hæc scriberet, primo libro scriptorum minimé memorem fuisse. Et illud est nimirum, quod tam sæpe testificor, ab Aristotele multò plura collecta esse, quàm recognita, quàm æstimata atque judicata. Verum pergamus: Primum movens non movetur ab alio per accidens: quomobrem non movetur ab alio per se? quia (respondet Physicus) moveretur secundum eandem speciem: ut Geometriam docens, Geometriam doceretur: aut secundum diversam, ut augens alteraretur: quæ absurda sunt. Quare neque per se movetur ab alio. Atqui hæc trium paginarum disputatio valde inanis est, ad demon-

strandum, quod per se clarissimum sit; & iis demonstra-
 tionibus, quæ rem potius obscurant, quàm demonstrent.
 Altera pars (quod primum movens nõ moveatur á seipso)
 superest, falsa quidem: neque enim motus physici, soli
 sunt: neque quisquam tam hebes est, quí si Deum, ani-
 mum & incorporeum esse intelligat, non protinus etiam
 fateatur, sensilium & corporearum rerum motu Deum
 non moveri: motus, inquam, physici non soli sunt, sed o-
 mnium artium atque opinionum: itaq; grammatici, rhe-
 torici, dialectici, mathematici, theologici denique sunt
 etiam motus: & tertio capite hujus libri, Aristoteles ipse
 docuit, *φαισάσαν καὶ θεῶν*, motus esse. Ergo animus &
 Deus suos etiam motus habent, dissimiles quidem phy-
 sicorum motuum, sed tamen motus: & quidem tantò præ-
 stantiores, quantò ipsæ causæ moventes excellentiores &
 nobiliores fuerint. Itaque Aristoteles 3. cap. 7. Politici, ma-
 gnificè philosophatur, cum disputat beatitudinē in actio-
 ne consistere: neque solas actiones externorum operum,
 sed eas contemplationes & meditationes multò magis a-
 ctuosas esse, quæ in seipsas conversæ, suoque fructu con-
 tentæ, extrinsecus nihil requirunt. Honestæ nempe actio,
 finis est, ideoque etiam actio quædam: imò verò propriè
 eos agere dicimus, qui mente atq; animo principes atque
 architecti sunt externorum operum. Hæc Aristoteles: qui-
 bus etiam addit, Alioqui neq; Deus beatus haberi posset,
 cui actiones externæ nullæ sunt, sed omnes ipsius naturæ
 congruentes ac propriæ. O philosophum præstantem ac
 proflus eximium, si tua scripta ope vitæ longioris reco-
 gnoscere, & catholicis tuis legibus consentanea á dissen-
 taneis secernere potuisses! Et tamen quod secernimus,
 quod meliora deterioribus anteponimus, non solum le-
 gum tuarum beneficium est, sed peculiaris etiam propria-
 que sententiæ tuæ gratia. Verum Aristotelearum legum
 charitas nos diutius sæpe retinet: falsa thesis Aristoteli
 proposita est, ut aliàs jam sæpe, Primum motorem á sei-
 pso non moveri. quænam igitur erunt argumenta, qui-
 bus Aristoteles ex inferiore causâ superiorem faciat: & é
 falsa veram? Primum movens (ait) non movetur á seipso:
 primò, quia omne motum est dividuum in semper dividua.

At,

At, inquam, id falsum esse, tot anté argumenta docuerunt:
& præsentis capitis Physica planissime refellit: quæ docuit,
nihil infinitum in natura rerum esse. Secundó, quia idem “
moveret & moveretur eodem motu: ferret, ferreturq;. At “
id, inquā, diversa ratione fieri potest. & qui Geometriam
docet alios, etiam á seipso Geometriam docetur: neq; vox
doctoris, ad auditoris tantum, sed ad doctoris etiam aures
pervenit: Sic animus eodem motu intelligit seipsum, & á
seipso intelligitur. Tertió, quia esset idem calidum, & “
non-calidum, movens idem actu, quod mobile potentiā. “
quod falsum est: Nam quod movet, non actu semper est
quod motum est potentiā: Nec enim Sol, est vermis aut
musca; qui tamen vermes & muscas gignit. Nec chalybs
& silex, sunt scintilla, quam tamen suo motu efficiunt.
Reliqua thesis hujus argumentatio, Sophisticam singula-
rem complectitur, Utrúm pars moveatur á parte, an to- “
tum á partibus quibusdam, an totum á toto, cæteraque de “
continuis & contiguis. Etenim cū de movente primo “
agitur, quod sit sine parte, sine magnitudine, ut differetur
10. cap. 8. Phys. ridiculum est, vel totum, vel partes, vel par-
ticulas, vel ut in continuo, quærere. Quare totum hoc so-
phisma (quod primus motor non moveatur á seipso) σο-
φιστικῶτατον ut est, sic habeatur. Verúm caput hoc tam
prolixum, inutile nobis non abeat: fructum duplicem jam
magnum attulit: primum, quod in natura rerum nihil es-
set infinitum: secundum, quod mens Anaxagoræ Deusq;
tandem collaudatur á Physico, á quo antea vitupetaba-
tur: tertium jam in extrema capitis parte attendite. Quæ-
rit Aristoteles, cū partes & particulas tanquam conti-
nuas in motore primo statuisset, Utrúm, si particula semo- “
veatur de parte movente vel mota, reliqua particula mo- “
vere aut moveri possit. Nam si ita sit, nihil erit primum: “
quia semper divideretur. Respondet igitur Aristoteles “
ad hanc quæstionem. Licet movens & motum, sit conti- “
nuum, ideoque διὰ μέν διαίρετον, potentia-dividuum: at- “
tamen ἐντελεχὲς ἀδιάρητον, actu individuum esse: Itaq; “
(aic) nihil prohibet ἐν διαίρεσι τοῦ διὰ μέν πρώτου εἶναι, in divi- “
duis potentia primo esse. O physici interpretes, accurrite: “
Physica antecedens tota jam plané periclitatur: incendio

flagrant omnia, accelerate & restinguite. Infinitum tertio Physico, tanto labore ædificatum est: sexto Physico deinde obfirmatum & obvallatum: atque in eo infinito, tanquam stabilissimo fundamento, deinceps ex ædificatum est infinitum motus, infinitum mobilis, infinitum temporis, infinitum status, infinitum quietis: unde effectum & conclusum est, nihil esse primum in magnitudine, nihil primum in motu, nihil primum in mobili, nihil primum in tempore, nihil primum in statu, nihil primum in quiete. At Aristoteles disputans, aliquem primum motorem esse, de thesi postrema cogitans, cæteras illas antecedentes oblitus est: aitque, potentiam infiniti illius (quod à tertio usque physico continuaverat) non eam esse, quæ actum adipisci possit: quod idem tum dicere videbatur, sed revera longè aliud: Nam magnitudinem perpetuò posse dividi affirmabat, sed potentiaæ hujus extremum actum dari nō posse: Hic aliter loquitur, & disertè ac perspicuè ait, *διωάμη διαρετόν, ἐντελεχείᾳ ἀδιαρέτον*. denique in illis potentia dividuis dari primum, quod revera dividi nullo modo possit. O Physicum non falsa credulorum interpretum opinione interpretibus difficilem & obscurum! Etenim quomodo tanta rerum tamque crassa & penè palpabilis repugnantia defendetur? Enimvero patronos reperit, qui dicerent, Aristotelem de motu deq; mobili communiter antea locutus: nunc verò loqui de motu & mobili applicando ad naturas determinatas. Hæc enim Thomæ interpretatio est: hæc distinctio una, morborum omnium medicina est. At Deus bone, excita mentes hominum ad intuendum verum, ad verè sincerèque judicandum, ad liberè statuendum. Etenim motus rei naturalis, id est corporatæ & sensibilis, definitus est, & secundum eam definitionem, totis deinde Physicis tractatus: & tamen ineptia hominum etiam Physicam profitentium reperientur, quæ publicis scholis persuadeant, motum aliàs, tanquam à Geometris magnitudinem, sic à Physicis abstrahi, & à natura ipsa naturam sejungi? aliàs in natura & re ipsa cōsiderari? Quare Theologi nostri, considerate, quibus fundamentis scholasticam theologiam fundatam tenetis; & quàm miserabile sit, religionis auctoritatem à talibus sophismatis repetere.

IN CAP. VI.

Sed adhuc é qualitatibus moventis duæ fuerunt, quód
 primum, quód immobile: duæ supersunt hoc capite,
 quód æternum, quód unum. sed æternitas ipsa, quali-
 tas est primatia, ut in motu antea singularis præcipueque
 disputata. Æternitas in motu falsa fuit, & falsis argumen-
 tis inducta. Æternitas in Deo movente, vera quidem illa
 est: sed tamen argumento falso ab Aristotele concluditur:
 Motus est æternus: ergo & movens primum est æternum.
 At, inquam, antecedens de physico motu esse falsum, do-
 cuimus. Et tamen in hac thesi subest etiam illa cavillatio,
 quód Deus ab Aristotele non appellatur ipso Dei nomine,
 sed primum movens. At, inquam, Deus fuit Deus, ante-
 quam Aristotelico motu & physico mundum moveret:
 neque Dei æternitas isto motu metienda est: & si Aristot-
 eles primum movens non intelligit, nisi physico actu
 movens, non minús thesis ista impia est, quàm thesios
 probatio. Sed tamen ad reliqua pergamus: Quid tum
 postea? Aristoteles in initio quendam physicum despiciit, qui
 æternum his argumentis asseribat: Neque movetur, ne-
 que movet: ergo æternum est. item, Est aliquando, & ali-
 quando non est sine ortu, & interitu: ergo æternum ἐν
 πρὸς τὸν νῦν λόγον, nihil ad presentem rationem, ait Aristo-
 teles: quia punctum, & forma rei physica, sic æterna essent.
 at forma tamen omnis ejusmodi esse non potest. Rejectis
 igitur his elenchis, & alieni & inconsequentis, repetitur il-
 lud argumentum, & plenius concluditur: Si motus sit æ-
 ternus, movens primum est æternum: quia perpetui mo-
 tus causa non potest esse, nisi perpetua: at motum æter-
 num esse, docent ortus rerum & interitus perpetui: pri-
 mum igitur movens, est æternum. Hæc summa est Ari-
 stotelez rationis, propositione constans, assumptione falsa
 & impia, ut dixi: neque enim ortus rerum vel interitus
 sempiterni sunt, & πλάσμα Aristotelis illud est, ac sine so-
 lido argumento, ἄλογον ἀξίωμα. Sed tamen Aristotelis ad
 hanc assumptionem disputatio valde spinosa est. Statuit e-
 nim, quód seipsum movens sit magnitudine præditum:
 quia nihil impartibile moveatur. primum disseruit an-
 tea, nihil moveri à seipso: & impartibile suos etiam mo-

tus habere potest, ut animus, ut Deus, quemadmodum
 „ jam disseui. Movens tamen, potest esse impartibile, ait.
 At, inquam, ut movens, sic & mobile, impartibile esse po-
 test: ut naturalis forma. Tum assumptionis prosyllogismus
 ille (quod æterni causa sit æterna) valde obscurè traduci-
 „ tur. Quamvis sint decies millena principia immobilium
 „ quidem, sed moventium, & quamlibet è seipsa moventi-
 „ bus multa, quæ tum intereant, tum nascantur: nihilomi-
 „ nus esse necesse est aliquid, quod suo complexu contineat:
 „ idque extra res singulas, quod causa sit, ut alia quidem
 „ sint, alia non sint: authorque sit perpetuæ mutationis, i-
 „ psūq; aliis, aliaque ipsa cæteris causam motus afferant.
 quæ postrema, sequentium capitum disputationi de con-
 tinuitate, parū convenient: ubi disseret Aristoteles, con-
 tiguorū vel deinceps-positorum moventium mobiliumq;
 non esse continuum motum. Sed tamen ratiocinatio de
 moventis primi æternitate ita cōcluditur, ut Physicus per-
 suadeat hominum generi, movens primum æternum es-
 se: quia motus physicus & sensilis, æternus sit. Hæc sacra est
 Aristotelis theologia, per quam Deo commodè accidit,
 quod sensibus nostris res sensiles & palpabiles effecerit:
 alioqui sine motu illo, Deus Aristoteli futurus non erat
 Deus. Aristoteles magnitudinem sine sensu perceptibi-
 lem putat esse: Deum sine physico motu non arbitrat.
 Tanto Physici iudicio purior magnitudo sit, quàm Deus.
 Atque hæc æternitatis est demonstratio: Sequitur de uni-
 „ tate primi movētis disputatio brevior, quod primum mo-
 „ vens sit unum, aut multa: sed unum potiūs, & è multis fi-
 „ nita potiūs, quàm infinita: quia cæteris paribus, finita infi-
 „ nitis optabiliora sint: in iis enim quæ naturā constant, fi-
 „ nitum & melius (si fieri potest) potiūs est assumendum.
 „ Satis autem unum fecerit, quod cū immobile & æter-
 „ num sit, erit proximis principium motus, proximaque se-
 „ cundis, & sic deinceps. quæ rursus consequenti continui-
 tati, ut superiora illa, repugnabunt. Attamen unitas mo-
 ventis primi, ea simplicitate à Physico exponitur: & æter-
 nitatem præstaret ita expositam esse; ne veritas illustis
 sordido mendacio pollueretur. Verumtamen, & Physi-
 ci interpretes, primum Physicum recordamini, & cum
 octavo

octavo comparate. Disputaverat primo illo Physico no-
 ster Physicus, non esse principium unum & immobile: in
 eoq; Melissum & Parmenidem actione acri ac vehemēti
 accusarat, tanquam sophistas omni Logica & argumenti
 & argumentationis destitutos: At jam mutata voluntate
 mutatoq; iudicio, factus est orator noster, illius causæ pa-
 tronus acrior ac vehementior. Ergo tandem Melissi Par-
 menidisq; principium immobile & unicum approbatur:
 fons in cæteris entibus & origo motus omnis. Ergo ista
 est Aristotelis theologia captiosè in antiquis philosophis
 sprete & contemta, malitiosèque in aliam philosophiam
 rejecta. Sed de hac te iterum postea. Reliqua pars capi-
 tis, tautologias absurdas habet, primò absurdissimæ parti-
 tionis illius dodecaedrae, ad tertium caput propositæ: un-
 de tamen non concluditur thesis proposita, primum mo-
 vens æternum esse: sed sumitur sine partitionis huius ar-
 gumento, quòd unum principium sit immobile: quæ the-
 sis erat quinti capitis. Secunda tautologia est thesios illi-
 us ad secundum caput disputatæ, Utrum animalia per se
 moveantur. Moventur (ait Physicus) à seipsis secundum
 locum. attamen plerique sunt physici animalis motus,
 quibus animal nequaquam à seipso moveatur, ut accre-
 tio, diminutio, respiratio. Horum verò causâ est com-
 prehensens, & pleraque ingredientium, ut alimentum:
 quod dum concoquitur, dormiunt animalia: dum dige-
 ritur ac distribuitur, excitant & movent seipsa, sed primo
 principio externo. Hic τὸ πρῶτον iteratur ab Aristotele,
 ut antea. Atque ex iis argumentis, videlicet aptissimis,
 concluditur, primum movens æternum esse. Tertia tau-
 tologia est é quinto capite, quòd motus per accidens, non
 sit æternus: quod falsum jam putat Aristoteles in planetis,
 qui per accidens à primo mobili moveantur, motu ta-
 men æterno. Itaque tautologia ejusmodi triplex, partem
 capitis huius præcipuam suis nugis referfit. Disseritur
 tamen ad extremum, non solùm primum movens, sed
 primum mobile, æternum esse: quia primus motor sit æ-
 ternus, generatioque & corruptio rerum æterna: quæ non
 esset, nisi primum mobile contrariis & locis & affectioni-
 bus contrarios quoq; motus efficeret. Hæc decimo capiti

hujus libri non satis convenient. Sed tamen, heus Physice, non magni videris æternitatem primi mobilis æstimare, qui tantuli addixeris. Etenim qualis est illa conclusio? primum movens est æternum: ergo primum mobile æternum est. Hoc enim syllogismo judicioque tuo, quid æternum non facias? Cælum est tuo judicio æternum: ergo judicio eodem, mota à cælo sunt æterna: ergo plantæ, pecudes, homines æterni: physica denique omnia æterna: nulla generatio, nulla corruptio: eam tamen Physicam minime omnium, Physice noster, approbaveris: quam totam doces esse mortalium & corruptibilium rerum. Quamobrem primi mobilis, adeoque & mundi æternitas, Aristotelis paralogismo ridiculo concluditur: Primum movens est æternum: fateor, inquam: Ergo primum mobile æternum. Hanc verò complexionem pernego; concludoque capitis sexti thesin veram piamque esse, Movens primum esse æternum; sed argumenta æternitatis, falsa atque impia; unde falsa atque impia conclusio ad primi mobilis æternitatem deducitur.

I N C A P. VII.

† *aliquid*

VErum tamen movens est † aliquid primum, immobile, æternum, unum. Quid deinde? Physicus noster tribus reliquis capitibus, theologiam suam de movente primo est oblitus, revertitur ad æternitatem motus: & é quinque capitibus ad motus æternitatem spectantibus, duo prima fuerunt: tria tandem rursus erunt proxima. Itaque Physicus noster, tanquam disputarit, speciem aliquam motus æternam esse, non autem genus ipsum motus æternum; dislerit capitibus septimo, octavo, nono, lationem conversionis, illum ipsum æternum motum esse. Caput igitur septimum in quæstione duplici occupatur: Latio, est motuum prima: Latio, sola est cōtinua. prior
 » pauló latiús agitur, quód latio cæteris motibus præstet at-
 » que excellat. Nam cū tres sint motus, in quantitate,
 » qualitate, loco: latio, alterationem præcedit: nec alterari
 » res potest, nisi alterans loco propiús accedat: Alteratio au-
 » tem accretionem præcedit: quia res augetur simili aut dis-
 » simili, quæ sunt qualitatis. Atque hîc interea densitas & ra-
 » ritas,

ritas, efficiuntur principes physici corporis qualitates: unde grave, leve, molle, durum, calidum, frigidum, oriuntur: & sic 4. cap. 1. Phys. prima qualitatum physicarum oppositio tributa est densitati & raritati. quod Physicæ magnum quoddam principium est, magno opereque considerandum. Optica verò quæ post Geometriam prima in res physicas ingreditur, lucem & colorem, indeque densitatem & raritatem contemplatur: grave, leve, calidum, frigidum, humidum, siccum nihil contemplatur. Hoc minime dubium argumentum sit, densitatem & raritatem qualitates esse priores, gravi, levi, calido, frigido, humido, sicco. Sed lationis principatum ita confirmat Aristoteles, argumento levissimo, cuius contrarium perinde probabile sit. Sed tamen eam persuasionem Physicus plenius aggreditur, tripartita *prioris* significatione: quod prius dicatur consequentia, tempore, essentia seu natura. Hic enim Aristoteli κατ' ἐστίαν primū, deinde τῇ φύσει, pro eodem est. De partitionis hujus inconstantia, in Logicis ad caput de methodo à nobis dictum est amplius, ne quid huc repetatur. Latio igitur (ait Aristoteles) prima est secundū consequentiam: quia si sit accretio diminutiove, si sit alteratio; est latio; non contrā. At tautologia hæc inanis est, é primo illo argumento. deinde est prima secundū tempus, ob eandem primi argumenti causam. At hoc argumentum etiam falsum est: neque magis latio cæteros motus antecedit tempore, quā consequentiā. Atque hic Aristoteles objicit sibi, antè rem genitam esse, quā loco moveatur: sed respondet, quod genitor, loco antè motus sit. Verumtamen, inquam, genitor iste antè genitus est, quā loco moveretur: & essentiam prius fuisse natura fert, quā essentia quicquam é loco acciderit. Subiectum equi suis accidentibus est prius λέγω, γινώσκω, χρὸνῳ, φύσει, ratione, notione, tempore, naturā, ut Aristoteles ipse ait 11. cap. 7. Phil. Quare prolepsis ista, totum thesophisma prodidit. Sed pars divisionis reliqua magis est animadvertenda, quod latio sit prima secundū essentiam & naturam. Omnino autem videtur (ait Physicus) † quod sit imperfectum, & ire ad principium: itaque posterius ortu, naturā prius est: Latio autem, est ortu

† quod generatur, esse imperfectū

- 23 postrema omnium motuum : itaque é viventibus pleraque
 24 immobilia sunt loco, propter instrumenti defectum, ut
 25 plantæ & pleraque animalium genera: Quare latio est se-
 26 cundúm essentiam & naturam prima. Hic syllogismus est
 Aristotelis, partibus omnibus valde præceps & lubricus :
 Itaque consistamus in singulis. Thesis est de principatu
 motuum : attributus autem est lationi ; quia prima esset,
 consequentiâ & tempore. quod utrumque falsum esse di-
 ximus : nunc attribuitur, quia prima sit secundúm essen-
 tiam ; ortuque posterius, sit naturâ & essentiâ prius. Ve-
 rum in Categoriis, τῇ φύσιν καὶ τῇ αἰτίᾳ idem fuit. quod
 si nunc Aristoteles intelligat, faller: Nec enim speciale ge-
 neralibus, sed generale specialibus causâ prius est : & ge-
 neralia anté gignuntur. Sin Aristoteles intelligat essen-
 tiam pro excellentia quadam compluriû differentiarum ;
 species quidem sic erit prior genere, quia generis essen-
 tiam una differentia superat : & sic á Porphyrio definitur
 differentia, qua genus superatur á specie : & 6. cap. 1. Phil.
 Alexander sic interpretatur, ortu posterius, naturâ prius
 esse : imó Aristoteles ipse 8. cap. 9. Metaphys. hoc idem a-
 xioma (Ortu posteriora, priora esse naturâ) interpretatur
 perfectiora & absolutiora : ut virum puero. Ergo postre-
 ma ista prioris specie, Aristoteles superiora duosophsma-
 ta refutabit ; lationem neque consequentiâ, neque tem-
 pore primam esse, cüm ortu temporeque postrema sit. O
 Penelopeam philosophi telam ! Partitionis duæ partes,
 primâ & altera, validis argumentis cõtexusuntur : lationem,
 consequentiâ & tempore, cæteris motibus priorem esse :
 tertia pars ad extremum retexit omnia : latio est prior es-
 sentiâ, quia posterior est ortu : Ergo, inquam, neque conse-
 quentiâ, neque tempore prior est. Addit Aristoteles ad
 23 extremum, latione substantiam nihil mutari, cæteris mo-
 24 tibus mutari : Ideoque lationem præstare. imó veró to-
 25 tum contra est : Minús movet essentiam : Ergo minús
 26 motus est. Addit etiam illud, proprié motum dici seipsa
 27 moventium, qualis est latio sola. At Aristoteles antea dis-
 seruit 2. cap. 3. Phys. lationis verbum improprium esse, &
 tantúm valere in rebus inanimatis : & sæpe aliás docuit,
 & seipso nihil moveri. Itaque tota thesis ista de principatu
 latio-

lacionis supra motus reliquos, vanitatis ridicula: plena deprehenditur. Altera capitis hujus quaestio brevius explicatur, Quod latio sola sit continua: cum terminis oppositis (ut caeteri motus) minimè contineatur. † Etenim, † *Arenim* inquam, positis duobus diametri in circulo punctis, motus ab iis per eundem semicirculum oppositi erunt. Nam & Physicus ipse ait deinde nil referre, quo genere oppositionis oppositi sint termini, seu adversi, seu contradicentes vel privantes, seu idem etiam pluribus opponatur: modò diversa oppositionis specie, ut motus motui adversus, motus quieti oppositus, ut habitus privationi: satis esse denique, quòd simul esse non possint. At, inquam, motus è punctis in semicirculo diametri, simul esse non possunt; alterque alterum tollat, atque evertat, necesse est. Quapropter continuitas lacionis tam sophisticè asseritur, quam assertus est ille principatus lacionis supra motus reliquos.

I N C A P. VIII.

Sed tamen generaliter disputatum est de continuitate lacionis, specialiter deinceps agitur de continuitate conversionis: Latio, est motuum prima: Latio, est sola continua, caput septimum fuit. Quænam igitur latio? utrùm recta, an circularis, an ex iis mista? Sic enim trifariam Aristoteles partitur. Elegantius autem partitus esset bifariam in lationem simplicem & mistam: Simplicem, rectam & circularem. Sed tamen prætereatur hic elenchus: de mista latione (ait) non est quaerendum, nisi de simplicibus antè constiterit. Recta autem latio non potest esse continua. quid ita? nonne curfus Herculis in stadio rectus & continuus esse potest? At dices, continuus pro perpetuo atque æterno intelligitur. Verùm, inquam, Aristoteles id oratione sua non exprimit: Sed tamen cur motus rectus non potest esse continuus seu æternus? quia (respondet Physicus) motus rectus continuatus reflecteretur contrariis motibus, inter quos intermediæ quietis tempus aliquod intercedere necesse sit. Itaque continuus non esset. At, inquam, generationes rerum æternas arbitraris esse, neq; isto interjectæ quietis tempore interru-

ptas, quominus perpetuæ sint atque æternæ. sextoque capite longè alia Physica fuit de perpetuo continuoque motu, quo movens primum, aliis causam motus affert, aliaque ipsa rursus aliis: item movens primum, immobile, æternum, est proximis principium motus, proximaque ipsa secundis: Ergo continuus, id est perpetuus atque æternus, Aristotelis iudicio, motus est tamen, etiam non conversionis, non lationis. Est autem Logica Aristotelis sex totis in hoc continuitatis argumentum paginis mirificè continuata. Initiò repetuntur contrarietates loci, sursum, deorsum, prorsum, † rursus, † dextrorsum, sinistrorsum: quæ antea 4. cap. 3. Phys. fuerunt dictæ species & differentiæ, & 1. cap. 4. Phys. partes & species. Repetitur tripartita illa partitio de rebus in motu necessariis, sed aliter. Hic enim tria requiruntur, mobile, tempus, locus. At 5. c. 6. tria illa fuerunt, mobile, tempus, instrumentum. Deinde verò digressio est in Zenonis sophismata: Quod motus ex quietibus videretur componi: Quod infinita media tempore finito pertransiri non possunt: Quod idem videretur esse & non ens & ens: in iisque argutandis tres totæ paginae consumuntur. Enimvero Aristoteli sophistarum artes instruendi, sapiente viro dignum quoque visum est, nihil ignorare: & verisimile est, istam sapientiæ laudem, nugas istas argutanti propositam fuisse. Sed per musas omnes cuiusque sapientiæ præfides, quantò laudabilius fuerit, fatuas res atque ineptas ignorasse? quantò etiam gloriosius fuerit, nunquam proposuisse? nunquam publicasse? imò sempiternam oblivione contrivisse, ne quisquam his tricis apinisque vitæ virtuti aliòqui & sapientiæ natam consumeret? At quoties sophismata ista Zenonis Aristoteli redeunt in mentem? *διχολομία* enim illa fuit 3. cap. 1. Phys. deinde 1. & 5. cap. 4. Phys. tum nonum caput integrum sexti Physici. Ita sexto loco, Zenonis eadem Physica tam bella Physico nostro, tamque chara, perspicitur. Zeno autem ille, Zenones, nescio quot antè seculis, cheu, quàm Zenonios in omnibus artibus tandem peperit? Quæstionarii à suis, magni nominis ergò, appellati sunt, & tanta in his sophismatis educatorum hominum pertinacia defensi, ut in Academia Parisiensi ipsam Palladis arcem adhuc

occupent. Sed de iis procerum Patifienfis Academiae factis: Redeamus ad Aristotelem, qui sophismatis istis Zenonis occupatus, ait: Non possibile est, in tempora individua “
dividi tempus. Hæc denique Aristoteli sapientia restabat ad Zenonis sapientiam exæquandum. Verum satis insana illa infinitas antè refutata est: ab iis sophismatis abeamus: regrediamur ab ista digressionem. Continuaturs refutatio continuatæ reflexionis: † qua cõponitur é contrariis motibus intermediæ quietis spatium admittentibus. Atqui, inquam, est non modò reflexio nulla perpetua, sed nulla omnino mutatio: Id enim est quod Platoni contra te probatur: & antea omnia æternitatis tuæ argumenta refutata sunt. † *que*

IN CAP. IX.

Veruntamen latior sola est continua, quia sola nõ continetur contrariis terminis, differuit caput septimũ: conversio sola est continua, quia reflexio non est continua, differuit caput octavum. Quid deinde? Continuaturs quæstio de continuitate conversionis, & argumentis & testimoniis. Agedum, singula auscultemus, quæ nobis conversionis sola sit continua. primum est, quòd sola contrariis terminis non contineatur. At, inquam, tautologia hæc inanis est é superiore capite: & jam antea refutata. Ex hoc autem primo argumento, digressio est in errorem Physicorum, omnia sensilia semper moveri affirmantium: Verum errant; ἔδ' ἐν γὰρ πρὸς τὸν νῦν λόγον. Perge ad secundum argumentum. Simplicius (ait Physicus) & perfectius, est prius τῇ φύσει, καὶ λόγῳ, καὶ χρόνῳ, naturâ, & ratione, & tempore. Peripheria autem simplicior & perfectior est primò, quàm mistum é recto & rotundo: quia peripheria, pars est misti. deinde quàm rectum, quia illa perpetuum motum & infinitum capere potest, rectum non potest, ne reflexione quidem. in peripheria nihil primum, nihil medium, nil extremum: quæ omnia sunt in recta. Quare peripheria rectam præcedit. At, inquam, si vera esset ista ratiocinatio, attamen ἔδ' ἐν πρὸς τὸν νῦν λόγον. quia non agitur de principatu motuum: hæc enim thesis fuit septimi capitis: sed utrùm conversio sola sit continua: & tamen hoc etiam argumentum falsum est. Etenim propositio illa

qualis est? perfectum esse prius naturâ & tempore, falsa omnino est. Omnia siquidem quæ naturâ constant, à parvis initiis profecta, paulatim augentur, tandemque perfectionem & absolutionem assequuntur. Assumptio autem qualis item est? periphæria est simplicior & perfectior, quàm linea mixta è recto & rotundo: quia pars simplicior quidem est hoc argumento, non perfectior: deinde simplicior & perfectior, quàm recta, quia infinitum motum capere potest. At, inquam, hoc argumentum quæstionem petit: deinde falsum id etiam est. Infinitum enim in motu nihil esse patuit: & tamen rectum prius esse rotundo, unum argumentum Aristotelem manifestissimè convincit: quia rotundum sit ope recti, non contrâ: periphæria enim, conversione rectæ: sphæra, conversione semicirculi efficitur. Est rotundum: ergo rectum præcessit, unde factum est, non contrâ. Hoc argumentum Aristoteli propositum esse debuit: quod in eadem quæstione Proclo in rectæ definitione propositum fuit: & tamen Platoni & Ptolemæo, rotundum *πολυγωνία* est: imò verò Aristoteli 8. c. 3. de Cælo, & *πολυγωνία, ἀλλ' ὀληγωνία*. Tum verò falsum est, in rotundo nihil esse primum, nil medium, nil summum, qualia sunt in recto: sed uno cetro omnia hæc contineri. Nam, inquam, si basis vertexq; diametro designetur, principium finisque apparebit: vel si aliter, dextram sinistramque diameter effecerit, principium finemq; effecerit: quomodo geographi longitudinem rotundæ terræ metiuntur. atque id etiam Aristoteles postea 10. c. confirmabit. Quare geometria hæc valde *ἀγνώμης* appareat: quin Aristoteles ipse 10. c. 3. Phys. in rotundo principia duo reperiet, & appellabit medium & circulum, id est extremum: totaq; hæc argumentatio, ad probandum, rotundū simplicius esse recto, fallax & sophistica est. Atq; hoc tamen (ut dixi) secundum tam multiplex argumentum, de simplicitate recti & rotundi, nihil ad thesin continuitatis attinet. Sed Physicus redit ad problema, & tertium, de conversionis continuitate argumentum profert:

» Conversio, est mensura motuum: ergo prima motuum; &
 » vicissim, quia prima motuum, ideo mensura. At, inquam,
 » non jam de principatu, sed de continuitate certatur: Latio, men-

tio, mensura temporis illa quidem est, ut antea dixi: tem-
 pus non est: nec tamen quia mensura sit, prima est. Nam
 peripheria Solis, est mensura lationis etiam primæ, neque
 tamen prima. Argumentum quartum simile est: Conver-
 sio est æquabilis, & sui semper similis: latio recta tardior
 initio, velocior in fine est, neque æquabilitatem hanc
 retinere potest. At, inquam, recta & peripheria, æquabiles
 quidem sunt: sed recta tamen æquabilitate ista prior; &
 tam æquabilis cursus in stadio rectus esse possit, quàm
 conversus in circo á carceribus per metam ad ipsos carce-
 res. Sententia autem Aristotelis de recti motus anomalia
 (ut hic Aristoteles ipse loquitur) quosdam commovit, ut
 in motu ejusmodi geometricam progressionem statue-
 rent. Sed hac de re aliás. Præsentem quæstionem conclu-
 do. Quatuor Aristotelis argumenta nihil agunt. Quare
 tota ista peripheriæ supra rectam excellentia commentiti-
 a est. & tamen prior esto peripheria: quid tum? ἐδὲν γὰρ
 πρὶς τὸν νοῦ λόγον. Neque principatus iste continuitatem
 propositam coarguit. Ergo quatuor his argumentis, soli
 conversioni continuïtas sophisticè & captiosè vindicatur.
 Quid deinde? testimonia omnium physiologorum, qui
 de motu unquam præceperint, principatum lationi tribu-
 entium, proferuntur: διακρίσεις καὶ συγκρίσεις Empedoclis
 & Anaxagoræ, sunt lationes: sic enim movent amicitia &
 discordia: sic mens movet & exornat mūdum: Sic Demo-
 critus & Leucippus naturam per vacuū moveri ajunt, cre-
 scereque & decrescere, copularis aut segregatis atomis: Sic
 Physici omnes, qui densitate & raritate ortum rerum in-
 reritumque efficiunt: Sic Plato, animæ principium motus
 attribuens, animalia omninoque animata, τὴν κατὰ τόπον
 αὐτοκίνησιν, secundum locum ipso motu moveri existi-
 mat. Et propriè verò simpliciterque secundum locum mo-
 tus dicitur: accretio, diminutio, alteratio, modo quodam
 non propriè simpliciterque motus dicatur. Hæc testimo-
 nia ad istam causam ita proferuntur ab Aristotele, ma-
 gnam quidem partem subornata confictaq; fide quidem
 ac religione eadem, qua diximus antea tales persuasiones
 ab oratore isto comparari. Neq; tamen testes isti loquun-
 tur id, quod eos loqui Physicus noster ait: & si loqueren-

tur, lationem motuum primam esse: nihil tamen Aristotelis causæ prodesse: ἔδὲν γὰρ πρὸς τὸν νῦν λόγον. Quæstio nunc est, Utrûm sola conversio sit continua æternaque. Omnes (ais) Physici uno ore testificantur, lationem motuum esse primam. Tuum, inquam, problema tibi non est ejusmodi nono capite propositum: septimo capite thesisi illa tibi fuerat, lationem, motuum primam esse: illuc istos testes comparare debui. Totus octavus liber, nil nisi æternitates crepat, ut sextus infinitates crepuit: motum æternum, non tamen quemlibet, sed lationem: neque tamen lationem quamlibet, sed conversionem. at conversio æterna, nulla demonstratur. Quamobrem si quis Empedocles, si quis Zeno ab Aristotele de tantis sophismatis argueretur; quos cachinnos Porphyrius, Proclus, Simplicius tollent? νοερώς καὶ θείως exclamarent, hæc ab Aristotele disputari. At Christianorum viles animæ, Grammatici ignari fustuarium meriti videantur, si de tantis Aristotelis, tamque importunis flagitiis Aristoteleos admoneant. Aristoteles amentes antea dixit esse, qui dicerent omnia moveri: equidem qui ista commentorum portenta doceat, quomodo appellandus sit, ab eodem libenter audierim.

I N C A P. X.

A Gedum, quinque capita, motus æternitatem dissecuerunt, motum esse æternum: errare, qui non putent æternum: motumque æternum, non quemlibet, continuum, sed lationem: neque lationem quamlibet, sed conversionem. Caput unum superest de movētis ultima qualitàte, Quod sit sine parte, sine magnitudine. In quo mirabere quatuor totis paginis res tam varias, tamque a quæstione alienas a Physico congregari: vix unquam dissolutior adhuc Physicus noster apparuerit. Problema ipsum per se ridiculum est, quærere, Utrûm Deus partem & magnitudinem habeat: cûm forma quælibet non modò divina & æterna, partis & magnitudinis sit expers: sed tamē ad istam demonstrationem, prælonga antè tela contextitur trium theorematum: item quæstionis prælongæ, quomodo à seipsis non mota moveantur: tum quicquid varii

varii generis variarum. Eheu (dices) quantus & quàm in-
 anis labor? Sané. & tamē quoniam hætenus pervenimus,
 hic etiam labor nobis est devorandus. Theorema pri-
 mum est, Finitum non movet infinito tempore. Recté
 est: & pro isto theoremate magnam etiam habeo Physico
 gratiam. Etenim Physice *φυσικώτατε*, cælum est finitum,
 & magnitudine finita vestitum, ut tertio in libro de infi-
 nito disputans, nos docuisti: Ergo non movet cætera sibi
 subjecta infinito tempore. Vides quomodo isto verissimo
 theoremate, tota superior acroasis de mundi æternitate
 subvertatur? Atque hic interea tria in motu requiruntur,
 motum, movens, tempus. Verum constantia Physici no-
 stri hac in re prorsus est admirabilis. Nam 1. cap. 5. Phys.
 quinque requirebantur, movens, mobile, tempus, termi-
 nus à quo, terminus ad quem: Deinde 5. cap. 6. tria, mobi-
 le, movens instrumentum: tandem 8. cap. 8. tria rursus alia,
 mobile, tempus, locus: & tamen in hoc Philosopho, varietas
 & inconstantia. Ammonii & Simplicii constantia e-
 rit summa. Perge: dic alterum theorema: Finiti poten-
 tia non est infinita, ait Physicus. At, inquam, hic etiam gra-
 tiam habeo aliam: theorema hoc secundum, etiam autho-
 rem suum conficiet, & Platonem ab Aristotele vindicabit.
 Assumatur enim: At cælum finitum est. tum concludatur,
 Igitur non est infinitæ potentia: neque ideo sempiterno
 rerum ortui corruptionique sufficiet. O Philosophum ele-
 gantem & lepidum! Quoties jam monui, singularia Ari-
 stotelis esse beneficia, quod acroasin tam infinitis sophi-
 smatis obrutam planèque sepultam excitemus & vindice-
 mus? Ecquid Ammonius, Porphyrius, Proclus, Simplicius,
 ad hæc epicheremata nostra respondeant? probra & con-
 tumelias obijciēt, ut Grammatico similiter Aristoteleam
 impietatem refellenti objecerunt: dicent, infinitam po-
 tentiam ambiguè intelligi, actione & passione: infinitam
 potentiam in Deo dici actione, in cælo passione: quia De-
 us infinitè agere, cælum infinitè pati possit. Enimvero
 Grammaticus isto loco Chamæleontem Aristotelem no-
 minabat. At interpretes istos justiore nominis hujus titu-
 lo dixerim, qui colore isto tam nebuloso aciem nostram
 præstringere conentur. Verum Simplicii simplicissime,

quid isto loco Grammaticum ut ignarum & impium calumniaris? Cælum (ais) infinitè pati potest, & moveri, nihil agere, nil movere. At, inquam, longè secus sexto capite duobus locis locutus es, quòd cælum à primo movente quidem moveatur, sed ipsum motum moveat, deinde alia: item quòd contrariis & locis & affectionibus contrarios motus efficiat: sic 6. cap. 8. Physici, antea docuit Aristoteles, primū mobile æternum esse, non solum quia moveretur ab æterno movente, sed quia moveat res sibi subjectas, unde ortus rerum futuri existunt. Sic antea Sol & homo generarūt hominem: sic postea locis sexcentis docebitur, omnia cælo subjecta, à cælo autore & tanquam parente procreari. Verum Astrologi fortasse Simplicio succurrent, & negabunt, ullam in cælo & astris *ἐνέργειαν*, ullam actionis potètiā esse. Sed heus Aristotelē, quid ista potètiæ activæ & passivæ distinctione efficitis? Si cæli potètia, passionis tantum esset; multo celerius faciliusque corrumpereur, quàm si esset actionis. Etenim sic paulò post Aristoteles primo moventi suam æternitatem conservat, quia moveat tantum, non etiam moveatur. Idque *ἄπρῳον* & sine labore esse ait. Itaque si interpretes Aristotelis verum distinctione sua repererint, interitum cælo, non æternitatem afferent. Ecquid istis interpretibus tam desperatis facias? Perge ad tertium theoremata: Infiniti potètia non est finita. Verum, inquam, & tria theoremata unico theoremate melius instituerentur: Finiti potètia est finita: unde sequeretur, infiniti potètiā esse infinitam: non autem finiti infinitam, neque infiniti finitam. Interea verò Aristoteles theorematum istorum demonstratio, abecedariis exemplis singularis est. In tertii autem theorematis demonstratione exemplum est non prætermittendum. Si enim in aliquo tanta potètia, major in minore quidem fuerit, sed definito tempore secundum cōversionem proportionis. Hæc autem proportio eadem . c. r. de Cælo, ἡ ἀναλογία ἀνάπαιον dicitur, κατὰ τὴν ἀντιστροφὴν ἀναλογίας. Eadem 2. d. 5. elementorum, nomine reciprocationis definitur. Verum adhuc tria Aristotelis theoremata fuerunt: thesis de primo motore impartibili nihil adhuc disputatur, ad quam è tribus theorematis primum

& secundum

& secundum utrunque referentur, tertium ne appellabitur quidem: & tamen tota hæc tria theoremata, de infinito tempore, infinitaque potentia, ad quaestionem magnitudinis sophistico & ambiguo sensu referuntur; cum in magnitudine finitio & infinitio ad extensionem cōtinuitatis attineant, quæ in tempore & potentia nulla est: ut Aristoteles antea nos docuit: magnitudinem esse per se cōtinuam, motum per magnitudinem, tempus per motum. Agedum, acroasis proxima audiat. Inseritur quaestio, Quomodo non-mota à seipsis moveantur: ut projecta nempe. Quorsum, inquam, ista quaestio, aut quid ad problema de moventis primi æternique magnitudine? His enim tam putidis sophisnatis equidem non succedere diutius nequeo: temere sine ulla quaestionis causa, tot nugæ aggregari undique, ecquis non caudex ac stipes æquo animo ferat? Perge tamen, quid deinde? Solutio Platonis (ut hic quidam interpretes ajunt) rejicitur, quod projectum ideo moveatur, quia simul motor primus moveat aliquid, ut aërem, qui motus deinde projectum moveat. Interpretes autem locum Platonis proferre debuerant. Hæc igitur attributam Platoni Physicæ sic Aristoteles refellit: Si simul utrumque fieret; remoto motore primo, cessaret motus. quare solutio hæc improbatur, aliaque deinde Aristoteli probabilior solutio explicatur, Projectum moveri, quia à primo movente vis quædam imprimatur mobili proximo; quod motum, moveat secundum: idq; fiat non simul, sed deinceps in reliquo projectionis motu, hætenus durante, dum vis impressa defierit: attamen hic motus, quamvis appareat, non est continuus, ait Physicus: propter diversitatem mobilium contiguorum, aut deinceps posteriorum: quæ sexto capiti non conveniunt, ut dixi, talemque motum fieri in aëre vel in aqua, quem quidam antiperistasin nominant. Sed tamen antiperistasin (quam 8. cap. 4. probare videbatur Aristoteles, quamque 2. cap. 7. Phys. in projectionis motu præterit) videtur Aristoteles improbare, quia simul faciat omnia moveri & movere. quæ solutio illa Platonis esset, imò quæ Platoni ab Alexandro attribuitur, sed falsò; ut Simplicius è Platonis *Timæo*, docet: & tamen ut 8. cap. 4. 2. capite 7. jam dictum

est, ἀντιπερίστασις ista etiā Aristotelea est; tam vaga, tamque volatica hæc doctrina deprehenditur. Quamobrem hanc etiā bellam quæstionem Aristoteles ingenii causa commentus est. Vah! quā festivum & ridiculum philosophum habemus! quæstionem *sil. 4* posuit, quod primum movens nullam magnitudinem habeat: hanc obliviscitur: quicquid in buccā venerit, eloquitur ad rem, præter rem, nihil laborat. Verū logicis legibus solutissime ac liberrime Physice, quando tandem res ageretur? Nōdum, inquires: Sed prius primum motum, & continuū, & unum, & ab uno mobili, & unam magnitudinem habente, & ab uno movente intelligi necesse est. Perge, inquam, quid tum postea? Movens primum, quia non movetur, movere perpetuū potest: ἀπὸ τοῦ γὰρ καὶ τὸ ὄντι κινῆν sine labore enim est, sic movere. Atqui, inquam, hæc sacra sunt Aristotelea: theologiæ mysteria, quæ jam sexto capite explicari cœpta sunt, movens primum, esse principium æternū & unum, & immobile, ideoque idoneum ad æternū motum: & nunc, quia movet, immotum; ideoque sic movere, minimè laboriosum videtur. Ista Physico eadem sollicitudo fuit ad 1. cap. 2. de Cælo: sed de cælo quod liberum sit omni difficultate & labore mortali: eadem sollicitudo fuit

„ 8. cap. 9. Metaphys. Astra (inquit) æterno motu non defatigantur: Motus enim ipsis non uti rebus caducis atque mortalibus, per contradictionis potentiam competit, ut motus laboriosa sit ipsa continuatio. Atque hæc æternitatis in movente causa est Aristotelea: Primum movens, est æternū, quia movet, non movetur. Ergo, inquam, si cælum tantū moveatur, non moveat: caducum potius quā æternū fuerit. Verū agite, quid ista æternitas ad magnitudinis quæstionem? problema enim nondum disseritur; primum movens sine parte esse, sine magnitudine. Sanè

„ (inquires) & alia præterea interferenda sunt. Motum primum esse æquabilem, vel solum, vel maximè: quia movens

„ primum nullam mutationem habeat, quale debeat esse

„ primum mobile ab eo ipso motum, ut consimilis sit motus. Hic primo mobili multum tribuitur, ut penè fiat par motori primo: quod utrumque mutationem non habeat. Verū etiam primum mobile Aristoteli erit immobile

| quid

quid enim sibi vult illud, nullam mutationem habere? Equidem sæpe adducor, ut existimem, libris Aristotelis ab aliquo Aristotelis inimico tam absurdas sententias, tamque superioribus ejusdem auctoris sententiis contrarias, intextas esse. At pauló post deruetur aliquid ex isto cumulo. Quid tum postea, postq; aliena tam multa? quæritur primi moventis sedes & tanquam solium. Primum movens est in centro, aut in peripheria, ait Physicus: quia duo illa rotundi principia sunt. In summa autem mundi superficie potius est, quia illic sit motus velocissimus. Atqui, inquam, 9. cap. 8. Physici pauló anté negabat Aristoteles, in rotundo principium, medium, finem ullum esse; quæ (superis gratia) isto loco inventa sunt. Veruntamen, disputator admirande, quando problema tibi propositum disputabis? Habet (ait Physicus) dubitationem, utrúm mobile moveat continué: & tandem respondet idem quod antea, in projectis continuum motum non esse á mobili, sed á movente immobili, quia similiter semper habeat. Ergo, inquam, continuus motus etiam erit non-conversionis; quod Physicus noster seipsum refellendo, tam verbosé antea disseruit. Verúm nunquamne problema illud nostrum cõcludetur? nunquamne de re nobis proposita disseretur, primúm movens esse sine parte, sine magnitudine? Imó (inquires) tandem aliquando, tantóq; brevius, quãtò illa aliena proluxiora fuerút. Ergo jam Physicum nostrum nemo reprehendat, ut obliviosum: quæstionem tandem aggreditur. Definitis igitur his (ait Physicus) manifestum est, primum movens sine magnitudine esse. Si primum movens (ait) magnitudinem habeat, habebit finitam vel infinitam. Sed neq; infinitã habet, quia nulla est, ut antea patuit tertio libro: neq; finitam, quia magnitudo finita infinitam vim habere non potest, neq; movere infinito tempore. Hæc theoremata primúm & secundum fuerunt. Quare primum movens est sine magnitudine. O Logicæ artes penitus oblitum! Ut Deum probares sine magnitudine esse, quod erat (ut dixi) per se clarissimum; tot tibi mazandros, tot alienarum rerum elenchos opus esse dixisti? Verúm in isto syllogismo assumitur infinitas temporis, quæ videlicet quarto & sexto libro antea per sophismata

ta Aristotelis patuit: at non assumitur, quod primum movens habeat infinitam potentiam: neq; usquam diserte exprimitur ab Aristotele in tota acroasi: quod tamen hic præcipuum erat, ut infiniti & motus & temporis causam, potentiâ infinitam cognosceremus. An cum assumit Physicus, primum movens æternum esse, intelligit æternitatis nomine, infinitam potentiam? At sic cælo, & motui, & tempori infinita potentia attribueretur: & quidẽ sexto ante capite, finitû in natura infinito præponi videbatur, ut ne Deo quidem potentia relinqueretur infinita: & sic in sacra primæ philosophiæ theologia dicitur, à Deo non omnia intelligi: quia melius sit quædam non videre, quam videre. Quid igitur? an quod erat in ista demonstratione præcipue preinendû & urgendum (divinam potentiâ infinitam esse) id præcipuè Aristoteles oblitus est? Finitum non movet æterno tempore: Finiti potentia non est infinita: Infiniti potentia non est finita: tribus theorematibus differuit Aristoteles. At infiniti potentiâ esse infinitam, nusquam nominatim dixit: & tamen nisi id obtineat, nō possit eo pervenire, quod velit: neque concludere, primum movens esse sine finita magnitudine: quia finitæ magnitudini opponit infinitam potentiam: quam tamen non demonstrat in primo movente. Veruntamen quænam causâ Physicû nostrum tantopere sollicitavit, ut rem alioqui vulgarem, tam multis rebus ageret? Metus (ni fallor) Socraticæ cicutæ hic aliquis fuit, ne cōtra Joves & Saturnos reliquosq; deos impiè philosophari videretur, si magnitudinẽ illis, proindeque formam hominis eripere videretur: illos nimirum deos ἀνθρωποειδῆς, humana specie & figura hic nullos esse, disputat occultius: quod paulo apertius in Philosophia prima differet: tantò in hoc, plerisque Christianis ethnicus philosophus religiosior, qui etiam Trinitatis (quæ mente vix comprehendatur) figuras oculis corporis aspectabiles in templis collocent. Sed jam perorandi tempus est, & secundam physicę acroasos partem concludendi, in qua equidem quot & qualia philosophi nostri iudicia ad Platonis Physicam refutandum animadversa sint, meminisse horret. Motus tertio physico, triplici definitione vitiosè definitus est, vitiosius in genera quatuor distributus: Atq;

hæc

hæc initiatantum : motus denique infinitas & æternitas, Platonis creatum mūdum oppugnaturæ erant: Itaq; magnitudinis tanquam motui subjectæ infinitas tertio lil ro adornata est, prodigioso illo enigmatæ, magnitudinē eandem parte alterā physicā & finitam, parte altera geometricā, & potentiā divisionis infinitam. Hoc fundamentum fuit universæ contra Platonem oppugnationis. deinde locus & vacuum, adversus Platonis δίαστημα similibus sophismatis instructa sunt: sæpe tamē interea, ex illa magnitudinis infinitate, infinitas & motus & tēporis conclusa est. Ac philosophus tanquam tertii Physici Physicæ minimē confusus, quinto sextoque Physico rursus eandem Physicā repetit. motus non meliūs definitur, sed immutato nomine appellatur ἀντικινήσεως μεταβολή, primisq; ac primariis generibus spoliatur. quinti libri reliqua impedimenta de motus unitate & oppositione, sophisma de logicis rebus habuerunt: tandemque sexto Physico repetita est ex eodem tertio Physico, magnitudinis infinitas, & infinitate perpetui sophismatis obscurata, primū robustiūs & validiūs; tum ex uno illo Lernææ infinitatis capite, quinq; capita nata sunt: infinitas motus, infinitas mobilis, infinitas temporis, infinitas status, infinitas quietis: unde nostri Physici prodiga largitate, rebus omnibus infinitas donata est. Atque hæc prima fuit oppugnatio Platonici mundi, in quo essent omnia finita; & magnitudo, & motus, & mobile, & tēpus, & status, & quies: In Aristoteleo mundo contrā omnia infinita; & magnitudo, & motus, & mobile, & tempus, & status, & quies. Altera videtur oppugnatio septimo & octavo Physicis instrui, in æternitate: ad quam tamen præcipuē, quamvis eō specie quadā referantur, nihil septimus liber totus atinet; sicuti neq; octavi capita tertiū, quartum, ac seré decimum: reliqua verō capita, primū & secundum, quod motus sit æternus, non tamē motus omnis, sed latio: neq; latio omnis, sed cōversio: item, quod movēs sit aliquod primum, & immobile, & unum, & eternū, & sine magnitudine: (Deus naturæ!) quam Logicā habent? non dico quā obscurā partibus nōnullis & spinosam; sed quā horridā totis thesibus, thesismq; argumētis, imō quā bonis animis periculosam!

Etenim quot simplices animos sophismatis istis seductos arbitramur, ut cum Proclo, Porphyrio, Simplicio mundi creationem derideant? Dei erga hominum genus providentiam despiciant? naturam quandam æternam, æterni motus, æterniq; mundi, velut aurigam & agitatricem faciant? sine consilio, sine deliberatione; perenni quodam duntaxat instinctu, non amantiùs hominum, quàm pecudum & arborum generi consulentem. Ita non tantùm doctrinæ humanæ, sed æternæ meliorisque vitæ dispendio, nobilia summi philosophi sophismata in publicis scholis perdiscuntur, summorù hominù summis autoritatibus approbantur: pestes illæ infinitatum atque æternitatu ingenuis distinctionibus leniuntur, quod Aristoteles humanitus sit locutus, Moses Christusq; divinitus. At, inquã, perpetua totis octo Physicis libris Aristotelis sophismata nullo divinæ scripturæ argumento, nulla vel Moysis, vel Christi autoritate pressi vel urfi; philosophum philosophicis duntaxat argumentis convinci: & de naturâ differentem, non naturaliter philosophatum esse docui: nec Aristoteli ferè aliud, quàm Aristotelis sententias aliis in locis veriores, quàm denique summas Aristotelis leges & Aristoteli probatissimas opposui. Ergo ubi doceo, Aristotelē erravisse, doceo erravisse, non quod religioni nostræ repugnet; sed quia logicæ, mathematicæ, physicæ veritati adversetur. Itaque si jam rex Alexander logicis & mathematicis artibus instructus, ex illo splèdido & stellis illustri loco, universæ naturæ partes contemplatus, referret identidem oculos ad Aristotelis auscultationem naturalem, nullam tota universi mundi naturam comprehensarum rerum speciem in totis octo Physicis libris cerneret: chimæricas tantùm nubes phantasmatum variorum, vapores incredibilium, ipsique naturæ repugnantium infinitatum, exhalationes æternitatum veluti centaurorum evanescentium, milleque alios sophismatum fumos intueretur: facilemque Aristoteli veniã dare, de acroamaticis editis: imò lætitiã insperatissimam caperet animo, si repente orto sole discussas oculis præstigias aspiceret. Quamobrè, per Deum naturæ optimum maximum, professores Phisici, estote vobis reges & Alexandri: omittite tantisper conceptam

ptam de summo philosopho opinionem & persuasionem, logicum & liberum iudicium assumite: argumentis argumenta comparate, rebus res opponite: leges illas Aristotelis, omnium in constituendis artibus solidorum iudiciorum magistras ante oculos habete: non multos in octo Physicis contra methodicam legem elenchos offenderitis; offenderitis autem multas contra legem καθ' ὅλας πᾶν ταυτοlogias: contra legem καθ' αὐτὸ heterogenias plures, non modò assumtarum ex aliis artibus rerum, sed perpetuarum reprehensionum: contra legem κατὰ πᾶν, quot & quales elenchorum cumulos offenderitis? Quare commodiores juventuti & fructuosiores artes in posterū proponite. Primum naturæ corpus est in cælo, reliqua deinceps in meteoris, metallis, herbis, arboribus, piscibus, avibus, pecoribus, hominibus. earum rerum physica ingenium est in primis & nobile, ingenuisque & nobilibus ingeniis dignissima. Si natura vel decem Aristoteles uno tempore extulisset, qui logicis legibus instructi, huic conformandæ materiæ sese penitus dedidissent: tamen tanta rerum ubertas copiaque, totas eorum vitas occupare potuisset. Huc igitur ingenia & vigilias convertite: denique missis sophismatis inertibus & ignavis, veram solidamque Physicam capessite.

P. RAMUS TEMPORIS SAUVISSIMÆ TEMPESTATIS, HAEC MEDITABATUR APUD REGIUM CREOLIUM, BERTRANDI MAGDALIENI ET JOANNIS BELLI HOSPITIO LIBERALITER ACCEPTUS, ERUPITAMQUE LODOICI CARBONARI ET JUCUNDAM CONSUETUDINEM NAECTUS, Anno salutis 1562.

INDEX IN

P. RAMI SCHOLA-

RVM PHYSICARVM

LIBROS OCTO.

A Ceretio & diminutio specieslationis 106	quibusdā Aristotelis in- terpretibus nothus visus est 160
Acroamatici libri qui 1	Acroasis bonis animis pe- riculosa 212
Acroamatici libri cur sic di- cti 1	Acroasis nō theologicis ar- gumentis refutata, sed philosophicis convicta ibidem
Acroasis physica cur sic ap- pellata ex Gellio ibid.	Acroaseos anacephaleosis 210
Acroaseos proœmium to- tum logicum 3	Adjuncta sola propriè sunt in subjecto 104
Acroaseos partes duæ, alte- ra de causis, altera de causarum effectis 6	Album mutari in colorem ineptè dictum 126
Acroaseos duo libri primi de causis. ibidem	Alexandri in Aristotelem li- beralitas 2
Acroaseos libri primi pars altera in refutatione, al- tera in cōfirmatione ib.	Alexādi ad Aristotelem e- pistola 1
Acroaseos pars prima de causis peroratur, & in paucis confertur 70, 71, 72	ad Alexandrū Aristotelis responsio 2
Acroaseos pars secūda pro- ponitur & dividitur 73	Alterationē fieri solis quali- tatibus sensibilibus & pa- tibilibus, imprudenter asseveratum 161
Acroaseos liber quintus ter- tii, septimus octavi do- ctrinā totam ferè con- tinet 124	Anaxagoras 19, 164, 175, 203
Acroaseos liber sextus po- test inscribi liber infiniti- tatum 141	Anaxagoræ laus 19
Acroaseos liber septimus	Anaxagoræ sententiæ de re- rum naturalium princi- piis ibidem Anaxa-

SCHOLAS PHYSICAS

Anaxagoræ mixtionē, cha-
os à poetis celebratum
videri ib.

Anaxagoræ mixtionis re-
futatio 20

Anaxagoræ homœome-
riæ reprehensio & con-
taria defensio ibidem

Anaxagoræ materiæ infi-
nitas refutata 21

Anaxagoræ mens 22

Anaxagoræ mens impati-
bilis & impermixta 189

Anaxagoræ mens irrita ab
Aristotele 23 & 90

Anaxagoræ mens collau-
data ab Aristotele 24

Anaximander 18

Anaximenes ibid.

Animal seipsum movet
178, 183, 195

Animal non seipsum mo-
vet 179, 184, 195

Animalium motus multi
sunt ab ambiente 178,
195, multi ab ingredi-
entibus 157

Antigenidæ encomium de
Platone 171

Antimetastasis locatorum
100, 102, 103, 105, 106,

Antiperistasis 114 (107

Antiphōis tetragonism⁹ 6

Apelliconis tinea 5

Archimedis liber de mo-
mentis æqualibus 187

Aristoteles philosophiæ O-
ceanus 24

Aristoteles Chamæleon

Grāmatico appellat⁹ 205
Aristotelis philosophia hinc
inde collecta non etiam
judicata neq; recognita
24, 47, 128, 155, 189

Aristotelis philosophia non
ex uno aut altero loco,
sed ex omnibus eadē de-
re comparatis locis æsti-
manda, 24, 46 (83.

Aristotelis sphaera ænea 5,

Aristotelis ambitio cum A-
lexandri discipuli ambi-
tione comparata 17

Aristoteles de industria in
præceptis doctrinæ suæ
res falsas veris miscet, ut
copia sit argutadi & refel-
lendi, elenchis paginas
explendi. 125, 126, 133,
181, 182.

Aristoteli plus satis à Chri-
stianis attributum 86,
173, 174

Aristoteles adversus Anaxa-
goram de lineis indivi-
duis librū conscripsit 91

Aristoteles à suis ut Plato-
nis calumniator accusa-
tus 95

Ars duplex 56

Artis & naturæ similitudo
64, 65

Artium faciendarum leges
sine ulla exceptione ser-
vandæ 71

Artificem nō deliberare, nō
rectē dictum 66 (53, 62

Astrologia an Physicæ paræ

INDEX IN

C

Cælum utrúm infinité pa-
ti, an infinité agere pos-
sit 205, 206

Casus & fortuna 58, 60

Casus & fortuna sunt in ef-
ficientibus rebus 60

Casus & fortunæ differen-
tia reprehensa ibid.

Casus in rebus naturalibus
inest ibid.

Casus in rebus naturalibus
non inest 63

Casus an locum habeat in
rebus naturalibus, dispu-
tatum in utramque par-
tem 63, 64, 65, 66, 67

Causarum genera & mo-
di secundo libro acroa-
seos differuntur 48

Causarum genera á 48. us-

que ad 57

Causarum modi á 57. us-

que ad 70

Causarum modi bis deni 58

Christiani ab Aristotelis
contumeliosé appellati

166

Cicutam Socraticam Ari-
stoteles metuere visus

210

Comparabilia quæ 162

Contiguum quid 135

Continuum.

Continuum quid 135

Continuitatis ratio posita
in unitate potius, quàm
in multitudine 142

Continuum potentiâ divi-
dum, attamen actu in-
dividuum 191, 192

Continuum ex individuis
constare non posse in u-
tramque partem dispu-
tatum 143, 144, 145,
146

Continua sunt, quorum ex-
trema sunt unum 143

Contrarium.

Contraria se mutuó gene-
rant 26

Contraria se mutuó inter-
munt 40, 41

Contrarium á cōtrario pa-
ti nō posse, falsó dictum
32

é Cōtrario gigni, quicquid
gignitur, falsum 26

in Contrariū interire, quic-
quid interit, falsum ib.

Cōtraria prima ex alio non
fieri, falsum 25

ex Cōtrariis primis omnia
fieri, falsum ibid.

Contrarietatem in essentia
non esse, falsum 28, 29,
130

Conversio motus.

Conversionis continui-
tas falsis & incōsequen-
tibus argumētis proba-
ta 201, 202, 203

Conversionis cōtinuitas a-
lienis veterum physico-
rum testimoniis confir-
mata 202, 203

Conver-

SCHOLAS PHYSICAS.

Conversionis æquabilitas
disputata 203

Copernicus astrologus 123

D

Damascenus 105

Deinceps quid 135

Deinceps posita inter quæ
nihil generis ejusdem est
interjectum 142

Democritus 25, 164, 170,
176, 203

Densitas & raritas princi-
pes physicor corporis qua-
litates 196, 197

Dialecticæ inventor 173

Diogenes 18

Dividua esse omnia 153

E

Efficiens caussa in principiis
recensendis ab Aristote-
le præterita 46

Efficiens, forma, finis, falsò
idem esse dicuntur 61

Elementa in principiis ad-
numerata 18, 19

Elementa vim duntaxat pa-
tiendi inesse, nullam a-
gendi, falsum 184, 185

Elementa non moveri à se,
falsum 183, 184, 185

Empedocles 18, 164, 175,
203

Entelechiæ nominis inter-
pretatio ex Philopono 79

Entelechia nomen ab Ari-
stotele novatum 75

Entelechia nomen, ab au-
thore suo nimis adama-
sum ibidem

ex Ente actu nihil fieri fal-
sum 38

Entis divisio inconstans 8,
31, 48, 74, 75, 129

Ens per se & per accidens
36, 37

Ens actu & potentia 37,
38

Esse in, novem modis dici
104

Eutocius 187

F

Finitū infinito melius 124

Finitum non movet infini-
to tempore 205

Finiti potentia non est in-
finita ibidem

Finis sine deliberatione esse
potest 60

Finis sine deliberatione ef-
se non potest 68

Finis à forma semper di-
versus 55, 61

Finis duplex 56

Forma res quædam divina
& expetenda 40

Forma an magis natura
quàm materia 51

Formæ ex nihilo creatæ 43,
44

Fortunæ definitio 59

Fortunæ epitheta ibidem
de Fortuna opiniones tres
58

G

Generatio & corruptio nō
recte ex motuum gene-
ribus exemptæ 127, 128,
129, 130

INDEX IN

Generari nihil ex nihilo, nō omnino verūm	43	fellitur	141, 142, 143, 144, 146
Geometra infinitam lineā, nō aliter postulat, quā quanta satis sit	97	<i>Infinitum.</i>	
Gnomonib. circumpositis circa unam & separatam speciem aliās diversa spe- cies, aliās eadē oritur	87	Infiniti doctrina non est physica	74
Gravitatē & levitatem defi- nire difficile	186	Infiniti quæstio variē variis locis ab Aristotele dis- putata	86, 87
Gravitatem & levitatē sub momento tāquam spe- cies sub genere contine- ri	187	Infiniti ratio disceptata lb. & toto deinceps libro	
H		Infinitum physicum Aristo- teles a se tractari profite- tur	88, 91
Heraclitus Ephesus	18	Infinitum mathematicum pro physico sumit Ari- stoteles	91
Hesiodus	18, 102	Infinitum esse quinque ar- gumentis probatum	88
Hippasus Metapontinus	18	quæ refutantur	97
Hippocratis Chii tetrago- nifinus	7	Infiniti potentia non potest esse finita	206
Horologia omnia sunt tē- poris mensuræ	119	Infiniti significatio quintu- plex	88
I		Infinitum duplex, extremis & divisione	152
Ideę Socratis & Platonis ab Aristotele tum accusatæ, tum defensæ	54	Infinitū duplex actu & po- tentia	88
Idem tripliciter dictū spe- cie, genere, numero	137	Infinitum actu in rerū na- tura nullum esse demō- stratum	89
Impartibile nō moveri per se	158	Infinitum potentia cōpro- batum	91
Inanimata pati duntaxat posse, agere nihil posse, falsum	185, 186	Infinitum potentia defini- tur, & exemplis illustra- tur	92, 141
Inanimata non per se mo- veri	178, 179	Infinitum potentiā tū phy- sicum, tum mathemati- cum refellitur	92, 93, 94, 95
Individui nulla pars	143		
Infinitas divisionis in ma- gnitudine a Teritur & re-			

SCHOLAS PHYSICAS.

Infinitatum liber 141
 Infinita esse omnia 153
 in Infinitum abire, impos-
 sibile 169
 Infinitū in natura nihil esse
 quinquies in uno capite
 affirmatum 188, 189
 Infinitates omnes ab Ari-
 stotele tanto studio ex-
 ducatae, una ejusdē au-
 thoritate corruunt 191,
 192
 Joannes Grammaticus ad-
 versus aeternitatem mo-
 tus bellator fortis & e-
 gregius 163
 Joannes Grammaticus Sim-
 plicio praepositus 164,
 166
 L
 Latio quolibet alio motu,
 est tempore prior 196
 Latio quolibet alio motu
 non est tempore prior 198
 Latio recta, circularis, mi-
 xta 190
Reliquae de Latone & de in Motu.
 Leucippus 164, 203
 Levitatis & gravitatis defi-
 nitiones inventu diffici-
 les 186
 Levitatis & gravitatis com-
 mune genus esse momē-
 tū, Ptolemæus dixit 187
 Libertas philosophica com-
 mendata 78
 Linearum individuarū au-
 thores Democritus, A-

naxagoras, Zeno, Plato
 91
 Lineae individuae oppugna-
 tae ab Aristotele ibid.
Locus.
 Loci ratio differitur á 98,
 usque ad 112
 Loci doctrina non est phy-
 sica 74, 98
 Loci doctrinā physicā pro-
 priam esse male demon-
 stratur 99
 Loci doctrina difficilis ib.
 & 107
 Locum dicit Aristoteles nō
 fuisse tractatum á vete-
 ribus philosophis 100
 Loci authores, multos vete-
 res philosophos citat A-
 ristoteles ibid.
 Locus á Philipono Simpli-
 cioque pluribus explica-
 tus 106
 Locus an sit, argumentis
 quinque disputatum 100,
 101
 Locus non est corpus 102
 Locus non est elementum
 ibid.
 Locus non est causa ibid.
 Locus non est materia ne-
 que forma ibid. & 103,
 107
 Locus non est ens 103
 Locus nō est χώρα seu διά-
 σματα Aristoteli: sed reve-
 ra est χώρα & διάσματα
 102, 105, 106, 107, 108,
 109, 110, 111

I N D E X I N

Locus & spatium Aristote- li differunt 100	Materia à privatione diffe- rentia 39
Locus & spatium Aristoteli idem ibidem	Materia numero una , ra- tione duplex 32
Locus ante Aristotelē defi- nitus est spatium omni- bus locati partibus exæ- quatum 99	Materia formam , tāquam fœmina marem appetit 40
Locus est terminus Aristo- teli 102. quod refellitur 105, 107	Materiam in omni gene- ratione subjectam esse, malè demonstratum 31, 32
Loci definitio & ejus refu- tatio 108	Materia potentia tantum ens esse, falsum 38, 39
Locus immutabilis ibid.	Materiam quadam dunta- xat analogia cognosci posse, falsum 35, 36
Locum non crescere cre- scente corpore , falsum 110	Materiam veteribus philo- sophis vel solum, vel præ- cipuè cognitam & cele- bratam 17
Loci contrarietates 200	Materia quàm formæ fa- ciliior cognitio 36
Loci cōtinuitas an loci mo- tui cōtinuitatem affe- rat 150	Materiam physicam nullā esse talem, qualis ab Ari- stotele describatur 43, 46
Locus mundi nullus 45	Materia æternitas confir- mata 42. refutata ibid. & 43, 44, 45
Locus mundi aliquis 108 110	Mathematica in loco esse, malè negat Aristoteles, in eoq; sibi cōtradicit 101
M	Mathematicus dū abstra- hit non mentitur 54
Machètes à Philippo Rege ad eum ipsum appellat 71	Mathematicorum abstra- ctio nihil diversa ab ab- tractione reliquorū ar- tificum 54
Magnitudo an minima da- ri possit copiosè disputa- tum 92, 93, 94, 95, 141 142, 143, 144, 145, 146	Mathematicorum abstra- ctiōi
Magnitudinis minimæ af- fertores Anaxagoras, Democritus, Leucippus, Pythagoras, Plato 141	
Materia.	
Materia definitio 43	

SCHOLAS PHYSICAS

- Aioni adversatus Plato 125
 ibidem
Melissus & Parmenides.
 Melissi & Parmenidis de u-
 no principio explicata
 sententia ex Simplicio 6
 Melissi & Parmenidis accu-
 satio & contraria defen-
 sio 7, 8, 9, 10, 11, 12, 13,
 14, 15, 16, 17
 Melissam & Parmenidem
 accusans Aristoteles pro
 principii nomine abuti-
 tur nomine Entis & U-
 niversi 8
 Melissus & Parmenides the-
 ologi non phyfici vel A-
 ristotelis ipsius testimo-
 nio 14, 15
 Melissus & Parmenides u-
 nius principii nomine
 Deum intelligebant, ut
 Aristoteles ipse aliquan-
 do testatur 16
 Melissi & Parmenidis ab A-
 ristotele irrita sententia
 ab eodem comprobata
 & usurpata pro sua 15,
 16, 157
 Methodus á generalibus ad
 specialia laudata 3, 31,
 74
 Monstra naturæ peccata 65
 Mobilium & quiescentium
 partitio dodecaedra 180
 182, 195
 Mobile trifariam divisum,
 per accidēs, per partem,
 per se primum 125
 Mobile & Motivum utrū
 ante motum esse potue-
 rint 166, 167
 Mobile & Motivum utrū
 ante motum quiescere
 potuerint 167, 168
 Mobilis primum nihil esse
 154, 155
 Mobilis primi æternitas ex
 moventis primi æterni-
 tate imprudenter affir-
 mata 195
Motus.
 Motus rebus tantū phy-
 sicis malé attributus 49,
 76, 77, 80, 81, 84, 85
 Motus omnium rerū com-
 munis etiam in corpore-
 arum 190
 Motus omnes scientiæ & o-
 piniones utuntur 181
 Motus doctrina nō est phy-
 fica sed logica 73, 83,
 84, 85
 Motus doctrina quomodo
 in physicā irrepsit 73
 Motus & mutatio idē 129
 Motus & mutatio nō idem
 ibidem
 Motū definire difficile vi-
 sum Aristoteli 79, 82
 Motus definitio triplex 79
 Motus definitiones exami-
 natæ 79, 80, 81, 82, 83
 Motus genus sextuplex ab
 Aristotele repudiatum
 81, 82, 83
 Motum esse entelechiam

INDEX IN

- non recté dictum 79,
80, 81
- Motus principium est Entelechia 185
- Motus principium non est Entelechia sed dynamis sive potentia ibid.
- Motū tribus constare, mobili, movente, instrumēto 189
- Motū tribus constare, mobili, tempore, loco 200
- Motum tribus cōstare, moto, movente, tempore 205
- Motum quinq; rebus constare, movente, mobili, tēpore, termino á quo, termino ad quem 125, 189
- Motus est dupliciter divi-
duus, secundū partes
rei mobilis, & per partes
temporis 153
- Motus re ipsa unus & idem
in movēte & mobili, sed
ratione differens 83
- Motum magis nominari á
termino ad quem, falsó
affirmatum 126
- Motus qualitates adjunctæ
infinitas & æternitas 86
- Motus per se, per accidens,
per partem 182
- Motus per se & per accidēs
183
- Motus per se partitio 187
- Motus non per se partitio
ibid. & 188
- Motus per accidens, nō be-
no argumento rejectus
é phycis motibus 126
- Motus per accidens est æ-
ternus 189, 195
- Motus per accidens non est
æternus ibid.
- Motus divisio incōstans 32
- Motus divisio & ejus exa-
men 74, 75, 76, 77, 78
- Motus genera æqualia ge-
neribus Entis 74
- Motus genera nulla vera
76
- Motus genera quæ Aristot-
eles proposuit á Theo-
phraστο reprehensa 77
- Motus genera quæ vulgó
phyfica putantur, logica
esse, & é logicis & primis
Entis differentiis esse de-
ducta ibid.
- Motus species nihilo me-
liús, quám genus ipsum,
definitæ 85
- Motus in omni genere &
secundū & contra na-
turam 139
- Motus omnium generum
sensibiles esse 181
- Motus formis non recté
ademptus 160
- Motum in relatis esse non
posse, imprudenter affir-
matum 131, 132
- Motus & quietis oppositio
138, 139
- Motus nō solūm quieti, sed
etiā motui contrarius ib.
- Motuum

SCHOLAS PHYSICAS.

- Motuum oppositio 137, 138
 Motuum contrariorum divisio 137
 Motus velocioris & tardioris causa 115
 Motus primus est æquabilis vel solus, vel maximè 208
 Motus omnium primus falso dicitur esse latio 196, 197
 primus consequentia 197
 tempore 197 essentia ibid. & 198
 Motu omni substantia mutatur præterquam latio-
 ne 197
 Motuum sola latio continua 199
 neque omnis latio, sed circularis tantum, id
 est conversio ibid.
 Motus continuus præter conversionem 209
 Motus infinitas ex magnitudinis infinitate malè
 deducta 147, 148
 Motus utrum habuerit principium 154, 164, 165
 166, 167, 168, 169
 Motus utrum sit æternus considerare, non solius
 physicæ, sed etiam philosophiæ primæ 164
 Motus æternitas toto octavo libro disputata 163
 Motus æternitas quibus argumentis probetur 165
 Motus æterni argumentum à definitione motus, inane: imò thesis suæ pernici-
 ciosum 165
 Motus æterni argumentum à tempore, falsum 169, 171
 Motus esse æternum, si tempus sit æternum, falsum 169, 172
 de Motus ac mundi ortu curiosa quaestiuicula reprehensa 175
 Motus æternitas à contrariis argumentis pessimè vindicata 174, usque ad 180
 Motus finem nullum fore non bene probatum 172
 inter Movens & Motum nihil esse medium 160, 161
 non Motus à seipsis quomodo moveantur, ut projecta 207
 Motus ab alio primum Movens esse aliquid ab alio immobile 160
 Moventium genera tria 61, 62
 Movens seipsum ut magnitudine præditum sit, necesse esse, falsum 193
 Movens primum aliquid esse, nudo & simplici argumento demonstratum 188
 Movens primum immobile 160
 Movens immobile aliquid esse, non bene demonstratum 187, 188
 Movens primum non esse mo-

- bile ab alio *ibid.* & seq.
- Movens primum nō moveri à seipso, falsum 190, 191
- Movens primum æternum esse, verū illud quidem, sed argumento falso demonstratum 193, 194
- Movētis primi æternitas disputata 180, 181
- Movētis primi æternitas à vetere quodam physico demonstrata 193
- Movens primum unū duntaxat esse 194
- Movens primū utrūq; partem, utrūq; magnitudinem habeat 204, 209
- Movens primum sine labore 208
- Movētis primi sedes & domicilium 209
- quicquid Movetur ab alio moveri 160, 183, 184, 185, 186
- non quicquid Movetur ab alio moveri *ibid.*
- Mutabile quatuor modis mutari, quā rectē dictum 127, 128, 129
- Mutatio nulla infinita 158
- Mutatū est in termino ad quem 154
- Mutatū primo & per se est in individuo *ibidem*
- quicquid Mutatur pri^o jam mutatum esse 155
- id in quo primum Mutatū est dupliciter dici, in quo vel desit vel cœpit 154
- N
- Naturam esse, qui demonstrare conatur, ridiculus est 50
- Naturę significationes quatuor 48, 49, 50, 51
- Naturę illa significatio, quę vulgō pro definitione habetur, examinata 48, 49
- Naturę distributio in materiam & formam 55
- Necessitas an sit in reb. physicis, disputatum in utramque partem 67
- Necessitas à rebus physicis ad syllogismi conclusionem malè traducta 68, 69
- Nubes iridis guttis constat specularibus, individuis & invisibilibus 144
- Nubes iridis dividua est & visibilis *ibidem*
- Numer^o an possit dari maximus 92
- Nunc esse individuum, atque in eo nihil neq; moveri, neque quiescere 152
- Nunc semper esse medium temporis, initium futuri, finem præteriti, imprædenter assumptum 172
- O
- Optica Physicæ pars 53
- P
- Perfectū imperfecto prius esse natura & tempore, falso as-

I N D E X

ſc̃ affirmatum	202	Principia Democriti	25
Phantasia & opinio motus		Principia Platonis	30
ſunt Ariſtotelis	182	Principium unũ materiale	
Pherecydes	18	veteribus celebratum ex	
Phyſica res omnis finita eſt,		quo omnia raritate &	
& magnitudine & parvi-		denſitate faciebant	18
tate	21	Principium unum mobile	
Phyſici á mathematico dif-		refutatur	17
ferẽtia ponderata	52, 53,	Principiorum phyſicorum	
54, 55		contrarietas variẽ diſpu-	
Plato materiam vocat χῶ-		tata	25, 26, 27, 32
ρας	103	Principia non fieri ex aliis,	
Platonis de projectis opi-		falſum	25
nio	207	Principiorum phyſicorum	
Plato animæ principiũ mo-		numerus diſputatus	27, 28
tus attribuit	203	Principium phyſicum non	
Potentia an dicatur tantũ		unũ dumtaxat eſſe poſſe,	
in proximẽ futuris	168	nec duo, nec infinita	28
Principia qui tollit, contra		Principia phyſica tria, ma-	
eũ non eſt diſputandũ	6	teriam, formam, priva-	
Principia phyſica á variis va-		tionem	30, 31, 32
ria conſtituta	17, 18	Privatio principium	32
Principium Thaletis, Aqua		Privatio malefica	40, 41
ibid.		Privatio formæ contraria	
Principium Anaximenis &			33
Diogenis Aer	ibid.	Privationem eſſe quandam	
Principium Hippaſi Meta-		formam, inconfideratẽ	
pontini & Heracliti E-		dictum	51
phæſii Ignis	ibid.	Privatio ſomnium fabulo-	
in Principiis nemo terram		ſum	32
poſuit	ibid.	Privatio principium eſſe nõ	
in Principiis terram poſuit		potest	33, 34
Pherecydes	ibid.	Privationis nulluſuſus, neq;	
Heſiodus & vulgus	ibid.	in phyſica, neque in re-	
Principium Anaximandri,		rum natura	34
corpus igne denſius, aẽre		Privatio ſit nec ne, Ariſtote-	
rarius	ibid.	les ipſe dubitat	51
Principia Empedoclis ele-		Privationis ignoratio in ve-	
menta quatuor	ib		

INDEX.

- teribus philosophis ac-
cusata in primisque in
Platone 39
- Privatio Platoni cognita,
quanquam in principiis
non adnumerata 39, 40
- Prius consequentia, tempo-
re essentia 197
- Ptolemæi liber de momen-
tis 187
- Punctum est individuum
142, 143
- Punctum lineæ principium
144
- Puncta non sunt continua
143, 144
- Puncta non sunt contigua
144
- Puncta non sunt deinceps
posita 144, 145
- Pythagoræi infinitum non
physicum, sed mathema-
ticum cogitarunt 89, 90
- Q.**
- Quæstionarii 200
- Quies privatio motus 139
- Quietis non est generatio
140
- Quietes cōtrariæ, quæ sunt
in cōtrariis terminis 139
- Quies in loco contraria est
motui ab eodem loco
ibid.
- Quies in naturæ definitio-
ne malè posita 49
- Quiescere omnia qui di-
cit, is artium omnium fun-
damenta conyellit 181
- Q. Fabii ad Salinatorē falsa
responsio 37
- R.
- Rarum & densum primæ
Physici corporis differē-
tiæ 12, 197
- Ratiocinatio malè omni a-
mali tributa 179
- Rotundum*
- in Rotundo nihil esse pri-
mum, nihil medium, ni-
hil summum, temere
prolatum 202
- Rotundum est *πολυωνία*
Platoni & Ptolemæo, A-
ristoteli *ὀλιγωνία* ibid.
- Rotundum recto prius esse,
falsum ibid.
- S.
- Seorsum quid 134
- Sextus Empiricus 18
- Simonides 122
- Simplicius Geometriæ im-
peritus 7, 68, 91
- Simplicius magnum librū
scripsit adversus Aristot-
elis doctrinam de tem-
pore 119
- Simul quid 134
- Status & quietis infinitas
156
- T.
- Tangerere quid 134
- Tangentia seu cōtigia sunt
quorum extrema sunt si-
mul 142
- Tempus differitur à 117 us-
que ad 124
- Temporis doctrina in tres
partes

I N D E X.

- partes ab Aristotele dis-
tributa 117
- Tempus non esse proba-
tum 118
- Tempus non est motus cę-
li, nec sphæra cęlestis,
nec motus ullus Ibid.
- Tempus non est sine mo-
tu 119
- Tempus est numerus mo-
tus secūdum prius & po-
sterius Ibid.
- Tempus est numerus nu-
meratus, non numerans
Ibid.
- Tempus est numerus cu-
juslibet motus, sed potis-
simum cęlestis 124
- Tempus utrū sit futurū, si
nulla sit anima nume-
rans 121
- Tempus ab Aristotele non
non definiri, sed tempo-
ris mensuram, eamq; de
pluribus unam 119
- Temporis circumstantiæ
120, 121
- Tempus non dici velox aut
tardum 118, 120, 121
- Tempus dici multum, pau-
cum, longū, breve 120
- Tempus est minimum nu-
mero, ut rerum nume-
raturū omniū, non mi-
nimū magnitudine lb.
- Tempus est cōtinuum per
motum, motus per ma-
gnitudinem, magnitu-
do per se 118
- Tempus non magis conti-
nuū quā calor, quā
lux 119. quā quælibet
qualitas, quæ sit in re
quanta Ibid.
- Tempus est particeps prio-
ris & posterioris pmo-
tum: motus per magni-
tudinem & locum 121
- Tempus omnia delet 121
- Tempus omnia gignit lb.
- Temporis mēsuram æter-
na non subeunt 120
- Tempus hoc quod appella-
tur, imago tantū æter-
nitatis est Platoni 169
- Tempus æternum esse o-
mnes veteres philosophi
senserunt, præter unum
Platonem Ibid. & 170
- Tempus æternum esse non
omnes veteres philoso-
phi senserunt præter Pla-
tonem 170
- Temporis nihil esse pri-
mum 156
- Temporis infinitas ex ma-
gnitudinis infinitate ma-
le deriuata 152
- Temporis adverbia sex de-
finita 121
- Temporis, motus & ma-
gnitudinis cognatio
120, 121, 147, 157
- Terræ tanquā principii as-
sertor nemo 18
- Terrę assertores multi I-
bid. & 25
- Thales Milesius 18

INDEX

V.


Vacuum differitur III,
112, 113, 114, 115, 116, 117
Vacui doctrina physica di-
citur ab Aristotele non
satis prudenter III
Vacui auctores Democri-
tus, Leucippus, Pythago-
ræi & pleriq; alii 112
Vacui significationes duæ
113
Vacuum est locus corpore
privatus III
Vacuum esse disputatū ar-
gumentis quinque 112
Vacuum Aristoteli nullum
111, 112
Vacuum iisdē argumentis

refelli, quib. spatium lo-
cale sit improbatum 113
Vacuum Pythagoræum so-
phisticè refutatum 113,
114, 115
Vacuum dispersum oppu-
gnatum 116
Vacuum nō satis acutè re-
futatum ab Anaxagora
112
Unitatis numero circum-
stantiæ 136
Unius divisio inconstans
9, 10

Z.

Zeno 103, 104, 152, 158,
162, 179, 200, 201

FINIS.



Errata.

Pagina 1, versu θημ. βελοίμω. Pag. 19, & sin. μίγμα. P.
20, & nem, ὁμοιομέρτα. P. 22, & αὐτ. αὐτοκρατὶς P.
24, & mend. judices. P. 34, & tot. φάντασμα τε. P.
43, & ult. inspiretur. P. 47, & gor. imó veró. P. 53, &
sin. cxli instar. P. 70, & se. quot sunt. P. 84, & luc. dele
alterum atque. P. 89, & cies, lege interpretantur.
P. 109, & il. dele ex. Ibid. & sol. lege parallelus. P.
130, & sub, utrum. P. 135, & ult. falsa. P. 149, & ca,
physica P. 175, & 3. μίγμα. Si qua alia occurrerint,
quisvis facile emendabit.







INDEX IN

Generari nihil ex nihilo, nō
omnino verūm 43
Geometra infinitam lineā,
nō aliter postulat, quā
quanta satis sit 97
Gnomonib. circumpositis
circa unam & separatam
speciem aliās diversa spe-
cies, aliās eadē oritur 87
Gravitatē & levitatem defi-
nire difficile 186
Gravitatem & levitatē sub
momento tāquam spe-
cies sub genere contine-
ri 187
H
Heraclitus Ephesus 18
Hesiodus 18, 102
Hippasus Metapontinus 18
Hippocratis Chii tetrago-
nismus 7
Horologia omnia sunt tē-
poris mensuræ 119
I
Ideę Socratis & Platonis ab
Aristotele tum accusatæ,
tum defensæ 54
Idem tripliciter dictū spe-
cie, genere, numero 137
Impartibile nō moveri per
se 158
Inanimata pati duntaxat
posse, agere nihil posse,
falsūm 185, 186
Inanimata non per se mo-
veri 178, 179
Individui nulla pars 143
Infinitas divisionis in ma-
gnitudine a Teritur & re-

fellitur 141, 142, 143,
144, 146
Infinitum.
Infiniti doctrina non est
physica 74
Infiniti quæstio variē variis
locis ab Aristotele dis-
putata 86, 87
Infiniti ratio disceptata Ib.
& toto deinceps libro
Infinitum physicum Aristo-
teles a se tractari profite-
tur 88, 91
Infinitum mathematicum
pro physico sumit Ari-
stoteles 91
Infinitum esse quinque ar-
gumentis probatum 88
quæ refutantur 97
Infiniti potentia non potest
esse finita 206
Infiniti significatio quintu-
plex 88
Infinitum duplex, extremis
& divisione 152
Infinitū duplex actu & po-
tentia 88
Infinitum actu in rerū na-
tura nullum esse demō-
stratum 89
Infinitum potentia cōpro-
batum 91
Infinitum potentia defini-
tur, & exemplis illustra-
tur 92, 141
Infinitum potentiā tū phy-
sicum, tum mathemati-
cum refellitur 92, 93,
94, 95
Infi-

SCHOLAS PHYSICAS.

Infinitatum liber	141	naxagoras, Zeno, Plato
Infinita esse omnia	153	91
in Infinitum abire, impos-		Linear individua oppugna-
sibile	169	ta ab Aristotele ibid.
Infinitū in natura nihil esse		<i>Locus.</i>
quinquies in uno capite		Loci ratio differitur á 98,
affirnatum	188, 189	usque ad 112
Infinitates omnes ab Ari-		Loci doctrina non est phy-
stotele tanto studio ex-		sica 74, 98
dicatæ, una ejusdē au-		Loci doctrinā physicā pro-
thoritate corruunt	191,	priam esse malē demon-
192		stratur 99
Joannes Grammaticus ad-		Loci doctrina difficilis ib.
versus aternitatem mo-		& 107
tus bellator fortis & e-		Locum dicit Aristoteles nō
gregius	163	fuisse tractatum á vete-
Joannes Grāmaticus Sim-		ribus philosophis 100
plicio præpositus	164,	Loci authores, multos vete-
166		res philosophos citat A-
		ristoteles ibid.
L		Locus á Philipono Simpli-
Latio quolibet alio motu,		cioque pluribus explica-
est tempore prior	196	tus 106
Latio quolibet alio motu		Locus an sit, argumentis
non est tēpore prior	198	quinq; disputatum 100,
Latio recta, circularis, mi-		101
xta	190	Locus non est corpus 102
<i>Reliqua de Latrone & de in Motus.</i>		Locus non est elementum
Leucippus	164, 203	ibid.
Levitatē & gravitatē defi-		Locus non est causa ibid.
nitiones inventu diffici-		Locus non est materia ne-
les	186	que forma ibid. & 103,
Levitatē & gravitatē com-		107, 108
mune genus esse momē-		Locus non est ens 103
tū, Ptolemæus dixit	187	Locus nō est χώρα seu διά-
Libertas philosophica com-		σμμα Aristoteli: sed reve-
mendata	78	ra est χώρα & διάσμμα
Linearum individuarū au-		102, 105, 106, 107, 108,
thores Democritus, A-		109, 110, 111

I N D E X I N

Locus & spatium Aristote- li differunt 100	Materia à privatione diffe- rentia 39
Locus & spatium Aristoteli idem ibidem	Materia numero una, ra- tione duplex 32
Locus ante Aristotele defi- nitus est spatium omni- bus locati partibus ex- quatum 99	Materia formam, tãquam fœmina marem appetit 40
Locus est terminus Aristò- teli 102. quod refellitur 105, 107	Materiam in omni gene- ratione subjectam esse, malè demonstratum 31, 32
Loci definitio & ejus refu- tatio 108	Materia potentia tantum ens esse, falsum 38, 39
Locus immutabilis ibid.	Materiam quadam dunta- xat analogia cognosci posse, falsum 35, 36
Locum non crescere cre- scente corpore, falsum 110	Materiam veteribus philo- sophis vel solum, vel præ- cipue cognitam & cele- bratam 17
Loci contrarietates 200	Materia quam formæ fa- ciliior cognitio 36
Loci cõtinuitas an loci mo- tui cõtinuitatem affe- rat 150	Materiam physicam nullam esse talem, qualis ab Ari- stotele describatur 43, 46
Locus mundi nullus 45	Materia æternitas confir- mata 42. refutata ibid. & 43, 44, 45
Locus mundi aliquis 108 110	Mathematica in loco esse, malè negat Aristoteles, in eoq; sibi cõtradicit 101
M	Mathematicus dū abstra- hit non mentitur 54
Machetes à Philippo Rege ad eum ipsum appellat 71	Mathematicorum abstra- ctio nihil diversa ab abs- tractione reliquorū ar- tificum 54
Magnitudo an minima da- ri possit copiose disputa- tum 92, 93, 94, 95, 141 142, 143, 144, 145, 146	Mathematicorum abstra- ctioni
Magnitudinis minimæ as- sertores Anaxagoras, Democritus, Leucippus, Pythagoras, Plato 141	
Materia.	
Materia definitio 43	

SCHOLAS PHYSICAS

- Aetioni adversatus Plato
 ibidem
Melissus & Parmenides.
 Melissi & Parmenidis de uno principio explicata sententia ex Simplicio 6
 Melissi & Parmenidis accusatio & contraria defensio 7, 8, 9, 10, 11, 12, 13, 14, 15, 16, 17
 Melissum & Parmenidem accusans Aristoteles pro principii nomine abutitur nomine Entis & Universi 8
 Melissus & Parmenides theologi non phyci vel Aristotelis ipsius testimonio 14, 15
 Melissus & Parmenides unius principii nomine Deum intelligebant, ut Aristoteles ipse aliquando testatur 16
 Melissi & Parmenidis ab Aristotele irrita sententia ab eodem comprobata & usurpata pro sua 15, 16, 157
 Methodus a generalibus ad specialia laudata 3, 31, 74
 Monstra naturæ peccata 65
 Mobilium & quiescentium partitio dodecaedra 180
 182, 195
 Mobile trifariam divisum, per accidens, per partem, per se primum 125
 Mobile & Motivum utrum ante motum esse potuerint 166, 167
 Mobile & Motivum utrum ante motum quiescere potuerint 167, 168
 Mobilis primum nihil esse 154, 155
 Mobilis primi æternitas ex inoventis primi æternitate imprudenter affirmata 195
Motus.
 Motus rebus tantum phycis male attributus 49, 76, 77, 80, 81, 84, 85
 Motus omnium rerum communis etiam incorporearum 190
 Motus omnes scientiæ & opiniones utuntur 181
 Motus doctrina non est phycica sed logica 73, 83, 84, 85
 Motus doctrina quomodo in phycicam irrepsit 73
 Motus & mutatio idem 129
 Motus & mutatio non idem ibidem
 Motum definire difficile visum Aristoteli 79, 82
 Motus definitio triplex 79
 Motus definitiones examinatae 79, 80, 81, 82, 83
 Motus genus sextuplex ab Aristotele repudiatum 81, 82, 83
 Motum esse entelechiam

INDEX IN

- non recte dictum 79,
80, 81
- Motus principium est En-
telechia 185
- Motus principium non est
Entelechia sed dynamis
sive potentia ibid.
- Motum tribus constare, mo-
bili, movente, instrumē-
to 189
- Motum tribus constare, mo-
bili, tempore, loco 200
- Motum tribus constare, mo-
to, movente, tempore
205
- Motum quinque rebus con-
stare, movente, mobili,
tempore, termino a quo,
termino ad quem 125,
189
- Motus est dupliciter divi-
duus, secundum partes
rei mobilis, & per partes
temporis 153
- Motus re ipsa unus & idem
in movēte & mobili, sed
ratione differens 83
- Motum magis nominari a
termino ad quem, falso
affirmatum 126
- Motus qualitates adjunctæ
infinitas & æternitas 86
- Motus per se, per accidens,
per partem 182
- Motus per se & per accidēs
183
- Motus per se partitio 187
- Motus non per se partitio
ibid. & 188
- Motus per accidens, non bo-
no argumento rejectus
est physicis moribus 126
- Motus per accidens est æ-
ternus 189, 195
- Motus per accidens non est
æternus ibid.
- Motus divisio incōstans 32
- Motus divisio & ejus exa-
men 74, 75, 76, 77, 78
- Motus genera æqualia ge-
neribus Entis 74
- Motus genera nulla vera
76
- Motus genera quæ Aristotē-
les proposuit a Theophrasto reprehensa 77
- Motus genera quæ vulgō
physica putantur, logica
esse, & est logicis & primis
Entis differentiis esse de-
ducta ibid.
- Motus species nihilo me-
lius, quam genus ipsum,
definitur 85
- Motus in omni genere &
secundum & contra na-
turam 139
- Motus omnium generum
sensibiles esse 181
- Motus formis non recte
ademptus 160
- Motum in relatis esse non
posse, imprudenter affir-
matum 131, 132
- Motus & quietis oppositio
138, 139
- Motus non solum quieti, sed
etiam motui contrarius ib.
- Motuum

SCHOLAS PHYSICAS.

- Motuum oppositio 137, 138
 Motuum contrariorum divisio 137
 Motus velocioris & tardioris causæ 115
 Motus primus est æquabilis vel solus, vel maximè 208
 Motus omnium primus falsò dicitur esse latio 196, 197
 primus consequentia 197
 tempore 197
 essentia ibid. & 198
 Motu omni substantia mutatur præterquam latio-
 ne 197
 Motuum sola latio cõtinua 199
 neque omnis latio, sed circularis tantum, id
 est conversio ibid.
 Motus continuus præter cõ-
 versionem 209
 Motus infinitas ex magni-
 tudinis infinitate malè
 deducta 147, 148
 Motus utrũ habuerit prin-
 cipium 154, 164, 165
 166, 167, 168, 169
 Motus utrũ sit æternus
 considerare, non solius
 physicæ, sed etiam philo-
 sophiæ primæ 164
 Motus æternitas toto octa-
 vo libro disputata 163
 Motus æternitas quibus ar-
 gumentis probetur 165
 Motus æterni argumentũ
 à definitione motus, ina-
 ne: imò thesi suæ perni-
 ciosum 165
 Motus æterni argumētum
 à tempore, falsum 169,
 171
 Motum esse æternum, si tẽ-
 pus sit æternum, falsum
 169, 172
 de Motu ac mũdi ortu cu-
 riosa quæstiuncula re-
 prehensã 175
 Motus æternitas à contra-
 riis argumentis pessimè
 vindicata 174, usque ad
 180
 Motus finem nullum fore
 nõ bene probatum 172
 inter Movens & Motum
 nihil esse medium 160,
 161
 non Mota à seipsis quomo-
 do moveantur, ut proje-
 cta 207
 Motus ab alio primũ Mo-
 vens esse aliquid ab alio
 immobile 160
 Moventium genera tria 61,
 62
 Movens seipsum ut magni-
 tudine prædictum sit, ne-
 cesse esse, falsum 193
 Movens primũ aliquid esse,
 nudo & simplici argu-
 mento demonstratũ 188
 Movens primum immobi-
 le 160
 Movens immobile aliquid
 esse, non bene demon-
 stratum 187, 188
 Movens primũ nõ esse mo-

INDEX IN

- bile ab alio ibid. & seq.
 Movens primum nō mo-
 veri à seipso, falsum 190,
 191
 Movens primum æternum
 esse, verū illud quidem,
 sed argumento falso de-
 monstratum 193, 194
 Moventis primi æternitas
 disputata 180, 181
 Moventis primi æternitas à
 vetere quodam physico
 demonstrata 193
 Movens primum unū dun-
 taxat esse 194
 Movens primū utrūq; par-
 tem, utrūq; magnitudi-
 nem habeat 204, 209
 Movens primum sine la-
 bore 208
 Movētis primi sedes & do-
 micilium 209
 quicquid Movetur ab alio
 moveri 160, 183, 184,
 185, 186
 non quicquid Movetur ab
 alio moveri ibid.
 Mutabile quatuor modis
 mutari, quā rectē di-
 ctum 127, 128, 129
 Mutatio nulla infinita 158
 Mutatū est in termino ad
 quem 154
 Mutatum primo & per se
 est in individuo ibidem
 quicquid Mutatur pri^o jam
 mutatum esse 155
 id in quo primum Mutatū
 est dupliciter dici, in quo
 vel desit vel cœpit 154
 N
 Naturam esse, qui demon-
 strare conatur, ridiculus
 est 50
 Naturę significationes qua-
 tuor 48, 49, 50, 51
 Naturę illa significatio, quę
 vulgō pro definitione ha-
 betur, examinata 48,
 49
 Naturę distributio in ma-
 teriam & formam 55
 Necessitas an sit in reb. phy-
 sics, disputatum in u-
 tramque partem 67
 Necessitas à rebus physicis
 ad syllogismi conclusio-
 nem malē traducta 68,
 69
 Nubes iridis guttis constat
 specularibus, individuis
 & invisibilibus 144
 Nubes iridis dividua est &
 visibilis ibidem
 Numer^o an possit dari ma-
 ximus 92
 Nunc esse individuum, at-
 que in eo nihil neq; mo-
 veri, neque quiescere 152
 Nunc semper esse medium
 temporis, initium futu-
 ri, finem præteriti, improp-
 riter assumptum 172
 O
 Optica Physicę pars 53
 P
 Perfectū imperfecto prius
 esse natura & tempore, fal-
 so af-

I N D E X

ſo affirmatum	202	Principia Democriti	25
Phantasia & opinio motus sunt Aristoteli	182	Principia Platonis	30
Pherecydes	18	Principium unū materiale veteribus celebratum ex quo omnia raritate & densitate faciebant	18
Phyſica res omnis finita eſt, & magnitudine & parvi- tate	21	Principium unum mobile refutatur	17
Phyſici á mathematico dif- ferētia ponderata	52, 53, 54, 55	Principiorum phyſicorum contrarietas varié diſpu- tata	25, 26, 27, 32
Plato materiam vocat <i>χῶ- ρον</i>	103	Principia non fieri ex aliis, falſum	25
Platonis de projectis opi- nio	207	Principiorum phyſicorum numerus diſputatus	27, 28
Plato animæ principiū mo- tus attribuit	203	Principium phyſicum non unū dumtaxat eſſe poſſe, nec duo, nec infinita	28
Potentia an dicatur tantū in proximē futuris	168	Principia phyſica tria, ma- teriam, formam, priva- tionem	30, 31, 32
Principia qui tollit, contra eū non eſt diſputandū	6	Privatio principium	32
Principia phyſica á variis va- ria conſtituta	17, 18	Privatio malefica	40, 41
Principium Thaletis, Aqua ibid.		Privatio formæ contraria	33
Principium Anaximenes & Diogenis Aër	ibid.	Privationem eſſe <u>quandam</u> formam, inconfideratē dictum	51
Principium Hippaſi Meta- pontini & Heracliti E- phreſii Ignis	ibid.	Privatio ſomnium fabulo- ſum	32
in Principiis nemo terram poſuit	ibid.	Privatio principium eſſe nō poſeſt	33, 34
in Principiis terram poſuit Pherecydes	ibid.	Privationis nulluſuſuſ, neq; in phyſica, neque in re- rum natura	34
Hefiſtus & vulgus	ibid.	Privatio ſit nec ne, Ariſtote- les ipſe dubitat	51
Principium Anaximandri, corpuſ igne denſiuſ, aëre rariuſ	ibid.	Privationis ignoratio in ve-	
Principia Empedocliſ ele- menta quatuor	ibid.		

INDEX.

- teribus philosophis ac-
cusata in primisque in
Platone 39
Privatio Platoni cognita,
quanquam in principiis
non adnumerata 39, 40
Prius consequentia, tempo-
re essentia 197
Ptolemæi liber de momen-
tis 187
Punctum est individuum
142, 143
Punctum lineæ principium
144
Puncta non sunt continua
143, 144
Puncta non sunt contigua
144
Puncta non sunt deinceps
posita 144, 145
Pythagoræi infinitum non
phylicum, sed mathema-
ticum cogitarunt 89, 90
- Q.
Quæstionarii 200
Quies privatio motus 139
Quietis non est generatio
140
Quietes cōtrarix, quæ sunt
in cōtrariis terminis 139
Quies in loco contraria est
motui ab eodem loco
ibid.
Quies in naturæ definitio-
ne malè posita 49
Quiescere omnia qui di-
cit, is artium omnium fun-
damenta convellit 181
- Q. Fabii ad Salinatorē falsa
responsio 37
R.
Rarum & densum primæ
Physici corporis differē-
tiæ 12, 197
Ratiocinatio malè omni a-
mali tributa 179
Rotundum
in Rotundo nihil esse pri-
mum, nihil medium, ni-
hil summum, temere
prolatum 202
Rotundum est *πολυγωνία*
Platoni & Ptolemæo, A-
ristoteli *ὀλιγωνία* ibid.
Rotundum recto prius esse,
falsum ibid.
S.
Seorsum quid 134
Sextus Empiricus 18
Simonides 122
Simplicius Geometriæ im-
peritus 7, 68, 91
Simplicius magnum librū
scripsit adversus Aristot-
elis doctrinam de tem-
pore 119
Simulquid 134
Status & quietis infinitas
156
T.
Tangerere quid 134
Tangentia seu cōtigētia sunt
quorum extrema sunt si-
mul 142
Tempus differitur à 117 us-
que ad 124
Temporis doctrina in tres
partes

I N D E X.

- partes ab Aristotele distributa 117
- Tempus non esse probatum 118
- Tempus non est motus cęli, nec sphęra cęlestis, nec motus ullus Ibid.
- Tempus non est sine motu 119
- Tempus est numerus motus secūdum prius & posterius Ibid.
- Tempus est numerus numeratus, non numerans Ibid.
- Tempus est numerus cuiuslibet motus, sed potissimū cęlestis 124
- Tempus utrū sit futurū, si nulla sit anima numerans 121
- Tempus ab Aristotele non non definiri, sed temporis mensuram, eamq; de pluribus unam 119
- Temporis circumstantię 120, 121
- Tempus non dici velox aut tardum 118, 120, 121
- Tempus dici multum, paucum, longū, breve 120
- Tempus est minimum numero, ut rerum numeraturū omniū, non minimum magnitudine lb.
- Tempus est cōtinuum per motum, motus per magnitudinem, magnitudo per se 118
- Tempus non magis continuū quā calor, quā lux 119. quā quęlibet qualitas, quę sit in re quanta Ibid.
- Tempus est particeps prioris & posterioris p motum: motus per magnitudinem & locum 121
- Tempus omnia delet 121
- Tempus omnia gignit lb.
- Temporis męsuram æterna non subeunt 120
- Tempus hoc quod appellatur, imago tantū æternitatis est Platoni 169
- Tempus æternum esse omnes veteres philosophi senserunt, præter unum Platonem Ibid. & 170
- Tempus æternum esse non omnes veteres philosophi senserunt præter Platonem 170
- Temporis nihil esse primum 156
- Temporis infinitas ex magnitudinis infinitate male deriuata 152
- Temporis adverbia sex definita 121
- Temporis, motus & magnitudinis cognatio 120, 121, 147, 157
- Terrę tanquā principii assertor nemo 18
- Terrę assertores multi Ibid. & 25
- Thales Milesius 18

INDEX

- V.
 Vacuum differitur 111,
 112, 113, 114, 115, 116, 117
 Vacui doctrina physica di-
 citur ab Aristotele non
 satis prudenter 111
 Vacui auctores Democri-
 tus, Leucippus, Pythago-
 rei & pleriq; alii 112
 Vacui significationes duæ
 113
 Vacuum est locus corpore
 privatus 111
 Vacuum esse disputatū ar-
 gumentis quinque 112
 Vacuum Aristoteli nullum
 111, 112
 Vacuum iisdē argumentis
 refelli, quib. spatium lo-
 cale sit improbatum 113
 Vacuum Pythagorēum so-
 phisticē refutatum 113,
 114, 115
 Vacuum dispersum oppu-
 gnatum 116
 Vacuum nō satis acutē re-
 futatum ab Anaxagora
 112
 Unitatis numero circum-
 stantiæ 136
 Unius divisio inconstans
 9, 10
 Z.
 Zeno 103, 104, 152, 158,
 162, 179, 200, 201

FINIS.



Errata.

Pagina 1, versu θημ. βυλοίμω. Pag. 19, & fin. μίγμα. P.
20, & nem. ὁμοιομέρεια. P. 22, & aut. αὐτοκρατὶς P.
24, & mend. iudices. P. 34, & tot. φάντασμα τε. P.
43, & ult. inspiretur. P. 47, & gor. imó veró. P. 53, &
fin. cxli instar. P. 70, & re. quot sunt. P. 84, & luc. dele
alterum atque. P. 89, & cies, lege interpretantur.
P. 109, & il. dele ex. Ibid. & sol. lege parallelus. P.
130, & sub. utrūm. P. 135, & ult. falsa. P. 149, & ca,
physica P. 175, & 3. μίγμα. Si qua alia occurrerint,
quisvis faciliē emendabit.







